

BIBLIOTECA NAZ.

Vittorio Emanuele III


XLVI

D

30

NAPOLI





DE
INITIO IMPERII
SEVERI ALEXANDRI
AUG.
DISSERTATIO.



FLORENTIAE. MDCCXV.

• TYPIS REGIAE CÆLSITUDINIS.
Apud Jacobum de Guiduccis, & Sanctem Franchi

Superiorum Permissu.



HISTORICAL SOCIETY
OF THE CITY OF NEW YORK
AND
OF THE STATE OF NEW YORK
OF THE CITY AND STATE OF NEW YORK



NEW YORK: PUBLISHED BY
THE HISTORICAL SOCIETY OF THE CITY AND STATE OF NEW YORK
AT THE OFFICE OF THE SOCIETY, 100 NASSAU ST. N.Y.
1884

REGIAE CELSITUDINI
JO GASTONIS
MAGNI ETRURIAE PRINCIPIS.



Ihi, de Severo Alexandro Optimo Principe acturo, Tu unus, cui haec consecrarem, PRINCIPUM OPTIME,

occurristi , quum egregias quasque , præstantesque animi dotes , quibus ille totius sibi orbis Romani amorem , ac benevolentiam conciliaverat , in Te , praeclarissimaeque tua indole mirifice expressas contemplarer . Etenim siue liberales , politioresque disciplinas , quibus adprime es instructus , assiduamque librorum lectionem , qua curas graviores diffindis , siue spectatam illam animi tui moderationem , qua luxum , fastumque omnem abhorres , siue mores denique tuos ad severioris Philosophiae normam exactos intuear , vividissimam , pulcherrimamque ejusce Principis imaginem videre , mihi videor . Imo-

- 11)

2. 7.

ve-

verò quum singularem tuam pietatem, insignemque in Deum Optimum Maximum religionem spectro, excellentiorem profecto te ex animo spirare virtutem cerno, ac non impensissimum modo studium, quo ethnicus ille Imperator Deos suos prosequeretur, te in veri Numinis cultu exaequare, sed longe etiam superare, animadverto. Mitto incredibilem illam, qua adeuntes quosque complecteris, eosdemque tibi mirum in modum devincis, humanitatem, eximiam ac vere regalem erga omnes beneficentiam, amorem literarum, literatorumque patrocinium, quibus virtutibus vel Severus ipse Alexander maxime incla-

claruit . Excipe itaque , REGIA
CELSITUDO ; hoc , tenue licet , at-
que humile , summi erga Te mei
obsequii monumentum , meque ,
studiaque mea , ut facis , fovere
perge .

REGIAE CELSITUDINI TUAE

Obsequentissimus Addictissimusque .
D. Virginius Valsechius Monachus Calinensis .

INDEX CAPITUM.

PRAEFATIO.

Dissertationis occasio, & argumentum.

CAPUT I.

Vulgata Dionis lectio, qua mors Elagabali, & inauguratio Alexandri statuitur mense Martio anni Ch. 222. Eiusdem lectionis restitutio a Cl. Vignolio excogitata, qua eae in mensem Julium rejiciuntur. Septem argumenta pro vulgata Dionis lectione tuenda: quorum duo hoc capite afferuntur. Primam petitur ex Senatus acclamationibus, quibus Alexandro Antonini, & Magni nomina oblata. Refellitur Cl. Vignolii opinio de tempore, quo eadem acclamationes habitae. Secundum argumentum erutum ex novem legibus Alexandri anno primo ejus imperii editis, quae datae omnes ante mensem Julium.

CAPUT II.

Argumentum ex Canone Paschali S. Hippolyti, in quo Idibus Aprilis anni Ch. 222. Sev. Alexander jam fuit.

I N D E X

Imperator exhibetur. Ingeniosa Cl. Vignolii ad idem argumentum responso. Quatuor hypothesis eadem responso inuititur, quarum singulae expenduntur, & refutantur. Alter Canon Paschalis Hippolytico planus similis D. Cypriano adscriptus.

CAPUT III.

Argumentum ex tempore necis Alexandri, & initio Maximini. Germanica Maximini Victoria relata aestate anni Ch. 235., non vero, ut sentit Cl. Vignolius, aestate anni 236. Hiems, quam Sirmii post eandem victoriam Maximinus egit, fuit, quae subsequuta aestatem anni 235. Ex quibusdam Inscriptionibus colligitur, Maximinum praeter Germanicum bellum, Sarmaticum quoque & Dacicum confecisse. Exstant nummi ejusdem Maximini cum titulo Germanici, quiculi videntur ante annum 236. Nummi Maximini cum Tr. P. II. sine titulo Germanici non probant, cum Victoriam Germanicam non retulisse nisi post eandem Tr. Pot. II. initam.

CAPUT IV.

Argumentum ex tempore, quo Afri, ac dein totus orbis Romanus a Maximino rebellavit. Pagii opinio de Afrorum defectionis tempore. Gordianus ab Afris Imperator renunciatus confirmatur Romae a Senatu die xxvii. Maji an. Ch. 237. Biennium tum regnaverat Maximinus. Aliquae Maximini Inscriptiones cum TR. POT. III. Sponii in ejusdem Maximini Inscriptiones Fori Segusianorum repertas observatio.
Gor-

CAPITUM.

Gordiano non multo post fato functo, Romae die 1x. Julii ejusdem anni 237. Maximus, & Balbinus a Senatu eliguntur.

CAPUT V.

Argumentum ex tempore necis Maximini, necnon Maximi & Balbini. Tempus imperii Maximini. Quoto tempore post mortem Maximini Maximus & Balbinus regnaverint. Maximus & Balbinus Romae occisi, dum ludî Capitolini celebrabantur. Variæ opiniones de tempore ludorum Capitolinorum. Petavii argumentum ex insigni loco Censorini desumptum, quo ludî Capitolini ante exitum mensis Augusti editi ostenduntur. Censorinus librum suum scribebat ante diem xxix Augusti, quum in cursu adhuc erat annus Augustorum Aegyptius 267. Pagii opinio de tempore, quo idem Censorinus librum suum scribebat. Aliquæ Censorini editiones annum, quo is librum suum scribebat, habent fuisse Augustorum Aegyptium 268., sed hæc vitiosiores.

CAPUT VI.

Postremum argumentum ex initio, ac fine Gordiani Pii, & Philippi ejus successoris. Gordiani initium circa medium mensem Junium anni Ch. 238. statuendum, non vero circa medium mensem Octobrem. XXXII. leges Gordiani datae ante Idus Octobres ejusdem anni 238. Quamvis aliquæ legum subscriptiones mendosæ, non idcirco mendosæ omnes habendæ. Tillemontii conjectura de iisdem Gordiani legum subscriptionibus. Tempus imperii Gordiani. Initium Philippi circa medium mensem Junium anni Ch. 244. pariter statuendum,

I N D E X

dum, non vero circa medium mensem Octobrem. XII. leges Philippi datae ante Id. Octobres ejusdem anni. Nummo Herennii Etrusci ab Anazarbensibus cuso Philippi interitus, & initium Decii saltem ante Cal. Octobres anni Cb. 249. consignandum demonstratur.

CAPUT VII.

Cl. Vignoli argumentum ex Lampridio de tempore necis Alexandri desumptum. Lampridii narratio narrationi, quam habet Herodianus, prorsus contraria. Meridiationes veteribus quovis anni tempore frequentatae. Alterum V. Cl. argumentum ex Herodiano depromptum. Aliquae ornatorum Historicorum lectiones non nimis urgendae. Tam Herodiani, quam Lampridii narratio, de modo, quo Alexandri nec contigit, inverisimilis.

CAPUT VIII.

Alia tria Cl. Vignoli argumenta ex tempore necis Maximini petita. Ex Herodiano colligi nequit, Maximinum occisum fuisse aestatis tempore. Aquilejensis obsidio quo tempore a Maximino coepta: ac qua ratione dicta ab Herodiano diuturna, & inexplicabilis. Fluvius a Maximino ante Aquilejae obsidionem transmissus Sontium: quamvis a Lampridio confusus som Natisone. Etiam ante ejus fluvii trajectionem Aquileja diu a copiis Maximini oppugnata.

CAPITUM

CAPUT IX.

Cl. Vignolii argumentum ex nummo Anniae Faustinae tertiae Elagabali uxoris, & ludis Olympicis in eodem nummo expressis desumptum. Idem argumentum non satis consentit cum ejusdem V. C. sententia de tempore necis Elagabali. Ludi Olympici, qui Elide committebantur, aestate quidem celebrati, non vero qui in aliis Graeciae, aut Asiae urbibus. In nummis ludis simul juncti occurrunt, qui tamen diversis temporibus fieri soliti. Ex pluribus urnis, quibus ludi in nummis repraesentatur, colligi nequit diversis temporibus eodem ludos fuisse celebratos. Philippi Bonarotae de his pluribus urnis sententia. Certamina Olympia in nummis modo cum Aethiis, modo cum Pyriis copulantur, atque his modo anteponuntur, modo postponuntur. Ejusdem Philippi Bonarotae de variis illis ludorum appellationibus opinio. Olympia Antiochiae edita mense Hyperborea, seu Octobri.

CAPUT X.

Parergon de nummo Anniae Faustinae R. P. Chamillardii. Singularis R. P. Harduini de Annia Faustina opinio. Nummus P. Chamillardii adulterinus. Afferuntur, ac refutantur argumenta quibus P. Harduinus nummum vindicat. Nummus, ex quo desumptum caput Anniae Faustinae nummi P. Ch., non fuit max. moduli, sed primi moduli ad formam max. moduli reductus. In nummo P. Ch., quoniam primum conflatus fuit, erant litterae CEB., sed duae postremae ab artifice

I N D E X

fice stylo postea abrasae fuerunt. Duo alii nummi una cum nummo P. Ch. conflati. Nummus Antonini Pii, cujus aversa pars simillima est aersae parti nummi P. Ch., exstat in museo Mediceo. Nummus P. Ch. fusus est, non cusus. Ars modulos plumbeos primi moduli ad formam nummi maximi moduli redigendi, & ex duobus modulis plumbeis unum quempiam nummum conficiendi. Literae in nummo P. Ch. inscriptae ferreis instrumentis, quae Italice Ceselli, insculptae. Testimonia de rerum narratarum veritate.

CAPUT XI.

Cl. Vignolii argumentum ex Inscriptione statuae ab Elagabalo Serapidi dedicatae. Eadem statua ab Elagabalo fieri iussa, ac Alexandri tempore solenni ritu dedicata. Statuae, signa, ac quaecumque Inscriptiones non statim ac perfectae erant, a Sacerdotibus dedicabantur. In ea Inscriptione aliquid Sculptoris incuria, aut imperitia omisum. Viri eruditi de eadem Inscriptione sententia.

CAPUT XII.

Cl. Vignolii argumentum ex nummis Elagabali TR. P. V. inscriptis. Pagii de his nummis coniectura refutatur. Refelluntur rationes ab Illustris. Adriae Episcopo pro eadem Pagii coniectura tuenda allatae. Augusti, Julii Caesaris, & Justinii Jun. exempla a Cl. Praefule allata nullius momenti ostenduntur. Initium Justinii Jun., & Consulatus ejus tempora praeclare ab eodem Cl. Praefule illustrata. Per eandem Pagii & Cl. Praefulis coniecturam satis non fit nummis Anniae Faustinae & Aquiliae Severae anno v. imperii Elagabali inscriptis.

CA.

CAPITUM

CAPUT XIII.

Altera Pagii, & Cl. Praesulis conjectura pro nummis Elagabali TR. P. V. inscriptis in Addendis proposita. Censent, Elagabalum acclamatum fuisse Imperatorem die XVI. Maji. Quae ab acclamatione Elagabali ad diem, qua pugnatum cum Macrino, gesta, recte fieri potuerunt intra diem XVI. Maji & diem VII. Junii. Scriptores Graeci, qui Elagabalo quatuor annos imperii tribuunt, hos non numerant ab ejus acclamatione, sed a morte Macrini. Nicephorus Callistus, qui Macrinum neque ad annum regnasse scribit, non favet eidem Cl. Praesulis conjecturae. Alio loco Nicephorus unum imperii tribuit Macrino. Per eandem Pr. Cl. conjecturam nullo modo explicari possant nummi Anniae Faustinae & Aquiliae Severae anno v. imperii Elagabali obsignati.

CAPUT XIV.

Nummi Anniae Faustinae L. E. inscripti probant Elagabalum quintum annum imperii iniisse, ac post eum initum duo alia matrimonia junxisse, & ad Aquiliam Severam redisse. Ratio annos Imperatorum in nummis signandi, Alexandrinis a Pagio & a Cl. Praesule adtributa, commentitia. Qua de causa Ptolemaeus in Regum Canone annos a Thoth vago numeraverit. Trajani & Antonini Pii initia a Thoth vago proxime eorum inaugurationem antecedente a Ptolemaeo in libris Mag. Constr. computata. Perperam a Ptolemaeo consignatur initium Hadriani: ejusque erroris causa de-

I N D E X

detegitur. Ratio annos Imperatorum in nummis signandi, quam Aegyptiis Pagius adscripserat, non uno in loco ab eodem Pagio postea abdixata. Repudiatis Imperatorum uxoribus cujos nummos fuisse, incredibile.

CAPUT XV.

Elagabalus Antoninum, Antonini Caracallae filium, Imp., Aug., & Tr. Pot. se inscripsit ante Senatus decretum. Hinc conjicitur, illam tempus sui imperii numerare potuisse a morte Antonini Caracallae. Idem a militibus electus Imp. tanquam filius Antonini Caracallae, ejusque imperii successor. Macrini memoriam inuisam reddidit, cumque imperii raptorem traducit. Consulatum Macrini filii vindicat, nomenque illius e Fastis eradit, ac sanctum prohibuit. E marmoribus quoque, in quibus Antoninus Imp. & Aug. dicitur, idem nomen expunctum.

CAPUT XVI.

Nummus Aegyptiacus Corneliae Paullae cum L. F., in quo Imperator eque Pacificatoris habitu, Vaillantem tuere dandatus. Hanc duxit Elagabalus non multo post factum ad Urbem aduentum. Graeci Latinarum nummonum typas acmulari soliti. Typi Augustorum in nummis uxorum repraesentati. Nummi Corneliae Paullae L. F. & L. A. notati, necnon nummi Anniae Faustinae & Aquiliae Severae cum L. E. per nostram conjecturam consiliati. Nummi Elagabali inscripti TR. P. COS. II. non pugnat cum dicta conjectura.

C A.

CAPITUM.

CAPUT XVII.

Congiaria Elagabali inscripta TR. P. II. COS. II. non pugnant cum nostra conjectura. Typus Fortunae Reducis non semper Adventum Imperatorum designat. Argumentum ex nummis, qui ad nos non pervenerunt, fallax. Elagabalus non solum Macrinum imperii raptorem declaravit, sed & ipse Antonini Caracallae filius, & imperii successor a militibus declaratus. In argumento, quo probatur, Elagabalum tempus imperii Macrini sibi adscripsisse, ex eo, quod Consulatum ipsius Macrini sibi adrogavit, petitiis principis nulla. Nummus Corneliae Paulae cum L. F., in qua Imp. eques Pacificatoris habitu, Vitelliano visus, neque credibile, hunc in ejus nummi descriptione deceptum fuisse. Ratio, qua ab Ill. a Turre explicantur nummi Corneliae Paulae cum L. F. & L. A., necnon Anniae Faustinae & Aquiliae Severae cum L. R., communis est. Herodianus videtur annis Julianis utrinque incompletis. Comparatio inter nostram conjecturam, & utramque ab Illustriss. a Turre propositam.

CAPUT XVIII.

Novae Cl. Vignali Dissertatio, in qua priorum suam sententiam de die mortis Elagabali, & Alexandri aliquantulum immutat. Nunc Elagabalum occisum tradit ante Calendas Julias anno Ch. 222., Alexandrum vero non ante initium Octobris anni 235. Bellum Persicum nullo modo gestum ab Alexandro postrema anno sui imperii, sed potius anno Christi 232. Regula a Viro

I N D E X

Viro Cl. tradita, de anno Juliano, quem Herodianus antecessori, aut successori tribuit, falsa. Annus quoque nuptiarum Anniae Faustinae, necnon Corneliae Paulae, & Aquiliae Severae ab eo mutatus. Sententiam nunc primam adsciscit, de annis Imperatorum ab Aegyptiis a neomenia Ithob fixi numeratis.

CAPUT XIX.

Nova explicatio Programmatum Cycli Paschalis S. Hippolyti a Cl. Vignolio proposita refutatur. Hippolytus annum primum imperii Alexandri non pro anno Juliano accepit, sed a die initi imperii more populari numeravit. Nec Aegyptii a Ithob fixo, nec Graeci ab autumno annos Imperatorum vulgo computarunt. Vera Card. Norisii hac de re doctrina. Ptolemaei, Herodiani, aliorumque Scriptorum in annis Imperatorum putandis methodus ei explanationi minime favet. Nomen Elagabali in Inscriptione Panviniana in recto positum denotat, Elagabalum quidem statuam Serapidis dicasse, non autem eandem solenni ritu dedicasse.

CAPUT XX.

Argumentum a Cl. Vignolio, contra nostram conjecturam propositum ex nummo Elagabali inscripto: TR. P. II. COS. III. Similis difficultas eidem Cl. Vignolio solvens in Commodo, cujus Tribunitiae Potestatis initium confert in annum Ch. 175. Duae ejusdem difficultatis ab eruditis propositae solutiones: quae in re pariter nostra adhiberi possunt.

DE

DE INITIO IMPERII
SEVERI ALEXANDRI
AUG.
DISSERTATIO.

PRAEFATIO.

Dissertationis occasio, & argumentum.



Uum Ecclesiasticam inter & Saecularem Historiam maxima necessitudo intercedat, imo vero singulari, arctissimoque hae vinculo copulatae saepenumero sint; dubitari nequit, quin, quum ea, quae ad Saecularem historiam spectant, probe tempora constituuntur, firmitus etiam, ac luculentius, quae ad Ecclesiasticam pertinent, stabiliantur. Hinc laude plurimum digna, ipsique Ecclesiae non utilia modo, sed & quammaxime necessaria aequis rerum aestimatoribus eorum semper visa studia sunt, qui Romanorum veterum Imperatorum, atque Consulum annis indagandis, riteque iisdem collocandis, strenuam operam navarunt: notum namque, compertumque est, priuscos omnes Christianos Scriptores rerum in Ecclesia praeclare gestarum tempora nonnisi horum annis atque aetate designasse.

Hujusce generis quaestionem quatuor abhinc annis agitandam ipse susceperam, quum Dissertationem

A

De

DE INITIO IMPERII

De M. Aurelii Antonini Elagabali Tribunitia Potestate V. inscriptam scidi. Siquidem, quum non exigua, obpugnantia inter se cum veterum Scriptorum, tum antiquarum Inscriptionum monumenta, in hujus Imperatoris annis consignandis, difficultas esset, eam in rem diligentius inquirere coepi, ac quae veritati magis consentanea visa mihi fuerat, opinionem proponere placuit.

Dio hinc Cassius offerebat sese, accuratissimus, atque ejusdem, qua ipse vivebat Elagabalus, aetatis scriptor, qui lib. 79., eum non nisi annos tres, menses novem, & dies quatuor imperasse, affirmabat: ejus quidem temporis initio deducto a pugna, qua circa diem septimum Junii anni V. C. 971. Ch. 218. Macrinum devicerat; quo fiebat, ut vita demum, & imperio spoliatus idem fuisset, circa diem decimum Martii anni V. C. 975. Ch. 222. Illinc vero occurrebat Herodianus ejusdem aevi, nec minoris auctoritatis scriptor, qui lib. 5. cap. 6. multo latius Imperii ejus fines protendebat, sexennium namque rerum illum potitum affirmabat.

Dionis sententiam mirifice confirmare videbatur praeclarissimum antiquitatis monumentum, quod insigni ornamento est Bibliothecae Vaticanae, Cathedra nimirum marmorea S. Hippolyti Portuensis Episcopi, quae Canonem Paschalem per binos sedecennales Cyclos, Lunarum scilicet quattarum decimarum alium dextro ejus Cathedrae lateri insculptum, alium vero sinistro lateri Dominicarum Paschalium, singulari methodo ac diligentia ab eodem sanctissimo Antistite sub illa eadem tempora digestum exhibens, Idibus Aprilis anni V. C. 975. Ch. 222., unde is Canon exordiebatur, Severum Alexandrum imperio jam auctum ac Elagabalum ejus decessorem e vivis sublatum testabatur.

Sed contra obstabat alius lapis a Panvinio primum, deinde a Grutero editus, in quo Idibus ipsis Aprilis ejus-

eiusdem anni, quibus in Canone Hippolyti Severus Alexander imperasse traditur, templum Elagabalus, vel statuam, vel signum aliud quodpiam Serapidi dedicasse spectatur.

Accedebant plures ipsius Elagabali Latini nummi Tribunitia Potestate V. inscripti, quam, si die decimo Martii anni Ch. 222., ut docet Dio, interfectus fuisset, vel Idibus Aprilis, ut habet Hippolytus, imperio Alexander praefuisset, nullo modo attingere potuisset.

Latinorum nummorum difficultatem augebant Graeci alii Anniae Faustinae, tertiae Elagabali uxoris, & Aquiliae Severae, secundae ejus uxoris, sed ad quam jam dimissam, quum scilicet aliam post, deinde aliam, atque aliam, ut habet ex Dione Xiphilinus, duxisset, iterum rediit, anno V. Imperii ipsius notati; unde Elagabalus apparebat, non modo quintum annum imperii iniisse, sed & eodem jam inito Anniam Faustinae repudiasse, duo alia matrimonia junxisse, ac tandem ad Aquiliam Severam rediisse.

Demum recentiores quoque auctores inter se dissentientes animadvertebam: alii namque cum Dione Elagabalum neci deditum sub initium mensis Martii anni Ch. 222. statuebant, alii vero Dione relicto, usque adensem Septembrem ejusdem anni vitam illum & imperium prorogasse, contendebant.

Porro in tanta illa veterum monumentorum varietate, ac discrepantia diu anceps animus haeserat, utri e duabus iis recentiorum opinionibus subscribere, debuisssem. Subscripsi vero tandem, sat mature ut augurabar, re perpenſa, Dionis sententiae, gravissima Canonis Hippolytei auctoritate firmatae, quam quum pluribus etiam confirmare studuissem, lateque eorum opinionem, qui mortem Elagabali inensem Septembrem conjiciebant, rejecissem, postremo ma-

ximam, potissimamque, quae e nummis accersebatur, amovere difficultatem, aggressus sum. Varias itaque apud plerosque scriptores ejus, similiumve difficultatum nactus solutiones, examen earum institui, ac quum parum firmas alias, aliasque omnino falsas deprehendissem, alio nobis animum vertendum esse, alio confugiendum cognovi. Peculiaris autem, dum haec agitabam, in mentem venit explicatio, quam quum aliquot etiam conjecturis, iis quidem, quas difficilis adeo, implexaque res pati poterat, munitam animadvertilem, eruditis eam viris, quo melius illorum maturiusque judicium intelligerem, proponendam, censui. Porro singulare id erat systema, quo alio ab initio, atque haecenus factum, anni imperii Elagabali numerari posse videbantur.

Igitur Dissertationem in id argumentum vulgaveram; quum octodecim circiter post menses Romae prodiit erudita, atque elegans admodum Joannis Vignolii, viri tum ob eximia alia scripta ab eo edita, tum ob praeclarum, quo summa cum laude Bibliothecae Vaticanae curandae fungitur, munus sat orbi literario noti, Dissertatio: *De anno primo Imperii Severi Alexandri Aug., quem praefert Cathedra marmorea S. Hippolyti Episcopi*. In hac eandem, quam ipse tractaveram, rem diserte Cl. auctor prosequutus est, quaestione, non de anno quidem, quo Severus Alexander statim post mortem Elagabali Imperator inauguratus est, quum ipsi quoque exploratum esset, hunc fuisse Ch. 222., sed de mense, atque die, quo ea facta inauguratio, instituta. Nummorum Tribunitiam Elagabali Potestatem quintam praefereantium fide, ac auctoritate adductus Dionem sequi hac in re haud tutissimum esse judicavit, pluribus quidem, quod a me, ut illos cum Dione conciliarem, traditum fuerat, systemate potissimum refutato.

No.

Novam autem, eamque inter Dionis sectatores, necem Elagabali, & Alexandri inaugurationem sub initium mensis Martii statuantes, & eos qui in mensem usque Septembrem illas differebant, mediam sententiam excogitavit, nimirum caesum Elagabalum, suffectumque ei Alexandrum fuisse mense Julio. Suam hanc opinionem novis aliquot argumentis adstruere conatus est, ac ne de Dione auctore ceteroqui synchro-
 no male mereri videretur, textum ejus, quo Elagabalus annos tres, menses novem, & dies quatuor imperasse dicitur, vitiatum a librariis fuisse, contendit, conjicitque, ita illum esse restituendum, ut annos quatuor, mensem unum, & dies tres eum regnasse, Dio scripserit. Ac quandoquidem novae etiam huic sententiae adversari maxime intelligebat Canonem Patchalem S. Hippolyti Cathedrae marmorae, ut agebamus, insculptum, in quo Idibus Aprilibus ejus anni Ch. 222. ad imperii fastigium jam evectus Alexander exhibetur; hinc nervos omnes Vir eximius intendit, ut graviiori illi occurreret difficultati, ostenderetque, in eo etiam Canone ab iis, qui post Hippolyti tempora Cathedrae illum insculpi curarunt, non errore quidem, aut incuria, sed sapienti consilio, deductaque opera, immutatum quidpiam fuisse, adjectumve.

Pulchram Viri doctissimi lucubrationem maxima equidem cum voluptate, tum ob insignem, quo scripta illa fuerat, styli nitorem, tum ob singulare, quod ubique eminebat, ingenii acumen, tum denique ob honestissimam, plenamque urbanitatis, qua in examen adductae res meae fuerant, rationem, quo sane nomine plurimum devinctum auctori humanissimo me esse fateor, perlegi. Ceterum quod ad nostram adtinebat disputationem, non ita profecto, nisi mei me amor fefellit, allatis ab eo rationibus ad incitas me

redactum fuisse, sensi, ut quam antea de tempore necis Elagabali tradideram, opinionem deferere coactus essem, manusque illi dare; quin imo, plura contra observare, licuit, quae multo gravius sententiam illius urgebant, oppugnabantque, praeter luculentissimam Canonis Paschalis S. Hippolyti auctoritatem, pro qua facta testis tuenda, speciosam sane, ingeniolamque, sed quae minus fortasse vera videbatur, attulerat is explicationem.

Verum enimvero, quum nonnulla pro Dionis, rerumque aliarum mearum defensione viro Cl. opponenda, pro ut quidem alia, eaque severiora mei muneris studia ferebant, adornare jam coepissem, ecce vero Patavinis typis praestans aliud, atque illustre opus Philippi a Turre Adriae Praefulis meritissimi in lucem editum est, inscriptum: *De annis Imperii M. Aurelii Antonini Elagabali, & de initio Imperii, ac duobus Consulatus Iustini Junioris*. Incredibile dictu est, quam ubique in toto eo opere auctoris praeclarissimi gravitas, prudens iudicium, eloquentia, doctrinae copia effulgeat. Eruditam is dudum ad Cl. virum Joan. Antonium Astorium epistolarem dederat dissertationem in elegans atque percelebre Anniae Faustinae tertiae Elagabali uxoris numisma, anno Epochae Damascenorum DXXXV. insignitum, quod in eximio Senatoris amplissimi, ejusdemque in omni eruditae antiquitatis genere peritissimi Joannis Dominici Theupoli museo adservabatur. Etenim quum ob eum; qui inscribebatur, Damascenorum annum, qui non coeperat nisi autumnus anni Ch. 223., aliquae inter eruditos excitatae lites fuissent, has ille componere eo scripto aggressus fuerat, nummumque ab omni falsitatis suspitione liberare. De tempore quoque imperii Elagabali, quod suscepti abs se argumenti ratio postulabat, dis-

differuit; ac quum Dionis sententiam illa in re ceteris vel ipse praeferendam censuisset, pro nummis postea huiusce Imperatoris Tribunitia Potestate quinta notatis cum ipso Dione conciliandis, eandem, quam olim Antonius Pagius in Crit. Baroniana ad annum Ch. 218. num. x. inierat, viam insistere, eamque nonnullis communire exemplis, illi placuit.

Priori meae concinnandae Dissertationi quum incumberem, atque manum a Pagii systemate refutando vix amovissem, publicam in lucem, tom. IV. Italicarum Ephemeridum pag. 361. inserta, praecleara illa epistola emissae est. Gavissus magnopere fui, quam ego de tempore imperii Elagabali amplexus fueram opinionem, eandem illi quoque adrisisse; at quum contra Pagii systema non omnino mihi probaretur, neque vero, quae ab illo allata fuerant exempla, multum ei ponderis addidisse viderentur, haec examini etiam, ea tamen, qua tantum erga virum par erat, reverentia, subicere nefas esse haud duxi.

Itaque postremo hoc in opere, *De annis imperii M. Aurelii Antonini Elagabali, &c.* rationem, qua ad hujus Imperatoris nummos TR.P.V. notatos cum Dione conciliandos usus fuerat Pagius, ac quam in laudata epistola ad Joannem Antonium Astorium calculo ipse suo probaverat, tuendam, Praeful doctissimus suscipit, eandemque ab objectis, quae tum in illam, tum in exempla ab eo ad illius confirmationem adducta, prolata a me fuerant, vindicandam. Quod tanta enimvero comitate, & officiose adeo praestitit, ut non modo excusas ab illo fuisse res meas non aegre tulerim, sed & non mediocri id mihi gloriae, atque honori deputaverim. Quo autem securior ad hanc causam agendam accederet, meae prius nummorum illorum explanationi, seu peculiari pro annis Elagabali numerandis pro-

proposito a me systemati evertendo, quod & antea Cl. Vignolius fecerat, sedulam operam impendit. Quin & Vignolium ipsum, qui non meum solum, sed & Pagii systema rejecerat, erudite admodum refellit, ac singularem illius, pro Canonis Hippolytei inscriptione novae suae de tempore necis Elagabali, & initio Alexandri opinioni conformanda, interpretationem confutavit. Sed quoniam idem Pagianum systema gravi adhuc cuiuspiam difficultati a Cl. Vignolio propositae, quae quidem meum etiam impetit, obnoxium esse cernebat; hinc aliam ad toties memoratos nummos Elagabali Tribunitia potestate quinta signatos explicandos, viam nobis postremo commonstrat, explanatque.

Ad haec autem quid ego demum, tot, iisque instructis adeo, strenuisque undique hostibus impetitus? Fugane arripienda? an vero experienda iterum fors, pugnaque alacri animo suscipienda? Porro ad hanc suscipiendam invitat me, ac pene impellit singularis praestantium virorum, quibuscum ea mihi incunda, humanitas, singularis eorundem doctrina, ac difficile ipsum arduumque argumentum; quibus fiet, ut si victus in acie occubuerō, non segniter, non gregario ab milite confossus, non levissima demum de causa videar occubuisse. Itaque nostrae hujus Dissertationis hic ordo esto, & argumentum. Primum Dionis sententiam de tempore necis Elagabali, & initio imperii Alexandri firmiter stabilire, novamque Vignolii de eodem tempore opinionem, ut & ingeniosum ejusdem pro Canonis S. Hippolyti inscriptione explicanda interpretamentum rejicere, enitar. Singula a viro Cl. pro sua adstruenda opinione allata argumenta expendam, diluamque. Ad nummos vero Elagabali Tribunitia potestate quinta inscriptos cum
Dio-

Dionis sententia conciliandos, geminam prius ab Illustribus. Adriae Episcopo adhibitam explicationem, nonnullis in utramque adductis dubitationibus, proponam: ac meam deinde ab incommodis, molestisque, quibus affici tum Cl. Vignolius, tum idem doctissimus Praeful ostenderunt, quo ad fieri poterit, vindicatam iterum sistam. Postremo hoc capite multa, ut ingenue fatear, vel mihi ipse pollicitus videor, quum ingentem praesertim a Cl. Vignolio contra eandem meam, ac Pagianam etiam explicationem ex numero Elagabali inscripto TR. P. II. COS. III. allatam, difficultatem mihi esse superandam animo reputo. Sed haud desperandum: tunc enim aliquis nobis ἀπὸ μηχανῆς forte Deus, atque praesidium.

CAPUT I.

Vulgata Dionis lectio, qua mors Elagabali, & inauguratio Alexandri statuitur mense Martio anni Cb. 222. Eiusdem lectionis restitutio a Cl. Vignolio excogitata, qua eae in mensem Julium rejiciuntur. Septem argumenta pro vulgata Dionis lectione tuenda: quorum duo hoc capite afferuntur. Primum petitur ex Senatus acclamationibus, quibus Alexandro Antonini, & Magni nomina oblata. Refellitur Cl. Vignolii opinio de tempore, quo eadem acclamationes habitae. Secundum argumentum erutum ex novem legibus Alexandri anno primo ejus imperii editis, quae datae omnes ante mensem Julium.

A T in alias omnes turpissimas, maximeque flagitiosas, & sanguinarias actiones Elagabalus usque adeo exorbitavit: ut pleraque nunquam admissa Romae, non aliter illic atque

B

in

in patria vignerint; alia scelerato ausu ab aliis, atque alijs tentata, ἐκείτοις ἔτεσι πρὸς, καὶ μηνσὶν ἐννέα, καὶ ἡμέραις τετράστιν ἐν αἷς ἦρξεν, ΤΟΤΟΣ ΑΔ ΤΡΕΣ ΑΝΝΟΣ ΕΤ ΝΟVΕΜ ΜΕΝΣΕΣ ΕΤ ΔΙΕΣ QVATVOR, QVOD IN IMPERIO TEMPVS EXEGIT, numerandum a praefilio, quo potestatem protinus omnem adsequutus est, floruerint. Sic Dio lib. 79. pag. 907. edit. Hanov. tempus imperii Elagabali definit. Praelium, quo potestatem omnem Elagabalus consequutus est, fuit proculdubio, quod cum Macrino anno Ch. 218. die v11. Junii commissum est. Macrinus enim, quum a die x1. Aprilis anni 217., quarto scilicet die post mortem Antonini Caracallae, anno uno, duobusque mensibus, tribus demtis diebus, ut ait idem Dio lib. 78. pag. 905., imperio praefuisset, die tandem v11. Junii anni 218. pugna cum Elagabalo habita, devictus est. Porro numeratis a die v11. Junii anni. Ch. 218. iis. annis tribus, novem mensibus, ac diebus quatuor, quod tempus imperio Elagabali tribuit Dio, ejusdem Elagabali mortem, ac Severi proinde Alexandri inaugurationem, contigisse secundum Dionem, necesse est, die x. Martii anni Ch. 222.

Cl. Vignolius in Dissert. *de anno primo imperii Severi Alexandri* pag. 89., quum ob aliquas, quas in antecessum praemisera, quaeque nobis suo loco expendendae erunt, rationes, plane adductus esset, ut crederet, Severi Alexandri initium non ante mensem Julium consignari posse, textum illum Dionis, quo diserte adeo tempus imperii Elagabali designatur, a librariis corruptum fuisse, numerosque partim transpositos, ac partim etiam depravatos, censuit. Suspiciatur vero, ita labem illam in Graecum codicem induci, potuisse, ut πρὸς, qui dierum numerus esse debuerat, annis iidem librarii adscriperint, τετράστι, qui an-

annorum, diebus, ac *μεσὶν ἐνιαυτοῖς*, qui numerus mensium, posuerint pro *μηνὶ ἐνὶ*; perinde atque scripserit Dio, Elagabalum imperasse *ἔτεσι τετρατάσι, καὶ μηνὶ ἐνὶ, καὶ ἡμέραις τρισὶν*, hoc est: *annis quatuor, & mense uno, & diebus tribus*. Atque, secundum hanc textus Dionis restitutionem, imperium Elagabali, die *vi i i*. Junii anni Ch. 213. inchoatum, absolutum tandem docet pag. 90., die *xi*. Julii anni 222.

Hunc librariorum errorem, etsi crassum adeo, atque multiplicem non aegre admitterem, nisi multa, lectionem, quam vulgata omnia, tum Dionis, tum Xiphilini exemplaria praeferunt, ac tempus ipsum eadem lectione praefinitum, constanter retinendum suaderent: quae quidem ad septem potissimum capita, seu argumenta, quorum aliqua in priori quoque Dissertatione attulimus, redigemus. Primum eruemus ex tempore, quo secundum Lampridium Alexandro Antonini, & Magni nomina a Senatu oblata sunt. Secundum ex novem ipsius Alexandri legum primo anno ejus imperii editarum subscriptionibus. Tertium ex Canone Paschali S. Hippolyti. Quartum ex tempore interitus ejusdem Alexandri, ex Maximini ejus successoris initio. Quintum ex tempore, quo Afri, ac dein S. P. Q. R. a Maximino rebellavit. Sextum ex tempore necis ejusdem Maximini, necnon Maximi Pupieni, & Clodii Balbini. Septimum denique ex initio, ac nece Gordiani Pii, & Philippi ejus successoris. Duo priora argumenta hoc eodem capite pertractabimus: reliqua vero quinque in totidem distincta capita, quo singula magis enucleate explicentur, partiemur.

Primo itaque vulgata Dionis lectio, qua nex Elagabali, & Alexandri initium die decima Martii anni Ch. 222. consignatur, suadet ex Lampridio in vita Ale-

xandri cap. 6., ubi quum de Senatus acclamationibus sermo sit, quibus Alexandro, post ejus inaugurationem, Antonini, & Magni nomina oblata sunt, eas habitas fuisse docemur ante diem pridie Nonas Martias. *Interest inquit, retexere orationem, quam nomen Antonini, & Magni delatum sibi a Senatu recusavit, quam priusquam referam, addam acclamationes Senatus, quibus id decretum, ex actis Urbis ad pridie nonas Martias.* Quum Elagabalus secundum ipsam vulgatam Dionis lectionem die x. Martii interierit, licet dies, quo editae traduntur a Lampridio eae Senatus acclamationes, cum die necis Elagabali haud consentiat, mensis tamen omnino consentit. Hinc prioris Dissert. pag. 22. animadverti, in eum Lampridii locum fortassis (quae & Tillemontii V. Cl. suspicio fuit) irreplisse *pridie Nonas Martias*, loco *pridie Idus Martias*. Sic enim occiso die x. Martii, eademque renunciato Imperatore Alexandro, die postea xiv. ejusdem mensis ab Senatu, de Antonini, & Magni nominibus ipsi Alexandro tribuendis, recte agi potuit.

Aliam praeter laudatam, sed quae minus rei nostrae faveat, proponit in eum locum Lampridii Tillemontius observationem, nimirum eas Senatus acclamationes habitas fuisse *pridie* quidem *Nonas Martias*, non tamen ejus anni Ch. 222., quo ad imperium evectus fuit Alexander, sed quatuor aut quinque post annos, quum scilicet Imperium Persarum, de quibus vincendis, in iis etiam acclamationibus agitur, ab Artaxerxe instauratum jam fuisset. Verum conjecturam hanc, ac rationes, ad eam adstruendam a Viro doctissimo adductas satis me refutasse opinor, quum ex acclamationibus ipsis, ac responsis Alexandri, quae late a Lampridio recitantur, easdem acclamationes, ostendi,

di, tam diu post Alexandri inaugurationem disserri haud potuisse.

Cl. Vignolius tamen, quo argumenti hujus, e Lampridio, sive potius ex actorum Urbis auctoritate ducti, vim eleuet, pag. 67. contendit, has acclamationes habitas fuisse mense Martio, non quidem quarti, aut quinti anni post initium imperii Alexandri, neque vero anni Ch. 222., sed anni insequentis 223. Verum huic etiam opinioni repugnare omnino videntur eadem ipsae acclamationes, quas olim Tillemontio objecimus. Quod quidem sequentibus rationibus demonstramus.

Occiso Elagabalo, qui insidias Alexandro molitus non semel fuerat, ejusque cadavere per summam ignominiam, per plateas, & cloacas tracto, ac in Tyberim tandem projecto, statim Senatus Imperatorem nuncupavit Alexandrum; cui etiam praeter morem, & *Patris patriae nomen*, ait Lampridius in vita ipsius Alex. cap. 1., & *jus proconsulare*, & *Tribunitiam potestatem*, & *jus quintae relationis*, uno eodemque die, contulit. Postquam autem omnia illa & nominum, & potestatum genera certatim decreta, collataque illi fuissent; statuit Senatus aliis, iisque clarissimis nominibus, Antonini nimirum, quod sanctum, & venerabile habebatur, & Magni, quo Alexandro Macedoni equipararetur, eum exornare. Ita vero ex Lampridio cap. 6. gesta res fuit. *Quum Senatus frequens in Curiam, hoc est in Aedem Concordiae Templum inauguratum convenisset, rogatusque esset Aurelius Alexander Caesar Augustus, ut concerneret, ac primo recusasset, quod sciret de honoribus suis agendum, deinde postea venisset, acclamatum: Auguste innocens Dii te servant. Alexander Imperator Dii te servant. Dii te nobis dederunt, Dii conservent. Dii te ex manibus impuri eripuerunt,*
Dii

Dii te perpetuent. Impurum tyrannum & tu perpeffus es, impurum, & obſcoenum & tu videre, doluiſti. Dii illum eradicaverunt. Dii te ſervent. . . . Dii immortales Alexandro vitam: Judicia Deorum hinc apparent. Haec non niſi pauciſſimis diebus poſt necem Elagabali, quem ſibi exſtinctum gratulabantur, & Alexandri, de qua plurimum gaudebant, inaugurationem, dicta fuiſſe videntur.

Et quum egiſſet gratias Alexander, ſubjicit Lampridius cap. 7., acclamatum eſt: Antonine Alexander Dii te ſervent, Antonini nomen ſuſcipias, rogamus. Praeſta bonis Imperatoribus, ut Antoninus dicaris. Nomen Antoninorum tu purifica. Quod ille infamavit, tu purifica. Redde in integrum nomen Antoninorum, &c. Quum certatim Alexandro die, quo declaratus Imperator fuit, omnia ſimul & nominum, & poteſtatum genera, ut ſupra diximus, Senatus contuliſſet, par erat, ut neque multum, Antonini nomen eidem tribuere, morarentur. Nam etſi eam praecipue ob cauſam, ut habet ipſe Lampridius cap. 1., illa omnia decernere ei, feſtinarunt, quod milites jam inſueverant, ſibi Imperatores & tumultuario judicio facere, & item facile mutare, aſſerentes nonnunquam ad deſenſionem, ſe idcirco feciſſe, quod nesciſſent, Senatum Principem appellaeſſe: attamen huc etiam acceſſit nimia & Senatus, & populi inclinatio poſt illam cladem, nimirum Elagabalum; quae non ſolum Antoninorum nomen decoravit, ſed etiam Romanum deboneſtavit Imperium. Quapropter ut Alexander idem Antoninorum nomen, quod ſummopere optabant, elueret, atque priſtinae dignitati reſtitueret, veriſimillimum eſt, ſtatim poſt collatum imperium illi id etiam nomen obtuliſſe. Certe tam jucundum illis temporibus, ac tam amabile erat nomen Antoninorum: ut, verba ſunt ejusdem
Lam-

Lampridii in vita Diadumeni cap. 6., qui eo nomine non niteretur, mereri non videretur imperium. Atque hac de ratione Macrinus, ut scribit ibidem Lampridius, eundem Diadumenum filium, quo exercitui, ac Senatui, Populoque Romano commendaret, Antoninum nuncupavit. Quod indicat etiam Capitolinus in vita Macrini cap. 3., ubi varias recensens causas, ob quas Diadumenus Antoninus a patre dictus ferebatur, hanc etiam ab aliquibus adductam memorat, quod miro, atque incredibili populus, militesque huiusce nominis desiderio tenerentur. *Alii vero, inquit tantum desiderium nominis huius fuisse, dicunt, ut nisi populus, & milites Antonini nomen audirent, imperatorium non putarent.* Si autem tanta Antonini nominis aestimatio tum erat, tantumque ejusdem desiderium; qui fieri potest, ut Alexandro tam diu, octo scilicet menses, secundum Cl. Vignolii opinionem, post susceptum ab illo imperium, idem nomen oblatum sit?

Recusavit Antonini nomen Alexander, atque inter alias, quas attulit excusationes, hanc etiam cap. 9. obtendit: *Nuper certe, Patres, meministis, quum ille omnium non solum bipedum, sed etiam quadrupedum spurcissimus Antonini nomen praeferret, & in turpitudine, atque luxuria Neronis, Vitellios, & Commodos vinceret, qui genitus omnium fuerint, quum per populum, & honestorum coronas una vox esset, hunc non rite Antoninum dici, & per hanc pestem tantum violari nomen.* Quibus tamen ita Senatus respondit: *Dii mala probeant. Haec te imperante non timemus: de his te duce securi sumus. Certe sumus: bene praesumimus: nos te & a pueritia probavimus, & nunc probamus.* Si Alexander octo jam menses rem publicam administrasset, recte quidem ei Senatus repoluisset: *Haec te imperante non timemus: de his te duce securi sumus.* Cer-

ti sumus: minime vero addere potuisset: *bene praesumimus*.

Tandem Senatus, quum Alexandrum in sua sententia fortiter perstare, animadvertisset, ita postremo acclamavit: *Alexander Auguste Dii te servent verecundiae tuae, innocentiae tuae, castitati tuae. Hinc intelligimus, qualis futurus sis. Hinc probamus: Tu facies ut Senatus bene Principes eligat. Tu facies, optimum esse judicium Senatus &c.* Nescio, an clarioribus verbis, acta haec fuisse sub prima ipsa imperii Alexandri initia, indicari potuerit.

Verum his tria argumenta opponit Cl. Vignolius laudata pag. 67. & 68., quibus ostendi existimat, eas acclamationes habitas fuisse mense Martio, non anni Ch. 222. sed insequentis 223. Primum est, quod Alexander prioribus Senatus acclamationibus responsurus in hunc modum loquitur: *Gratias vobis P. C. non nunc primum, sed & de Caesareo nomine, & de vita servata, & Augusti nomine addito, & de Pontificatu Maximo, & de Proconsulari imperio.* Quae quidem Alexandri verba non nunc primum, V. C. observat, eum jam antea de imperio sibi collato Senatui gratias egisse, declarare. Ita profecto; imo locum hunc prioris Differt. pag. 20. adversus Pagium adduxeram, qui eodem die, nimirum pridie Nonas Martias, & Alexandrum, renunciatum fuisse Imperatorem, & illas habitas acclamationes, sentiebat. Si autem secundum Dionem die x. Martii imperium Alexander inierit, ac die xiv. ejusdem mensis nempe *pridie Idus Martias* eae editae acclamationes sint, nonne recte Alexander, se non tum primum gratias Senatui egisse, affirmare poterat?

Alterum argumentum est, quod inter alia, quae ibi Senatus Alexandro respondet, ac quibus eum urget, ut nomen Antonini suscipiat, petit, ut *monetae nomen*

men Antonini reddatur. Quae, si Antoninus Elagabalus, subicit V.C., tum vivere desiisset, visa prorsus inanis petitio esset, ut id nempe reddi, ac restitui peteretur, quod amissum vix nondum fuerat. Recte iterum contra Pagium; sed non propterea eae acclamationes in Martium anni 223. rejiciendae, quum statim post mortem Antonini Elagabali, & Alexandri inaugurationem, cudi novo Imperatori sine nomine Antonini nummi potuissent, die nimirum ipso x. Martii, ac tribus etiam, si velinus, insequentibus, ac die postea xiv. peti, ut monetae Antonini nomen redderetur.

Tertium, postremumque argumentum est, quod Alexander ita rursus Senatum adloquitur: *Nuper certe, Patres, meministis, quum ille omnium non solum bipedum, sed etiam quadrupedum spurcissimus &c.* uti supra a nobis etiam recitata sunt. Atque in illa verba *nuper certe, Patres, meministis*, V.C. animadvertit, quod uti particula *nuper* rei cuiuspiam, quae plurium annorum remotiora tempora spectat, accomodari nequit, ita pariter verbum illud *meministis*, quo, ad memoriam de re aliqua praeterita excitandam, utimur, non dies paucos, sed aliquot mensium spatium interjectum, declarat. Priorem observationis hujus partem verissimam, certamque esse, nemo non dixerit; eaque prae ceteris ratione nos quoque prioris Dissertationis pag. 24. Tillemontii, de qua supra, opinionem rejecimus. At partem alteram non ita profecto probaverim, quum verbum illud *meministis* bene etiam de re utcumque praeterita, paucosque ante dies exacta usurpari posse; nullus dubitem. Quin ex ipsa Alexandri oratione manifestum quoque est, idem verbum non ad ea duntaxat, quae postremis vitae suae diebus gesserat Elagabalus, sed ad totum tempus, quod in imperio turpi-

ter, ac scelerate adeo exegit, esse omnino referendum. Nuper certe, Patres, meministis, cum ille omnium non solum bipedum, sed etiam quadrupedum spurcissimus Antonini nomen praeferret, & in turpitudine, atque luxuria, Neronēs, Visellios, & Commodos vinceret, qui gemitus omnium fuerint &c.

Sed nimia textui Lampridii a me vis illata Viro Cl. videtur, quod in eo pro *pridie Nonas Martias* legendum conjecerim *pridie Idus Martias*, quum inter has voces, inquit, *pridie Nonas*, & *pridie Idus*, non ea sit literarum proportio, & analogia, quae potuerit, libratorum oculos fallere. Num maiorem is locus Lampridii a me passus vim sit, atque ab illo patiantur supra recitatae Senatus acclamationes, dum mense Martio anni Ch. 223. eas habitas tradit, alii iudicent. Id unum satis erit observare, quod quamvis inter has voces *Nonas*, *Idus*, *Calendas* nulla *literarum* proportio sit, & analogia, est tamen, si ita licet eam appellare, *rerum* proportio, atque adfinitas, qua fit, ut scribentis simul animo occurrant, atque unam pro altera nonnumquam, nec difficile admodum populi, contingat. Sic apud hodiernos Capitolinos in vita Maximī & Balbini Cap. 1., a Senatu Maximus & Balbinus electi Imperatores dicuntur v11. *Calen: Junias*. Aliquot MSS. exemplaria, inter quae Codex nostrae hujus Abbatiae Florent. habent, v11. *Idus Junias*, alia viii. *Idus Junias*, quamvis inter voces *Calendas*, & *Idus* nulla sit proportio literarum. Sed & ubique eorum codicum a librariis peccatum est, censetque Pagius ad annum Ch. 236. num. v111. ibi esse legendum v11. *Idus Julias*, pro v11. *Calen: Junias*. Quidni ergo scribi potuit a librariis in Lampridio *pridie Nonas Martias*, pro *pridie Idus Martias*? sicuti contra in Livio lib. 29. cap. 14. ubi Mater Idaea in aedem

aedem Victoriae Palatinae perlata fuisse traditur *pridie Idus Apriles*, coniecere dudum viri eruditi, rependendum esse *pridie Nonas Apriles*; quum ludi Megalenses in ejus Deae honorem instituti a pridie Nonas ejus mensis ad v. Idus, ut ex veteribus fastis apparet, celebrarentur. At de his acclamationibus satis.

Suadetur secundo eadem Dionis lectio, aut saltem falsa Cl. Vignolii correctio ostenditur ex novem ejusdem Alexandri legibus, quae exstant in Codice Justiniano, primo imperii ipsius anno editis, ac signatis *Alexandro Aug. Cos.* Hae sunt L. 1. *Quando provocare non est necesse*, data v 111. *Cal. April.*, L. 4. *De contrabenda & committ. stipulat.*, data 11. *Cal. April.*, L. 7. *De evictionibus*, data 111. *Non. April.*, L. 3. *De his quibus, ut indign.*, data 11. *Non. April.*, L. 4. *Arbitrium tutelae*, data 111. *Cal. Maji*, L. 1. *Ad exhibendum*, data *Cal. Maji* L. 1. *Quibus res judicata*, data *Non. Maji*, L. 4. *De servo pigriori dato*, data vi. *Id. Maji*, L. 4. *De his, qui accus. non possunt*, data xv 1. *Cal. Jul.* Non dubium est, has leges editas ab Alexandro fuisse primo imperii sui anno, hoc est Ch. 222., quò Consules fuere Antoninus Elagabalus 1111. & ipsemet Alexander, qui ideo in iis subscriptionibus nomen collegae Elagabali reticet, quod ex annalibus ipsis Senatus auctoritate idem erasum jam fuisset.

Verum equidem est, in ejuscemodi legum subscriptionibus menda nonnumquam reperiri. Sic est lex ipsius Alexandri 3. *De his qui accusare non possunt*, quae data cernitur 111. *Non. Febr.*, quo tempore, exploratum est, nondum extinctum fuisse Elagabalum, neque leges proinde ferre Alexandrum potuisse. Sic & lex ejusdem 7. *De evictionibus*, quae data viii. *Idus Mar.*, quo die, per me etiam, nondum sublati erat Elagabalus, quum eum occisum dixerimus die decima ejus

menſis. At ſi mendofae aliquae legum ſubſcriptiones, num omnes propterea mendofae habendae erunt, omneſque repudiandae? Sane, ſi vitiatus textus Dionis, ſi vitiatae hae novem legum ſubſcriptiones, imo vero ſi & aliae quadraginta quatuor, quas infra afferemus, vitiatae ſint, dicendum, ad ea pene omnia, quae ad Alexandri initium ſtatuendum pertinere poterant, vitianda librarios omnes conſpirariſſe. Sed parum eſt, librarios omnes ad haec vitianda conſpirariſſe. Conſpiraverunt & qui Canonis Paſchalis S. Hippolyti Cathedrae hujus marmoreae inſculpendi curam ſuſceperunt: quod tertium argumentum eſt ad vulgatam Dionis lectionem, ac tempus imperii Elagabali in ea adlignatum confirmandum, de quo capite ſequenti.

C A P U T II.

Argumentum ex Canone Paſchali S. Hippolyti, in quo Idibus Aprilis anni Ch. 222. Sev. Alexander jam Imperator exhibetur. Ingenioſa Cl. Vignoli ad idem argumentum reſponſio. Quatuor hypotheſibus eadem reſponſio innititur, quarum ſingulae expenduntur, & reſutantur. Alter Canon Paſchalis Hippolyteo plane ſimilis D. Cypriano adſcriptus.

INter praeſtantiora Eccleſiaſticae antiquitatis monumenta eruditorum omnium iudicio merito recenſetur Cathedra marmorea S. Hippolyti Portuenſis Epifcopi, quae olim, ut cuique ſat notum, in agro Verano prope Aedem S. Laurentii inventa, in Bibliot hecam poſtea Vaticanam illata fuit. In hujus Cathedrae lateribus Canon Paſchalis ejuſdem S. Antiſtitis, duobus Cyclis Sedecennalibus comprehenſus, de-

descriptus est: ac prior Cyclus, qui est Lunarum Quartarum decimarum, dextroque lateri inscriptus est, sic incipit: ΕΤΟΥC. Α. ΒΑCΙΑΕΙΑC. ΑΛΕΞΑΝΔΡΟΤ. ΑΥΤΟΚΡΑΤΟΡΟC. ΕΦΕΝΕΤΟ. Η. ΔΙ. ΤΟΤ ΠΑCΧΑ. ΕΙΔΟΙC. ΑΠΡΕΙΛΙΑΙC. CΑΒΒΑΤΩ. ΕΜΒΟΛΙΜΟΤ. ΜΗΝΟC ΓΕΝΟΜΕΝΟΤ. hoc est. *Anno 1. imperii Alexandri Imperatoris facta est XIV Paschae Idibus Aprilibus Sabbato, quum mensis embolimaeus fuisset.* Alter vero Cyclus, qui est Dominicarum Paschaliū, ac in sinistro Cathedrae latere insculptus est, incipit: ΕΤΕΙ. ΑΛΕΞΑΝΔΡΟΤ ΚΑΙCΑΡΟC. ΤΩ. Α. ΑΡΧΗ. *Anno Alexandri Caesaris 1. initium.* Ut itaque eximio hoc monumento initium imperii Alexandri certo definitur anno Ch. 222. Cyclo Solis VII. Luna XIV. lit. Dom. F., quo nimirum Idus Apriles in Sabbatum, ac quarta decima Paschalis in ipsas Idus re vera incurrerunt: ita ante easdem Idus Apriles ejus anni imperium jam adeptum fuisse Alexandrum perspicue docemur. Si enim nondum eo die imperare coepisset Alexander, sed in vivis adhuc fuisset Elagabalus, quomodo *anno primo imperii Alexandri Idibus Aprilibus* quartam decimam Paschae existitisse, tradere potuisset Hippolytus?

His quidem reclamation Cl. Vignolius, aitque inscriptionem hanc, seu notam temporis Canoni Paschali S. Hippolyti praefixam, non ipsi Hippolyto, qui Alexandri quidem aevo inclaruit, esse adscribendam, sed ei potius, qui eundem Canonem in Cathedra marmorea insculpi curavit. Atque ita quidem rem totam concinne disponit. Chronicon scripserat Hippolytus usque ad annum primum imperii Alexandri, eique Chronico Canonem ipsum Paschalem subjecerat. In hanc rem S. Hieronymum, & Eusebium laudat. Hieronymus De Scriptor: Eccles. cap. 41. *Hippolytus, inquit, cujusdam Ecclesiae Episcopus (nomen quippe urbis,*

urbis, scire non potui) rationem Paschae, temporumque canones scripsit usque ad primum annum Alexandri Imperatoris, & sedecim annorum circulum, quem Graeci ἐκκαδεκαετηρίδα vocant, reperit. Eusebius vero lib. 6. Hist. Eccles. cap. 16. Τότε δὴ καὶ Ἰππόλυτος συντάττων μετὰ πλείων ἄλλων ὑπομνημάτων, καὶ τὸ περὶ τοῦ πάσχα πεποίηται σύγγραμμα, ἐν ᾧ τῶν χρόνων ἀναγράφει ἐκτέμενον, καὶ τὸν κανόνα ἐκκαδεκαετηρίδος περὶ τοῦ πάσχα προθεῖς ἐπὶ τὸ πρῶτον ἔτος αὐτοκράτορος Αλεξάνδρου τῆς χρόνους περιγράφει. Eosane tempore, vertit Cl. Vignolius, & Hippolytus praeter plerosque commentarios, quos componebat, opus etiam de Paschate conscripsit, in quo & temporum seriem explanat, & canonem quemdam sedecim annorum de Paschate ponit, & temporum solum describit ad primum annum Imperatoris Alexandri. Ex Hieronymo colligit V. C., rationem Paschae, temporumque canones, quos scripsit Hippolytus, alios prorsus fuisse a Canone, seu Cyclo sedecim annorum, ab eodem composito, quum anno primo imperii Alexandri hic incoeperit, illi vero eo anno desierint. Ex Eusebio autem insert; eidem operi de Paschate post Chronicon, qualem fuisse eam temporum explanationem existimat, Canonem Paschalem sedecim annorum insertum fuisse. His praemissis, vero admodum simile V. C. esse affirmat, S. Hippolytum annum, sub quo Chronicon suum absolvit, quique Eusebio & Hieronymo testibus, primus fuit imperii Alexandri, anno Consulari, hoc est Consulibus ejus anni, qui Antoninus IIII. & Alexander fuere, designasse. At quoniam post Chronicon juxta praedicta Canon Paschalis subsequens erat, qui ab eodem anno auspicabatur, hinc credi etiam posse arbitratur, notam temporis, quae eadem pro fine Chronici, & initio Canonis erat, ipso initio Canonis haud repetitam fuisse, sed tantum scriptum: ΕΤΟΤΕ ΑΤΤΟΥ sive ΤΟΤΤΟΥ hoc anno, scilicet Antoni-

no

no 1111. & Alexandro Cofs. *Decima quarta Paschæ fuit Idibus Aprilibus Sabbato &c.* Qui vero postea, subijcit V Cl., in Cathedra marmorea Canonem insculpi curavit, ut notum faceret, cum quo anno, qui in tabula Paschali primo signatur, concurreret, pro anno Consulari, Imperii annum ex Chronico forsitan accepit, & loco ETOTC ATTOT *hoc anno*, ETOTC. A. BACIAEIIAC. AΛΕΞΑΝΔΡΟΥ ΑΥΤΟΚΡΑΤΟΡΟΣ: *Anno primo imperii Alexandri Imperatoris* in latere dextro Cathedrae posuit, & in sinistro: ETEI. AΛΕΞΑΝΔΡΟΥ ΚΑΙΣΑΡΟΣ ΤΩ. Α. ΑΡΧΗ. *Anno Alexandri Caesaris primo initium.*

Contra ingeniosissimam hanc viri doctissimi explanationem plura jam conjecit vir itidem doctissimus Philippus a Turre Adriae Praeful Illustris. in Dissert. *De annis imperii M. Aur. Antonini Elagabali &c.* pag. 83. & seqq., quorum aliqua quum, statim ac Cl. Vignolii Dissertatio prodiit, mihi quoque una cum aliis pauculis observata fuerint, eadem hoc loco, ac quidem brevissime exponere liceat.

Quatuor, ut patet, praeclara illa Vignolii ratiocinatio hypothesisibus innititur. Prima est, S. Hippolytum Chronicon scripsisse, cui Canonem postea Paschalem subjecerit. Secunda, annum, in quo idem Chronicon desinit, designasse anno Consulari. Tertia, notam anni Consularem, quam sub finem Chronici posuerat, quum Canonem postea incoepit, non iterasse, sed scripsisse tantum ETOTC ATTOT, sive TOTTOT. *Hoc anno.* Quarta denique, cum, qui in Cathedra Canonem insculpi curavit, loco ETOTC ATTOT *hoc anno* scripsisse ETOTC. A. BACIAEIIAC *&c. anno i. imperii &c.* Jam vero quam firmam, aut probabiles saltem, hae hypotheses sint, videamus.

Quod ad primum adinet, etsi non dubitem, Chroni-

con

con quodpiam scripſiſſe Hippolytum, Chronicon tamen illud fuiſſe, quod τὸν χρόνον ἀναγραφῶν *temporum explanationem* appellat Eusebius, ac cui Canonem Paschalem idem Hippolytus subjecit, multum dubitaverim. Chronici enim peculiaris mentio fit in indiculo operum S. ejusdem Antistitis dextri Cathedralis lateris margini inscripto versu 12. hoc modo: ΧΡΟΝΙΚΩΝ, alterius vero operis mentio pariter peculiaris fit versu 18. 19. 20. sic:

ΑΠΟΔΕΙΞΙΣ ΧΡΟΝΩΝ

ΤΟΥ ΠΑΣΧΑ

ΚΑΤΑ ΕΝ Τῷ ΠΙΝΑΚΙ.

hoc est: *Demonstratio temporum Paschatis secundum ea, quae in tabula.* Quod ipsum opus de Paschate videtur, cujus meminit Eusebius, dum, *opus etiam*, inquit, *de Paschate conscripsit, in quo & temporum seriem explanat, & Canonem quemdam sedecim annorum de Paschate ponit.* In hoc enim opere demonstrasse eum putaverim, quot anni a primo Paschate, hoc est ab egressu Israelitarum ex Aegypto usque ad annum primum imperii Alexandri, unde suum Canonem exordiebatur, fluxissent, late ejusdem sui Canonis rationes, ac methodum exposuisse, ac postremo Canonem ipsum rite in pinace, seu tabula descripsisse; quemadmodum re ipsa egit Auctor Opusculi, cui titulus: *Expositio Bissexti*, aut *Caecilii Cypriani de Pascha computus*, in fine Operum ipsius S. Cypriani editionis Oxoniensis primum impressi: in quo Canon alius Paschalis huic nostro Hippolyteo plane similis proponitur, & demonstratur. Est hic quoque sedecim annorum: eundemque in modum, quo Canon Hippolyti, hoc est per septem Heccaedecaëteridas, seu annos cxi., distributus est, licet ceteroqui non ab eodem, atque ille, capite exordiat, ac tum in die primo mensis primi, tum in aetate Lunae ab eo discrepet. Quod

Quod ad secundum, esto verum sit, temporum explanationem, de qua loquitur Eusebius, Chronicon fuisse, temere tamen omnino affirmatur, Hippolytum annum, quo idem Chronicon desit, anno Consulari designasse. Quum enim Eusebius, & Hieronymus discrete tradant, illum eam temporum explanationem ad primum annum imperii Alexandri perduxisse, nullam vero Consulum mentionem injiciant, credere par est, illum eum potius in modum, hoc est per annum primum imperii Alexandri id tempus designasse, quam per Consules.

Quod ad tertium, esto iterum annum, quo suam temporum explanationem absolvit, anno Consulari notaverit Hippolytus, attamen verisimile non est, quum Canonem postea Paschalem subjecit, nullam ejus initio peculiarem, distinctamque temporis notam adposuisse, sed tantum scripsisse ETOTCATTOT, sive TOTTOT anno hoc. Etenim, etsi priori operi hoc secundum is subtexuisset, attamen quum aliud prorsus ab illo hoc esset, ut fatetur, imo colligit ipse Cl. Vignolius ex D. Hieronymo, absurdum profecto videtur, ut eo modo, novum illud, diversumque opus aggressurus, tempus initio indicaverit. Sane, etsi facinus id quodpiam fuisset, quod eodem anno, quo desit Chronicon, contigisset, si peculiari illud historia, discretaque ab Chronico narratione recensere aggressus fuisset, nunquam ego adducar, ut credam, ita illud fuisse Hippolytum auspicaturum. Hoc autem non aliquod facinus est, neque aliqua historia, sed Canon, seu Cycus ab illo quidem anno incipiens, sed per XVI. annos septies ductus, in annum tandem CXI. desinens, quem probabile admodum est, pro Ecclesiarum, aut ejus saltem, cujus ipse erat Episcopus, usu Hippolytum condidisse, ut omnibus nimirum pateret, quo die ce-

D

le-

lebrari singulis annis Pascha oporteret. Quis autem dixerit Canonem hujusmodi, hoc fine, hoc consilio institutum, conditumque, eo modo incoeptum fuisse, tempusque, a quo ille exordiebatur, eo modo fuisse indicatum? Ceterum juxta ea quae superius diximus, Canonem hunc non opus diversum fuisse existimo a *ratione Paschae, ac temporum Canonibus*, quos, uti loquitur S. Hieronymus, scripsit Hippolytus, sed illum ipsum Canonem in ea ratione Paschae explicatum fuisse, cenleo, ac postremo ad ejus calcem rite in pinace ordinatum, descriptumque: in eum ferme modum, quo Canon S. Cypriano adscriptus in *Expositione Bissexti*, seu *Computo de Pascha*, de quo supra, explicatur, ac in fine pariter in tabella, quam confusam licet, & depravatam ex Codice Rhemensi edidit Jo. Felus, exhibetur.

Quod denique ad quartum, esto rursus, ea, qua censet Vignolius, ratione Canonem suum principio inscripserit Hippolytus; quare postea qui Cathedrae eum insculpi curavit pro ETOTC ATTOT, sive TOTTOT *anno hoc* posuit ETOTC. A. BACIAEIAE &c. *anno i. imperii &c.* Si Hippolytus annos Chronici annis Consularibus notavera, cur, pro ETOTC ATTOT aut TOTTOT *anno hoc*, scribi curator non jussit ANTONINO. Δ. ΚΑΙ. ΑΛΕΞΑΝΔΡΟΥ ΤΥΙΑΤ. *Antonino IIII., & Alexandro Coss.* sicuti per Cl. Vignolium annua illum in Chronico signaverat Hippolytus? Id enim experientiae, & rationi maxime consentaneum videtur, ut quum similem notam deprehendimus, ad aliam priorem, ad quam haec refertur, statim conquirendam excutamus. Sed *pro anno Consulari*; ait Cl. Vignolius, *imperii annum ex Chronico forsitan accepit.* Accepit vero: igitur initium imperii Alexandri in Chronico curator vidit; viditque proinde, quo die, ac quo Men-

se

se idem initium ab Hippolyto fuerat consignatum. Si autem consignatum illud vidit die xi. Julii ejus anni, quae est ipsius Vignolii de ejusdem imperii initio sententia, cur nobis ipsum Alexandrum Idibus Aprilibus iam imperantem, senel, iterum que, in dextro scilicet, ac sinistro Cathedrae latere, postea exhibuit? Si Idibus ergo Aprilis anni Ch. 222. eo in Canone jam Imperator exhibetur Alexander, ejus initium rejici cum Vignolio non poterit in mentem Julium.

C A P U T III.

Argumentum ex tempore necis Alexandri, & initio Maximini. Germanica Maximini Victoria relata aestate anni Ch. 235. non vero, ut sentit Cl. Vignolius, aestate anni 236. Hiems, quam Sirmii post eandem victoriam Maximinus egit, fuit, quae subsequuta aestatem anni 235. Ex quibusdam Inscriptionibus colligitur, Maximinum praeter Germanicum bellum, Sarinaticum quoque & Dacicum confecisse. Exstant nummi ejusdem Maximini cum titulo Germanici, qui cusi videntur ante annum 236. Nummi Maximini cum Tr. P. II. sine titulo Germanici non probant eum Victoriam Germanicam non retulisse nisi post eandem Tr. P. II. initam.

Severi Alexandri initium e tempore ejus necis, ac Maximini ejus successoris exordio nunc erendum. Imperavit Alexander annos tredecim, & dies novem, ut docet Lampridius in ejus vita cap. 9., a quo haud multum dissentit Eutropius lib. 7. cap. 14., qui tertio decimo imperii anno, & die octava periisse eum tradit. Hinc Cl. Vignolius, ut natalem imperii Alexandri die xi. Julii anni Ch. 222. pag. 90. consignavit, ita ejus interitum die circiter xx. ejus-

dem mensis Julii anni Ch. 235. definivit: ut nos contra, quemadmodum cum Dione renunciarum Imperatorem eundem Alexandrum tradidimus die x. Martii ejus anni Ch. 222. ita extinctum illum affirmamus circa diem xix. Martii anni 235. Uter ergo nostrum rectius id tempus statuerit, expendamus.

Quum Alexander adversus Germanos, qui Rhenum ac Danubium, ut narrat Herodianus lib. 6. cap. 7. transgressi, hostiliter Romanos in fines intraverant, expeditionem suscepisset, Maximini opera, interfecit. Post ejus mortem milites Imperatorem Maximinum statim acclamarunt; qui una postea cum exercitu, quem Alexander deduxerat, plurimumque ipse auxerat, hostilem agrum ingressus tanta clade Germanos affecit, ut horum pene nullus, eodem Herodiano teste lib. 7. cap. 2., reliquus fuerit.

Hanc victoriam aestate, seu *maturis jam segetibus* a Maximino reportatam fuisse, aperte eodem loco tradit Herodianus. Quum autem non multo post susceptum a Maximino imperium habita videatur, hinc prioris Dissertat. pag. 32. argumento hoc usus fui, ut falsitatis arguerem Mediobarbi & Vaillantii sententiam, qui relicta Dionis opinione, de tempore necis Elagabali, & initio imperii Alexandri, in mensem Septembrem ipsius Alexandri mortem rejiciebant. Haec eadem ratio atque urget novam Cl. Vignolii opinionem, qui secundum abs se cogitatam textus Dionis restitutionem Alexandrum interfecit docet die circiter xx. mensis Julii. Si enim Maximinus nonnisi circa eum diem mensis Julii anni Ch. 235. imperium auspicatus sit, nullo certe modo aestate ejusdem anni, seu quo tempore maturae jam segetes essent, id bellum inferre Germanis potuisset. Hoc ultro quidem concedit V. Cl. pag. 82., sed negat eam victoriam relatam fuisse aestate.

æstate ejus anni Ch. 235.; atque ad ætatem anni insequentis 236. illam esse referendam. Nonnulla vel contra hanc de tempore, quo habita Germanica illa victoria, opinionem, quam Mediobarbus pariter ac V. illantius tradidere, adduxeram; quæ tamen in medium iterum asserre, magisque, si heri poterit, constabire haud erit supervacaneum.

Pontem construxerat Maximinus, ait Herodianus lib. eodem cap. 1., *supra flumen, qua adversus Germanos transiret. Ut enim primum summam rerum suscepit* (ἐὸς ἀπολαύων ἑρῶν ἡγετο) *statim bellica factiora aggressus est. Siquidem ob immunitatem corporis statuerat, & militare robur, ac peritiam pugnandi, adscitus ad imperium, re ipsa sanam confirmare, atque opinionem militum, tendebat, ut metum illum, atque cunctationem Alexandri in præliis capeßendis jure improbatam fuisse coargueret.* Ex hoc Herodiani testimonio duo perspicue colligimus. Primum, statim post initum imperium Maximinum sedulo omnia, ad bellum Germanis inferendum, paravisse: alterum curæ illi, ut idem bellum quanto citius inferret, fuisse; tum, ut quam sibi in re militari jam comparverat, exillimationem tueretur, tum ut moram cunctationemque Alexandri in eodem bello gerendo, jure militibus, qui eum necaverant, improbatam, damnatamque, ostenderet. Eadem habet Lampridius in Maximinis duobus cap. 10. Ac licet ab eodem bello suscipiendo Maximinus retardatus aliquantulum fuisset ob duas in eum constatas conjurationes, hæc tamen haud diuturnæ fuere. Prior namque, quæ etiam incertum, ut testatur Herodianus, verane fuerit, an fraude per Maximinum composita, a Magno viro patricio, & consulari, quum primum conditus pons fuit, structa dicebatur: ipsumque Magnum, una cum omnibus, qui suspitione aliqua

qua laborabant, citra iudicium, aut accusationem ullam, corripuisse Maximinus, ac interfici. Altera vero defectio fuit Osrhoënorum; qui quum *magnopere indolissent*, ait idem Herodianus, *Alexandri nece, ac forte fortuna in consularem quemdam ex illius amicis, cui nomen Quartino fuit, paullo ante e castris a Maximino dimissum, incidissent, correptum, atque retractantem, Ducem sibi delegerunt*. Sed hic etiam Quartinus paullo post occisus est. *Qui tamen baud diu post*, subiicit Herodianus, *in tabernaculo dormiens a contubernali quodam suo, & (ut credebatur) amico, per insidias occiditur*. Quum igitur Maximinus, simul atque imperii potitus est, ad bellum Germanis inferendum, omni studio, & alacritate se comparasset, neque vero, quae in exercitu obortae fuerunt, defectiones, multum ei temporis eripuisse, videantur, verisimile non est, in aestatem usque anni insequentis illum id praelii distulisse.

Praeter reportatam de Germanis victoriam alia item praelia gessit Maximinus, quibus omnibus ipse *manu pugnam capessens*, ait eodem capite Herodianus, *ac fortissime dimicans explendescibat*. *Multisque captivis, atque ingenti abacta praeda, instante bieme in Pannoniam reversus est: intraque urbem Sirmium, quae maxima omnium ejus regionis habetur, in hibernis agens ad vernam sese expeditionem comparabat: identidem minitans (id quod etiam praestiturus videbatur) excisurum, subacturumque Oceano tenus omnes Germanas barbaras nationes*. Hiems, qua instante in Pannoniam reversus est Maximinus, non alia fuisse videtur, quam quae aestatem anni Ch. 235. proxime subsequuta est. Siquidem quum Herodianus cod. lib. cap. 3. late saevissimam, quam in Pannonia agens Maximinus, Germanica maxime, ut credere par est, victoria insolens factus, in Romanos, subiectasque omnes nationes exercebat, tyr-

ran.

rannidem descripsisse, ita denique cap. 4. subjicit: *Hujusmodi igitur causae, minime profecto leves, ad odium, ac defectionem populos proritabant. Ceterum votis tantummodo agebant, laesa implorantes numina; nullo scilicet audente profiteri se vindicem: donec exacto* (seu ut cap. seq. dicemus: *inito*) *imperii triennio; exigua, leviq[ue] occasione, ut sunt lubricae tyrannorum res, primo arma sumserunt, rebellaruntq[ue] Afri. Quibus sane verbis intelligimus diu, ac non paucis tantummodo mensibus ante Afrorum rebellionem odium populos in Maximinum concepisse. Hanc autem Afrorum defectionem exploratum est, ut cap. seq. ostendemus, contigisse circa mensem Aprilem, aut Majum anni Ch. 237. Igitur hiems, qua in Pannoniam se recepit Maximinus, fuit, quae aestatem anni Ch. 235. subsequuta est, non quae subsequuta aestatem anni insequentis 236., a qua profecto hieme, usque ad mensem Aprilem, aut Majum anni 237. non id temporis spatium interjectum est, quo tyrannidem, caedesq[ue], quas narrat Herodianus, exercere Maximino licuisset, conceptumq[ue] in illum odium populi diutius cohibere animo potuissent. Neque vero caedes, quas post descriptum bellum Germanicum recenset ipse Herodianus, ante bellum ipsum Germanicum, patratas fuisse, dicendum est. Siquidem etsi ante id bellum, imo statim post mortem Alexandri *moribus perinde, ut genere barbarus*, quemadmodum ait idem Herodianus lib. 7. cap. 1. *patrioque instituto caedis avidissimus, ad id potissimum dabat operam, ut imperium sibi saevitia constabileret*: attamen verisimile non est ante idem bellum, victoriamq[ue] Germanicam, eam saevitiam, immanemq[ue] tyrannidem in universum Romanum imperium, quo tempore praesertim omni cura, studioq[ue] se ad illud praecellum comparabat, exercuisse. Si autem hiems,*

CU-

cujus meminit Herodianus, fuit anni Ch. 236., victo-
ria quoque Germanica habita erit aestate anni Ch. 235.

At si haec victoria, forte rogabis; aestate anni Ch. 235. reportata est, quid demum egit Maximinus toto anno insequenti postquam in Pannoniam reversus est? Quo ejus minae, omnium Germaniae nationum Oceano tenus excidendarum, reciderunt? Quae verna fuit expeditio, ad quam in hibernis Sirmii agens, se comparavit? Quid egerit tum Maximinus, narrat ipse Herodianus toto cap. 3., nimirum subditorum caedibus, divitum familiarum exspoliationibus, opum publicarum, templorum expilationibus, per lummam avaritiam, atque impietatem vacavit. Sed & alia praelia eum gessisse praeter Germanicum, docet, ut supra diximus, Herodianus; quorum aliqua, postquam eam hiemem in Pannonia egit, suscepisse, non inverisimile. Imo Capitolinus in Maximini duobus cap. 13. tradit, Maximinum, quum debellatis Germanis Sirmium venit, Sarmatis bellum inferre, paravisse. *Pacata Germania, inquit, Sirmium venit, Sarmatis inferre bellum parans: atque animo concupiens, usque ad Oceanum septentrionales partes in Romanam ditionem redigere.* Quod Sarmaticum bellum, licet neque ipse Capitolinus ab eo postea gestum fuisse, commemoret, illud tamen, imo & bellum Dacicum gestum re vera fuisse, colligi videtur ex aliquot ipsius Maximini, ejusque filii inscriptionibus, in quibus non solum Germanici Maximi, sed & Dacici Maximi, atque Sarmatiei Maximi nomina iis tribuuntur. Harum binas affert Gruterus, alteram pag. CLI. 5., & alteram pag. CLVIII. 6., quarum tamen prior, in qua primo versu *MAXIMVS* pro *MAXIMINVS* scribitur, & versu tertio idem Maximinus *TRIB. POT. V., & IMP. VII.* dicitur pro spuria, ac supposita habenda est, quum neque Tribuni-

A itia

tiam

tiam Pot. V. ille unquam inierit, neque uspiam in aliis monumentis IMP. cum aliquo numero signatusprehendatur; id quod etiam observat Jo. Massonius Vir doctiss. in *Variorum corrigendis, & animadvertendis*, quae ab Eduardo Holteno V. C. collecta in nova Operis Gruteriani editione Amstelædamenti, in fine adjecta sunt. Posterior vero ita se habet:

*In via Ulyssipone Emeritam versus, juxta diversorium, quod
Mestus vocant, columna.*

IMP. CAES. CAIVS. IVLIVS
VERVS. MAXIMINVS. PIVS. FE
LIX. INVICTVS. AVG. PONT
MAX. PATER. PATRIAE. TRI
BVNICIAE. POTESTATIS. TER. COS
GERMANICVS. MAX. DACICVS
MAX. SARMATICVS. MAX. ET
C. IVLIVS. VERVS. MAXIMVS
NOBILISS. CAESAR. PRINCEPS
IVVENTVTIS. GERMANICVS. MAX
DACICVS. MAX. SARMATICVS. MAX
IMP. CAES. CAI. IVLI. VERI. MAXI
MINI. PII. FEL. AVG. GERMANICI
MAX. DACICI. MAX. SARMATI
MAX. FORTISSIMI. CAESA
RIS. FILIVS

Quatuor alias habet Sponius in Misc. erud. antiq. pag. 186. & 187., quae in quatuor columnis milliariis Fori Segusianorum, vulgo *Feurs*, repertis, insculptae sunt, ac duae quidem priores soli Maximino dicatae sunt, duae vero reliquae Maximino, & ejus filio, uti superior, quae apud Gruterum, & in his duabus pariter idem ipse Maximinus TRIB. POT. III. inscribitur.

Quin si verum est, ut ex his Inscriptionibus evinci videtur, Maximinum Dacicum, & Sarmaticum bellum

E

con-

confecisse, haec proculdubio, aut Sarmaticum saltem, confecerit, necesse est, postquam relata victoria Germanica *instante*, ut ait Herodianus, *bieme in Pannoniam reversus est*, Sirmiumque, ad vernam sese expeditionem comparaturus, concesserat. Namque *pacata Germania*, ait, ut supra, Capitolinus, *Sirmium venit, Sarmatis bellum inferre parans*. Quomodo autem conficere id bellum potuisset, si hiems, quam Sirmii exegit, fuit, quae subsequuta aestatem anni 236., quum mense postea Aprili, aut Majo anni 237. Afri ab eo rebellarunt, eodemque mense Majo Senatus Populusque Rom. hostem eum, Gordiano Augusto nuncupato, declararunt? Ubi enim haec ei nunciata fuere, & quidem ante ejusdem Gordiani mortem, quae non multo post, ut inferius dicemus, contigit, *dato militibus stipendio, & quidem ingenti, Romam versus proficisci coepit*, ut aperte tradit Capitolinus cap. 18., cui consentit quoque Herodianus lib. 7. cap. 8. Si autem hiems, qua *instante* se Sirmium recepit Maximinus, fuit quae subsequuta aestatem anni 235., recte eandem post hiemem id Sarmaticum bellum, ut & Dacicum; ob quae nempe in laudatis Inscriptionibus *DACICVS MAXIMVS*, & *SARMATICVS MAXIMVS* dicitur, conficere potuisset.

Quod superius recitatis Herodiani testimoniis demonstravimus, idem duobus Maximini nummis apud Goltzium, in Thesaur. rei antiq. pag. 101., videtur comprobari. Prior in antica parte ita inscriptus est: *MAXIMINVS PIVS AVG GERM.* in postica vero: *P. M. TR. P. P. P.* Alius in priori parte habet: *IMP. MAXIMINVS. PIVS AVG. GERM.* in averſa vero, ut in priori nummo *P. M. TR. P. P. P.* Porro cusi hi nummi videntur ipſo anno Ch. 235. quum nondum scilicet Consulatum Maximinus iniisset; unde fit, ut in posticis

cis eorum partibus post *TR. P.* titulus *COS.*, quem Calendis Januariis anni insequentis 236. postea obtinuit, haud inscribatur. Etli enim non semper in Latinis nummis is titulus Imperatoribus, quamvis Consulatum ceteroqui susceperint, tribuatur, quod certe contingit, quum in postica parte typus aliquis cum sua peculiari inscriptione repraesentatur: nihilominus tamen quum in posticis iisdem partibus *P. M. TR. P.* exprimitur, titulus etiam *COS.*, si Consulatum quidem semel illi Imperatores susceperint, ut plurimum, sub illa saltem tempora, adponi solet. Quare si cusi sunt duo ii nummi anno Ch. 235. atque in illis Maximinus *Germanici* nomine honestatur, palam fit, eodem anno 235. victoriam ipsam Germanicam reportatam fuisse. Ut tamen ingenue fatear, argumentum hoc, quo in priori quoque Dissert. cap. 111. pag. 33. usus fui, non adeo certum videtur: quum idem Consulatus titulus in nummis, quum etiam *TR. P.* essetur, etiam raro, aliquando tamen, si hi quidem nummi recte ab antiquariis descripti sunt, omittatur, ut patet ex nummo Elagabali apud Medjob. pag. 312. inscripto: *P. M. TR. P. III. P. P. S. C.*

Fateor etiam, plures ejusdem Maximini nummos exstare, in quibus Tribunitia illius Pot. II. exhibetur, neque tamen Germanica appellatione ipse Maximinus insignitur. Horum aliquot recitat Medjobarbus pag. 328. & 329. alterumque e suo museo profert Cl. Vignolius pag. 33. Verum multo minus hinc inferri existimem, ut eadem pagina infert V. Cl., Maximinum Germanicam victoriam non retulisse, nisi postquam ille Tribunitiam Pot. II. anno Ch. 236. iniisset. Profecto infinitus sim, si nummos omnes Imperatorum percerens velim, in quibus similia nomina, titulive, quibus illi decorati jam fuerant, praetermittuntur. Septi-

mius Severus, & Antoninus Caracalla, ut haec tantum exempla adhibeam, *Partbici Maximi* nomine exornati sunt, quum ille Tribunitiam Pot. VII. gereret, hic vero Tribunitiam Pot. IV. Sic apud Mediob. pag. 273. exstant nummi Severi inscripti in priori parte: *SEVERVS PIVS AVGVSTVS*, in posteriori: *PARTH. MAX. P. M. TR. P. VII. COS. II. P. P.*, & pag. 286. habentur nummi Caracallae, qui ex una parte: *ANTONINVS PIVS AVG.* ex altera: *PARTH. MAX. IR. P. IIII.* Sed videas apud eundem Mediob., quot nummi Severi sint, cum *TR. P. VIII., VIII.,* & sequentibus, nec non Caracallae cum *TR. P. V., VI.,* & sequentibus, in quibus id *Partbici Maximi* nomen reticetur. Idem Caracalla, quum Tribunitiam Pot. XIII. iniisset, *Britannicus* cum Severo, & fratre Geta dictus est; & quum esset Tribunitiae Pot. XVI. *Germanicus*: ac sunt nihilominus ejus nummi apud Mediobarbum cum *TR. P. XIII.* sine titulo *Britannici*, ut nummi cum *TR. P. XVII., & XVIII.* sine titulo *Germanici*. Quid plura? Prostant passim in museis, ac apud Mediobarbum nummi ipsius Maximini, qui in averfa parte inscripti sunt: *VICTORIA AVG., VICTORIA GERMANICA*; ac in priori parte modo praeferunt: *MAXIMINVS PIVS AVG. GERM.* modo: *IMP. MAXIMINVS PIVS AVG.* tantum, sine nomine *Germanici*. At ad alterum argumentum, ex tempore, quo Afri, ac dein universus orbis Romanus in saevissimum tyrannum arma sumserunt, petitur, sequenti capite examinandum progrediamur.

CAPUT IV.

Argumentum ex tempore, quo Afri, ac dein totus orbis Romanus a Maximino rebellavit. Pagii opinio de Afrorum defectionis tempore. Gordianus ab Afri Imperator renunciatus confirmatur Romae a Senatu die xxvii. Maji anni Ch. 237. Biennium tum regnaverat Maximinus. Aliquae Maximini Inscriptiones cum T.R.P. III. Sponii in ejusdem Maximini Inscriptiones Fori Segusianorum repertas observatio. Gordiano non multo post fato fun-cto Romae die ix. Julii ejusdem anni 237. Maximus & Balbinus a Senatu eliguntur.

QUUM Maximinus diu saae crudelitati, atque avaritiae indultisset, odiumque in se universorum jam concitasset, Afri tandem rebel-
lunt, ac Gordianum Africae Proconsulem apud oppidum Tyssdrum Imperatorem
declararunt. Haec circa diem xii. Aprilis anni Ch. 237. gesta fuisse, opinatur Pagius in Crit. Bar. ad annum Ch. 236. num. 6. Siquidem quum post aliquot dies Carthaginem Gordianus contendisset, prodigiis quibusdam, quae sub illis diebus acciderunt, avertendis, operam dedit. C. Julius Maximinus, ait Victor de Caesaribus, praefidens Trebellicae . . . potentiam cepit suffragiis legionum . . . filiusque ejus pari nomine Caesar factus est. Quis biennium summis potitis . . . repente Antonius Gordianus Africae praefidus ab exercitu princeps apud Thyssdrum oppidum absens sit. Quo ut accitus pervenit . . . Carthaginem petit. Ibi quum avertendis prodigiis, quorum metu baud inaneangebatur, rem divinam solitiis ageres, repente hostia partum edidit. Quae quidem prodigia, censet ipse Pagius, fuisse magnam quam-

quamdam Solis eclipticam, quae die xii. Aprilis ejus anni 237. visa fuit hora iv. post meridiem: Utcumque fuit, ad S. P. Q. R. Gordianus, postquam ad imperium ab Afris vocatus fuerat, literas milit, quae Romae in Aede Castorum lectae fuerunt, ut testatur Capitolinus in Maxim. duobus cap. 16., v. 1. *Calendas Junias*. Hoc tempore Maximinus biennium imperaverat, ut patet ex supra recitato Victoris testimonio, cui minime repugnat Herodianus, quum lib. 7. cap. 4. Afros ab ipso Maximino rebellasse scribit συμπληρωμένης αὐτοῦ τριετὸς βασιλείας. Haec namque verba non ita reddenda sunt quemadmodum vertit Politianus: *exacto imperii triennio*, sed: *Quum compleretur*, hoc est curret, *triennale ejus imperium*. Est enim συμπληρωμένης participium praesentis: imo phrasis haec est Graecis, aliisque non raro usurpata, qua aliquid *compleri* dicitur, quum primum etiam advenit, atque inchoatur. Sic enim D. Lucas Act. 2. v. 1. Καὶ ἐν τῷ συμπληρῶσθαι τῶν ἡμερῶν τῆς πεντηκοστῆς: *Quum compleretur dies Pentecostes*, hoc est, quum advenisset, illuxisset dies quinquagesimus a Paschate. Et in Evang. cap. 2. v. 21., Καὶ ὅτε ἐπλήσθησαν ἡμέραι οὕτως τῷ περὶ τεμνὸν τοῦ παιδίου: *Postquam consummati sunt dies octo, ut circumcideretur puer*, hoc est, quum advenisset dies octavus. Quomodo autem dici posset, Maximinum tum *biennium* regnasse, si secundus ejus annus per Cl. Vignolium non defuisset, nisi circa diem xx. Julii ejus anni 237.? Neque enim Victor annis incompletis, quemadmodum egit, ut alio loco dicemus, Herodianus, uti solet, eoque pro completis sumere: quare biennium illud verum, completumque fuisse, necesse est.

Victoris auctoritati non leve addunt pondus tria Maximini, ejusque filii elogia supra a nobis pag. 33. laudata, in quibus ipse Maximinus TR. P. III. inscribitur;

tur; quum probabile admodum sit, inscripta illa fuisse, antequam cum S. P. Q. R. totum ferme imperium a Maximino defecisset. Lectis namque in Senatu die xxvii. Maji Gordiani literis, faustae statim in eum ab universis acclamationes editae sunt, hostesque Maximinus, ejusque filius declarati, ut habet Capitolinus loco supra laudato cap. 16., & Herodianus lib. 7. cap. 7. Quin & legationes undique ad Rectores Provinciarum confestim missae sunt, *electis*, ait Herodianus, *e Senatorio, Equestrique ordine clarissimis hominibus cum literis, quibus, senatus, populiue Romani mens exponebatur.* Harum literarum exemplum profert Capitolinus, qui easdem pariter auditas *ab omnibus*, amicisque ubique, & administratores, & duces, tribunos, & milites Maximini interfectos fuisse, tradit. Ac licet *paucae* aliquas Civitates, quae fidem Maximino servarunt, fuisse etiam narret: attamen quum *paucae* hae existerint, contra vero quae literis Senatus paruerunt, *omnes* ab eo dicantur, quis e paucis prioribus illas, quae Inscriptiones ejusmodi Maximino dicarunt, fuisse affirmaverit? Imo quod ad Inscriptiones Fori Segusianorum a Sponio recitatas pertinet, illud maxime notandum est, has in columnis milliariis, ut supra etiam pag. 33. monuimus, insculptas fuisse, quum in imo earum lapidis, seu milliariis numerus inscriptus sit. In prima enim inscriptione, seu columna vilitur *L. I.*, in secunda *L. II.*, in tertia *I. III.*, & in quarta *L. IIII.*, hoc est, ut explicat ipse Sponius, *lapis, seu miliarium primum, secundum, tertium, & quartum.* Debebant enim, subjicit idem Sponius, *singulae hae lapideae columnae in tali distantia a Foro Segusianorum statui, sed proculdubio audita statim morte Maximini, & Maximi, ejus fama post Gordiani in Africa factam nuncupationem, ut testatur Herodianus lib. 7. cap. 6., vulgata est,*

est, eosque hostes populi Romani declaratos fuisse, non aut sunt Forenses eas in viis publicis collocare, ne successoribus displicerent: ideoque eas abscondere satagerunt, & ab eo tempore ad nostram usque aetatem sepultae fuerunt. Quae observatio non inverisimilis videtur, quum & Romae, simul ac Gordiani literae allatae fuere, rumorque mortis Maximini auditus, a populo, ut tradit idem Herodianus eod. lib. 5. cap. 7. *statuae, atque imagines Maximini, ceterique honores statim convulsi, clausumque antea formidine odium licentia jam, & potestate adepta, nullo prohibente effundebant.*

At non solum, quum Afri rebellarunt, ac S. P. Q. R. die xxvi. Maji anni Ch. 237. Gordianum Imperatorem confirmarunt, biennio, secundum Cl. Vignolii sententiam, non imperasset Maximinus, ac Tribunitiam Pot. III. non instaurasset, verum neque quum fato functo non multo post Chartagine eodem Gordiano, Romae Maximus Pupienus, & Clodius Balbinus electi fuerunt. *Interemtis in Africa Gordiano Seniore cum filio, quum Maximinus ad urbem furens veniret: ut, quod Gordiani Augusti appellati fuerant, vindicaret. Senatus perterritus in Aedem Concordiae vii. Cal. Junii concurrens: ludis Apollinaribus, remedium contra furorem hominis improbiissimi requirens.* Sic Capitolinus initio vitae Maximi & Balbini, ubi hos deinde narrat a Senatu Augustos fuisse nuncupatos. Quum Gordiani Africani imperium breve admodum, ac quaedam tantum, ut loquitur Herodianus lib. 7. cap. 9., imago principatus fuerit, neque Maximi & Balbini electio in diem usque xxvi. Maji anni Ch. 238. differri possit, manifestum est, in hunc locum Capitolini, quo Senatus in Aedem Concordiae concurrens, dicitur vii. Cal. Junii, vitium irreplisse. Hinc Casaubonus scribendum censet vii. Cal. Julii, ita ut, quum vii. Cal. Junii recita-

citatae fuissent in Senatu Gordiani literae, ac nuncius deinde de ejus nece Romam mense uno post allatus esset, Senatus hic habitus sit VII. Cal. Julii. Pagius vero ad annum Ch. 236. num. VIII., ut supra etiam cap. I. monuimus, legendum putat VII. Idus Julii, in quod tempus ludi Apollinares, quorum eodem Capitolini loco mentio fit, incidebant. Quod autem ex Afrorum, atque orbis Romani a Maximino defectionis tempore nunc demonstravimus, idem ex tempore quoque interitus ipsius Maximini capite sequenti ostendendum.

CAPUT V.

Argumentum ex tempore necis Maximini, nec non Maximi & Balbii. Tempus imperii Maximini. Quoto tempore post mortem Maximini Maximus & Balbinus regnaverint. Maximus & Balbinus Romae occisi, dum ludi Capitolini celebrabantur. Variæ opiniones de tempore ludorum Capitolinorum. Petavii argumentum ex insigni loco Censorini desumptum, quo ludi Capitolini ante exitum mensis Augusti editi ostenduntur. Censorinus librum suum scribebat ante diem XXIX. Augusti, quum in cursu adhuc erāt annus Augustorum Aegyptius 267. Pagii opinio de tempore, quo idem Censorinus librum suum scribebat. Aliquæ Censorini editiones annum, quo is librum suum scribebat, habent fuisse Augustorum Aegyptium 268.; sed hæc vitiiosiores.

Maximinus, quum cognita Senatus Populi-
que Romani defectione, furens in Italiam
una cum universo exercitu iter instituisset,
ac superatis, nemine resistente, alpibus,
Aquilejam obsedisset; a suis tandem militibus rerum
F om.

omnium penuria in ea obsidione laborantibus. cum
Maximo filio obruncatus est. Hunc triennium, pau-
cosque alios dies imperium occupasse, nobiscum con-
sentit Cl. Vignolius pag. 90. Id enim clare traditur ab
Eutropio lib. 5., ac confirmatur aliquot ejusdem Im-
peratoris numismatis, quorum alterum priori Dissert.
pag. 37. produxeram ex museo Mediceo, ubi alia deinde
quatuor, eaque indubitatae pariter fidei, ejusdem
typi, ac cum eadem epigraphe conspexi. Ut ergo ab
die circiter xx. mensis Julii anni Ch. 235. Maximini
imperium auspiciatur Vignolius, ita sub ejusdem men-
sis exitum, vel proximi Augusti initium anni 238. ejus-
modi tem collocare haud dubitat, quemadmodum nos,
statuto initio ipsius Maximini circa diem xix. Martii
anni Ch. 235., ejusdem interitum circa exitum men-
sis Martii anni 238. consignamus. Jam vero quis in hoc
etiam termino collocando collimaverit, dispiciamus.

Post necem Maximini aliquod tempus Maximus
& Balbinus, qui anno superiori Ch. 237. VII. *Idus*
Julii ludis *Apollinaribus* creati Augusti fuere, impera-
runt: ut patet ex iis, quae tum ab Herodiano lib. 8.
cap. 6. 7. & 8. tum a Capitolino in eorum vita cap. 12.
13. & 14. gesta ab illis narrantur. Quotum hoc tem-
pus fuerit, nec Herodianus, nec Capitolinus defi-
niunt, licet Capitolinus in vita eorum cap. 15. tradat
illos, ex quo Imperatores nuncupati fuere, regnasse
anno uno, & in Gordianis tribus cap. 22. *biennio*; cui
tamen posteriori loco, prior haud dubie, ut docet
Salmatius praefendus est: nisi cum Pagio ad annum
Ch. 238. num. v. duos illos annos pro duobus annis
Julianis incompletis sumere velimus, quum certum sit
biennium eos re vera haud imperasse, imo forte nec
integrum annum. Auctor Chronici Alexandrini Balbi-
no *non menses tres* tribuit, & Pupieno, seu Maximo *dieb.*

centum, perinde atque alter alteri; aut in imperio
 successerit, aut saltem aliquot dies superfuerit, quod
 certe utrumque falsum. Eutychius Annal. Eccles. tom.
 II. pag. 387. ipsi Pupieno *tres menses* adsignat. Zona-
 ras vero ait, eosdém imperasse *vel, ut nonnulli opina-
 ti sunt, dies xxxi.*; *vel ut alii tradunt, non tres menses
 integros.* Dies xxxi. paciores sunt, quam intra id
 tempus confici omnia potuerint, quae, ut superius
 aiebam, ab Herodiano, & Capitolino recensentur. In-
 terfectis enim Maximino, Maximoque ejus filio, Aquile-
 ja Equites quidam (sic rem narrat Herodianus locis
 supra laudatis) Romam eorum capita, stagnis paludi-
 busque inter Alcinum & Ravennam enavigatis, per-
 tulerunt. Maximus Pupienus nuncio de morte Maxi-
 mini Ravennae, ubi copias adversus illum compara-
 bat, ab iisdem Equitibus accepto, Aquilejam trans-
 missis paludibus, in quas fluvius Eridanus, ac vicina
 stagna exundabant, contendit. Illic *non altero die
 sacrificiis absinto, tertio die* exercitum omnem in pla-
 nitiam verba illi facturus convocavit. Post habitam
 concionem, *paucos Aquilejae commoratus dies*, dimis-
 sis in provincias, aut in sua castra militibus, Romam
 cum stipatoribus, atque auxiliariis Germanorum co-
 piis reversus est. Paullis a Senatu Populoque Roma-
 no acclamationibus exceptus imperium cum Balbino
 magna quidem cum publice, cum privatim modestia,
 & gravitate administravit. Milites tamen, quam ini-
 que datos sibi a Senatu Principes ferrent, novas res,
 eadémque ipsorum Principum, ubi opportunam na-
 ti essent occasionem, animo agitabant. Postremo *quam-
 ludi Capitolini, celebrarentur deditis festis, ac spectacu-
 lis omnium mentibus, repente dissimulatum diu sensum mi-
 lites indicarent.* Namque ira instincti, ne vesant quodam
 modo unanimiter ad Regiam senes Principes ad *negotio*
de-

deposcebant &c. Capitolinus vero addit, ipsi Maximo, quum Aquilejae esset, Roma missos fuisse legatos Senatores xx. cum coronis, & Senatus Consulto, in quo & statuæ auratæ equestres decernebantur, ac postquam Romam venisset, quum duo illi Augusti urbem cum magna moderatione regerent; leges optimas concederent, causas audirent, res bellicas pulcherrime disponerent, ita res demum comparatas fuisse, scribit, *ut contra Partibus Maximus proficeretur, Balbinus contra Germanos; puer autem Gordianus Romæ remaneret:* Quæ sane omnia xxi. dumtaxat dierum spatio perfici hand potuere. Ponamus ergo, aut juxta ea, quæ habet auctor Chronici Alexandrini, & Eutychius, eos Imperatores regnasse post Maximinum *tres menses*, aut cum auctoribus a Zonara memoratis, *non tres menses integros*. Si Maximinus per Cl. Vignolium neci deditus sit circa exitum mensis Julii, vel proximi Augusti initium anni 238., Maximus & Balbinus interfecti erunt circa extremum, aut minimum circa medium mensem Octobrem: uti per me, si ille extinctus sit circa finem mensis Martii, hi occisi pariter erunt circa extremum, aut medium mensem Junium: *tres* namque illi *menses non integri*, redigi non incommode possunt ad duos menses integros, & dies circiter quindecim.

Quum ex Herodiano loco supra recitato hi Imperatores interempti sint, dum ludi Capitolini celebrabantur, si quo anni tempore Romæ idem ludi commitebantur, liqueret, certius etiam tempus, quo ii Principes interfecti fuere, eruere possemus. Hoc namque ipso anni Ch. 238. eos ludos re ipsa celebratos fuisse præter, Herodianum testis quoque est Censorinus de Die natali cap. 13., ubi de Agone quinquennali Capitolino a Domitiano instituto loquens, eo anno;

quo

quo librum suum ad Q. Caerellium scribebat, tradit illum celebratum fuisse: usque annus, ut inter omnes Chronologus convenit, fuit re vera Ch. 138, quod manifeste apparet ex variarum Epocharum anhis, quibus cum in annum confert idem ipse Censorinus cap. 21. At tantum abest, ut his ex ludis quidquam pro tempore caedis horum Imperatorum colligere liceat, ut contra, ex horum caedis tempore tempus illorum cogamur expiscari. Sic Calvius in Opere Chronol. ad annum post Ch. 138, quia ante mensē Aprilē eius anni Maximum & Balbinum interemptos censet, hinc, & ante eum mensē ludos illos celebratos fuisse, docet; & Pagius in Crit. ad eundem annum num. vii, ut ante finem mensis Maji neci deditos eosdem tradit, ita ante exitum pariter ejusdem mensis Maji, editos ludos contendit: Auctor etiam libri, cui titulus: *Novae, verae, & exacte ad calculum astronomicum revocatae Chronologiae capita praecipua &c.*, eorum singulares opiniones pluribus in locis laudat, confutatque doctissimus Petavius in libris de Doctrina Temp., docet Agonem Capitolinum Autumni tempore, & circa Idus Octobres celebratum fuisse, quod nimirum circa id tempus Maximum & Balbinum extinctos arbitratur. Quae sententia si vera esset, solidoque fundamento niteretur, plurimum fane vel Cl. Vignolii opinioni ponderis adderet. Sed en illius argumenta. Herodianus lib. vii. pontem describens, quem Maximinus, ad obsidendam Aquilejam, e cupis vinariis struxit, indicat, circa vindemiae tempus Maximinos ambos interfectos fuisse. Porro imperarunt Balbinus & Pupienus menses tres. Creati sunt ludis Apollinaribus vii. Idus Julii, non, ut in vulgatis est, vii. Calend. Junii, vel Julii. Igitur vii. Idus Octobris vitae pariter, & imperii finem nacti sunt. Haec ille apud Petavium lib. xi. de

forinus librum suum commentabatur, ductum, et si minus recte evincat, aestate potius quam vere eos ludos editos fuisse, optime tamen, atque evidenter ostendit ante autumni, & ante exitum Mensis Augusti (quod certe sententiam etiam Cl. Vignolii convellit) commissos fuisse. Si enim verum est, Censorium ante exitum mensis Augusti ejus anni Ch. 238. opus suum exarasse, manifeste consequitur, eosdem ludos, quos, dum ille opus suum scribebat, celebratos fuisse, affirmat, ante exitum pariter mensis Augusti exhibitos fuisse.

Verum quoniam argumenti hujus vis unitatur temporis, quo librum suum Censorinus commentabatur, haec praestat verum Petavium audire lib. 10. cap. 48. ubi ut aliam ejusdem Superius laudati auctoris opinionem de tempore, quo ludi Olympii celebrabantur, confutaret, quod hoc loco tantummodo innuit, egregie demonstrat. *Scriptis Censorinus*, ait Petavius, *anno Christi cccxxviii, uti libro x. cap. xxi. declaravimus*, ubi ille doctus fatetur Diatribae suae cap. v. At hoc ipso anno coepisse dici annum Urbis nonagesimum nonagesimum primum, Aethiacum Aegyptiorum ducentimum sexagesimum septimum (cujusmodi annis initium dat xxxix. dies Augusti, in qua Thab. civilis deficiat est) necnon Julianum ducentimum octogesium tertium. Annus primus Aethiacus Aegyptiorum coepit anno Juliano decimo sexto Urbis ex Varraniana putatione septingentesimo vicesimo quarto, uti libro x. cap. lxx. docuimus. Demum igitur quinquaginta annis de ducentis octoginta tribus Julianis restant ducenti sexaginta octo. Proinde anno Juliano cclxxviii, hoc est Christi cccxxviii. intre debuit annus Aethiacus cclxxviii. Unde Censorinum necesse est librum suum scripsisse labente adhuc anno Aethiac cclxxviii. adeoque ante xxx. Augusti, & quo cclxxviii. initium habet.

pulcherrima, ingeniolissimaque Petavii argumentatio; quae huc breviter redit. Scribebat Censorinus, dum in cursu adhuc erat annus Aëtiacus Aegyptiorum cclxvii. *At eorum*, verba sunt Censorini de Die natali cap. 21., *qui vocantur anni Augustorum ducentessimus sexagesimus quintus*, perinde ex Calendis Januarii . . . *sed Aegyptii*, quod biennio ante in potestatem, ditionemque Pop. Rom. venerunt, *habent hunc* [quo scribebat] *Augustorum annum ducentessimum sexagesimum septimum*. Hic autem annus cclxvii. desit die xxviii. mensis Augusti anni Ch. 238., coepitque die insequenti xxix. annus Aëtiacus Aegyptiorum cclxviii. Librum itaque suum scribebat Censorinus ante diem xxix. Augusti.

Pagius equidem ad annum Ch. 238. num. 11., Censorinum librum suum scripsisse, autumat, post Cal. Octobres ejus anni: quia nimirum ipse Censorinus cum eodem anno copulat annum Philippi, & obitus Alexandri dlxii., qui, uti ait idemmet Pagius, non nisi ab ipsis Cal. Octobris incoepit. Sed fallitur proculdubio ipse Pagius, quum anni illius ab imperio Philippi Aridaei, atque obitu Alexandri Magni 562. initium expresse sumat Censorinus non a Cal. Octobris, sed a neomenia vaga Thoth, quam etiam illo anno in diem xxv. Junii incidisse, affirmat. *Sed Aegyptii*, verba sunt Censorini, *quod biennio ante in potestatem ditionemque Pop. Rom. venerunt habent hunc Augustorum annum cclxvii*. Nam, ut a nostris, ita ab Aegyptiis, quidam anni in literas relati sunt: Ut quos Nabonazarum nominant, quod a primo imperii ejus anno consurgunt, quorum hic dcccclxxxvi., item Philippi, qui ab excessu Alexandri Magni numerantur, & ad hunc usque perducti annos dlxii. consummant. Sed horum initia semper a primo die mensis ejus sumuntur, cui apud Aegyptios nomen est Thoth: quique hoc anno fuit

ante

ante diem vii. Cal. Julii. Idem Pagius, quo annum illum Acliacum Aegyptiorum, quem memorat Censorinus, cum laudata sua opinione, de initio anni Philippi, & obitus Alexandri, conciliaret, addit eodem loco, quod licet aliqui Codices habeant, eum esse annum 267., correctiores tamen ferunt 268.

Nonnullas aurei Censorini opusculi editiones eo loco legere annum CCLXVIII., verti in dubium non potest. Sic enim habet ex iis, quas vidi, Bononiensis anni 1497. in fol., qua primo prodiit Censorinus opera Philippi Beroaldi, una cum Tabula Ceberis, Dialogo Luciani, Enchiridio Epicteti, Basilio, Plutarcho de Invidia & odio: Mediolanensis ann. 1503. in 4., curata a Tristano Chalcho, qua editum id opusculum fuit una cum Nervae, Trajani, & Hadriani vitis ex Dione in latinum versis a Georgio Merula, Vesaevi montis conflagratione ex eodem, Merula interprete, Ceberis tabula, Plutarcho de Differentia inter odium & invidiam, Basilii oratione de Invidia, & epistola de Vita solitaria: Veneta in aedibus Aldi & Andreae Asulani an. 1528. in 8., in qua subjicitur idem opus Macrobio in Somnium Scipionis: alia item Veneta cum notis Aldi Mannuccii Nepotis ann. 1581. in 8. Duae priores editiones non recensentur neque a Dan. Georgio Morosio in suo Polyhist. tom. 1. lib. 4. pag. 203., ubi variae ceteroque ejus operis editiones memorantur, neque a Jo: Alberto Fabricio in sua Biblioth. Lat. pag. 531. In Bononiensi initio exstat epistola nuncupatoria supra laudati Philippi Beroaldi ad Nobilem Bartholomaeum Blanchinum, quae incipit: *Pulchrum est, congerere nominis illustrium virorum, pulchrius Bibliothecam librorum monumentis instruere, pulcherrimum vero utrumque conficere.* In Mediolanensi vero praefixa est epistola Tristani Chalchi Mediol., Secretarii Regii ad

G

Re-

Reverendiss. P. D. Stephanum Poncherium Episcopum Parisiensem, & Regium Senatus Mediolani Praesidem, quae incipit: *Solent officiosi clientes secundis patronorum rebus laetari*. Editio Beroaldiana saepius ante Chalchianam recusa est, ut testatur ipse Calchus in eadem epistola, ubi inter alia: *Censorini*, inquit, *Grammatici de die natali opus reconditae eruditionis, quod injuria temporum exesum, ac mutilatum Philippus Beroaldus primo publicavit: & qualemcumque potuit latentis libelli copiam studiosis fecit: Mox alii, atque alii ad ejus exemplar impressere*. Nulla autem neque harum impressionum laudata est a Morosio, aut a Fabricio.

At si hae Censorini editiones ferunt eo loco annum cclxviii., cur correctiores, ut Pagius pronunciat, duccendae? Certe recentiores omnes, quae accuratiores, & castigatiores omnibus habentur, constanter eo loco habent, annum cclxvii. Hujusmodi est Editio Ludovici Carrionis Lutetiae anni 1583., & Lugduni 1593., & 1603. in 8., Editio Lovanienſis curante Erycio Putetano Bamelrodio ann. 1628. in 4., Editio Henrici Lindembrogii, quam optimam vocat Morosius loco supra laudato, Hamburgi primum ann. 1614. in 4., & deinde emendatior Lugduni Batav. ann. 1642. in 8. impressa, quam Cantabrigienses etiam postremo recuderunt ann. 1695. Imo dignum observatu est, in iis editionibus, quae, ut supra diximus, hoc loco habent annum Augustorum Aegyptium cclxviii., alio loco, quo legendum pariter esset lxvii., mendose legi lxviii. Sic enim ubi in recentioribus editionibus cap. 20., recte dicitur C. J. Caesar, quum annum Romanum correxit, *duos menses intercalarios dierum lxvii. inter mensem Novembrem, & Decembrem* interposuisse, in vetustis, quas supra recensuimus, editionibus, Veneta excepta an. 1528., legitur interposuisse *duos menses dierum lxviii.*

Quae

Quae lectio proculdubio vitiosa est, ut apparet tum ex Dione lib. 43., ubi ipse J. Caesar adiecisse ei anno dicitur *ἐπὶ τὰ κατὰ ἑξήκοντα ἡμέρας septem, & sexaginta dies*, tum ex numero dierum, quibus eum annum correctionis constituisse tradit eodem loco ipse Censorinus. *Adeoque aberratum est*, inquit, *ut C. Caesar Pontifex Maximus suo III. & M. Aemilii Lepidi Consulatu, quo retro delictum corrigeret, duos menses intercalarios dierum sexaginta septem* (sic in recentioribus) *in mensem Novembrem, Decembrem interponeret, quum jam mense Februario tres dies & viginti intercalasset, faceretque eum annum dierum CDXLV.* Scilicet diebus CCCLV., quibus constabat antiquus annus Romanorum, adjectis intra mensem Novembrem & Decembrem diebus LXVII., necnon diebus XXIII. mense Februario intercalatis, summa inde conficitur dierum CDXLV., contra vero, si intra mensem Novembrem, & Decembrem additi fuissent dies LXVIII., is annus fuisset dierum CDXLVI. Veneta autem editio, de qua modo loquebamur, habet, interposuisse J. Caesarem *duos menses dierum LXIII.*, quae lectio sane etiam priori vitiosior est, quum juxta illam is annus non fuisset dierum CDXLV., sed tantum CDXLII. Si igitur recentiores Censorini Editiones, in quibus cap. 21. annus, quo librum is suum exarabat, fuisse dicitur annus Augustorum Aegyptius CCLXVII., qui desit die 28. Augusti anni Ch. 238., pro correctioribus habendae sunt, recte probat Petavii argumentum, ludos Capitolinos celebratos fuisse ante exitum mensis Augusti, ac caedem proinde, quod maxime ad rem nostram facit, Maximi & Balbini, qui dum iidem ludi agitabantur, interempti fuere, in medium usque Octobrem differri non posse, uti nec Maximini interitum in finem usque mensis Julii, vel proximi Augusti initium esse cum Cl. Vigilio prorogandum.

CAPUT VI.

Postremum argumentum ex initio, ac fine Gordiani Pii, & Philippi ejus successoris. Gordiani initium circa medium mensem Junium anni Ch. 238. statuendum, non vero circa medium mensem Octobrem. XXXII. leges Gordiani datae ante Idus Octobres ejusdem anni 238. Quamvis aliquae legum subscriptiones mendosae, non idcirco mendosae omnes habendae. Tillemonii conjectura de iisdem Gordiani legum subscriptionibus. Tempus imperii Gordiani. Initium Philippi circa medium mensem Junium anni Ch. 244. pariter statuendum, non vero circa medium mensem Octobrem. XII. leges Philippi datae ante Id. Octobres ejusdem anni. Nummo Herennii Etrusci ab Anazarbensibus uso Philippi interitus, & initium Decii saltem ante Cal. Octobres anni Ch. 249. consignandum demonstratur.

Maximini interitum in finem usque mensis Julii, aut proximi Augusti initium anni Ch. 238. prorogari cum Cl. Vignolio non posse, ex insigni Cenforini loco capite praecedenti demonstravimus. Idem vero nunc luculentius adstruemus ex duabus supra triginta legibus Gordiani Pii, qui statim post mortem Maximi & Balbini Augustus dictus est, quae in Codice Justiniano datae omnes visuntur ante Idus Octobres ejus anni Ch. 238. *Pio & Pontiano Coss.* Harum tres sunt ante ipsum initium Augusti: quo tempore secundum Cl. Vignolium non solum Maximus & Balbinus, sed & ipse Maximinus adhuc in vivis fuisset: aliae quatuor sunt ante exitum Augusti, quae una cum tribus prioribus Petavii argumentum, de quo capite praecedenti, confirmant: prior vero omnium data est die xx. Junii, quo

quo tempore, si post mortem Maximini, quam nos circa finem mensis Martii statuimus, non tres menses integros, seu duos solidos menses, ac dies circiter quindecim regnarunt Maximus & Balbinus, recte poterat imperio praeesse Gordianus. Hae autem leges sunt: L. 2. *De errore Advocat.*, data x. Cal. Jul., L. 8. *De his qui accus. non poss.*, data xvii. Cal. Aug., L. 5. *Arbitrium tutelae*, data x. Cal. Aug., L. 11. *De operis libert.*, data 111. Non. Aug., L. 2. *De in integrum restit.*, data viii. Id. Aug., L. 3. *De his, quae vi metusve causa*, data vi. Id. Aug., L. 6. *De distract. pignorum*, data xiiii. Cal. Septemb., L. 2. *De dotis promissione*, data xii. Cal. Septemb., L. 14. *Ex quibus causis infamia irrog.*, data Cal. Sept., L. 2. *De novationibus*, data item, Cal. Septemb., L. 5. *De Judiciis*, data 1111. Non. Septemb., L. 7. *De Pignoribus, & Hypothecis*, data Non. Septemb., L. 2. *De delatoribus*, data viii. Id. Septemb., L. 1. *De precario*, data vi. Idus Septemb., L. 1. *Si quis ignorans rem min.*, data v. Id. Septemb., L. 4. *An servus pro suo facto*, data Id. Septemb., L. 1. *Si pignus pignori datum*, data item Id. Septemb., L. 9. *De fideicommissis*, data xvii. Cal. Octob., L. 7. *Ad S. C. Vellejanum*, data xii. Cal. Octob., L. 9. *De donationibus inter virum & ux.*, data vii. Cal. Octob., L. 4. *De in litem jurando*, data item vii. Cal. Octob., L. 3. *De solutionibus, & liber.*, data v. Cal. Octob., L. 8. *De testam. Militis*, data iii. Cal. Octob., L. 7. *De jure dotium*, data Cal. Octob., L. 9. *De testam. militis*, data v. Non. Octob., L. 2. *De filio familias min.*, data 111. Non. Octob., L. 1. *De temporibus in integ. restit.*, data 111. Non. Octob., L. 1. *Ne filius pro patre*, data item 111. Non. Octob., L. 4. *De hereditibus instit.*, data Prid. Non. Octob., L. 8. *Ad S. C. Vellejanum*, data Non. Octob., L. 1. *Si major factus alien.*, data item Non. Octob., L. 4. *De solution., & liberat.*, data 11. Idus Octob.

Non-

Nonnullas legum Codicis Justiniani subscriptiones mendosas esse, iterum fateor. Hujusmodi est ejusdem Gordiani L. 2. *De curatore furiosorum*, data *Cal. Januar. Pio & Pontiano Coss.* quo tempore vivebat adhuc Maximinus, & L. 2. *Quomodo, & quando iudex*, data 1111. *Cal. April. A.* (sic) *& Pontiano Coss.*, quo tempore si extinctus forte Maximinus, vivi tamen adhuc erant Maximus & Balbinus. In prioris legis subscriptione excidere facillime potuit nota quaequam numeralis ante *Cal.*, atque ita pertinere ea lex poterat non ad Mensem Januarium, sed ad mensem Decembrem ejus anni 238. Alteram vero legem, quae data apparet 1111. *Cal. April.*, Gordiani minime esse, sed esse Diocletiani, & Maximiani, docet Rufardus, qui eandem subscriptionem ita ex Novella Theodosii notat esse restituendam: *Data 111. Id. Aug. Constantinopoli Theodosio A. xvii. & Festo V. C. Coss.* At si casu contigit, ut aliquae ejusmodi subscriptionum vitiosae sint, num eundem casum dicemus omnes etiam, quas supra laudavimus, vitiasse, atque ita quidem vitiasse, ut omnes in ipsius Gordiani Pii initio ante Idus Octobres anni Ch. 238. statuendo, stabiliendoque, tam pulchre, tam accurate consentiant? *Itane vero*, sic in re quidem ab simili ratiocinatur Quintus Cicero apud M. Tullium lib. 1. *De divin.* quidquam potest casu esse factum, quod omnes habet in se numeros veritatis? quatuor tali jacti casu *Venerium* efficiunt. Num etiam centum *Venerios*, si quadringentos talos jeceris casu futuros putas? *Adpersa temere pigmenta in tabula oris lineamenta effingere possunt*; num etiam *Veneris Gnidiae*, Coaeque pulchritudinem effingi posse *adpersione fortuita* putas? Cui argumento si respondeas, quod re ipsa quidem responderet, sed non multum urget ipse M. Tullius lib. 2. *De divin.* *Dixisti multa de casu, ut Venerium jaci posse casu*

su quatuor talis jactis, quadringentis centum Venerios non posse casu consistere. Primum nescio cur non possint: sed non pugno; neque ego tum certe pugnvero, sed his, aliisque omnibus legum subscriptionibus plane esse valedicendum, frustra quoque viros doctissimos, ac de rebus Chronologicis quammaxime meritis Panvinium, Baronium, Norisium, Pagium, aliosque, in Codice ipso Justiniani, ut inde, quibus sacpissime utuntur, legum subscriptiones colligerent, sedulo versando, tempus trivisse, affirmavero. Ceterum his in rebus, in quibus probabilia sectamur, non quae fieri quomodocunque possunt, sed quae fieri, verisimile est, spectanda.

Neque vero dici potest, quod dubitans quidem proponit Tillemontius nota xii. in Maximinum, ut duas supra laudatas Gordiani leges, alteram datam *Cal. Jan.*, & alteram *1111. Cal. Aprilis*, explicaret, eos nimirum, qui Codicem Justiniani condidit, quum leges Maximi & Balbini Augustorum nominibus inscriptas una cum Gordiani Caesaris nomine invenissent, duos priores praetermisisse, unumque Gordianum uti notiozem signasse. Incredibile namque est, Codicis ipsius conditores, qui viri profecto tum doctrina, tum dignitate praestantes fuere, stupidos adeo fuisse, ut earum legum auctores praecipuos, quales fuissent Maximus & Balbinus Augusti, prorsus omiserint, ac solum Gordianum, qui purus putus Caesar, notaverint, atque hunc Augusti titulo insigniverint.

Duabus supra triginta Gordiani legibus adicere possumus duodecim leges Philippi, qui post Gordianum imperium suscepit. Gordianus imperavit annos sex, quod non solum discimus ex Capitolino in Gordianis tribus cap. 31., Eusebio Hist. Eccl. lib. 6. cap. 24., & utroque Victore, sed ex duobus quoque ejus nummis

apud

apud Mediobarbum pag. 341. *TR. PO F. VII.* notatis. Igitur si Maximinus secundum Cl. Vignolium circa exitum mensis Julii, aut initium Augusti an. Ch. 238., & Maximus & Balbinus circa Idus Octobris ejusdem anni interemti sunt, Gordianus pariter circa Idus Octobres anni Ch. 244. occisus fuisse dicendus; ut contra per me si Maximinus circa finem mensis Martii, & Maximus & Balbinus circa medium mensem Junium memorati anni 238. e vivis sublatis, Gordianus circa medium mensem pariter Junium anni 244. peremptus est. Exstant vero in ipso Codice Justiniani duodecim Philippi leges datae ante Idus Octobres anni 244. *Peregrino & Aemiliano Cos.*, quarum duae datae sunt die xvi. Junii, altera die xix., & altera die xxx. ejusdem mensis; quae sane Maximum & Balbinum confirmant circa medium mensem Junium anni 238., & Gordianum circa medium pariter mensem Junium anni 244., ut superius diximus, extinctos fuisse. Hae sunt: L. 3. *De juris, & facti ignor.*, data xvi. *Cal. Jul.*, L. 8. *De relig. & sumpt. fun.*, data item xvi. *Cal. Jul.*, L. 11. *De his qui accus. non poss.*, data xiii. *Cal. Jul.*, L. 3. *Si saepius in integ. restit. poss.*, data ii. *Cal. Jul.*, L. 3. *Qui dare tutor. vel curator poss.*, data xiii. *Cal. Aug.*, L. 4. *eod. tit.*, data x. *Cal. Aug.*, L. 16. *De excusat. tutor. & curat.*, data item x. *Cal. Aug.*, L. 18. *De fidejussor. & mandator.*, data v. *Cal. Aug.*, L. 7. *De solutionibus & liberation.*, data item v. *Cal. Aug.*, L. 10. *Ad. S. C. Vellejan.* data xviii. *Cal. Septemb.*, L. 11. *eod. tit.*, data viii. *Cal. Octob.*, L. 4. *Quomodo, & quando judex*, data v. *Id Octob.*

Sunt in eodem Codice tres aliae ejusdem Philippi leges iisdem Consulibus *Peregrino & Aemiliano* notatae, quae datae apparent etiam, quum secundum meam sententiam in vivis adhuc agebat Gordianus. Hae sunt: L. 6. *Ad exhibendum*, data ii. *Id Mart.*,

L. 10.

L. 10. *De transactionibus*, data *Prid. Cal. April.*, & L. 4. *De crimine stellionatus*, data v1. *Id. Maji*. Duarum priorum legum subscriptionibus repugnat subscriptio alterius legis eodem anno, hoc est *Peregrino & Aemiliano Coss.*, a Gordiano editae, quae est, L. 6. *De collationibus*, data vii. *Cal. Maji*. Quum ex recentioribus Chronologis haud defint, qui Gordianum in mense Martio, quo duae supra laudatae Philippi leges editae conspiciuntur, occisum fuisse autument, hinc in altera lege Gordiani legendum sentiunt vii. *Cal. Mart.* loco vii. *Cal. Maji*. Pagius tamen ad ann. Ch. 244. n. 11., quum vivum adhuc exeunte mense Martio Gordianum fuisse existimet, eas legum Philippi, & Gordiani subscriptiones in concordiam adducere nititur. Quum enim ex Capitolino in Gordianis tribus cap. 30. observasset, Philippum vivente adhuc Gordiano, in Oriente, ubi simul cum exercitu versabantur, imperium sibi usurpasse, recte fieri potuisse, docet, ut uterque eorum simul eodemque tempore leges in particulari ediderint. Num haec conciliatio Pagii pro vera habenda sit, adhuc dubito. Nam, quemadmodum etiam prioris Dissert. pag. 41. animadverti, quamvis a Militibus Philippo demandatum imperium fuisset, maximamque adversus Gordianum, quem demum interfici iussit, sibi ille auctoritatem cepisset, attamen quum haec, ut narrat idem Capitolinus cap. 31., etiam post mortem Gordiani plane ignota Senatui fuissent, verisimile non videtur, eundem Philippum leges tunc temporis suo nomine inscriptas emisisse. *Philippus autem*, ait Capitolinus, *ne a crudelitate nancisci videretur imperium, Romam literas misit, quibus scripsit Gordianum morbo periisse, seque a cunctis militibus electum. Nec defuit, ut Senatus de his rebus, quas non noverat, falleretur.* Ut ut est, sive tres illae, quas supra memoravimus, Philippi leges mendosae secundum meam

sententiam habendae sint, siue vivente adhuc Gordiano a Philippo editae fuerint, argumentum nihilominus ex duodecim illis Philippi legibus ante Idus Octobres desumptum, semper probat, Gordiani Pii interitum in id usque tempus differri haud posse. Si enim tres illae mendosae: non eadem propterea & alius duodecim legibus nota inurenda. Si vero editae a Philippo vivente adhuc Gordiano: esto, de iis tribus dici id possit, nemo tamen, idem & de aliis duodecim affirmari posse, crediderit. Si enim quae tribus circiter mensibus gesta sunt a Philippo ignorata a Senatu fuerit, non idcirco etiam ea, quae septem mensibus palam in ore atque oculis omnium gessisset in publicum providens, ignorari potuissent.

Philippus tandem regnavit minimum annis quinque, quod tradunt diserte Eutropius, & uterque Victor; exstantque apud Mediobarbum pag. 347. duo ejus nummi *TR. P. VI.* insigniti. Quum post mortem Gordiani Pii ad Senatum hic scripserit, ipsum Gordianum, ut supra ex Capirolino notavimus, *morbo periisse, seque a cunctis militibus electum fuisse*, nec defuerit, *ut Senatus, de his rebus, quas non noverat, falleretur*, dubitari nequit, quin anni Trib. Pot. duobus illis nummis inscripti, non a demandato illi a militibus vivente adhuc Gordiano imperio, sed a morte ejusdem Gordiani sint computandi. Si occisus itaque fuit Gordianus circa medium Octobrem anni Ch. 244. occisus pariter erit Philippus minimum circa medium Octobrem anni 249 Philippo successit Decius: ac licet eo adhuc vivente hic ab exercitu Illyriciano, ut tradunt Zosimus & Zonaras, Augustus declaratus fuisset, purpuraque, invitatus quidem, ac reluctans, amictus fuisset, filium tamen suum Herennium Etruscum nonnisi post Philippi, ejusque filii mortem Caesarem renunciavit. *His actis,*
ver-

verba sunt Victoris de Caesaribus, filio Urbi relicto Philippus quamquam debili per aetatem corpore adversum Deciam profectus, Veronae cadit, pulso, amissoque exercitu. Quis Romae compertis apud castra praetoria filius interficitur. Annos potentiae quinque egere. Et Decius Syrmienfium vico ortus militiae gradu ad imperium conspiraverat, laetiorque hostium nece filium Etruscum nomine Caesarem facit. Porro Vaillantius in nummis Graecis recitat ex museo Fucoltiano nummum Herennii Etrusci ab Anazarbentibus cufum, in cuius antica parte legitur: EPEN. ETPOY. ME. KY. ΔΕΚΙΟC. ΚΑΙC. *Herennius Etruscus Messius Quintus Decius Caesar.*, in postica vero circa ambitum: ANAZAP. ENΔ. ΜΗΤ. *Anazarbi Inclytae Metropolis*: in imo: ET. HEC. anno 268., in area Γ.Γ. Γράμματι Γερουσίας, *Decreto Senatus*, ac visitur *Victoria in bigis cum flagro*. Epocha Anazarbi est, quemadmodum docet Em. Norisius Dissert. 4. de Epoch. Syrom. cap. i. pag. 311., Augustana, coepta autumnu anni V. C. 734. ante Ch. 20., quo, testibus Dione lib. 54., ac Josepho lib. 15. Antiqu. cap. 13., Caesar Augustus ex Asia proconsulari in Syriam perrexit M. Apulejo P. Silio Cos. Venit quippe Augustus in Syriam circa aestatem ejus anni, ut ex ipso Dione probat idem Em. Norisius in Cenotaph. Pisan. Dissert. 2. pag. 292. & sequ., ibique quinque circiter mensibus commoratus, in Samum instante hieme reversus est, ac vere appetente Athenas transmisit. Numeratis autem ab autumno anni V. C. 934. annis 268. in nummo Herennii Etrusci obtignatis, horum postremum comperiemus decurrisse ab autumno anni V. C. 1001. Ch. 248. ad autumnum anni insequentis V. C. 1002. Ch. 249. A quo mense autumnali, num scilicet a Septembri, an ab Octobri Anazarbenfes annos suos inciperent, mihi quidem incompertum: quum, ut observat idem Em.

Norifius Dissert. 3. de Epoch. Syrom. cap. 6. pag. 195., in Syria quidam a Calendis Octob., alii a Calendis Septembris, annum exordirentur. Sed demus, illum a Cal. Octobris inchoavisse: inde certe manifestum fit, ante Calendas saltem Octobris anni Ch. 249. Herennium Etruscum a Decio, Philippo Veronae, & Romae ejus filio jam interemtis, Caesarem declaratum fuisse, hujusque rei nuncium Anazarbum pervenisse. Non ergo Philippi interitus in medium ulque Octobrem ejus anni 249. differri potest: sed rectius a nobis mense Junio ejusdem anni consignabitur, & quidem post diem xvii., quum exstet in Codice Justiniani ejusdem Philippi lex, quae est 1. *De revocandis donationibus*, eo ipso die data, nimirum xv. Cal. Jul. Aemiliano & Aquilino Coss.

Quemadmodum autem, ut his aliquando finem imponamus, Philippi interitus circa medium mensem Octobrem anni Ch. 249. statui non potest, uti nec interitus Gordiani Pii circa medium Octobrem anni 244., sic neque mors Maximini circa finem mensis Julii, vel proximi Augusti initium anni 238., nec exordium illius circa diem xx. Julii anni 235. poterit cum Cl. Vignolio consignari. Si autem perperam consignatum ab illo est exordium Maximini circa diem xx. Julii anni 235., perperam quoque, quod & aliis argumentis supra ostendimus, consignatum ab eodem erit exordium Alexandri circa diem xi. Julii anni 222.

Haec sunt, quae Dionis Sententiam, seu vulgatam ejus codicum, de tempore imperii Elagabali, & Severi Alexandri initio, lectionem quam a librariis vitiatam V. C. contendit, retinendam omnino, meo quidem iudicio, suadent. Ceterum, quo clarius appareat, num ea, quae ab eodem V. C. pro nova sua stabilienda opinione allata sunt, majoris, minorisve sint ponderis,

ac quae a nobis hactenus tradita, sequentibus illa capitibus examinabimus.

CAPUT VII.

Cl. Vignolii argumentum ex Lampridio de tempore necis Alexandri desumptum. Lampridii narratio narrationi, quam habet Herodianus, prorsus contraria. Meridiationes veteribus quovis anni tempore frequentatae. Alterum V. Cl. argumentum ex Herodiano depromtum. Aliquae ornatorum Historicorum loquutiones non nimis urgendae. Tam Herodiani, quam Lampridii narratio, de modo, quo Alexandri nex contigit, inverisimilis.

ELagabalum, quem secundum Dionem die x. Martii an. Ch. 222. superioribus capitibus occisum docuimus, mense Junio ejusdem anni in vivis adhuc fuisse, ac nondum Alexandrum ad imperii fastigium evectum fuisse, ex aliquot Lampridii, & Herodiani locis, exploratum fieri affirmat Cl. Vignolius pag. 76. Ac primum quidem, quum ex Lampridio, & Eutropio, quod vel nos supra egimus pag. 27., animadvertisset Alexandrum, annos tredecim, atque octo, vel novem dies imperasse, recte infert eadem anni tempestate cum declaratum Imperatorem fuisse, qua deinceps a Maximino interfectus fuit. Interfectum autem fuisse, non verno, sed aestivo tempore, primo colligit ex Lampridio in vita ipsius Alex. cap. 61., ubi hunc in modum mortem oppetiisse, traditur. *Profectusque ad bellum in loco supradicto ita occisus est. Pranderat forte publico, ut solebat, convivio, id est apertis papilionibus, cibo militari accepto: neque enim aliud a discutientibus militibus in tentoriis est reperi- tum. Et quum dormires post convivium hora diei fere septi-*

septima, unus ex Germanis, qui scurrarum officia substinebat, ingressus dormientibus cunctis solo tantum Imperatore intervigilante visus est. Cui Alexander, quid est hic, inquit, contubernalis? Num aliquid de hostibus nuncias? at ille metu perterritus, & sperans non posse se evadere, quod in tentorium Principis irruiisset, ad contubernales suos venit, eosque ad durum Principem interimendum cohortatus est, qui subito plures armatique ingressi inermes, & obsistentes contruncarunt, ipsumque pluribus ictibus confoderunt. Hoc in loco, etsi non diem neque mensem, sed horam dumtaxat mortis Alexandri Lampridius prodiderit; inde tamen quo anni tempore a Maximino patrata ea fuerit, argui facile posse, V.C. contendit. Siquidem hora hac, ait pag 77., diei fere septima, seu prima post meridiem, qua Germanus ille Imperatorem occisurus tentoria visus est ingredi, **VERVM QVAMVIS NON SIT**, ut mox videbimus, Alexandrum interentum a Maximino fuisse, hoc tamen aestivo tempore contigisse, jam satis Lampridius ostendit. Etenim si tempore alio id evenisset, credi vix posset, ac ne vix quidem, milites, ipsasque Principis excubias, atque adeo cunctos, ut ait, in tentoriis degentes, post convivium somno ita obrutos fuisse, ut prodi tentoria potuerint. Subjicit vero: *Qua vero diei hora id acciderit, Herodianus tradit lib. 6. cap. 9.* Inquit enim: *τῆς νυκτὸς δὲ διαφαινομένης κατὰ τὸ περὶ ἑσπέρου: nocte exacta, quum jam lucefceret.*

Si Herodiano, quem postremo laudat V. C., fides hac in re adhibenda, profecto non solum verum non erit, quod ipse monet, Alexandrum illa hora diei fere septima interfectum fuisse; sed & totam illam Lampridii narrationem purum putum commentum esse, pronunciandum. Videatur ipse Herodianus lib. 6. cap. 8. & 9. ubi alio, eoque toto caelo diverso modo rem narrat. Sed quid opus est, ut totam illam Lampridii nar-

nar-

narrationem rejiciamus? Satis superque mihi est, si ex ea rejiciatur, quod falsum esse, ipse V. C. ultro fateatur: nimirum si cum illo affirmeremus, *non hora diei fere septima, seu prima post meridiem* Alexandrum interentum fuisse, sed *nocte exacta, quum jam lucefceret, seu hora diei prima*, quo tempore mirum profecto non est, aut incredibile, somno cunctos indulsisse. Sed ait: *si tempore alio id evenisset, credi vix potest, ac ne vix quidem, milites ipsa/que Principis excubias, atque adeo cunctos in tentoriis degentes post convivium somno ita obrutos fuisse, ut prodi tentoria potuerint.* An forte hora illa prima diei pranderat Imperator, pranderant milites, somnoque post ipsum convivium eadem hora omnes se dederant? Si hoc sibi velit, atque huc spectet Cl. Viri argumentum, non dubito, quin ultro quoque concessurus sit, quovis anni tempore id insolens esse; neque inde propterea deduci posse, aestate potius, quam alio tempore contigisse.

Si autem relicto Herodiano, velimus cum Lampridio, Alexandrum vere hora illa diei fere septima post convivium occisum fuisse, neque hinc certe colligi potest, aestivum tum tempus fuisse. Et si enim frequentius, libentiusque aestate meridiano somno vacemus, minime tamen absurdum est, aut insuetum, ut alio etiam tempore ejdem post ipsum convivium indulgeamus. Etenim, ut eleganter Lucrétius lib. 4.

Deinde cibum sequitur somnus: quia quae facit aër

Haec eadem cibus in venas dum diditur omnis

Efficit: & multo sapor ille gravissimus exstat,

Quem satur, & lassus captas.

Augustinus apud Sueton. in ejus vita cap. 78., quod *De bis, quae gerebat post cibum*, inscribitur, quovis anni tempore, ut videtur, dormiebat. *Post cibum meridianum ita, ut vestitus calceatusque erat, reiectis pedibus paulisper con-*
quie-

quiescebat, apposita ad oculos manu. Et Seneca ep. 83., de iis loquens, quae post prandium ipse agebat: dormio, inquit, minimum, consuetudinem meam nostri, brevissimo somno utor, & quasi interjungo. Quem interjungendi morem, idest leviter quiescendi, ac pausandi in meridie, aliis quoque jam communem fuisse, docet lib. De tranquill. animi versus finem, dum, Quidam, inquit, medio die interjunxerunt, & in postmeridianas horas aliquid levioris operae distulerunt. Quae verba ita explicat J. Lipsius: significat autem eos in meridie aliquid cibo, ac dem somno dedisse, mox rediisse ad operas, sed leviores. De Commodio etiam testatur Herodianus lib. 1. cap. 17., eum pridie Calendas Januarias, quo die interfectus fuit, in cubiculum de more meridie dormitulum se recepisse. Non ergo incredibile est, Alexandrum etiam, ejusque milites, secundum Lampriidii narrationem (nili quidem, ut infra, alia obessent) alio quoque ab aetivo tempore, nimirum circa diem xix. Martii, quo nienfe, neque multum intempestivae esse solent meridiationes, post prandium dormiisse.

Verum ad Herodianum, quem V. C. quod ad horam necis Alexandri, ut aliud inde argumentum eliciat, sequutus est, redeamus. Hora diei prima, seu nocte exacta quum jam lucefceret secundum Herodianum Alexander interfectus est: ac quum idem mox subdat, ipsi Alexandro tum nunciatum a quibusdam fuisse, adesse Maximinum, pulveremque, haud procul excitatum videri, observat V. C., mane, horaque illa prima diei non alia anni parte quam aestiva pulverem equorum pedibus, in Germania praesertim, ubi hoc accidit, excitari potuisse.

Num vera observatio ista haec sit, nostra haud multum interest, investigare. Illud certe verum, exploratumque existimo, his, & similibus eloquentium praesertim,

tium, atque ornatorum Historicorum, qualis est Herodianus, loquutionibus nimium non esse insistendum, quum aliqua, quae ad cultum potius, atque elegantiam narrationis, quam ad rei gestae veritatem pertinent, addere nonnumquam ii soleant. Hinc putaverim, verba illa ex Herodiano modo recitata, ut & quae statim ab eodem subjiciuntur, nonnisi hujus generis periphrasin esse, qua Maximinus una cum suo exercitu, ac magna quidem celeritate, qua ut plurimum efficitur, ut pulvis attollatur, adventare significetur. *Ἀγγυλάντων τινῶν, ὅτι δὴ Μαξιμίνω πρόωσι, κόνιν τε πόρρωθεν ἐγυρμένη φάνεται, βοῆς τε ἤχη πλῆθους ἐξακούεται.* Nuñciantibus quibusdam adesse Maximinum, pulveremque procul excitatum videri, ac voces magnae multitudinis exaudiri. Has magnae multitudinis voces, verisimile certe haud videtur, a militibus Maximini, dum ad tentorium Alexandri veniebant, editas fuisse, quum illud ejusdem Maximini, ut cap. praeced. narrat idem Herodianus, consilium fuisset, ut *sublatis armis etiam praeventorumore Alexandrum jam rei totius ignarum opprimerent*: quo nimirum, *militēs ejus, ac stipatores re subita perterriti, aut sponte cunctis reliquis consentirent, aut certe dum imparati essent, nihilque ejusmodi expectarent, etiam ingratis subigerentur.* Si autem auditae hae militum voces nonnisi Rhetorica periphrasis habenda est, qua iidem appropere milites significantur, idem quoque de conspecto procul pulvere existimandum.

Praeterea, neque certum omnino esse, reor, necem Alexandri eum in modum, quo traditur ab Herodiano, re vera contigisse. Hujus narrationem cum ea, quam habet Lampridius, prorsus pugnare, exploratum est: ac licet Herodianus Alexandri aetate floruerit, Lampridius vero multum eo posterior fuerit; hic nihilominus in vita Alexandri concinnanda *historicos ejus*

temporis, & maxime Acholium, qui & itinera hujus Principis scripsit, sequutum se esse cap. 64. testatus est. Quin & Scriptores non defuisse, cap. 63. animadvertit, qui occidendi Alexandri hanc causam fuisse traderent: quod Mater ejus relicto bello Germanico Orientem ad jactantiam sui vellet redire, atque ob hoc esset iratus exercitus. Sed haec ab amatoribus, subjicit, Maximini ficta sunt, qui videri noluerunt Imperatorem optimum ab amico suo interfectum contra jura humana, atque divina. Cujus quidem generis videtur esse ipsamet Herodiani narratio, qua nimirum cap. 8. ideo milites in Alexandrum conspirasse, ac Maximinum Imperatorem consalutasse, dicuntur, quod is sub matris auctoritate adhuc esset, nihilque non ex arbitrio, consilioque illius administraret, bellumque sequeretur, & timide gereret: atque ipse Maximinus, quum jam ad Alexandrum venisset, hortans commilitones cap. 9. inducitur, ut mulierem sordidam, & pusillum adolescentem etiamnum sub matris servitio, statim desererent, seque viro forti, proboque adgregarent. Unde non mirum, si & Capitolinus in Maximini duobus cap. 13. de ipso Herodiano scribit, quod Maximino in odium Alexandri plurimum favit, & Vossius de Hist. Graec. lib. 11. cap. 15. de eodem loquens, veritati, inquit, etiam studuit, nisi quod fides ejus nutet in Alexandro & Maximino.

Multa certe in ipsa Herodiani narratione deprehenduntur, quae, ut monet quoque Tillemontius nota x. in Alexan., minus verisimilia videntur. Ac primum illud est, quod Maximinus palam, & aperte in Alexandrum conspiraverit, seque necis illius auctorem prodiderit. Quod sane pluribus, quae habet, ac forsitan ex Acholio, Lampridius, non quidem quod ad mortis, seu prodicionis genus, in quo Herodianum, & Lampridium discrepare jam manifestum, sed quod ad

ad alia etiam, quae post mortem Alexandri patrata sunt, adfertur. *Mortem ejus*, ait Lampridius cap. 63., *milites, & qui exauctorati ab eo quondam fuerant, gravissime tulerunt, atque auctores caedis trucidarunt. . . . Senatus eum in Deos retulit. Cenotaphium in Gallia, Romae sepulcrum amplissimum meruit. Dati sunt & sodales, qui Alexandrini appellati sunt: Addita & festivitas matris nomine, atque ipsius, quae bodieque Romae religiosissime celebratur.* Mirum autem, ac plane incredibile foret, hisce honoribus, tum in Gallia ubi occisus fuit, tum Romae, quo forte ejus cineres, amplissinio illi sepulcro inferendi, missi fuerunt, eum post mortem honestatum fuisse, si a Maximino, cui post eum imperium delatum est, palam, aperteque interfici, iustus fuisset. Porro inter Deos, eum relatum fuisse, testantur etiam duo illius argentei nummi apud Mediobarbum pag. 325., in quorum priori parte legitur: *DIVO ALEXANDRO*: in posteriori vero *CONSECRATIO*, ac in altero eorum visitur Aquila, in altero Ara cum igne. Deinde aeque incredibile est, Alexandro eandem conspirationem innotuisse: nam major proculdubio, atque exercitior, secundum eundem Herodianum, exercitus pars apud ipsum versabatur, Maximinus enim solis tyronibus praeerat; unde recte illi cum iisdem tyronibus venienti, veteranis suis copiis occurrere potuisset, eique fortiter resistere. Demum, ut miram illam militum omnium ab Alexandro desciscendi facilitatem praeteream, quis Alexandrum credat, pusillo adeo, infirmoque animo fuisse, ut re primum nunciata, *vesano similis, lacrymansque, & tremens* e tabernaculo profugerit, nunc Maximinum *perfidum, ingratumque* vocans, nunc tyrones accusans *qui neglecto sacramento, adeo proterviter id facinus auderent*: quum vero significatum, Maximinum jam ad-

ventare, rursus in planitiem egressus milites convocavit, rogaritque, *ut se defenderent, tuerenturque*: ac postremo quum Maximini exercitus in conspectum venisset, *tremens atque exanimatus in tabernaculum redierit matrique implicitus, & conquerens, atque incusans, quod ob illam talia pateretur, exspectarit interfectorem?* Mulierem profecto, aut puerulum hic describi nemo non videt, non vero Imperatorem in bello agentem, maximumque exercitum moderantem. Qua constantia animi is fuerit, satis vel inde elucet, quod sub ipsa imperii initia Antonini, & Magni nomina tibi a Senatu oblata, invicte adeo repudiaverit, ut quemadmodum ait Lampridius cap. 2., *multo clarior visus est alienis nominibus non receptis, quam si recepisset, atque ex eo constantiae, ac plenae gravitatis famam obtinuit*. Tanta vero in milites ipsos, ut tradit idem Lamprid. cap. 52., severitatis fuit, *ut saepe legiones integras exauctoraverit, ex militibus Quirites appellans, nec exercitum unquam timuerit, idcirco quod in vitam suam dici nihil posset*. Alias militum seditiones, & tumultus, antea, ut apud Lampridium cap. 53., & 54., expertus fuerat, quas tamen, tanta erat auctoritate, solo sermone compescuit. Sed & mortem eum contempsisse, inde ostendit ipse Lampridius cap. 62., quod, quum Thrasybulus Mathematicus ei dixisset, *necessitatem esse, ut gladio barbarico periret, primo laetatus est, quod sibi mortem bellicam, & imperatoriam crederet imminere: deinde disputavit, ostenditque optimos quosque violenta morte consumtos . . . : Tantumque animi habuit, ut putaret se Diis comparandum si in bello periret*. Uno verbo, tota hujus Imperatoris vita a Lampridio conscripta, ne dum mortis ipsius narratio, rejicienda penitus foret, fabulisque accensenda, si verum sit, Alexandrum, ut narrat Herodianus, conspiracy nuncio accepto, vesano similem, lacry.

lacrymantem, trementem e tabernaculo profiliisse, & Maximino dein prodeunte, trementem iterum, & examinatum in tabernaculum rediisse, ibique Matrī implicitum infantis intar, in expectorem expectasse.

At fatendum etiam, illud vel in Lampridii, quā mors Alexandri describitur, narratione, maxime inverisimile esse, quod hora illa diei fere septima (quocumque anni id tempore acciderit,) quum Germanus ille tentorium Principis ingressus fuisse dicitur, cuncti dormirent, solusque Imperator intervigilaret. Neque enim credi potest, in castris Alexandri, qui tanta, ut ex eodem Lampridio didicimus, in milites fuit severitate, corruptam adeo, neglectamque disciplinam militarem fuisse, ut omnibus, atque adeo ipsis Principis excubiis, nisi hae quoque in necem Alexandri consensissent, somno tunc licuerit indulgere. Etenim etli tradat ipse Lampridius cap. 59., Alexandrum quum, sive in Britannia, sive in Gallia, interemtus fuit, cum paucis fuisse; id tamen non ita, ac si de privato quopiam homine sermo esset, intelligi oportet, sed de Principe, de Imperatore, quem partem saltem aliquam sui exercitus, eximios plures viros, ducesque, stipatores, excubias secum habuisse, atque has, quum ille post convivium in tabernaculum meridiaturus se recepisset, majori diligentia, ac vigilantia, quo pauciores eo loci degebant, munus suum obuisse, censendum.

Ex his apparet, quam utraque, Herodianī scilicet, & Lampridii de morte Alexandri, narratio incerta sit: multumque probabile videtur, ab amatoribus Maximini post mortem ipsius Alexandri varios compositos, ac in vulgus sparsos rumores fuisse, variēque a variis, quo magis ejusdem Maximini facinus occultaretur, eam seditionem narratam. *Sed haec*, ita de nonnullis, quae ab aliquibus ferebantur, testatur, ut supra etiam notavi-

tavinus, Lampridius cap. 63., ab amatoribus Maximini facta sunt, qui videri noluerunt, Imperatorem optimum ab amico suo interfectum contra iura humana, atque divina. Id unum ergo, ut innuere videtur idem Lamprid. cap. 59., hac in re pro certo habendum est, eum a militibus occisum fuisse: quo vero modo, qua hora, quave captata occasione, incompertum. Denique agentem eum cum paucis in Britannia, verba sunt Lampridii, ut alii volunt, in Gallia, in vico, cui Sicila nomen est, non ex omnium sententia, sed latrocinantium modo quidam milites, & hi praecipue, qui Heliogabali praemiis effloruerant, quum severum Principem pati non possent, occiderunt. Multi dicunt, a Maximino immissos tyrones, qui ei ad exercendum dati fuerant, eum occidisse: multi aliter, a militibus tamen constat, quum injuriose, quasi in puerum eundem, & matrem ejus avaram, & cupidam multa dixissent.

CAPUT VIII.

Alia tria Cl. Vignolii argumenta ex tempore necis Maximini petita. Ex Herodiano colligi nequit, Maximinum occisum fuisse aestatis tempore. Aquilejensis obsidio quo tempore a Maximino coepta: ac qua ratione dicta ab Herodiano diuturna, & inexplicabilis. Fluvius a Maximino ante Aquilejae obsidionem transmissus Sontium: quamvis a Lampridio confusus cum Natisone. Etiam ante ejus fluvii trajectionem Aquileja diu a copiis Maximini oppugnata.

Quemadmodum e tempore mortis Alexandri duo argumenta Cl. Vignolius hausit, ut ipsum Alexandrum non verno, sed aestivo tempore imperio potitum fuisse, ostenderet: ita tria

tria alia argumenta elicit e tempore mortis Maximini, qui post Alexandrum annos tres, paucosque aliquot dies imperium occupavit. Hoc autem primum. Herodianus lib. 8. cap. 5. postquam Aquilejae oblidionem, sub qua ipse demum Maximinus a militibus suis interfectus fuit, recensuisset, inter alia, quae defatigati ipsi milites subibant, incommoda, haec etiam commemorat. *Exercitus vero omnium rerum egenus, excisis feracibus arboribus, agroque omni ab ipso pervastato sub tentoriis tumultuarie factis, debebant: maxima vero pars sub aperto caelo tolerabant imbres, atque solem.* Ait vero Vir Cl. pag. 79. imbres quidem quocumque anni tempore moleste homines ferre, sed solis radios, militibus praecipue duriora pati solitis, non nili activo tempore graves, ac molestos accidere potuisse.

Ut ex solis radiis, qui graviore aestate militibus accidunt, probat Vir Cl., activum tum tempus fuisse, ita contra ex imbribus, qui vere copiosiores ingruere solent, ac propterea molestiores eo tempore militibus sunt, probare ipse possem, vernam potius, quam aestivam tempestatem tum fuisse. Verum eorum verborum, *sub aperto caelo tolerabant imbres, atque solem* non alium esse sensum crediderim, quam milites incommodo illi, sub dio, sive sol, sive imber esset, agendi, fuisse obnoxios, ut ut demum molestiores iisdem fuerint imbres, aut solis radii. Sed spergit Vir Cl.

Herodianus ibidem ita mortem Maximini contigisse narrat. *Quum igitur ad hunc modum moestus, atque inops exercitus esset, repente dum sub tentorio quiescit Maximinus, vacuo die a pugna, quum plerique, aut in tabernacula, aut in suas quisque stationes concessissent, visum est militibus illis, quorum ad urbem Romam sub*
Mon-

Monte *Alano* castra erant, atque in his liberi eorum, conjugesque relictæ neci dedere Maximinum, ut aliquando a diuturna, & inexplicabili obsidione requiescerent. Antea vero cap. 4. dixerat, Maximinum sub Aquileja castra metatum fuisse, quum vicinorum montium nives solutæ jam fuerant. Ut autem, inquit, ad fluvium pervenit, qui ad lapidem duodecimum, prociis est ab urbe, invenit ipsum maxima alvei profunditate, ac latitudine defluentem: etenim anni tempore solutæ vicinorum montium nives, quas longa hiems duraverat, maximum torrentem effecerant, sic ut nullo pacto transire exercitus, posset. Ex his duo desumit Vir. Cl. argumenta. Prius est, quod, quum Maximinus diurno tempore interfectus fuerit in tentorio dum quiesceret, alio tempore quam æstivo hoc dici de eo vix poterit. Alterum vero, quod si non æstate, sed mense Martio obtruncatus Maximinus sit, obsidio illa, quæ, ut ait V. C., non ante mensem Martium, atque adeo Aprillem, vel Majum incoepa fuisse videtur, quum nives, ut refert Herodianus, eo anno longa hiems duraverat, vix antea in ea regione solutæ fuisse dici queant, diuturna, & inexplicabilis appellari ab eodem Herodiano non potuisset.

Priori difficultati ex diurna, seu meridiana Maximini quiete petita, (circa medium enim diem περί μεσονύκτιον, ait dein Herodianus, Maximini interfectores ad illius tentorium contendisse) satis me jam fecisse opinor, quum capite superiori ostendi, veteribus somnum meridianum quovis anni tempore frequentatum fuisse. Quibus hic addere, juvat, verbum Latinum *quiescere*, ut & Græcum ἀναπαύεσθαι, quo hoc loco utitur Herodianus, non tam dormire, quam vacare otio significare. Imo postremo hoc sensu illud esse hic accipiendum probare videntur, quæ statim subjicit He-

ro-

rodianus, nimirum quod is dies *vacuus a pugna* fuisset, ac *plerique, aut in tabernacula, aut in suas quisque stationes concessissent*. Quis autem otio meridie indulgere, ita proprium aestivi temporis esse, dixerit, ut cuilibet etiam laboris patientissimo homini, idem extra illud tempus haud liceret?

Quod vero ad alterum, quod sane non levis momenti est, argumentum: observandum est in Graeco Herodiani textu, ubi lib. 8. cap. 4. de vicinorum montium nivibus, quae duratae hieime, atque anni tempore postea solutae maximum torrentem effecerant, mentio fit, ipsam hiemem *longam*, quemadmodum in Latina Politiani versione redditur, haud vocari. *Ἐπεὶ δὲ ἐγένετο πρὸς τὴν ποταμὸν μεγάλῳ ἀπέχοντι τῆς πόλεως σημεῖα ἑκατάδεκα, τὸ ῥέθρον ἔφυε διὰ τε μεγάλῳ βάρους, καὶ πλάτους φερόμενον. τῶν γὰρ ὑπερχειμένων ὄρων ΔΙ' ΟΛΟΤ ΧΕΙΜΟΝΟΣ παγίσας χθόνας λύουσα ἡ τοῦ ΕΤΟΥΣ ὕδα παμμεγέθη τὸν χειμάρρουν ἀργάζετο. ἀπορροῶν αὖν ὡς ἡ διάβασις τῇ στρατῷ. Ὡς αὖτε* pervenit ad quoddam maximum flumen, quod sedecim lapides ab urbe distabat, fluvium invenit maxima profunditate, & latitudine defluentem: Etenim incumbenrium montium *PER TOTAM HIEMEM* densatas nives solvens *ANNI TEMPVS* quammaximum torrentem effecerat, *Difficilis ergo erat trajectio exercitui.*

Praeterea verba illa ejusdem textus: *ἡ τοῦ ἔτους ὕδα anni tempus*, quamvis vetnam ipsam tempestatem significare commodè possint, nihilominus tamen hoc loci peculiarem temporis rationem, seu certam aeris, caelive temperiem, qua eorum montium nives solvi sub id tempus potuere, crediderim designare. Sic enim iisdem verbis idem Herodianus utitur lib. 5. cap. 5. temporis rationem significaturus, qua Antoninus Elagabalus, postquam a militibus consalutatus Imperator fuerat, e Syria profectus Nicomediae hiemare, co-

etus fuit. Ο δὲ Ἀντωνῖνος ἀπ' αὐτῆς τῆς Συρίας ἐλθὼν δὲ εἰς τὴν Νικομήδειαν, ἐχέμαζε, τῆς ὧρας τότε ἔτοτε οὕτως ἀπαυθυσῆς. *At vero Antoninus e Syria profectus Nicomediae hibernavit, ita postulante ANNI TEMPORE.* Eam autem temporis rationem, qua solvi eae nives potuere, perspicuum est, non solum a calore aeris, quod iis certe in locis aduultum tunc ver indicaret, sed & ab ingruentibus pluviis, & a flantibus austris induci potuisse, quum his, non modo circa veris initium, sed vel media hieme nives ipsas liquari, fluviosque exinde turgescere, & exundare quotidie videamus. Sic Rubiconem, quum ad illum, Romam petens, Caesar pervenit, auctum hieme tradit Lucanus Belli Civ. lib. 1.

*Fonte cadit modico, parvisque impellitur undis,
Puniceus Rubico, quum fervida canduit aestas,
Perque imas serpit valles, & Gallica certus
Limes ab Ausoniis disternat arva colonis:
Tunc vires praebebat hiems, atque auxerat undas,
Tertia jam gravido pluvialis Cynthia cornu,
Et madidis Euri resolutae flatibus Alpes.*

His probe stabilitis, jam non video, cur Aquilejae obfidionem non ante mensem Majum, vel Aprilem, aut etiam Martium aggredi Maximinus potuerit. Quum enim difficultas in primis, quam *longa*, secundum Politiani versionem, ejus anni *hiems* creare poterat, sublata sit, ac ostensum deinde, recte etiam secundum Herodianum sub veris initium eorum montium nives resolvi potuisse, nihil vetat, quin eandem obfidionem vere ipso ineunte incoeptam fuisse, statuamus. Porro veris initium Varroni lib. 1. de Re rust. cap. 31., & Auctori libri De inerrantium significatione, Ptolemaeo tributi, est *ante diem vii. Idus Februarias*, Plinio lib. 2. cap. 48. vi. *Idus* ejusdem mensis, & in veteribus Calendariis Romanis v. *Idus item Februarias*. Neque mi-
rum

rum videri debet, Herodianum cum in modum, non vero juxta frigoris diuturnitatem, ut vulgus aestimare solet, hiemem eo loci accepisse: quum & Galenus lib. de Praecognit. cap. 10., L. Verum, qui nonnisi exunte mense Decembri anni Ch. 169. apud Altinum, quae urbs non multum distabat ab Aquileja, apoplexi correptus interiit, *media bieme* fato functum fuisse, scribat, quod nimirum, ut ad dictum annum num. v. observat Pagius, *Historici Graeci biemem a die undecima mensis Novembris incipiant*.

Si itaque circa Idus Februarias ea incoepta obsidio sit: quum eadem postea, juxta ea, quae cap. v. attulimus, usque ad exitum mensis Martii duraverit, totoque ferme eo tempore tanta animi contentione a Maximino, ejusque militibus dimicatum sit, ut *genus oppugnationis nullum*, quemadmodum ait ibidem Herodianus, *praetermitteretur, plurimaque, ac prope modum quotidiana certamina* ederentur, non video pariter, cur ab Herodiano vocari non potuerit diuturna. Certe brevis ea obsidio censenda non est, quae tamdiu, tantaque alacritate protracta est: praesertim, quum nullo pene negotio eandem urbem expugnatum iri, civesque *ne unum quidem diem*, ut tradit idem Herodianus eod. lib. cap. 5., *suum laturos impetum*, totus Maximini exercitus antea sperasset.

Sed textum ipsum Herodiani afferamus, ut inde, quid inexplicabilis etiam obsidionis nomine senserit, perspiciamus. παντοδαπῆς δὲν ἀπορίας, καὶ δυσθυμίας τὸν στρατὸν κατεχούσης . . . ἔδοξε τοῖς στρατιώταις . . . φανεῦσαι τοῦ Μαρζιανῶν, ὡς παύσαντο μὲν χρόνιου, καὶ ἀπεράντου πολιορκίας, μηκέτι δὲ πορθεῖν Ἰταλίαν ὑπὲρ τυράννου κατογνησμένου, καὶ μεμισημένου. *Quum ergo rerum omnium penuria, maerorque animi cepisset exercitum . . . visum est militibus . . . neci dedere Maximinum, ut ab obsidione quidem diuturna, &*

ἀπαύρων requiescerent, minime vero Italiam vexarent, in tyranni gratiam damnati omnibus, & invisi. Hoc in textu deesse in primis, patet, adverbium aliquando, quod exstat in Politiani versione, quodque vim quamdam ad rei, de qua agitur, diuturnitatem indicandam proculdubio addit. Deinde Graeca vox, quam bene etiam interpretatur Politianus, *inexplicabilem*, est ἀρεπύρων, quae affecta particula negativa ἀ, & derivata ἀπὸ τοῦ περὶ πύρρον perficio, concludo, rem, quae perfici nequit, aut quae adeo difficilis est, atque ardua, ut nullus ei finis, faustulve exitus sperari possit, significat. Atque hujus generis obsidionem Aquilaeje fuisse, manifeste demonstrat Herodianus eod. cap., ubi postquam maximam in urbe expugnanda difficultatem exposuisset, ait demum, milites eam capere desperantes, atque rerum omnium penuria laborantes, Maximinum obtruncare, decrevisse. Hic obsidionis inexplicabilis sensus: quem Aquilejensi etiam, tametsi ab Idibus dumtaxat Februariis usque ad exitum mensis Martii duraverit, congruere recte potuisse, nemo non videt.

Ceterum multo etiam diuturniorem eandem obsidionem fuisse, lubens admiserim, si verum sit, quod scribit Capitolinus in Maximin. duobus cap. 21. & 22., etiam antequam fluvius a Maximino trajiceretur, per aliquod tempus inchoatam jam fuisse, ac Maximinum eo transmissio propius dumtaxat, atque acrius illam urgere coepisse. Acrior denique, ita rem narrat Capitolinus, Italiam Maximinus ingressus est. Ubi quum comperisset Maximum contra se missum, vehementius saeviens quadrato agmine Hemonam venit . . . Post hoc Aquilejam venit, quae contra eum armatis circa muros dispositis portas clausit: nec propugnatio defuit, Menophilo, & Crispino consularibus viris auctoribus. Quum igitur frustra obsideret Aquilejam Maximinus, legatos

in eandem urbem misit, quibus populus pene consenserat, nisi Menophilus cum collega restitueret. . . . Ponte itaque cuppis facto Maximinus fluvium transiit, & de proximo Aquilejam obsidere coepit. Ingens autem oppugnatio, & discrimen tunc fuit &c. Sane fluvius, cujus hoc loco meminit Capitolinus, idem videtur, ac quem describit Herodianus, quum hic etiam, illum a Maximino cuppis trajectum fuisse, narret: ac legatio, quae Aquilejensibus a Maximino ante fluvii trajectionem missa traditur a Capitolino, ab Herodiano pariter ante fluvii, cujus ipse meminit, trajectionem, atque eundem ferme in modum, quo a Capitolino, recensatur. At obstat quidem sedecim lapidum, seu miliarium distantia: quo intervallo Aquileja a Maximino obsideri haud potuisset. Hinc cum Cluverio Italiae Antiquae lib. 1. cap. 20. crediderim, fluvium, cujus meminit Herodianus, Sontium, Italice *Lisonzo*, aut *L' Isonzo* fuisse, ad cujus pontem ab Aquileja tabula vetus itineraria, ut ille observat, habet quatuordecim millia passuum: ac Capitolinum eundem fluvium per summum (ait idem Cluverius) errorem intellexisse Natisonem, ipsam urbem Aquilejam praefluentem.

Ut ut est, certe vel Herodianus aperte testatur, etiam antequam flumen, cujus ipse meminit, a Maximino traiceretur, ab aliquot, quae praeciverant, copiis saepe jam, acriterque oppugnatam Aquilejam fuisse. *Sed ubi planitiem attigerunt*, ait Herodianus lib. 8. cap. 2., *nunciant exploratores maximam Italiae urbem Aquilejam portas occlusisse: Pannoniorum acies, quae praeciverant, acriter murum oppugnasse. Ceterum sentata re, saepe omnes incassum conatus evasisse. Itaque jam defatigatos recedere, lapidibus scilicet, & hastis, magisque sagitarum vi de super ingruentibus. At Maximinus iratus Pannoniis, quasi parum impigre praecilia-*

fiatis, ipse cum exercitu reliquo accelerabat, sperans, nullo negotio se illius urbis potiturum. Quare si ab Idibus circiter Februariis usque ad exitum mensis Martii non id temporis intervallum Cl. Vignolio videatur, ut ab Herodiano Aquilejae πόλις dici potuerit diuturna, hujus sumat, si velit, initium, quod tamen minime necessarium esse existimo, a tempore, quo antequam fluvius a Maximino transmitteretur, obsideri, aut oppugnari urbs coepit. Certe in finem usque mensis Julii, aut proximi Augusti initium, ut ipse V. C. autumat, durare eandem non potuisse, satis evincunt, quae cap. v. & vi. attulimus. Si enim non nisi circa finem Julii, aut initium Augusti anni Ch. 238. Maximinus obtruncatus a militibus sit, neque Maximus & Balbinus nisi circa Idus Octobres ejusdem anni fuissent interfecti: quod tamen tum ex insigni Censorini loco, e correctionibus quidem ejus editionibus recitato, tum ex duabus supra triginta Gordiani Pii legibus, aliisque duodecim Philippi, tum denique ex nummo Herennii Etrusci ab Anazarbensibus cuso falsum prorsus esse demonstravimus.

C A P U T IX.

Cl. Vignolii argumentum ex nummo Anniae Faustinae tertiae Elagabali uxoris, & ludis Olympicis in eodem nummo expressis desumptum. Idem argumentum non satis consentit cum ejusdem V. C. sententia de tempore necis Elagabali. Ludi Olympici, qui Elide committebantur, aestate quidem celebrati, non vero qui in aliis Graeciae, aut Asiae urbibus. In nummis ludi simul juncti decurrunt, qui tamen diversis temporibus fieri soliti. Ex pluribus urnis, quibus ludi in nummis repraesentantur, colligi nequit; diversis temporibus eosdem ludos fuisse celebratos.
Pbi-

Philippi Bonarotae de his pluribus urnis sententia. Certamina Olympia in nummis modo cum Actiis, modo cum Pythiis copulantur, atque his modo anteponuntur, modo postponuntur. Ejusdem Philippi Bonarotae de variis illis ludorum appellationibus opinio. Olympia Antiochiae edita mense Hyperberetaeo, seu Octobri.

QUOD haftenus aliquot Lampridii, & Herodiani testimoniis probare, Cl. Vignolius studuit, idem singulari, atque eleganti Anniae Faustinae tertiae ejusdem Elagabali uxoris maximi moduli numismate a Laodicensibus in ejus honorem percusso demum demonstrat. In priori parte hujus nummi, cujus ectypum ex museo Theupoliano V. C. exhibet, circa ipsum Anniae caput legitur: ANNIA ΦΑΥΣΤΕΙΝΑ ΑΥΓΟ.... *Annia Faustina Augusta*. In posteriori urnae quatuor visuntur, supra quas characteres isti reliqui apparent... ΩΝΑ ΟΛ... I... ΩΝΕ... quos ita ipse, ac non aliter suppleri posse, existimat, nempe: ΑΥΓΟΝ . Α . ΟΛΤΜ ΑΝΤΩΝΕΙΝ. *Certamen primum Olympium Antoninianum*. Infra vero legitur: ΟΙΚΟΤΜΕΝΙΚΟC . ΛΑΟΔΙΚΕΩΝ . ΝΕΩΚΟΡΩΝ. *universale, certamen scilicet, Laodicensem Neocororum*: hoc est, *Laodicensem*, ait, V. Cl., ad Iycum, qui Elagabali, & Anniae Faustinae sponsalium nuncio habito in illorum honorem ludos Antoninianos, ab Elagabali nomine sic eos appellantes, pro more instituere voluerunt. In medio proxime sub Urnis legitur: ΔΟΡΜΑΤΙ CΤΝ-ΚΑΗΤΟΤ. *Decreto Senatus*. Quos ludos, addit V. C., nonnisi post quartum imperii Elagabali annum, & quinto jam inito habitos fuisse Aegyptiacus ipsius Anniae Faustinae nummus, cujus Vaillantius meminit, anno illius imperii V. signatus, manifestum facit: Ex eo namque Elagabalum tunc temporis Anniam despondisse pro com-
per.

perto habemus. Certamina vero, demum subdit, *Olympica circa solstitium aestivum committi, ac celebrari solita fuisse, non est, qui dubitet. Idque summi Chronologorum Scaliger, & Petavius jam praenotaverunt: uti etiam Philippus Labbaeus vir itidem doctissimus etc.*

Priusquam huic argumento respondeamus, adnotare liceat, illud cum die atque mense, quo interfectum Elagabalum V. C. censet, haud satis consentire. Si enim verum est, quod apud Xiphilinum scribit Dio, Elagabalum post tertiam uxorem, quae fuit, ut vel ipse fatetur, Annia Faustina, aliam, atque aliam duxisse, dein iterum ad Aquiliam Severam, quam ante Anniam Faustina repudiaverat, rediisse: ac ludi illi Olympici nonnisi post quartum annum imperii Elagabali, ac quinto jam inito habiti sunt, ut probat ex nummo Aegyptiaco ipsius Anniae Faustinae, & quidem circa solstitium aestivum ejus anni, quo tempore certamina Olimpica celebrari solita fuisse, demonstrat; qui fieri potest, ut intra illud tempus, ab editis nimirum circa solstitium aestivum iis certaminibus usque ad diem xi. Julii, quo per ipsum extinctus Elagabalus, post Anniam Faustina duos alia matrimonia idem Elagabalus inierit, ac demum ad Aquiliam Severam redierit? Sed quoniam, ut ostendat, certamina Olympica circa aestivum solstitium celebrari solita fuisse, summos Chronologorum Scaligerum, & Petavium advocat: ut calculum hac in re paullo accuratius ineamus, horum sententiam, de tempore, quo eadem ludicra exhibita, paucis complectamur.

Scaliger, quum ex Pindaro nosset, ludicrum Olympicum Plenilunio committi consuevisse, & anni cardines, hoc est *ἡρώδης καὶ ἰσημερινός; solstitia, & aequinoctia* Iphiti temporibus confici in octavis signorum par-

partibus existimaret, atque ita *ἡρώδης* *ἑρπιδος* *solstitium*, *aestivum* viii. die Julii fuisse, quo nempe *ἡλῆτινός* : uti ait, sol tunc erat in octava parte Cancrī: hinc & mensem primum Olympicum, in cujus quintamdecimanam ipsum ludicum Olympicum incidebat, incepisse statuit proxime post viii. diem Julii; ita ut primus hic mensis nunquam eum diem antecederet, sed citima quidem neomenia esset in ix. Julii, remotissima vero in vi. Augusti. Sic quum Olympiade prima ineunte haec neomenia ipso die ix. Julii contigisset, ideo & ludrica Olympica celebrata fuisse statuit in hujus plenilunio, id est die xxiii. Julii. Videtis Scaligerum de Emendat. Temp. lib. 1. & Isagog. Can. lib. 3. in cap. 5. Atque ita quidem antequam Elidentibus Juliani anni formam admisissent. Post acceptam vero formam Julianam caput Hecatombaeonis, seu primi mensis fixum ab iisdem Elidentibus fuisse docet Calendis Juliis, ductus quodam Luciani loco in vita Peregrini; statuitque Agonem Olympicum celebratum fuisse die xv. ejusdem mensis. Sic de Emend. Temp. lib. 4. Si igitur secundum Scaligerum post receptam Juliani anni formam ludi Olympici celebrabantur die xv. Julii, atque hac die commissi ludi quoque sunt, qui in eo nummo Anniae Faustinae repraesentantur, & quidem anno Ch. 222., commissi iidem erunt post mortem Elagabali, qui per Vignolium interfectus fuit die xi. Julii. Sic secundum Scaligerum.

Petavius vero lib. 1. de Doctr. Temp. cap. 12., quum eam Scaligeri, quam supra ex ejus lib. 1. de Emendat. Temp. recitavimus, doctrinam de primi mensis Olympici neomenia, quae nunquam diem ix. Julii, atque adeo solstitii terminos antecederet, recensuisset, probabilius existimavit, eandem Neomeniam apud Graecos etiam ante solstitium quandoque incipere potuisse:

se: ac quemadmodum Judaei, & post illos Christiani primum mensem non novilunii, sed plenilunii observatione definiunt, sic ipsos Graecos ob Olympicas celebritates, quae plenilunio peragebantur, plenilunii maxime rationem habuisse, ita ut quod solstitio vicinius esset, id primo mense tribuerent; nisi forte, addit, ad neomeniam potius in isto negotio respexerint; ut quae solstitio propinquior esset, ei primas deferrent. Non absimilia habet lib. 9. cap. 42., & alibi. Ludi ergo Olympici Petavii judicio fiebant aut plenilunio, quod proxime post solstitium contingebat, aut quod vicinius eidem solstitio erat, sive ante, sive post illud incurrisset. Neque vero ullum dein discrimen statuit Petavius, quemadmodum egerat Scaliger, pro tempore ante, vel post Julianam anni editionem: imo lib. 4. cap. 7. argumentum Scaligeri ex loco Luciani desumptum nullum plane esse ostendit, miraturque, illum, tametsi Elidenses revera Julianam anni formam acceperissent, agonem Olympicum, contra vetus institutum, alio tempore quam plenilunio peractum, docuisse. Porro anno Ch. 222. quo occisus Elagabalus, idem exstitit plenilunium, tum quod aestivo solstitio (Calippico quidem, quod erat die xxvii. Junii) vicinius fuit, tum quod proxime post ipsum solstitium sequutum est. Commissum namque fuit die xi. Julii hor. 7. 13'. 39". a media nocte, quum neomenia lunaris solstitio proximior accidisset die xxvi. Junii hor. 12. 51'. 37". a media nocte, uti quidem supputationem institui juxta regulam, quam tradit idem Petavius de Doctr. Temp. lib. 7. cap. 11. ex tabulis ab ipso ad meridianum Lutetiae confectis annorum expanforum, & collectorum &c. Ipso igitur die, quo per Vignolium interemtus Elagabalus, celebrati quoque secundum Petavii doctrinam
ii Olym-

ii Olympici ludi fuissent. Ac licet iidem inchoari etiam potuissent, dum adhuc in vivis is esset, nimirum die vii. Julii, quum, ut ex Pindari Scholiaste, & Zetze Comment. ad Lycophronem post Scaligerum observat idem Petavius lib. 9. cap. 46., quinque dierum spatio ab xi. die lunae ad xv. committerentur, nihilominus tamen intra eum diem, aut etiam intra tempus, quo ignorari iis in locis potuit repudiatio Anniae Faustinae, & diem xi. Julii, quis Elagabalum ipsam Anniam Faustina dimisisse, duo alia conjugia inisse, & demum ad Aquiliam Severam rediisse, unquam credat? Haec asserre placuit, ut ostenderem, Cl. Viri argumentum, si cujuspiam roboris sit, necem Elagabali probare, non solum usque ad diem xi. Julii, quae illius est opinio, sed aliquanto etiam longius esse protrahendam.

Ceterum, illud pro certo ipsum quoque Virum eruditissimum habere non dubito, Olympia illa certamina, quae in eo nummo cernuntur, non ex iis prorsus esse, quae in Graecia anno primo incuntis cujusque Olympiadis, atque Elide quidem in Jovis Olympii honorem, mittebantur; sed ex genere eorum fuisse, quae ab aliis Graeciae, aut Asiae urbibus ad Olympiorum fortassis quae ab Elidensibus fiebant, imitationem, in alicujus sive Numinis, sive Imperatoris honorem instituebantur, aut statis etiam, si velimus, temporibus renovabantur. A Tyriis eidem Elagabalo similes ludos Olympios dicatos fuisse, constat ex nummo hujus Imperatoris apud Patinum de num. med. & min. form. pag. 334., ut & ab Ephesiis, ac Sidetibus, ex nummis ejusdem Elagabali apud Vaillantium in nummis Graecis; quae duo quidem postrema certamina, ab Ephesiis, ac Sidetibus celebrata, ΟΙΚΟΜΕΝΙΚΑ pariter inscribuntur.

Priores Olympicos ludos aestate de more celebratos fuisse, verti in dubium non potest. Num autem & qui posterioris generis eodem tempore ederentur, multum ego sane dubitaverim, imo verisimilius crediderim, eos, quum solennioris alicujus festi celebrandi ratio postulasset, exhibitos fuisse. Certe in nummis certamina simul juncta passim occurrunt, quae tamen diversa, diversisque fieri temporibus, consueverant. Duos Antonini Caracallae nummos ab Ancyranis percussos profert Morellius in Specim. rei numm. pag. 92. in quibus legitur: ΑΣΚΛΗΠΙΑ ΚΩΤΗΡΕΙΑ ΙCΘ. ΠΥΘΙΑ. His nummis certamina ab Ancyranis in honorem Aesculapii Servatoris facta, quae proinde ΑΣΚΛΗΠΙΑ ΚΩΤΗΡΕΙΑ dicta sunt, indicari, eademque ΙCΘΜΙΑ ΠΥΘΙΑ, quamvis diversa ceteroqui certamina haec essent, vocari, docet Vir praestantissimus Ez. Spanhemius in epistola ad ipsum Morellium eidem Specimini inserta: observatque, in quadam etiam insigni Ancyrana Inscriptione apud Gruterum pag. ccccxvi. *Asclepia Isthmia Pythia* itidem conjungi. Pagina vero ejusdem speciminis 100. de similibus ludis ab urbibus institutis, aut statis temporibus renovatis loquens idem Spanhemius, eos factos frequenter affirmat, ubi aliqua Dei aedes solenni ritu, aut pompa erat dedicanda; unde & ab Ancyranis simili forte occasione ne nummos illos Caracallae cufos fuisse, autumat.

Eadem Olympia certamina in nummis aliquando cum Actiis, aliquando cum Pythiis, ut & Pythia ipsa cum Actiis, aliisque copulata conspiciuntur. Sic nummum Elagabali laudat Vaillantius a Pergamenis percussum, in quo mensa, supra quam duae urnae decumbentes, in quarum priore AKTIA, in altera OATMIIA infra duae palmae. Alium recitat ab iisdem Pergamenis Valeriano dicatum, in quo mensa, supra quam

OATM.

ΟΛΥΜΠΙΑ, & desuper in area AKTIA, supra mensam corona, hinc, & inde urna, in quibus palma, infra vas diotum. Nummum vero refert Caracallae pariter a Pergamenis sculptum, in quo duae urnae supra mensam, in priore ΟΛΥΜΠΙΑ, in altera ΠΥΘΙΑ, infra duo rami lauri: aliumque Tranquillinae a Trallianis, in quo ΠΥΘΙΑ ΟΛΥΜΠΙΑ, ac cernuntur duae coronae supra mensam pro victoribus.

Non diffitemur, praestantium plurimum antiquariorum, atque ipsius etiam Spanhemii opinionem esse, quum in nummis varia id genus certaminum nomina conspiciuntur, non unum semper, eundemque agonem, sed diversos, eosque non uno, eodemque tempore celebratos indigitari. Quod quidem verum esse, vel ipse crediderim; si de ludis, variis diebus, sed eadem aliqui celebritate, eodemque festo agitis, sermo sit, secus vero, si de agonibus diversis, dissitisque temporibus, diversorumque festorum gratia celebratis. Neque enim hoc evincitur, ut saepe inculcat Vaillantius, ex pluribus urnis, seu lebetibus cum palmis, qui in ipsis nummis exhibentur; quum colligi potius hinc possit, uti colligit re ipsa Vir sapientissimus Philippus Bonarota Senator Florentinus in Observationibus in numismata max. mod. Em. Card. Carpinci pag. 179., in iisdem ludis, non unum dumtaxat, sed plura praemia proposita fuisse. Quod clare etiam probatur ex Virgilio lib. 5. Aeneid., ubi inter praemia, quae in ludis in memoriam Anchisis celebratis proposita fuere, bini etiam aerei lebetes, cymbiaque argentea, quae vasa pariter erant in cymbae fortassis formam confecta, recententur.

Tertia dona facit geminos ex aere lebetas,

Cymbiaque argento perfecta, atque aspera signis.

Ut ut est, illud profecto in animum inducere nequeo, huiusmodi sive Aetia, sive Pythia, sive Olympia certami-

tamina, eodem prorsus annitempore, quo Aëtia, quae apud Aëtium, seu Nicopoli, Pythia, quae Delphis, & Olympia, quae Elide mittebantur, edita fuisset. Si enim ita illa edita, cur iis in nummis modo Olympia Aëtiis, & Pythiis, modo contra Aëtia, & Pythia Olympiis praeponebantur? Certe ut Olympia, quae Elide, ita Aëtia, quae Nicopoli, & Pythia, quae Delphis, statis temporibus agitabantur: ac quidem Olympia, aestate, ut supra dictum est, circa Iulium, Pythia vere mense Elaphebolione, ut ex Thucydide luculenter demonstrat. Petavius de Doctr. Temp. lib. 1. cap. 33., & Aëtia aut iridem aestate, & eodem die quo Olympia ab Elidentibus, uti censet Scaliger de Emend. Temp. lib. 5, aut, ut probabilius ego existimaverim, die secunda Septembris, qua Aëtiaca Victoria ab Augusto reportata est, in cuius nimirum memoriam Aëtia ipsa certamina ab eodem Augusto instituta fuisse, ut docet Dio lib. 51., vel, ut Strabo lib. 7., instaurata. Vaillantius de ludis Olympiis agens, quum laudatum Tranquillinae nummum a Trallianis percussum retulisset, in quo prius ΠΥΘΙΑ dein ΟΛΥΜΠΙΑ leguntur: *Pythia, inquit, Olympiis anteponuntur, quod illa vere, & haec media tantum aestate ederentur.* Postea vero de Pythiis agens, nummum Caracallae a Pergamenis culum explicaturus, in quo prius ΟΛΥΜΠΙΑ dein ΠΥΘΙΑ conspiciuntur, aquam sibi hic haerere animadvertens, hanc anceps rationem proponit. *Pergameni, inquit, Pythia, & Olympia certamina sub Caracalla se celebrasse per nummos indicant: sed cur in hoc Olympia in dexteriore parte, & sic Pythiis anteponuntur, quum haec vere, illa autem aestate ederentur? At quum nihil sine causa in nummis signatur, an quod Olympia finitis jam Pythiis prius sub Caracalla agitata sint? quum ille hoc tempore, aut Caesar,*

far, vel Augustus renunciatus esset. Quidquid autem de istiusmodi responsione sit, eandem profecto difficultatem in aliis quoque nummisprehendimus. Sic enim nummos ipse plurimos affert, in quibus certamina Actia Pythiis anteponuntur, quum tamen & ipsa Actia apud Actium, ut Olympia Elide, aestate, aut autumnino ineunte celebrarentur. Hinc non video, cur de ipsis Actiis agens, quum nummum recitasset Philippi senioris a Thessalonicensibus cutum, in quo prius AKTIA dein ΠΥΘΙΑ leguntur, eo anno scribat, Actia & Pythia eadem anni tempestate occurrille; ut & nummum postea explicans Elagabalo a Perinthiis dicatum, in quo pariter Actia Pythiis anteponuntur, hoc factum doceat, quod Actia ante Pythia peragi consueverant, eademque saepe conjungi, quandoquidem ea erant quasi aliorum continuatio. Si enim Pythia vere, & Actia aestate, aut autumnino fiebat, quomodo eadem anni tempestate occurrere poterant, Actiaque de more ante Pythia peragi? Rursus si Actia ante Pythia peragi consueverant, qua ratione postea aliquando, ut supra vidimus, ipsis Actiis Olympia, quae circa solstitium aestivum edebantur, ponuntur? Si recte iterum ipsis Actiis Olympia anteponuntur, cur dein nonnunquam iisdem, uti pariter vidimus, ipsa Olympia postponuntur? Illud ergo, ut ab his nos difficultatibus expediamus, dici rectius, posse videtur, in huiusce generis certaminibus, sive Actiis, sive Pythiis, sive Olympiis edendis nullam habitam rationem fuisse temporis, quo vel apud Actium, vel Delphis, aut Elide eadem ludrica committebantur: sed peracta tunc tantum fuisse, quum festi cuiuspiam celebrandi ratio, atque opportunitas, ut supra diximus, exegisset.

Sed omittenda hoc loco non est superius laudati Philippi Bonarotae, de huiusmodi certaminum appellatio-

lationibus, opinio: quod illa nempe majoris honoris dumtaxat causa nuncupata ita fuerint, ludisque Graeciae, a quibus ea nomina mutuabantur, similia esse potuerint, vel in numero, & qualitate decertantium, vel quod ad Apollinem, in assentationem Imperatorum, referebantur, vel quod eidem numini pro salute ipsorum Imperatorum dicabantur, vel denique in multitudine, opulentia, praestantiaque praemiorum, quae in nummis ab urnis, in quibus palmae, indicantur. Videtis doctissimas ejus Observationes pag. 150. 151. 173. Imo pag. 317. ad ludos praesertim Olympios quod attinet, sic quaedam ludrica, in honorem Hadriani a Smyrnaeis celebrata, vocata fuisse censet ex Olympii nomine, quod ab Jove desumptum ipsi primum Hadriano tributum fuit, atque id alias postea urbes, quum ludos, aliis Imperatoribus dicarunt, imitatas.

His adjicere possumus, Olympia, quorum edendorum facultatem Claudii Imperatoris edicto redemisse ab Elidenfisibus Antiochenos anno Aerae eorum 4011., narrat Joannes Malala, vel Malela Hist. Chronicæ lib. 10. pag. 320., non aestate uti Elide, sed mense Hyperberetaco, seu Octobri, ut auctor est idem Malela celebrari ab ipsis Antiochenis solita fuisse. Ad hos ludos Antiochiae singulis quinquenniis per triginta dies edendos, quidam Solibius Senator Antiochenus Augusti temporibus, quindecim auri talenta urbi annuatim solvenda legaverat: atque ex his redditibus primitus quidem ludos hos *Gymnasiarchae*, ait idem scriptor pag. 321., *celebrabant, deinceps vero lucellum captantes, celebrationem hanc penitus mittebant; donec tandem divino Imperatoris Claudii edicto, Primoribusque urbis postulantis ad id coacti Olympia a Pisaeis redimebant.* Tum vero, subjicit, *cives universos monebant, se solennia Olympia (quae antea fuerant) illis exhibere paratos;*

tos esse; quibus eos se accingere hortabantur. Annu-
entibus itaque urbis Primoribus, cum sacerdotibus omni-
que Populo, ludi illi Scenici, Athletici, Thymelici Tra-
gici, Equestriaque certamina, sicut olim per xxx. dies ce-
lebrata sunt: factio initio a novilunio mensis Octobris sin-
gulis lustris recurrentibus, iidem ludi, quum processu
postea temporis Gymnasiarcharum, seu Magistratuum,
quibus cura ipsorum ludorum commissa erat, fraude,
avaritiaque intermitterentur, nec statis, ut antea,
temporibus, ut nareat eodem loco Malela, celebrarentur,
rite postea sub Commodio instaurati sunt, cautumque
Imperatoris hujus edicto, ut in Jovis Olympii, cui
fanum ipse Antiochiae crexerat, honorem, quinto quoque
anno per xlv. dies continuos exhiberentur in festis,
ut ait idem Malela lib. 12. pag. 373. *Anathematum, sive sacrificiorum, quae ex consuetudine peragi solebant, Panem, sive Julio, & Loo, sive Augusto mensibus.*

Ad uberiores argumenti a Cl. Vico allati refutationem non adducam hic tandem aliam literarum, quae in memorato nummo Anniae Faustinae supersunt, interpretationem traditam a Viro totæ orbi literario notissimo R. P. Harduino in Dissertatione, Trevoltian. Ephemer. tom. mensis Augusti anni 1713. art. cxx. pag. 1416., inserta, neque non singularem ejusdem de Annia Faustina opinionem, laudata quidem Dissertatione subindicatam, sed luculentius in *Historia Augusta ex nummis antiquis Graecis, Latinisque restituta*, inter ejus *Opera selecta Amstelodami anno 1709. edita*, explicatam, quod ea nempe non uxor Elagabali esset, sed soror Severi Alexandri. Quod enim ad literarum ab eo excogitatam interpretationem, manifestum est, illam literis ipsis, quae in nummo observari, Cl. Vignolius, alique viri eruditissimi, qui nummum con-

testantur, non omnino respondere. Quod vero ad ejus opinionem de Annia Faustina, quum hanc ille ex nummo potissimum ejusdem Augustae colligat, quem prioris Dissert. cap. iv. adulterinum esse diximus, haud multi est facienda.


Pluribus quidem in laudata Dissertatione Trevoltianae Ephemeridi inserta nummum illum vindicare sategit idem P. H., sed de his parergi loco capite sequenti agendum.

CAPUT X.

Parergon de nummo Anniae Faustinae R. P. Chamillardi. Singularis R. P. Harduini de Annia Faustina opinio. Nummus P. Chamillardii adulterinus. Afferuntur, ac refutantur argumenta quibus P. Harduinus nummum vindicat. Nummus, ex quo desumptum caput Anniae Faustinae nummi P. Cb., non fuit max. moduli, sed primi moduli ad formam max. moduli redactus: In nummo P. Cb., quum primum conflatus fuit, erant literae CEB., sed duae postremae ab artifice stylo postea abrasae fuerant. Duo alii nummi una cum nummo P. Cb. conflati. Nummus Antonini Pii, cujus aversa pars simillima est aversae parti nummi P. Cb., exstat in museo Mediceo. Nummus P. Cb. fusus est, non cusus. Ars modulos plumbeos primi moduli ad formam nummi maximi moduli redigendi, & ex duobus modulis plumbeis unum quempiam nummum conficiendi. Literae in nummo P. Cb. inscriptae ferreis instrumentis, quae Italice Ceselli, insculptae. Testimonia de rerum narratarum veritate.

IN cimelio R. P. Chamillardii, sat notum cuique est, adservari nummum maximi moduli Anniae Faustinae, in cujus priori parte visitur caput ipsius Anniae Faustinae in lunae crescentis effigie cum

cum epigraphæ: ANNIA ΑΓΓΑΙΑ ΦΑΥΣΤΕΙΝΑ, in posteriori vero legitur: ΕΠΙ ΣΤΡ. ΚΥΡΙΝΟΥ ΡΑΦΑΝΕΩΤΩΝ ΑΟC. hoc est, sub Praetore Cyrino Raphaneotarum cclxxi. Est hæc Aera Caesariana, ait P. Harduinus in Hist. Aug. pag. 820., ab anno V. C. dccv. Annus exinde cclxxi. incidit in Septembrem anni hujus aerae Christianae 222. V. C. 975., qui Severi Alexandri primus est. Fuit hujus civitatis aera ignota hactenus, quoniam hic nummus eximius latuit antiquariis usque in hunc diem. Est in cimelio P. Chamillart ex aere magno, eximiae fabricae, summique nitoris. Et aliquanto post: Ex hoc igitur, inquit, nummo discimus, non fuisse uxorem Antonini Elagabali Anniam Faustinae, ut vulgo credunt antiquarii, sed Severi Alexandri sororem. Ejus nummi ectypum prioris nostrae Dissertationis pag. 68. dedimus, rursumque hic damus.



Simillimum autem nummum, ejusdem nostrae Dissert. pag. 74. diximus, nonnullos ab hinc annos quemdam antiquitatum studiosum, ut acceperam, formavisse. In antica parte caput Anniae Faustinae, & nomen ex nummo maximi moduli sumxisse dixeram, ac quoniam inter ANNIA & ΦΑΥΣΤΕΙΝΑ plus aequo spatii

idem reliquerat, quum nosset ex Xiphilino, Anniam hanc nepotem fuisse M. Aurelii Antonini, ut inane illud repletet, nomen alterum ΑΥΡΗΙΑ interjecit. In postica parte, dixi, eum usum fuisse typo cuiuspiam nummi primi moduli Antonini Pii, cujus hunc pariter eclypum dedimus.



Verba ΕΠΙ ΤΗΣ ΚΥΡΠΙΝΟΥ, dixi, eum sumsisse e nummo Elagabali a Smyrnaeis cuso, qui apud Vaillantium, ΡΑΦΑΝΕΤΩΝ ex alio nummo ejusdem Imperatoris apud ipsum Vaillantium, & Epocham tandem ΑΟC. ex nummo Botryenorum eidem Elagabalo apud eundem Vaillantium percusso, inscriptoque anno OC., cui numero unitatem etiam A. ex arbitrio, nullaque sibi proposita fraude, adjecit. Nummum hunc monui a caelatore alteri antiquitatum studioso prope dono traditum fuisse, ab hoc in praeclari viri, ut vocant, Ultramontani manus transiisse: ac tandem typos plumbeos me vidisse, testatus sum, quorum ope idem nummus conflatus.

Porro narrationem hanc tamquam puram putam fabellam traducit P. Harduinus in Dissert., inserta Trevolt. Ephemer. tom. mensis Augusti anni 1713, art. cxx. pag. 1416. inserta: aitque pag. 1434., *ne verbum quidem, ita fidenter loquitur, in ea reperiri, quod non aperte de-*

demonstret, assertum falsarium falsarium re vera non esse, sed callidum quempiam hominem fuisse, qui mea abusus est credulitate, ut dolori suo indulgeret, quod is nummus ejus e manibus elapsus fuisset, atque in Galliam commeasset. Ac primum quidem, plura exstare numismata, ait, *quae eundem in modum falsitatis possent accusari, ea nimirum, quorum partes omnia in aliis nummis reperiri queunt, quae sane sunt magno numero.* Quae argumentatio unde ducatur, aut cui nitatur principio, non video, quum non ideo nummum P. Chamillardi falsum esse, ego probaverim, quod aliis in nummis partes ejus deprehendantur, sed factum recensui, ac modum, quo nummus conflatus fuit, nummosque indicavi, unde singulae ejus partes desumptae. Subjicit deinde, *praecepta narrationis ejus capita falsa esse.* Ac primo petit, ubinam falsarius viderit nummum maximi moduli, ex quo caput, & nomen *Anniae Faustinae* desumpsit? Neque enim ullus alius, subdit, quod sciamus, uspiam gentium est, praeter nummum *D. Theupoli*, quem tamen falsarius non vidit. Fateor profecto, e nummo *D. Theupoli* nihil falsarium, in efformando P. Chamillardi numismate, accepisse, tametsi antequam in ipsius *D. Theupoli* manus devenisset, eum viderit, ac contrectaverit, imo eo viso libido illum, de alio similis moduli nummo conficendo, tunc incesse. Modulum plumbeum, ex nummo Latino primae magnitudinis *Anniae Faustinae*, qui in Veneto quodam latius celebri museo adservabatur, expressum, una cum aliis permultis artifex ingeniosus habebat. Hunc, quum abralis prius Latinis literis ad formam nummi maximi moduli (quod quemadmodum fieri possit, infra dicemus) redegisset, literas *ANNIA* & *ATCTEINA*, imo, ut modo accepi, etiam *CEB.* intcriptit, magno quopiam relicto intervallo inter *ANNIA* & *ATCTEINA*, quod inane

ne postea ut repletet; aliud nomen ΑΤΗΑΙΑ interjecit. Dixeram, cum caput, & nomen Anniae Faustinae ex nummo max. mod. efformasse, quod laudatum modulum plumbeum ad formam nummi maximi moduli reductum conspexissem, nec morosius quaesissem, num nummus e quo ductus is fuerat, primi, vel maximi moduli fuisset: ut contra nummum Antonini Pii, cujus typo in averſa parte idem usus fuerat, primi moduli esse notavi, quum nummum ipsum, (simillimus enim exstat in Museo Mediceo) manibus ego meis tractavissem.

Ex his autem corruunt etiam ea, quae mox subdit P. H., nimirum falsarium, si ex nummo quopiam maximi moduli id nomen accepisset, spatium illud relictum haud fuisse; quum falsarius quod imitari desiderat, studeat, quam fieri potest, accuratissime repraesentare. Neque enim revera, ut modo aiebam, id nomen ex alio nummo mutuatus est, sed quum modulum plumbeum nummi primae magnitudinis haberet, eumque ad formam max. mod. redegisset, literas dein, ut in aliis nummis Graecis, efformavit, nimioque relicto spatio inter ΑΝΝΙΑ & ΦΑΥΣΤΕΙΝΑ, quum nollet ex Xiphilino ipsam Anniam Faustinae M. Aurelii Antonini neptem fuisse, nomen ΑΤΗΑΙΑ adjecit. Qua quidem in re neque stupidum, neque ingeniosum, ut ille postea ait, sese exhibuit artifex: quum nihil facilius sit, quam plus aequo spatium eo modo relinquere, nec multo ingenio opus sit, ut Xiphilinum quis legat, ab eoque Anniam Faustinae neptem M. Aurelii Antonini fuisse discat, tametsi Dissertationem P. Chamillardi antea non legerit: quasi scilicet P. Chamillardus, ut nummum illum (quod etiam falsum esse infra dicemus) ita Codicem Xiphilini unus possideret.

Ut ut est, prosequitur P. H., nummos Graecos Juliae
Cor.

Corneliae Paula primae Antonini Elagabali uxoris falsos esse, ac falsarium quempiam, quum inter ΙΟΥΑ. & ΠΑΥΛΑ aliquod intervallum reliquisset, ut illud postea impleret, ΚΟΡΑΗΛΙΑ addidisse, dixeris, quod in omnibus Latinis nummis, ac in Graecis etiam aliquot id nomen desit? Neque hac unquam ego ratione usus sum, ut fallum ostenderem nummum P. Chamillardi; sed factum, ut superius etiam monui, recensui, ac modum, quo nummus conflatus.

Rogat iterum P. H., ubinam falsarius viderit nummum max. mod. Anniae Faustinae in quo Augustae titulus sculptus non sit? In nummo enim Δ. Θεωπολι legitur ΑΥΤΟ. pro ΑΥΓΟΥΣΤΑ. Si hic archetypus cur simul verbum ΑΥΤΟ non sumpsit falsarius? In aliis Graecis nummis Anniae Faustinae, qui non exstant nisi ex medio aere, visitur CEB., ac quod caput est, in ipso nummo P. Chamillardi exstat litera C., aequae ferme conspicua, ac reliquae literae, pro ΣΕΒΑΣΤΗΝ. Cur bujus literae falsarius non meminit? Haec ratio, quia illa deest in ectypo in Ephemeride impresso, quum eandem negligentia sua Chalcographus omiserit, licet spatium ceteroqui sit, ubi esse oporteret. Acriter urget argumentum. Si P. Valsechius typos plumbeos nummo consiciendo adhibitos recte examinasset literam quoque C. deprehendisset. Quae si vere in iis non exstat; ut adnuere videtur falsarius, typi plumbei P. Valsechio visi nummo P. Chamillardi consiciendo infernare non potuerunt. Sic P. H.

Si litera C. in nummo P. Chamillardi aequae ferme, ac reliquae literae, conspicua est, cur, rogo nunc ego, P. Chamillardus eam non observavit? In Ephemeridis ectypo Chalcographus, ait P. H., eam praetermisit. Praetermisit vero: sed cur praetermisit in epigraphis ejusdem nummi recitatione, in tota sua Dissertatione, semel iterumque edita P. Chamillardus? Non

eo mea haec spectat interrogatio, quod negare velim eam literam in nummo reperiri; sed ut interim animadvertam, mirum non esse, quum id ego factum describebam, de eadem litera, in'o & de aliis duabus E. & B., quas in typo plumbeo videram, non cogitasse, dum ipse P. Chamillardus, qui prior nummum edidit, & ex professo de ejusdem nummi epigraphie egit, eandem literam prorsus neglexit. Ego sane, quem ejus nummi exhibui, ectypum, non ex typo plumbeo, quem videram, describi curaveram, sed ex impresso, & quidem, ut verum fatear, in Ephemeride, non Trevoltiana, sed Veneta: P. Chamillardus vero, suum ectypum ex suo ipso nummo, quem prae manibus habebat, ac singulari explanare Dissertatione nitebatur, expressit. Ad rem. Falsarius in suo typo plumbeo literas, ut supra dixi, ANNIA ATPHALIA ATCTELNA CEB., efformaverat, eaeque recte etiam in nummo P. Chamillardi, quum fusus fuit, inscriptae fuerant. Quoniam vero in ipso nummo P. Chamillardi ubi erant postremae literae E., & B. perexigui aliquot fusi aeris globuli observabantur, ne hi fusi nummi indicio esse possent, stylo easdem eradere studuit, simulque duas illas literas ferme expunxit. En unde factum, ut in nummo P. Chamillardi sola litera C. conspiciatur. Duo alii nummi, ut recens accepi, ex iisdem typis eodemque tempore prodire, quorum alterum, qui sane etiam pulcherrimus, quum his diebus una cum doctissimis viris Antonio Maria Salvini, Josepho Averanio, & Sebastiano Bianchi inspexi, literas omnes CEB. probe in eo inscriptas perlegi.

Rursus petit P. H., unde falsarius acceperit *nummum Antonini Pii*, *cujus aversa pars adeo similis est parti aversae nummi Anniae Faustinae?* Non audet, subjicit, *mihi seum prodere, neque auctorem, unde illum mutatus est,*

est. At ego cum detexi. Quum Dianam in nummo P. Chamillardi vidisset, qualis est in multis nummis Ephe-
sorum, ad librum quemdam confugit, in quo nummi ali-
qui Ephesiorum collecti sunt, ut Dianam alii cuipiam si-
mili nummini junctam inveniret. Verba haec pag. 162. legit:
ΕΦΕCΙΩΝ ΝΕΩΚΟΡΩΝ ΟΜΟΝΟΙΑ ΚΤΖΙΚΗΝΩΝ: Antoni-
ni Pii cum Dianae, ac forte Proserpinae effigie. Hic
equidem nummus est, quem ille tametsi vitiosum sequutus
est, ut in papyxo nummum hunc Antonini, qui ita nun-
quam se habuit, describeret. Hinc factum, ut ΚΤΖΙΚΗΝΩΝ
in exergo posuerit, quod usui, regulisque omnibus adver-
satur. Verbum enim ΟΜΟΝΟΙΑ in aere semper aut pri-
mum, aut postremum esse debet: quod hic minime obser-
vatur, nisi epigraphen ab exergo velimus incipere, hoc
est, ubi eandem desinere, oporteret.

Ait praeterea, falsarium, qui in reliquis D. Vaillant-
tium sequutum se esse, profitetur, sumere ex eodem
potuisse pag. 42. nummum ejusdem Antonini, in quo in-
scriptio meliorem in ordinem disposita est: ΕΦΕCΙΩΝ ΝΕ-
ΩΚΟΡΩΝ ΚΤΖΙΚΗΝΩΝ. Hic nummus, inquit, est apud
D. Fucosium, ac verbum ΟΜΟΝΟΙΑ situm est in exer-
go. Falsarius tamen uti hoc nummo non poterat, quum
in eo juxta Dianam sit Hercules clavam & leonis exu-
vias gestans, uti contra in nummo Anniae Faustinae Bac-
chus sit hedera coronatus, bastam, & tygridis pellem ge-
rens, ut in sua Dissertatione animadvertit P. Chamil-
lardus. Alia hanc in rem addit de Cyzicenorū &
Raphaneotarū numinibus.

Potuerat etiam, pergit, ex libro D. Vaillantii pag. sequ.
nummum maximi moduli laudare, qui exstat in museo
M. D. Etruriae cum hac inscriptione priori ferme simili:
ΚΤΖΙΚΗΝΩΝ ΕΦΕCΙΩΝ ΝΕΩΚΟΡΩΝ ΟΜΟΝΟΙΑ. At Sym-
bola non consentiebant, quum numen, quod est juxta Dia-
nam, non nisi, ut refert ipse D. Vaillantius, seminudum
N
sit,

sa, hoc est, ut videtur valde verisimile, Jupiter pallio, quod ei partem pectoris, & brachii operiat, ornatus, ut visitur in nummo ex magno aere ejusdem Imperatoris, qui est apud D. Fulvium cum epigraphe: ΕΘΕCOC ΚΤΖΙΚΟC, & in exergo ΟΜΟΝΟΙΑ. Ut autem suaderetur, aversam partem hujus nummi Anniae Faustinae ex alio nummo desumptam fuisse, aliquid iisdem numminibus omnino simile inveniendum erat, quod utique reperire falsarius non potuit. Est ergo, concludit, aversa ipsa pars nummi max. mod. Anniae Faustinae, quae translata in assertum nummum primi mod. Antonini Pii, qui non exstat nisi in papyro, purumque illius commentum est. Ad P. Valsecchium, qui nummum imprimi curavit, spectat, hominem adigere, ut sibi museum, unde nummum Antonini Pii desumpsit, patefaciat, probaque in medium asserere testimonia, nisi velit, a veteratore isto deceptus fuisse, credatur.

Quaecumque hanc in rem dici a me jure optimo possent, praetermitto: neque enim, quam hactenus animi moderationem sectatus sum, in praesens negligam. Nummus, de quo agimus, Antonini Pii, non in solo papyro exstat, neque purum putum falsarii, commentum est; adeo ut, ad eum confingendum, opus ei fuerit, ad librum, in quo nummi aliquot Ephesiorum congesti, ut ait ille se detexisse, confugere, aut aversam partem nummi Anniae Faustinae P. Camillardi in eundem nummum transferre. Ectypus, quem ego dedi, ex nummo, qui re vera exstat in museo M. D. Etruriae, exactissime descriptus est. In catalogo nummorum eximii ejus musei, quem adornavit Petrus Fictonius V. Cl. anno 1660. quique M. S. in eodem museo adservatur, idem ipse nummus recensetur. Ejus epigraphen legit idem Fictonius hoc modo: ΚΤΖΙΚΗΝΟΝ ΕΘΕCΙΟΝ ΝΕΚΟΡΟΝ ΟΜΟΝΟΙΑ, quamvis ΚΤΖΙΚΗΝΟΝ.

in

in ima parte nummi, seu exergo, sculptum sit. Hic ille idem est, quem laudat Vaillantius, legiteque modo jam recitato, licet figuram, quae est juxta Dianam, ob palliolum, quod humerum & brachium sinistrum tegit, vocet feminudam, ac nummum illum litera *M.* maximi esse moduli indicet, quum tamen primae tantum sic magnitudinis; deest illi namque sexta pars ad pondus unciae, locumque non in ipso modo museo inter nummos primi moduli hodie obtinet, sed & in laudato Catalogo Petri Fickoni, quinquaginta ante atque amplius annos conscripto. Porro Fallarius modulum plumbeum, sive ex nummo hoc, sive ex alio simili ductum, habebat, quem etiam, quum una cum modulo Anniae Faustinae, de quo supra, ad formam maximi moduli, deletis quae in eo erat literis, redigisset, literas, quae in nummo nunc sunt in eo efformavit, ac tandem nummum confecit. Proba nummi ejusdem Antonini Pii afferantur testimonia, jubet P. H. Ea in fine hujus capituli afferam, simulque proba afferam testimonia, licet haec minime is postulet, nummum P. Chamillardi una cum aliis duobus conflatum fuisse, quorum alterum nupetrime vidi ego cum aliis probatissimis viris; ac Virum demum a quo ejusdem nummi P. Chamillardi historiam accepi, omni fide dignum esse. Si autem scire interea cupiat P. H., quam ob causam museum in quo nummum, cujus eotypum dedi, conspexeram, in priori Dissertatione non indicarim, una haec fuit, ut si quispiam, cum nummum re vera exstare, quod reapse contigit, forte negavisset, ejus potuisset incredulitatem revincere.

Suam criticeu prosequitur P. H. *Liber*, inquit, *D. Vaillantii, ut fallarius ipse proficetur, fons est, unde verba omnia inscriptionis, quae in aversa parte nummi Anniae Faustinae legitur, is sumpsi. At non ait, Dissert-*

tationem ipsam P. Chavillard di fuisse, quae huic ei librum, ac pene omnia, quae a falsario hic afferuntur, indicavit: quasi vero ipse P. Chamillardus primus omnium librum D. Vaillantii viderit, primus legerit, primus laudaverit. Primum, ΕΠΙ ΓΤΡ. ΚΤΡΙΝΟΤ subijcit, ait ille ex Smyrnaeorum nummo Elagabalo cujo apud Vaillantium desumptum est. Verbum ΡΑΦΑΝΕΟΤΩΝ ex alio, eodem loco, & sub eodem Imperatore acceptum, & Epochā demum AOC. ex alio ibidem, ubi non nisi OC. visitur, cui falsarius A., sine ulla fraude adjecit. Hinc probe apparet, addit, assertum falsarium non nisi secundam editionem Vaillantii vidisse, si enim priorem vidisset in qua pag. 132. in eo nummo legitur ΔOC. dicturus fuisset, se non nisi Δ. in A. mutavisse. Certe Falsarius quum de nummo conficiendo agebat, solam habebat secundam editionem Vaillantii nimirum Amstelaedamensem, quam eidem V. Cl. Sebastianus Bianchi musei Medicei Custos peritissimus commodaverat. Ceterum male harriolatur P. H., quum putat, falsarium, si priorem editionem vidisset, in qua legitur ΔOC, dicturum fuisse, se Δ. in A. mutavisse: nam cum aeque nummi exergon occupasset ΔOC ac AOC, ipsum etiam Δ sine ulla mutatione sumsisset; ac tum profecto Annia ejus Aurelia Faustina soror Severi Alexandri esse debuisset, quum is annus fuisset aerae Caesarianae 274. qui coepit mense Septembri anni Ch. 225., qui quartus fuit Severi Alexandri.

Postremo, quod ad me adtinet, ita critice suam absolvit P. H. Fateor me non satis posse admirari credulitatem P. Valscehii, qui modulos quoque plumbeos vidisse, affirmare, ausus, est, qui huic nummo Anniae Faustinae conficiendo adbibiti. Quae de mea P. H. credulitate, potiori ipse jure de ejus incredulitate usurpare possem: sed flocci haec nos facimus. Probe apparet, sub-

subjicit, Patrem hunc arti falsorum numismatum conficiendū nil prorsus vacare: moduli bi namque, quos *vidit*, plumbei, nummum, de quo est quaestio, magis, verum germanumque esse, ostendunt, quum modulus plumbeus non nisi ex vero nummo tanquam ex archetypo confici queat. Cusus nummus, qualis sine ulla controversia hic noster est, fusus nummus non est: ac si P. Valsecchius, quid cusum inter fusumque nummum intersit, ignorat, danda illi venia, si callido ab homine decipi, passus est. Forma, qua nummus hic cuderetur, opus erat. Haec autem ubinam est? Si adhuc exstat, cur moduli plumbei confecti? Si non exstat, quid de ea actum?

Neque modo excandescam: singula patienter feram, singula tamen, pacato sedatoque animo, retundam. Recte ait P. H., me arti falsorum numismatum conficiendorum haud vacare, sed summo opere fallitur, quum modulos, aut typos plumbeos, quos ego vidi, nummum P. Chamillardi verum esse, magis ostendere, affirmat. Jam dixi, duos modulos plumbeos falsarium habuisse, alterum ex vero nummo primae magnitudinis Anniae Faustinae tanquam ex archetypo expressum, alterum ex vero nummo Antonini Pii, de quo supra, primae item magnitudinis. Ex iis, abrasis prius, quae exstabant literis, alios modulos maximae formae eduxit, ac quum in his, in antica nimirum Anniae Faustinae, & in postica Antonini Pii, quas libuerat pro sua peritia literas inscripsisset, nummum tandem confecit. Priores modulos non vidi, vidi posteriores. Priores ex veris nummis ducti fuerant, posteriores falso nummo conficiendo adhibiti, quos proinde *typos* vocavi, seu formas, quibus terrae stapedibus (sic vocant futores aeras regulas, quibus metallo fundendo utuntur: sunt enim instar stapedum) inclusae impressis, nummus deinde conflatus est.

Hacc

Haec etiam absurda putabit P. H., si erique non posse. **N**inquit, ut ex modulis primae magnitudinis moduli maximae formae exprimantur, atque ex duobus diversisque modulis unus nummus eliciatur. Ergo artem hanc, etsi eidem minime incumbam, cogor, edocere. Modulis primae magnitudinis circulus, abradis, quae in iis exstant literis, ex materia quapiam solida, puta cera, circumducatur, ita ut ex ejus circuli accessione ad formam maximi moduli, redigantur. Hi terrae imprimantur, plumbum defundatur, ac moduli plumbei prodibunt forma nummi maximi moduli. In his quos lubet characteres, omnemque nummorum ornatum ferreis instrumentis, qui Italice *Ceselli* vocantur, si arte praestas, effingito. Terrae eos etiam, utrumque intra stapedem, unum hinc, inde alium imprime, sed cura, ut rite sibi ac prorsus exacte respondeant. Plumbum iterum defunde, ac nummum plumbeum erues ex duobus illis diversisque typis expressum. In hoc nummo literas, capillos, extrema figurarum lineamenta, ac quaevis alia, si opus est, stylo leviter refrica. Terrae eundem imprimito: aes confusa: ac nummus aereus emerget maximi moduli, qualis nummus P. Chamillardi, qui sic adamussim confectus est.

At nummus P. Chamillardi, clamat P. H., *sine ulla controversia cusus, non fusus est, ac P. Valsecchio, qui cusi ab fuso nummo discrimen ignorat, plane ignoscendum, si calido ab homine deceptus est. Forma opus erat, qua nummus percuteretur. Haec autem quo evasit? Frustra quaerit P. H. formam, seu ἀρχέτυπον σφραγιστήριον, quo nummus signatus, percussus: hic enim, velit, nolit, ex aere conflato effectus est, licet quid cusum inter & fusum nummum intersit, ego, ut ille ait, ignorem. Ita sane: nummus Anniae Aureliae Faustinae P. Chamillardi, non cusus sed fusus est. Nam ut ipse P. H.*

po-

postea animadvertit, D. Mallonium carpens, quem viso nummo, licet adulterinum, percussum cum tamen, ait, pronunciaſſe, *verifimile non eſt, in Italia, aut alibi viginti, aut viginti quinque aureos expendere quempiam voluiſſe pro forma habenda, qua unus tantum nummus* (duos alios addo ego) *caderetur*, quamvis ut ſatis notum, aliis temporibus Patavinus, Cavinus, Vallis ex noſtratibus, & ex Gallis Cocornerius alii-que orbem ſuis hoc genus mercibus locupletaverint. Fateor, non tanti conſtitit falſario noſtro nummus P. Chamillardi: ſed paucos carbones tantummodo, parum plumbi atque aeris, paucaſque operae, laboriſve horas inſuſit. Probane optat vel hujus rei teſtimonia P. H.? Haec etiam una cum alijs, quae ſupra polliciti ſumus, in fine hujus capitis dabimus.

At qui fieri poteſt, reponet P. H., ut vera iſthaec ſint; quum quotquot Parifiis nummum inſpexerunt & pulchrioribus ejus aevi, ac rarioribus maximi moduli nummis cum eſſe, judicarint, nullum, quacumque ſpectetur parte, in eo eſſe vitium, quaecumque deſiderari poſſint antiquitatis, & ſinceritatis indicia in eo reperiri, nullum denique ſincerum nummum fore, ſi falſus hic ſit? Non opus eſt, ut tot ille, ac tam illuſtria recitet teſtimonia. Inlignis quidem e noſtris Italis antiquarius, nemini proſecto recentia a veteribus diſtinguendi peritia ſecundus, ſolet dicere, nummis, qui a ſuſpecta manu proſciſcuntur, obſervandis bina perſpicillorum paria ſe adhibere, at pro nummis ejus, qui nummum P. Chamillardi confeſcit, examinandis, tria tibi eſſe paria ſumenda: ſimulque profiteretur, aliquot ex ejus rebus pro veteribus ſe fuiſſe non ſemel accepturum, niſi ille, ab ſe factas fuiſſe, monuiſſet. Praeterea obſervet, velim, P. H., ejusdemne ingenii ſint literae a falſario inſcriptae, quamvis antiquorum characterum ſpecimen

men non indiligenter imitari studuerit, ac figurae numismatis ex veris nummis expressae? An caput & figurae nummo primi moduli magis convenient, quam maximi moduli? Demum nihilne inter caput, & figuras averſae partis interit? an istae ſui aevi nitorem, ac probum Aſiaticorum opificium arguant, illud vero imperii lapſum, atque iſtus Romanos praeferebat? Haec pro eximia, qua pollet, ſagacitate, ac ſolertia ſingulari, contempletur P. H. ac ſuam dein ingenuè ſententiam ferat.

His vero ſatis a me factum puto non modo P. Harduino, ſed & ipſarum Ephemeridum Trevoltianarum Scriptoribus, qui tomo menſis Junii anni 1713. artic. LXXXIV. in priori mea recensenda Diſſertatione nonnulla pariter in typos plumbeos, quos ego vidiffe affirmaveram, adnotarunt. *Adjicit ille, haec eorum verba ejus tomi pag. 1000., ſe plumbeos typos vidiffe, qui nummo conficiendo adhibiti fuere. Nimum eſt quod affirmat, ac poſtremus hic articulus poſſet ejus narrationem aliquanto ſuſpectam erudiitis reddere. Typi plumbei (vertunt coins de plomb) nummis percutiendis idonei non ſunt. Non ergo typi (coins) ſunt, ſed moduli plumbei (moules de plomb) quos ipſe intelligit. Atqui moduli ut ſiant, verus nummus exſtiterit, neceſſe eſt, uti exſtet ſigillum, oportet, antequam aliis conſtandis adhibeatur. Dicit forte P. Valsechius, modulos hos ex pluribus veris nummis factos fuiſſe, ita ut unus caput, averſam partem alius, alii epigraphen ſuppeditaverint. Verum reſponſio haec augeat magis, quam tollat difficultatem. Averſa pars nummi P. Camillardi ſumta eſt, ſi fides P. Valsechio adhibenda, quinque ex nummis, atque una etiam litera adjecta eſt. Ad eum ergo pertinet, artem monetarios docere, quinque modulos in uno quopiam jungendi, atque aliquid etiam in eodem modulo jam conſe-*

fecto adjiciendi. Typi sane plumbei, de quibus loquutus ego fueram, non formae, ut Viri Cll. animadvertunt, fuere, quibus nummus percussus, sed moduli potius plumbei: quos typos ideo vocavi, quod illis ceu sigillis terrae impressis prior nummus formatus est; cujus generis modulos Italice *matrici* appellamus. Hi ex aliis modulis, qui ex veris nummis expressi fuerant, ea, qua supra explicavimus, ratione profecti. Ac licet averſa pars nummi P. Chamillardi quinque e nummis desumpta sit, unus tamen nummus Antoni Pii modulum ejusdem averſae partis dederat, quum epigraphen ex aliis nummis, una etiam addita litera, acceptam ferreis suis instrumentis suaque industria artifex formaverit.

Ceterum Cll. iisdem Viris plurimum debeo, quod licet non exigui momenti in typos meos plumbeos difficultatem proposuerint, magna tamen, in ea proponenda, moderatione usi sunt, verbisque sat castigatis. Plurimum etiam voluptatis cepisse, fateor, quum traditam a me annorum Elagabali numerandorum rationem *quammaxime simplicem, ac naturalem* iis pag. 994. dictam perlegi, eandemque pag. 1001. *non uti felicem modo conjecturam, sed tanquam verisimiliorem opinionem*, probasse illos ipsos comperi.

Ecce vero postremum, quae supra Patri H. promissimus, testimonia: pauca illa quidem, sed gravissima, probatissimaque.

Florentiae die 17. Julii 1614.

Nos infrascripti testamur, exſtare in Museo R. C. Magni Ducis Etruriae nummum primi moduli Antoni Pii, eundem prorsus, quem exhibet P. Valsecchius in Disſert.

fert. De M. Aur. Ant. Elagabali Trib. Pot. V. pag. 75. in cujus nimirum priori parte visitur caput Antonini Pii laureatum cum epigrapha: TI. AI. AAPI. ANTONINEINOC: in posteriori vero Diana Ephefia, & alia figura nuda, quam virilem censemus, stans, dextra bustum, sinistro brachio palliolum ab humero pendens sustinet, cum epigrapha: KYZIKHNQN EΦECION NEOKOPQN OMONOIA, ita ut verbum KYZIKHNQN in ima parte nummi, seu exergo sculptum sit.

Praeterea testamur, vidisse nos nummum maximi moduli Anniae Faustinae, ei itidem similem, quem assertit idem Valsecbius laudatae Dissert. pag. 68. cum eo tamen leviori discrimine, quod in bujus, quem nos vidimus, annicae partis epigrapha praeter verba ANNIA ATPHΛIA ΦATCTEINA, quae in nummo a Valsecbio exhibito leguntur, additur CEB.

Testamur denique, a Viro fide omni digno certiores nos factos fuisse, postremum nummum Anniae Faustinae non multos abhinc annos ab ingenioso quodam antiquitatum studio, ea, qua ab eodem Valsecbio fusiis nunc traditur, ratione, una cum aliis duobus, ex aere fuso constatum fuisse: atque horum alterum in R. P. Chamillardi, quem anno 1705. haec transiit, manus devenisse. Ita vero.

Antonius Maria Salvinius literarum Graecarum in Florentino Athenaeo Professor, testor quod supra dictum est, verum esse, atque ita se habere.

Josephus Averanius in Pisana Academia Juris Civilis Professor Ordinarius, quum nummos modo descriptos diligenter inspexerim, & alterum cum altero accurate comparaverim, & intentissima cura omnia consideraverim, & Virum summa auctoritate, religione, fide, & veterum numismatum peritia praeclarum, de adulteri-
no-

numorum nummorum conslatura minutatim interrogaverim testantem ea sibi fuisse, & esse cognitissima: quae hic narrantur, verissima esse omnia constanter affirmo. Ego mea manu scripsi: ego testor, fidemque meam obstringo.

Josephus Averanius.

Sebastianus Bianchi Regiae Celsit. M. E. D. Numismatum Custos manu propria scribit, ut omnibus Antiquitatis cultoribus notum faciat, Nummum Antonini Pii, de quo supra, exstitisse a longo tempore, & adhuc exstare in Museo Mediceo, probum, legitimum, & absque ulla suspicionis nota, eundemque invenio descriptum a Petro Ficton V. Cl. in veteri Catalogo nummorum hujus Pinacothecae, quas explanabat anno 1660. Nummum vero Anniae Faustinae ego ipse scio constatum fuisse una cum aliis duobus decem plus minus ab hinc annis, quum viderim tunc temporis plumbeos typos, supra quos Caelator pro lubitu suo disposuit, quod congruum existimavit, & librum Joannis Vaillanti de nummis Graecis editionis Amstelaeladamenfis ipsi commodaverim, ex quo desumfit quae fors obtulit, ad nummum conficiendum, numerum literarum suam regulam faciens: nunc vero unum ex his tribus nummis una cum Salvinio, & Averanio viris doctissimis, & probatissimis contrectavi, nec aliud additum inveni, quam colorem adulterinum, viridem & nigrum, vulgo dictum Patina, antiquo valde similem.

Sebastianus Bianchi.

CAPUT XI.

Cl. Vignolii argumentum ex Inscriptione statuæ ab Elagabalo Serapidi dedicatæ. Eadem statua ab Elagabalo fieri iussa, ac Alexandri tempore solenni ritu dedicata. Statuæ, signa, ac quaecumque Inscriptiones non statim ac perfectæ erunt, a Sacerdotibus dedicantur. In ea Inscriptione aliquid Sculptoris incuria, aut imperitia omissum. Viri eruditi de eadem Inscriptione sententia.

JAm vero ad Cl. Vignolium, ejusque argumenta, quibus suam, de temporis necis Elagabali, & initio Severi Alexandri, sententiam confirmare nititur, redeamus. Idibus Aprilibus anni Ch. 222. Elagabalum superstitem adhuc fuisse, demonstrat pag. 70., & seqq. ex antiquæ basile Inscriptione, quæ apud Gruterum pag. LXXXV. 5., & ante ipsum apud Panvin. lib. 2. Fast. pag. 369. ita se habet.

SERAPI. SACR

IMP. CAES. M. AVREL

ANTONINVS AVG

PIVS. FELIX. COS. IIII

P. P.

A ser-

A tergo.

DEDIC. ID

APR. IMP

CAES. ANT

PIO III. ET

M. AVR. ALE

XANDRO

COS.

Lapidem hunc nos quoque prioris Dissert. pag. 6. attuleramus: diximusque pag. 30. eundem aut ante Elagabali necem, quo omnia pro templi dedicatione Idibus Aprilibus peragenda, si ad templi quidem dedicationis memoriam is positus sit, parata forent, insculptum fuisse, aut, quod fortasse verisimilius, id templum ab Elagabalo antea exstructum, Idibus tandem Aprilis illius anni sub successore Alexandro fuisse dedicatum. Haec autem minime probat Cl. Vignolius. Nam praeterquam quod, ait pag. 73. & 74. non videtur, quae rei necessitas esset, ut unum, vel duos menses ante de inscriptione dedicationis cogitarent, quam ejusdem dedicationis dies haberetur; neque illud, quod ibi sacrum dicatumque Serapidi dicitur, templum fuisse videretur, sed statua potius, vel simulacrum, aut signum aliquod ei basi superimpositum, quod tanto proinde apparatu haud egeret. Non repugno, id signum, aut statuam quantipiam fuisse: sed neque repugnare crediderim aliqua nonnumquam fieri etiam citra necessitatem. Sed esto, ad necessitatis praescripta exigi omnia debuerint. Si quod Serapidi sacrum
ibi

ibi dicitur, signum sit, aut simulacrum, profecto non video, cur fieri illud quidem ab Elagabalo, dedicari vero ab Alexandro non potuerit; quum certum sit, ejusmodi simulacra, vel signa, aut quascumque Inscriptiones non statim ac absolutae, perfectaeque erant, nominibusque eorum, qui fieri illas jusserant, inscriptae, solenni ab Sacerdotibus ritu fuisse dedicatas. Apud Panvinium lib. 2. Fast. pag. 381., & Gruter. pag. cclxxvi. 4. exstat inscriptio Aureliani sub finem anni Ch. 274., quum scilicet Trib. Pot. V. sed nondum Consulatum ordinarium Ill. iniisset, insculpta, sed dedicata Calendis Februariis anni 275. ipso *Aureliano Aug. III. & Marcellino Cos* Apud Sponium in Misc. erud. antiqu. pag. 247. & seqq. visitur Ara a Centurionibus & militibus Antonino Caracallae anno 205., quum esset Trib. Pot. VIII. Cos. II. dicata, ac dedicata anno 208. ipomet *Antonino III. COS.*

Aliam ejusdem Caracallae inscriptionem habemus apud eundem Sponium pag. 271., & apud Fabretum pag. 682. 70. quae sculpta sub ejus imperii initium videtur, dedicata vero indubie est anno proxime ejus ~~monet~~ praecedente, nimirum Ch. 216.

IMP. CAES. M. AVRELIO. AN
TONINO. PIO. FELICI. AVG
PRINCIPI. IVVENTVTIS. &c.

Latere suifiro.

DEDIC. XVIII. KAL.

SEPTEM. A.

C. ATIO. SABINO. ET. CORNE
LIO. ANVLINO. COS

C.

C. Atius Sabinus, & Cornelius Anulinus fuerunt Consules anni Ch. 216. Antoninus vero Caracalla *PRINCEPS IVVENTUTIS*, uti in praecipua epigrammatis parte inscribitur, dici haud potuit nisi primis imperii ejus annis, quum is nimirum titulus, qui puris ceteroqui Caesaribus tribuebatur, illi, etsi Augustus, ut ibidem pariter inscribitur, declaratus esset, manere, utpote admodum juveni, ac vivente adhuc Severo ejus patre, non immerito poterat.

His addi potest Inscriptio altera, quae est apud Panvini-um lib. 2. Fast. pag. 356., ex qua apparet signum aliquod, aut aliud quodpiam pro salute Severi, Caracallae, & Juliae Severi uxoris, consecratum fuisse antequam idem Caracalla Augustus declaratus fuisset, quod certe contigit anno Ch. 198., dedicatum autem die x. Aprilis anni 200. Ea enim ita se habet.

PRO . SALUTE . IMP. CAES
L. SEPTIMI . SEVERI . AVG
ET . M. AVRELI . ANTONINI
AVG. F. CLARISS. ET . IULIAE
AVG. MATRIS . CAESARIS
M. FIRMIDIVS . SPECTATIVS
• TR. LEG. II. ITAL. P. F
CONSECRAVIT . ITEM
DEDICAVIT . IIII. ID. APRIL
SEVERO . ET . VICTORINO . COS

Si ergo hae Inscriptiones, ac signa non statim ac perfecta, ac consecrata erant, dedicabantur, cur & quod Serapidi dicatum ab Elagabalo fuerat, signum non potuit post ipsius interitum ab Alexandro, qui & *Isium*, & *Serapium*, ut narrat Lampridius in ejus vita cap. 26., *decenter ornavit, additis signis, & deliacis, & omnibus mysticis*, aut ab aliis gregariis Sacerdotibus dedicari?

Opponi his quidem potest, quod si imperante Alexandro ea dedicatio peracta esset, idem Alexander in illa Inscriptione *Imp. & Aug.* inscribi debuisset, quum id moris esset, ut qui anni initio Consulatum susceperant, ac per annum postea Augusti creabantur, in Inscriptionibus, Actisque publicis novae dignitatis nomine honestarentur, ut recte demonstrat Pagius ad ann. Ch. 136. num. v., exemplo M. Aurelii, & L. Veri, quamvis in Disert. Hypat. cap. 6. num. x. contrarium docuisset: At fatendum, ea in Inscriptione aliquid Sculptoris incuria, aut imperitia omissum fuisse: nam etiam si in vivis tum adhuc Elagabalus fuisset, Alexander certe Caesar erat, eoque titulo de more pariter insigniri debuisset, qui tamen praetermittitur.

Illud etiam non parum negotii facessit, quod si statua illa, aut signum post mortem Elagabali dedicatum fuisset, ac in ejus dedicationis memoriam sculpta illa Inscriptio, nomen Elagabali, quod Senatus auctoritate ex annalibus erasum fuerat, ac in signandis ejus anni legibus Alexander, ut supra pag. 19., omisit, adponi nequaquam debuisset. Verum, quod mihi de Elagabali nomine, id de nomine Alexandri ipsi Cl. Vignolio objici potest. Si enim statuam illam dedicasset Elagabalus, eamque Inscriptionem fieri jussisset, passus certe non fuisset, ut ibidem adscriberetur collega

lega in Consulatu Alexander, cum quo noluit in Consulari pompa procedere, cujus statuarum titulos luto inquinari & obliterari iussit, ac cui denique palam insidias struxit. Hinc Viro eruditissimo, qui haec mecum per literas communicavit, visum, Inscriptionem illam, aut non modo post Elagabali, sed & post Alexandri caedem ab Sacerdotibus ad servandam rei gestae memoriam esse factam, & publice positam: aut perperam a Panvinio descriptam, vel suppletam: aut denique supposititiam esse, quum incredibile quoque videatur, ut Elagabalus, qui insane adeo patrium suum Numen colebat, tantumque ceterorum Deorum spre- tum adfectabat, ut *alios Dei sui cubicularios, alios ser- vos, alios diversarum rerum ministros*, ut auctor est Lampridius, appellaret, statuem, vel signum quod- piam Serapidi dedicare voluisset. Sed haec minime urget Cl. Vignolius: ac quemadmodum per ipsum qui eam temporis notam adposuerunt, nullam lethalis, quo Alexandrum Elagabalus infectabatur, odii rationem habuerunt, ita per me fieri potuit, ut ne- que odium, quo nomen ac memoria Elagabali tum laborabat, respexerint, sed tempus absolute per an- ni ejus Consules, ut moris erat, designaverint.

C A P U T XII.

Cl. Vignolii argumentum ex nummis Elagabali TR. P. V. inscriptis. Pagii de his nummis conjectura refu- tatur. Refelluntur rationes ab Illustriss. Adriae Episco- po pro eadem Pagii conjectura tuenda allatae. Augu- sti, Julii Caesaris, & Justinii Jun. exempla a Cl. Praesule allata nullius momenti ostenduntur. Initium Justinii Jun.,

& Consulatus ejus tempora praeclare ab eodem Cl. Praesule illustrata. Per eundem Pagii, & Cl. Praesulis conjecturam satis non fit nummis Anniae Faustinae & Aquiliae Severae anno v. imperii Elagabali inscriptis.

QUomodocumque nobis haec pugnæ fors cesserit, longe nunc difficilior subeunda alea est, graviusque discrimen ineundum: quum non solum cum Cl. Vignolio decertandum nobis in praesens sit, praecipuaque ejus res laetundenda, sed & cum Illustrissimo a Turre, Adriæ Praesule meritisimo, quocum mihi communis causa hucusque fuit, res gerenda. Igitur non Idibus modo Aprilibus, ut superiori capite e Serapidis lapide, sed & post diem xvi. Maji anni Ch. 222. in vivis adhuc fuisse Elagabalum, colligit Cl. Vignolius pag. 75. ex ejus nummis tum Latinis, tum Graecis, in quibus Trib. illius Pot. quinta, vel quintus imperii ejus annus exhibetur; qui iniri, ut videtur, non potuit nisi die ipsa xvi. Maji ejus anni, quum, ut docet Dio apud Xiphilinum, non nisi eadem die anni Ch. 218. Imperator a militibus acclamatus is fuisset.

Haec porro est ipsa difficultas, quam in priori Dissertatione solvendam mihi proposueram. Scilicet, quum ex tot argumentis constet, Elagabalum ad eum usque diem vitam, & imperium haud prorogasse, neque proinde Trib. Pot. quintam, aut quintum, imperii sui annum attingere potuisse, qui fieri possit ut nummi nihilominus sint, in quibus eadem Trib. Pot. quinta, ac quintus imperii ejus annus conspiciatur.

Plures implicatissimi hujus nodi ab aliis praestantibus viris adhibitas solutiones, atque inter has, quae a Pagio in Crit. Baron. ad annum Ch. 218. num. x. traditur,

tur, probaturque Illustris. a Turre in Italica Epist. nummo Anniæ Faustinae Venet. Ephem. tom. iv. pag. 369. inserta, eadem Dissertatione attuleram, rejeceramque; ac meam demum peculiarem explicationem subdideram, Hanc meam quidem explicationem pluribus postea adorsi sunt tum Cl. Vignolius, tum ipse Illustris. a Turre in Dissert. *De annis M. Aur. Ant. Elagabali &c.*, ille, ut Elagabalum, quæ sparta ejus erat, iis nummis probaret, non mense Martio, sed aliquanto post e vivis excessisse; hic vero ut Pagianam, cui calculus olim suum adjecerat, solutionem tutaretur, vindicaretque. Antequam autem argumentis a doctissimis iisdem viris contra meam explicationem allatis satisfaciam, non abs re erit, ut quæ ad Pagii defensionem ab ipso Cl. Adriæ Praefule adducta sunt huc revocemus.

Pagius loco laudato quum apud Vaillantium duos nummos Elagabali vidisset alium inscriptum: *P. M. TR. P. III. COS. III. P. P.*, in quo *quadrigae aurigante Imperatore*, alium vero. *P. M. TR. P. V. COS. IIII.* in quo *Imperator in quadrigis dextra ramum sinistra Scipionem eburneum*, consiuit cum eodem Vaillantio eos ad Processus Consulares ejusdem Elagabali pertinere, ac priorem quidem ad processum Consularatus III. quem ille iniit Cal. Jan. an. Ch. 220. alterum autem ad processum Consularatus IV., quem iniit Cal. Jan. anni 222. Hinc vero intulit, Elagabalum Cal. Jan. anni 220. Trib. Pot. III., & Cal. Jan. an. 222. Trib. Pot. V. numerasse, atque ita imperii sui, ac Trib. Pot. initium a Cal. Jan. anni 218., quamvis mense tantummodo Junio ejusdem anni, rerum summa potitus fuisset, *per anticipationem* deduxisse: citatque ad anticipationem hanc adstruendam Dionem pag. 907. queni tradere ait, Elagabalum *per antecessum* Augusti, &

Cæsaris nomen cum imperio Proconsulari, ac Tribunitia potestate summis; ac postremo addit, eundem, Elagabalum Macrini nomen e Fastis eradii iussisse, quia persuasum omnibus voluerat, se jam a Cal. Jan. Imperatorem legitimum fuisse, & Consulatum ad se non vero ad Macrinum pertinuisse.

Hanc Pagii opinionem refutaturus primum ostenderam, quod quamvis duo illi nummi ad Processus Consulares Elagabali referendi essent, prior nempe ad Processum Consulatus III. ab eo initi Cal. Jan. anni Ch. 220., alterum ad Processum Consulatus IV. initi Cal. Jan. anni 222., non inde tamen inferri possit illum Cal. Jan. anni 220. Tribunitiam Pot. III., & Cal. Jan. anni 222. Tribunitiam Pot. V. numerasse, quum non semel tantum Calendis ipsis Jan., quibus Magistratus insignia capiebat, ludos edituri procederent Consules, sed pluries etiam per annum. Sic enim & Gordianum seniore, ex Capitolino in eius vita cap. 3. cum Emin. Norisio Dissert. de numism. Dioclet. & Maximiam pag. 20., observaveram tempore aedilitatis suae duodecies per singulos nimirum menses ludos exhibiturum processisse; ac Novellam cv. Justiniani laudaveram, qua numerus Processuum Consularium, quos antea multo plures fuisse necesse est, ad septem redactus fuit. Ut pluries ergo per annum procedebant Consules, ita nummi, qui ad eiusmodi Processus spectabant, necesse non esse concluderem, ut Cal. Jan., quibus Consulatus sumebatur, ac prior quidem Processus peragebatur, cusi fuissent. Deinde vero Dionem ostendi nullo modo Pagianae illi anticipationi favere: nam licet loco a Pagio laudato scribat, quod Elagabalus *in epistola, quam ad Senatum, & scripto quod ad populum misit, & Imperatorem, & Cæsarem se, filiumque Antonini, Severi nepotem, Pium,*
Fe-

Felicem, Augustum, Proconsulem, Tribunitiae Potestatis προλαμβάνων αὐτὰ inscripisset, attamen horum verborum προλαμβάνων αὐτὰ non cum esse sensum dixi, quod ea nomina *per anticipationem*, seu *per antecessum*, ut contendit Pagius, sumserit, sed quod iisdem sese inscripserit, priusquam sibi illa a Senatu decreta fuissent.

Illustrissimus a Turre caussam Pagii acturus laudatae Dissert. cap. v. pag. 71., non abnuit, necesse non esse, ut nummi ad Processus Consulares spectantes sub anni initium percussi fuerint; quamvis rationem, quam ad numerum plurium Processum Consularium probandum e Gordiano seniori, qui tempore aedilitatis suae duodecies processerat, una cum Norisio attuleram, minime prober; quod nimirum Aedilis non idemmet esset, ac Consul. Fateor equidem non eundem Aedilem fuisse, atque Consulem: neque Norisium mente, aut oculis adeo aberrasse putaverim, ut unum cum altero confuderit: sed argumentum illud a pari, ut ajunt, aut simili petitur, ita nempe, ut quemadmodum pluries per annum Aedilitatis suae tempore Gordianus ludos, muneraque populo daturus processerat, sic pluries per annum Consulatus sui tempore ludos pariter populo exhibituri Consules procederent. Consentit tamen Praesul doctissimus, necesse esse, ut nummi ejusmodi sub anni initium culi fuerint: sed quaerit undenam ego sciverim, nummos Elagabali, de quibus est quaestio, non etiam pertinere posse ad Processum Cal. Jan. ab illo actos; quasi vero ut adducto a me argumento sua vis constet, illud me scire oporteret. Pro certo illud habeo, scioque, ubi ad Processum per annum factos nummi illi pertinere possint, nunquam recte illatum iri, ut infert Pagius, sub anni initium, quamvis tum etiam, ac solenniori
for-

fortassis pompa Processus fieret, culos fuisse. Addit, Mediobarbum sex nummos Elagabali cum quadrigis ad tertium ipsius Consulatum spectantes referre, unumque ad Consulatum quartum pertinentem Vaillantium referre; atque, prodigio propius fore, si omnes hi nummi ad minores processus per annum actos spectarent, & non eorum saltem aliquis ad solenniorem Cal. Jan. initum. In primis inter sex eos nummos cum quadrigis, quos refert Mediobarbus, unus proculdubio est, qui nullo modo ad Processus Consulares Elagabali referri debet, quum quadrigae in illo sint, in quibus *conica saxi figura, seu Deus Elagabalus*. Deinde inter eosdem sex nummos duo sunt, qui nullam notam numeralem Tribunitiae Pot. praefecerunt, unde hi aeque referri possunt ad processum Kal. Jan. actum, ac ad alios actos per annum. Demum etiam nullus eorum ad Processum Cal. Jan. actum referri possit: si prodigio propius est, quod nullus eorum nummorum, qui occasione Processuum primo anni die initorum cusi fuere, ad nos, aut ad Mediobarbi & Vaillantii notitiam pervenerit, verum illud prodigium erit, quod nullus eorum nummorum, qui ad Processus Consulatus secundi Alexandri, ut alia exempla mittam, pertinent, a Mediobarbo visus sit, unusque dumtaxat a Vaillantio recitetur, atque hic non ad primi anni diei Processum, sed ad aliorum aliquem, qui per annum fiebant, referatur, quum inscriptus sit *TR. P. V. COS. II.* Tres etiam tantum Alexandri nummos cum quadrigis, quae ad Processus Consulatus ejus tertii referri possunt, recitat idem Mediobarbus, quorum duos, certum est, spectare non potuisse ad Processum Cal. Jan. actum, quum epigraphen ferant: *TR. P. VIII. COS. III.*, alter vero, incertum est, ad quem Processum pertinuerit, quum nullam Trib. Pot. exhi-

exhibeat, sed tantum inscriptus sit *INVICTVS . AVGVSTVS . COS. III.*, imo vero neque videtur ad Processum aliquem Consularem pertinuisse.

Pergit Vir Illustris. Inter nummos, ait pag. 72., Processus Elagabali praeferentes unus est apud Vahlantium de Nummis aur. & arg. cum hac inscriptione: *P. M. TR. P. V. COS. IIII.* Cernitur Imperator in quadrigis dextra ramum, sinistra scipionem eburneum gestans. Dixerat Pagius, ex eodem nummo constare Elagabalum primo die anni Ch. 222. annum imperii quintum numerasse, quia percussus fuit in Processu ejus Consulari acto ipsis Cal. Jan. ejusdem anni. Hoc ego negaveram prioris Diss. pag. 55., dixeramque Processum eo nummo expressum celebrari per annum potuisse, quum plures per annum Processus a Consulibus fierent. Ut gratam mihi rem faciat, concedit Processum hunc Consularem in nummo signatum non fuisse actum die ipsa prima Jan. ejusdem anni 222., quum ex Lampridio in ejus vita cap. 15. *Cal. Januariis quum simul*, Elagabalus, & Alexander, *tum designati essent Consules noluit ipse Elagabalus cum Consobrinoprocedere*. Sed statim contra me argumentum pag. 73. resumit. Si Elagabalus, inquit, Cal. ipsis Jan. non processit, certe aliquo quocumque die, ante tamen initium mensis Martii, quo etiam per me, ac quidem die decima, e vivis sublatus est, Processum quarti sui Consulatus, decurrente Trib. Pot. V. in nummo notata, celebravit. Ergo ante hanc diem Elagabalus numerabat Trib. Pot. V. Hoc confirmari addit ab alio nummo, a Mediobarbo sub eadem Trib. Pot. V. recensito, in quo visitur *figura stans dextra tesseram, sinistra cornucopiae*, cum epigraphe: *LIBERALITAS AVG. VI.*, quam Liberalitatem, seu Cuiarium distribuisse, ait, Imperatorem in ipso Processu,

de

de quo loquimur, ante initium Martii, labente Trib. Pot. V. Quod si ante mensem Martium, subjicit: anni Ch. 222. decurrebat Trib. Pot. V. Elagabali, prima certe ejus Trib. Pot. necessario coepta erat ante exordium Martii anni 218., & antequam ipse die xvi. Maji acclamatus Imperator ab exercitu fuisset, vel initio Junii post praelium cum Macrino omnem potentiam fuisset adeptus. Non potest autem, concludit, id Tribunitiae Potestatis, & imperii Elagabali primordium alio die consignari, quam Calendis Jan. ejusdem anni 218., quum initium, quod ego jam adsignaveram, pridem deploratum, & conclamatum appellet. Igitur Cal. Jan. anni 218. idem est adscribendum, per anticipationem tamen, quum per id temporis nondum ille imperium accepisset.

Recte equidem ratiocinatur Praeful doctissimus, sed non ita implicatissimus, de quo est quaestio, nodus dissolvitur, aut difficultati, quae sententiae mortem Elagabali mense Martio statuenti ex iis nummis opponitur, satis fit. Si rem ita velit dirimere, neque opus est, ut ad eum Processum Consulare Elagabali, aut ad ejusdem Congiarium in nummo a Mediobarbo laudato repraesentatum confugiat, quasi idem Processus, aut Congiarium peculiare argumentum suppetat, ad sententiam Pagii probandam, quum ex quibusvis nummis Elagabali *TR. POT. V.* inscriptis, sic eadem institui possit ratiocinatio. Elagabalus die x. Martii anni Ch. 222. occisus est: ergo nummi illi ante eum diem cusi sunt: ergo ante eum diem iniiit Elagabalus Trib. Potestatem quintam &c. Qui vero eorum nummorum auctoritate adducti mortem Elagabali contendunt non mense Martio, sed multo post contigisse, ita contra ratiocinantur. Elagabalus Tribunitiam Potestatem V. iniiit: ut ex iis nummis constat. Hanc
inire

inire non potuisset, si occisus esset mense Martio an. 222. Non ergo mense Martio occisus est. Ac licet eo loco Pr. Cl. argumentum illud non contra eos, qui negant Elagabalum mense Martio decessisse, sed contra me urgeat, qui quum eam sententiam probassem, Pagii solutionem, ejusque argumentum praecipuum impugnabam, nihilominus Pagium ego impugnans, eorum, ut semper similibus in rebus fit, personam veluti gerebam, qui nummorum difficultate acti eo mense mortem Elagabali contigisse negabant; adeoque unum cum altero miscendum non erat, neque ullum ex mea sententia, de tempore necis Elagabali, pro conclamato jam Pagii argumento praesidium erat accersendum.

Non negaverim tamen, ea Praefulis Cl. ratiocinatione, sive ex Processu Consulari, sive ex ceteris nummis ducatur, probe concludi, ubi certum, ratumque sit, uti certum ceteroqui, ratumque existimo, Elagabalum mense Martio anni 222. e vivis excessisse, ut iis nummis Tribunitia Pot. V. signatis occurratur, alio a tempore, quam a die xvi. Maji anni Ch. 218., ejus imperii, ac Trib. Pot. exordium desumendum esse, multumque pro altero hoc initio figendo conjecturis esse tribuendum. Ceterum num deploratum re vera, ut illud vocat, conclamatumque sit initium, quod ego statueram, alio loco videbimus, ubi comparisonem etiam inter utrumque initium, Pagianum scilicet ac meum instituimus.

Sed rationem demum prodit Vir Illustris. pag. 74. & sequ., quare conjicere liceat, Elagabalum, qui die dumtaxat xvi. Maji anni Ch. 218. acclamatus Imperator fuerat, ac mense tantum Junio Macrino acie victor rerum omnium potitus est, imperii sui nihilominus initium a Cal. Jan. ejusdem anni per anticipationem computare, voluisse. Annum, inquit Ch. 218. Con-

Q

sules

sules aperuerant Opilius Macrinus Augustus & Adventus, ut observavit Cardinalis Norisius in Epistola Consulari pag. 134. ubi etiam animadvertit, Elagabalum post mortem Macrini inter alia, quae teste Dione lib. 79. innovavit, sibi ipsius Macrini Consulatum adscripsisse. *Consulatus*, ait Dio, *Macrini loco, qui jam gestus erat, nomen suum substituit, quum nec Consulatum a nobis accepisset, nec eum prorsus attigisset*. Addit Dio, Elagabalum occiso Macrino tribus literis nomen prioris ejus anni Consulis Macrini hostis sui execratum collegae tantum Adventi nomen adposuisse, & postea suummet nomen Macrini loco ante Adventum substituisse. Itaque Elagabalus, subjicit, non solum Macrini nomen e Fastis expunxit, sed etiam suummet ejus loco substituit, & fastos ejus anni nominis sui nota signari voluit, tanquam si a Cal. Jan. Consulatum accepisset. Ex his vero infert, quod quemadmodum Elagabalus Consulatum Macrini invaserat, & initia anni, quae eidem debebantur, per anticipationem sibi vindicaverat, ita conjici possit, illum ab eodem tempore, nimirum a Cal. Jan. anni 218, depulso veluti Macrino, & simili anticipatione inducta, exordia sui Principatus repetiisse, ut unum idemque Consulatus & Imperii principium esset.

Duo hic affert Praeful Cl., rationem nimirum, cur conicere liceat, Elagabalum a Calend. Jan. anni Ch. 218. imperii sui initium per anticipationem repetiisse, & finem, ob quem inde illud repetere voluerit. Ratio, omni aequivocatione sublata, huc redit. Elagabalus Consulatum, quem Macrinus Cal. Jan. anni 218. inierat, sibi adscripsit: ergo ab iisdem Cal. sui quoque imperii initium repetiit. Haecne proba illatio? Certe et si verum sit, eum Macrini Consulatum sibi a dictis Calendis per anticipationem vindicasse, hoc tamen non alia de causa factum, quam quia idem Consulatus utpote ordina-

dinarius de more iisdem Calendis incoeperat. Sed quid haec cum imperii etiam anticipatione? Quod vero ad finem, quem fuisse ait, *ut unum idemque Consulatus & Imperii principium esset*: profecto non video, qua ratione sibi finem hunc praestituere Elagabalus potuerit, quum nullum inde bonum, aut commodum obventurum ei fuisset. Quod Consulatum Macrini invaserit, sibi-que illum a Calendis Jan., tanquam si eo tempore eundem iniisset, adjudicaverit, non multum mirandum videtur, quum peculiaris honos is esset, ac per totum annum Consulatum ipsorum nominibus quaecumque acta publica signarentur. At quid prodesset ei poterat ea imperii quoque anticipatio, vel Consulatus & Imperii initiorum conjunctio?

Confirmat deinde eandem conjecturam pag. 76. ex eo, quod in omnibus nummis Elagabali, ut videre est apud Mediobarbum, numerus annorum Trib. Pot. concurrat cum numero Consulatum; neque unquam in uno anno, seu eodem Consulatu duplex Trib. Pot. observatur. Sic omnes nummi anni 219. signantur: *TR. P. II. COS. II.*, anni 220. *TR. P. III. COS. III.*, & demum anni 222. *TR. P. V. COS. IIII.*, quia anno antecedente Consulatum non gesserat. Quod argumento, inquit est, ipsis Cal. Jan. quotannis susceptam, auctamque fuisse Trib. Pot., ac utriusque dignitatis numeros toto anni decursu pari passu processisse. Verum haec quoque argumentatio, ex nummis qui ad nostri notitiam venire petita, multum dubio fallacique principio innititur. Sic enim ex. gr. quamvis Alexander mense Martio anni 222. imperium suscepisset, ac sint apud Mediobarbum ejus nummi anni 226., quo Consulatum II. iniit, partim *TR. POT. IIII. COS. II.*, ac partim *TR. POT. V. COS. II.* signati; nummi tamen anni 228., quo Con-

fulatum III. gessit, apud eundem Mediob. signati omnes sunt *TR. P. VIII. COS. III.* Idem cernere est in Severo, qui Idibus Aprilibus anni Ch. 193. salu-
tatus fuit Imperator, annoque insequenti 194. Confu-
latum II. suscepit, & anno 202. Consulatum III. Ejus
namque nummi Trib. Pot. insigniti anni 194., uno
aut altero excepto, qui Tribunitiam Pot. sine nume-
ro praefert (quod certe in aliquibus etiam nummis
Elagabali anni 219. observatur) notati sunt *TR. P. II.*
COS. II., & nummi anni 202. ex iis quidem qui Trib.
Pot. pariter insigniti sunt, omnes nemine excepto
inscripti sunt *TR. P. X. COS. III.*

Eidem conjecturae unum quidem nummum, qui
exstat apud Angelonium, adversari fatetur pag. 77.,
quum Congiarium ille Elagabali praeferat cum epi-
graphie: *P. M. TR. P. II. COS. III. LIBERAL. AVG.*, sed
scrupulum hunc a me jam exemptum fuisse, ait, quum
eisdem numerales characteres utrique nostrum adver-
santes aliter legendos esse prioris Dissert. pag. 112. de-
monstraverim.

Verum enimvero quum, postquam ea Praeful Illu-
stris. scripserat, in lucem prodierit Cl. Vignolii Dis-
sertatio, in qua inter alia nummum illi ipsi Angelo-
nii plane similem dedit, ac praeterea Canonis S. Hip-
polyti inscriptionem, quae ad Dionis sententiam, de
tempore imperii Elagabali, stabiliendam plurimum fa-
cit, ac de qua nos quoque supra cap. 11. egimus, pecu-
liari ratione interpretabatur: hinc toto cap. VI. mul-
ta praeclaraque eruditione ei Viri Cl. interpretationi
refutandae incumbit, nummoque illi quoquo modo
satisfacere adnifus est.

Absolute capite VI. ad me, atque ad superius pro-
positam conjecturam fulciendam iterum redit. In Ita-
lica Epistola de nummo Anniae Faustinae ad eandem im-

imperii Elagabali anticipationem, de qua supra, probandam, tria exempla, Augusti nimirum, Julii Caesaris, & Justinii Junioris adduxerat. Et si enim Octavius Caesar, aiebat, die tantum xvii. mensis Januarii appellatus Augustus fuisset, attamen anni Augustales, seu Epochae Augustorum, Censorino de die natali cap. 21. teste, non eo ab die numerari coepti sunt, sed a Calendis praecedentibus: & quamvis Julius Caesar sub initium autumnus Pompejum devicisset, quo jacta fuere Monarchiae fundamenta, anni nihilominus imperii, seu Aerae Caesarianae nonnisi a Cal. Jan. anni insequentis computabantur; ac demum licet Justinus Junior medio mense Novembri imperium iniisset, a Cal. tamen dumtaxat Januariis anni insequentis illud numeravit.

Tribus hisce exemplis aliqua ego in priori Dissert. opposueram. Ac ad prius quod adtinet, longe diversam esse rationem dixeram pag. 62. cur annorum Augustalium primordium, atque initium imperii Elagabali a Cal. Jan. peti debuerint. Nam et si Octavius Caesar Augusti titulo ornatus non fuisset nisi die xvii. Jan., attamen Romani, ut novae ejus praeclaraeque epochae initium celebri quopiam die figeretur, Cal. Jan., quibus anni eorum civiles auspicabantur, illud consignarunt. Contra vero Elagabalus, quum mense Junio, post quinque scilicet a Cal. Jan. exactos menses, summa rerum potitus esset, nullam adesse rationem dixeram, cur ab ipsis Cal. Jan. annos suos exordiri voluisset. Ad haec respondet pag. 105., se quoque in Monum. Vet. Antii pag. 116. id de epochae Augustanae initio docuisse, sed ait, Augustum quidem decreto Senatus imperii Augusti annos ad Cal. Jan. retraxisse, ut anno civili eos aptaret, Elagabalum vero idem egisse, ut Consulatui, & Imperii initia pervim,

vim, & nefas conjungeret. At quorsum, nunc ego rogo, haec Consulatus & Imperii initiorum conjunctio? Quem sibi finem hac in re praestituere Elagabalus poterat, adeo ut, quo illum adsequeretur, nefas illud perpetrare, eamque vim adhibere non sit veritus? Quod Consulatum a Macrino Cal. Jan. jam initum usurpare, sibi per anticipationum adserere voluerit, non multum, ut supra etiam diximus, mirandum videtur: peculiaris enim is honos erat, ac per totum annum Consulum ipsorum nominibus publica acta signabantur. Qui autem in eum honos, aut quod commodum, ex ea imperii etiam anticipatione, aut Consulatus & Imperii initiorum conjunctione manare poterat? Fateor equidem, novum non esse, quemadmodum singulari eruditione pag. 106. demonstrat; egregia facta in exemplum deterrimae imitationis fuisse accepta, at semper id certe factum, ubi commodum aliquod aut emolumentum sperari, aut percipi poterat.

Ad alterum exemplum dixeram pag. 63. quod quamvis Julius Caesar sub initium autumnus Pompejum debellasset, non ab eo tamen tempore anni Aerae Caesarianae deinceps numerati fuere, sed a Cal. Jan. anni insequentis, quia iisdem Calendis ipse Julius Caesar Dictaturam annuam iniit, & Consul solus processit: quo rationem & jus Monarchiae, & legitimi principatus stetit, ipsemet Vir Illustris. in Monum. Vet. Antii affirmaverat. His eodem modo, ac supra, respondet, nimirum quod *licet factum hoc sit diversa ratione, ac fecit Elagabalus, attamen factum ita fuit.* Sed qua ratione, iterum quaero, ut ut diversa, id egit Elagabalus? Non alia, quam ut Consulatus & Imperii initia conjungeret; quae ex modo dictis prorsus nulla.

Quod ad exemplum tandem Justinii Junioris, quem
me-

medio Novembri imperio potitum, sed nonnisi a Cal. Jan. anni pariter insequentis tempus suum dixerat numerasse; quum ex monumentis, quae attulerat Pagiuss tum in Dissert. Hypat. part. 3. cap. 3. tum in Crit. Baron. ad annum Ch. 567. num. 1. certum videretur, Justinum Consulatum non suscepisse nisi memorato anno 567., eundem Cl. Praefulem conjecteram in ea fuisse opinione, quae doctissimorum aliorum Virorum, ut Labbaei, & Cointii fuerat, quod Justinus medio Novembri anni 566. Justiniano successisset, atque ita annos sui imperii a proximis Cal. Jan. anni 567. numerasset. Hac ego conjectura adductus, neque enim ipse, vel in Italica Epistola, vel in Monum. Vet. Antii annum, quo Justinus imperium, aut Consulatum iniisse censebat, notaverat, dixeram, utrumque, tam nempe quod Justinianus anno 566. Justiniano successisset, tam quod annos suos a proximis Cal. Jan. anni insequentis 567. numerasset, erroris revinci ex cujusdam Boëtii Epitaphio, in quo *Octavo Kalendas Novembris* cum Indictione xi. annus xii. imperii Justini copulabatur. Inde enim apparebat die xxv. Octobris anni 577., quo mense Septembri Indictio xi. coeperat, in cursu fuisse annum xii. imperii Justini: atque adeo ejusdem imperii exordium conferri non posse in mensem Novembrem anni 566., multoque minus in Calendas Januarias anni 567., sed anno potius 565. esse consignandum. Verum his tanta eruditionis doctrinaeque cum saecularis, tum ecclesiasticae copia Praeful disertissimus respondit, tantaque in luce initium ipsum Justinian., & Consulatus ejus tempora, quae sane implicatissima erant, ac pene innumeris difficultatibus involuta, collocavit, ut praeclarius quidquam hac in re imposterum desiderari vix queat. Quod sane non solum

lum non dissimulandum hoc loco censui, sed & quammaxime mihi ipsi gratulandum esse, arbitratus sum, quod leuiusculis meis difficultatibus ansam doctissimo Viro praeberim, ea de re tam erudite, ac copiose disserendi.

Ceterum, quod ad praecipuum concertationis nostrae argumentum pertinet, ut ut Justinus quamquam medio mensem Novembri principatum adeptus, a Calendis tantum Januariis anni insequentis principatus ejusdem initia putaverit, nullum hinc tamen ad Paganam, de qua agimus, conjecturam fulciendam, duci posse praesidium, existimamus. Id enim ideo egit Justinus, quia Calendis ipsis Januariis Consulatum, qui jam abrogatus videbatur (post Basilii namque Junioris Consulatum per viginti quinque annos Consulibus in Oriente caruerant) ingenti populorum laetitia, & gratulatione restituit: quo factum, quemadmodum tradit Corippus lib. 6. de ipsius Justiniani laudibus, ut nova antiqui fasti saecula tum rediisse, primumque Augusti Caesaris aevum renovatum fuisse crederetur. Sic enim quum iisdem Calendis Consul processisset, ac sellam triumphalem trabea succinctus conscendisset, cum Sanatus primum adoravit, atque hunc dein in modum adloquutus est:

*Consule te felix, te principe floreat orbis:
Salve Augustorum numeri non ordine prime
Sed meriti, largitor opum, largitor bonorum,
Libertatis apex, mundi caput, unica virtus,
Et rerum manifesta salus, reparator opimi
Noninis. Antiqui redeunt nova saecula fasti,
Augusti primum renovasti Caesaris aevum:
Clarius est, meliusque tuum: tua gaudia tecum,
Hinc vestier primus feliciter excipit annus,
Votaque plura tuis celebret nova Roma triumphis.*
Ela-

Elagabalus autem neque Consulatum restituit, neque illum ipsum, qui Macrinus fuerat, quemque per vim & nefas, ut ait Praeful Cl., sibi adrogavit, Dione teste, prorsus attigit. Neque juvat, ut hic quoque Pr. Cl. ingemineret, quod licet a Justino id factum sit *diversa ratione, ac fecit Elagabalus, attamen factum ita fuit*: nam ratio; quae assertur, cur id fecerit. Elagabalus, nimirum ut *Consulatus, & Imperii initia* tantummodo *conjungeret*, sicuti nullius peculiaris honoris nulliusque utilitatis, ita nullus, ut supra dixi, momenti esse evincitur.

Contra eandem Pagii conjecturam objeceram pag. 60. nummos Anniae Faustinae tertiae Elagabali uxoris, & Aquiliae Severae, secundae quidem ejus uxoris, sed ad quam dimissam, post ipsam Anniam Faustina, ac post alias itidem duas, tandem rediit L. E. anno v. imperii illius notatos, quos nec per eam satis bene explicari tum diximus; Si enim Calendis dumtaxat Jan. anni Ch. 222. quintum annum imperii iniiit Elagabalus, ac sub initium mensis Martii ejusdem anni extinctus sit, breve nimium spatium videtur, ut intra illud Anniam Faustina repudiare, duo alia matrimonia celebrare, ac demum ad Aquiliam Severam reverti potuerit. Sed de his cap. xiv.

CAPUT XIII.

Altera Pagii, & Cl. Praefulis conjectura pvo nummis Elagabali TR. P. V. inscriptis in Addendis proposita. Censent, Elagabalum acclamatum fuisse Imperatorem die xvi. Martii, non vero, ut apud Xiphilinum, die xvi. Maji. Quae ab acclamatione Elagabali ad diem, qua pugnatum cum Macrino, gesta, recte fieri potuerunt intra diem xvi. Maji, & diem v. Junii. Scriptores Graeci, qui Elagabalo quatuor annos imperii tribuunt, hos non numerant ab ejus acclamatione, sed a morte Macrini. Nicephorus Callistus, qui Macrinum neque ad annum regnasse scribit, non favet eidem Cl. Praefulis conjecturae. Alio loco Nicephorus unum annum imperii tribuit Macrino. Per eandem Pr. Cl. conjecturam nullo modo explicari possunt nummi Anniae Faustinae & Aquiliae Severae anno v. imperii Elagabali obsignati.

P Agius in Crit. Bar. ad annum Ch. 218. num. v. antequam nummos Elagabali ad Processus ejus Consulares spectantes vidisset, ex quibus ut superiori capite exposuimus, conjecit Elagabalum annos sui imperii a Cal. Jan. anni 218. deduxisse, aliam rationem, ad nummos illius TR. P. V. inscriptos cum Dione conciliandos, tradiderat. Scilicet textum Xiphilini, in quo Elagabalus *die sexta decima Maji* anni Ch. 218. acclamatus a Militibus Imperator dicebatur, corrigendum esse putaverat, legendumque eo loco dixerat *die sextadecima Martii*. Sic enim Elagabalus, qui die sexta Martii, (haec enim ejus sententia) anni 222. extinctus fuerat licet quintum annum imperii non inchoasset, illum saltem proxime attigisset, atque ita nummi illi in Romanis pro-

provinciis cudi potuissent, antequam nuncius necis ejus ad eas pervenisset. Ejus autem emendationis hanc ille rationem attulerat, quod ea, quae ab Historicis a die qua acclamatus Elagabalus fuerat usque ad diem tertiam Junii, qua, ut ipse statuerat, Macrinum acie vicerat, gesta narrantur, dierum tantum octodecim spatio confici minime potuissent. Opinionem hanc, quam vel ipsemet Pagius ultro num. x. deferuerat, non multi in priori Dissert. ego feceram, id unum adnotasse contentus, Xiphilini textum, quo Elagabalus *die sexta decima Maji* acclamatus Imperator tradebatur, haud videri sollicitandum, quum ea, quae ab illa die ad tempus, quo cum Macrino pugnatum, acta ab Historicis narrantur, confici re vera potuissent: quum praesertim ipse Xiphilinus eundem Elagabalum tanta celeritate adversus Macrinum profectum fuisse testaretur, ut *difficile Macrinus in vico quodam Antiochenorum, a quo centum octoginta stadiis distabat urbs, cum eo conflueret.*

Illustrissimus tamen a Turke cap. v. pag. 67. antequam ad alteram Pagii conjecturam, de qua cap. superiori, vindicandam accederet, hanc etiam recensuerat, dixeratque, argumentum illud Pagii, quod ea omnia, quae Xiphilinus acta narrat ab exercitus acclamatione ad praelium confectum, geri nequaquam potuissent intra dies xviii., sibi potissimum arridere: addideratque pag. 68. se ab ea Pagii opinione non ita longe suffragio suo abesse, aliquo tamen temperamento adhibito. Nam de nummis Tribunitiam Pot. effertibus dici non posse affirmat, quod percussi fuerint in provinciis, antequam nuncius caedis Elagabali ad eas perveniret, quum illi Romae fuerint conflati. Uxor vero nummos cum L. E. *anno quinto*, qui utique in provinciis fuerunt obsignati, ad hoc negotium

tium ait non pertinere, ut saepius monet se sancivisse. Quare nummos cum Trib. Pot. V. opinioni Pagii aptari posse docet, si percussi dicantur diebus aliquot ante ingressum anni quinti Elagabali, ut in promptu essent die ipso natali ejus. Decem enim dies inter eundem diem natalem xvi. mensis Martii, & sextum ejusdem mensis, in quem ex sententia Pagii mors Elagabali incidit, & quinque tantum dies in sua ipsius sententia, qua die decima extinctum illum necum statuerat, intercedunt. Postquam autem eodem cap. v. alteram Pagii conjecturam, quam ipse in Italica Epistola sequutus fuerat, fusiisque jam ego impugnaveram, vindicare studuisset; & cap. vi. de nummo a Cl. Vignolio edito, qui conjecturae illi adversatur, late egisset, opusque jam suum tribus aliis capitibus exegisset: non omnem tandem, quae ex eodem Vignolii nummo oriebatur, difficultatem sublatam esse animadvertens, ad priorem, quam modo exposuimus Pagii opinionem in *Addendis* pag. 195. reversus est, eandemque firmiter constabilire est aggressus.

Ait itaque, in hanc sententiam, quod Elagabalus die xvi. Martii acclamatus a militibus Imperator fuerit, contendere etiam auctores Graecos, quos supra Dissert. suae pag. 45. memoraverat, qui nimirum quatuor annos imperio Elagabali adscribunt. Nos enim auctores laudata pag. dixerat, plenum hunc numerum sequutos fuisse, ne se in Dionis annis & mensibus implicarent: nunc vero non aliam ob causam id factum fuisse tradit, quam quia initium imperii Elagabali non a die habitae cum Macrino pugnae, quemadmodum Dio, ii deduxerant, sed ab ipsis militum acclamationibus, a quibus, si factae sint die xvi. Martii anni 218. ad diem x. Martii anni 222, quae ille interfectus, quatuor anni sex tantum demtis diebus numerantur. Ad-
dit

dit vero, rem hanc luculentius ostendi a Nicephoro Callisto, qui lib. 5. cap. 17. Macrino neque integrum annum imperii adscribit. & ὅς ἐπ' ἐνιαυτὸν διαγεγώνη, qui neque ad annum quum perseverasset. Rejicit namque Pr. Cl. versionem Langii, qui verba illa reddit: qui nondum integro exacto anno exstinctus; atque, ea loquendi ratione Nicephorum tempus Macrini tradere accuratissime voluisse, atque illud non ad pugnam usque cum Elagabalo, ut Dio, computasse, sed ad acclamationem dumtaxat ipsius Elagabali; a qua pariter, si facta die xvi. Martii anni 218., ad diem xi. Aprilis ad. 217. qua imperium Maximinus suscepit, numerantur menses xi. & dies v., qui est annus non integer a Nicephoro recensitus.

Si haec ita sint; ac nummi Elagabali Trib. Pot. V. inscripti hoc modo sunt explicandi, jam prodigium illud, quod mihi Dissert. suae pag. 71. objecerat, ac de quo supra pag. 118. prorsus evanuit, aut saltem non unus ego illud contigisse judicavi, sed vel ipse sciens ac volens nunc admittit. Idem dicito de iis quae habet pag. 73. necnon pag. 76 & 77., de quibus supra pag. 119.; & 123. At singula etiam hujus postremae opinionis fundamenta expendamus. Prius est, quod ea, quae ab Historicis inter salutationem Elagabali & pugnam cum Macrino recentantur, intra tempus, quod a die xvi. Maji ad diem, secundum Pagium, terminari per me vero atque ipsum Cl. Praefulem, septimam Junii, qua ea pugna commissa est, interjicitur, confici minime potuerint. Ut rite judicium hac de re ferri possit, necesse est, ut ea, quae tum gesta sunt, hic perstringamus. Herodianus lib. 5. cap. 3. & 4. sic rem narrat. Exercitus, qui castra prope Emesam occupabat, Elagabalum Imperatorem declarat. Haec nuntiantur Macrino Antiochiae, qui rem totam quasi puerilem contemnens Julianum cum aliquot copiis mittit. Hic ut eo pervenit, milites moe-

nibus inclusi puerum infesto exercitui ostentantes hunc Antonini esse filium vociferabantur, ac sacculos nummorum plenos attollebant. Illi Antonini vere esse filium credentes, Juliano caput amputarunt, eoque ad Macrinum misso, reſeratis portis in caſtra accipiuntur. Macrinus his auditis cum omnes exercitu ad caſtra illa oppugnanda contendit. Antoninus autem, ſeu Elagabalus militibus oppugnationem haud exſpectantibus, ſed congregi audentibus copias omnes educit. Concurrerunt autem inter ſe uterque exercitus in Phoeniciae & Syriae finibus, acriuſque dimicante Antonini milite, Macrinus ſtante adhuc acie fugam iniit. Haec proſecto nescio cur intra dies xxiii., aut juxta Pagii ſententiam, intra dies xviii. perfici commode non potuerint: quum ex Itinerario Antonini Antiochia Emefaſ per Apameam iter eſſet M. P. cxxxiii. Sed Xiphilinus multo brevius id factum reſert. Siquidem quum acclamatum Elagabalum tradidiſſet, ac Macrinum narraſſet ea de re ad Senatum ſcripiſſe, ferme ſtatim, contra hunc tanta celeritate ipſum Elagabalum poſectum fuiſſe ſubjicit, ut difficile Macrinus in vico quodam Antiochenorum, qui centum & octoginta ſtadiis ab urbe diſtabat, cum eo confluxerit. Aliquanto vero prolixius, atque hunc in modum idem facinus deſcribitur in quodam fragmento Dionis pag. 902. & 903. Quum a Syriacis militibus acclamatus fuiſſet Elagabalus, Macrinus ad eos mittit Julianum, qui illo ipſo die, quo eo pervenit, munitionem caſtrorum capere potuiſſet, non tamen id facere voluit, ſive quod ab hac irruptione ſibi metueret, ſive quod ſperaret, eos, qui in caſtris erant, ultro fore ſe dedituros. Sed hi noctu portas omnes obſtruxerunt, & Avitum, ſeu Elagabalum, ſupra munitionem efferentes, & imagines quaſdam Caracalli pue-

pueri huic similes ostendentes re vera filium ejus, & imperii successorem adserebant. Tum milites, qui cum Juliano venerant, Praefectos sibi praeter Julianum, qui quodam in loco sese abdiderat, occiderunt, & arma Pseudoantonino tradiderunt. Julianum etiam postea inventum obruncarunt. Interea Macrinus Apameam ad milites Albinios venerat, quo caput etiam Juliani ad eum perlatum est. Re omni intellecta Macrinus Antiochiam festinanter rediit: ac milites tum Albinii, ceterique, qui iis in locis versabantur, ab eo defecerunt. His narratis subjicit Dio: *Quapropter jam cum alii fiebant apparatus utrimque, tum in provincias, & ad legiones nuntii literaeque mittebantur: unde multipliciter omnes ad primam utriusque de alio missionem, & ad continuos ac diversos inter se nuntios perturbati fuerunt. Hinc factum, ut complures, qui literas perferiebant utrimque trucidati sint &c.* Ut autem finis huic Dionis narrationi imponatur, transferenda huc sunt, quae ex eodem Dione habet Xiphilinus, quaeque in laudato fragmento desiderantur, nimirum, quod *contra hunc (Macrinum) tanta celeritate Pseudoantoninus profectus est, ut difficile Macrinus in vico quodam Antiochenorum, qui centum & octoginta stadiis ab urbe distabat, cum eo conflixerit.*

Pagius ad dictum annum Ch. 218. postquam haec ex Dione num. viii. & ix. recitasset, ipsoque num. ix. leviter adnotasset, *apparatus*, qui utrimque facti narrantur, fieri coeptos, *postquam Apamea Macrinus secesserat*, infert, *longum temporis intervallum inter necem Juliani & praelium, in quo Macrinus interiiit, intercedere debuisse.* Verum ut falso eos factos apparatus post Macrini Apamea discessum statuit, ita perperam ob eisdem inter necem Juliani & commissum praelium longum temporis spatium requirit. Dio enim

enim, cti post mortem Juliani, & reditum Macrini Antiochiam, ipsos apparatus, ac millos utrimque nuncios, & literas receniat, non ita tamē ea recenſet, quaſi tum primum fieri coepta ſint, ſed ut quae utrimque jam fiebant. Καὶ οἱ μὲν, inquit, τότε ἄλλα ἀντιπεμπεν ἀλλήτοις, καὶ ἀντίπειμιεν. ἐς τὰ ἱερὰ, καὶ ἐς τὰ στρατόπεδα ἐγγέλους καὶ γράμματα. Quapropter: jam cum alii fiebant apparatus, tum in provincias & ad legiones, nuncii literaeque mittebantur. Quae magis ad verbum; Et hi quidem alia contra parabant, & contra mittebant in populos & in legiones nuncios & literas. Multum autem verisimile videtur, apparatus ejusmodi fieri quidem ab Elagabalo coeptos itatim ac acclamatus fuit Imperator, a Macrino vero, ubi primum illi eadem acclamationes, ac tumultus innotuerunt. Neque enim refert, Macrinum initio rem totam quaſi puerilem, ut habet Herodianus, contemſiſſe: nam poſt Juliani diſceſſum, Apameam, ut prodiſt Dio, is etiam venit milites, qui illic agebant, populumque ſibi muneribus conciliaturus; quod argumento eſt, eum jam ſibi metuere coepiſſe, ac quam poterat opem, ſubſidiaque ſibi comparare ſtudiſſe.

Sola itaque hac in re locorum diſtancia ſpectanda eſt, ratioque itinerum: quae haec fuere. I. E caſtris, quae prope Emefam erant, nuncius Antiochiam Macrino allatus eſt, quod Elagabalus acclamatus fuiſſet Imperator. II. Antiochia Emefam Julianus, & Apameam Macrinus contendunt. III. Emefa Apameam caput Juliani aſſertur Macrino. IV. Macrinus Antiochiam redit. V. denique Elagabalus cum exercitu contra Macrinum proficiſcitur, quem, quum ſibi occurrentem procul Antiochia centum & octoginta ſtadiis inveniſſet, praelio vicit. Quum iter Emefa Antiochiam per Apameam ex Itinerario Antonini, ut ſu-

ut supra diximus, essent M. P. cxxxiiii., nullus dubito, quin commodè duorum dierum spatio a nuncio, qui acclamationes Elagabali Macrino attulit, confici potuisset. Inter hos autem duos dies numerari potest ipse dies xvi. Maji, quum *prima luce* ejus diei eae acclamationes habitae fuerint. Quoniam vero iter militare, ut docet ipse Praeful III. pag. 6., erat viginti milliarius, & quum celeriter, ut in re nostra, abundum erat, quinque & viginti: hinc Juliano, quum Antiochia Emesam cum aliquot copiis profectus est, sex dies tribuimus. Quo tempore Julianus Emesam pervenit, Macrinum quoque Apameam venisse non incredibile. Iter Emesa Apameam erant M. P. lxxiii., quare miles, qui caput Juliani Macrino pertulit, spatio unius diei facile perficere illud potuit, quibus & diem alium addimus, quo forte Julianus, antequam necaretur, latuerat. Post acceptum caput Juliani Apamea Antiochiam festinanter Macrinus rediit: est iter M. P. lxx., unde non plus quam duo dies ei concedendi. Demum Elagabalus contra Macrinum profectus est: quod iter quoque aggredi potuit, quum Macrinus Apamea discessit; atque ita tres alii tantummodo dies ab ejusdem Macrini in Antiochiam reditu ad diem pugnae intercedere potuere. Hi autem omnino sunt dies xv. Quanto autem magis fieri haec potuerunt intra dies xviii. juxta Pagii sententiam, per me vero, atque ipsum etiam Cl. Praefulem, intra dies xxiiii., quot re ipsa a die xvi. Maji [hac tamen etiam, ut supra diximus, computata] ad diem vii. Junii, qua pugna cum Macrino inita, numerantur?

Alterum Cl. Praefulis fundamentum est, quod Scriptores Graeci, qui quatuor annos imperio Elagabali tribuunt, hos non a die pugnae, sed a militum acclamationibus computarint. Eorum Scriptorum catalogum texuerat pag. 45. & sequ., atque hos esse di-

S

xerat

xerat Eusebium in Hist. Eccl. & in Chron., Epiphanium de pond. & mens., Auctorem Chron. Alex., Georgium Syncellum, S. Nicephorum C.P., Nicephorum Callistum, Fastos Heraclianos apud Dodwell. in Append. ad Dissert. Cyprian. pag. 31., Auctorem Canonis Imperatorum apud eundem pag. 25., alterum Canonem apud Scalig. de Emend. temp. pag. 743., & Catalogum Imperatorum apud Sylburgium in fine Romanæ Hist. Scriptorum Græcorum minorum. De Fastis Heraclianis, ceterisque Imperatorum Catalogis, seu Canonibus, quos postremo memorat, ne levissimum quidem dubium esse potest, quin in iis tempus imperii Elagabali per annos plenos, seu solidos, numeretur, quum hæc sit, in aliorum etiam Principum annis recensendis, eorum Canonum methodus. Quod ad alios vero Scriptores, certum quoque est, Eusebium, qui eorum primus, ac precipuus, tempus illud ab iis acclamationibus minime numerasse, quum tempus, quod tribuit Macrino, non ad easdem acclamationes, sed ad ejus usque interitum expresse computet. Ἀλλὰ γὰρ, ait Euseb. Hist. Eccl. lib. 4. cap. 21. Ἀντωνίνῳ ἔτη βασιλεύσαντα ἐπὶ τὰ καὶ μῆναι ἔξ Μακρίνου διαδίδχεται. τούτου δ' ἐπ' ἐνιαυτὸν ΔΙΑΓΕΝΟΜΕΝΟΤ, ἡ αὖτις ἔτι Ἀντωνίνῳ τῷ Ῥωμαίων ἡγεμονίᾳ παραλαμβάνει. Ceterum Antonino, quum per annos septem sexque admodum menses imperavisset, successit Macrinus. Qui quum usque ad anni unius spatium vitam simul atque imperium protraxisset, alius denuo Antoninus Principatum Romanum accepit. Hanc forte Valelii versionem minime probabit Pr. Cl., quod verba illa τούτου δ' ἐπ' ἐνιαυτὸν ΔΙΑΓΕΝΟΜΕΝΟΤ, reddiderit: qui quum usque ad anni unius spatium vitam simul & imperium protraxisset, sicuti versionem quoque Langii rejecit, quod verba Nicephori Callisti & ὁ αὐτὸς ἐπ' ἐνιαυτὸν διαγεγονὸς vertisset: qui nondum integro exatlo exstinctus. At videat, ut eodem

dem cap. idem Eusebius eodem verbo διαγινόμενοι usus est, quo vitae tempus, quod in imperio Elagabalus exegit, significaret. Αυταράκτης inquit, Αλεξάνδρῳ ἐπὶ τούτοις διαδέχεται τῶν Ῥωμαίων ἀρχῶν, ἐπὶ τέτταραι μόνος ἔτεσιν Ἀντωνίου ΔΙΑΓΕΝΟΜΕΝΟΣ. Quae ita idem Valesius: *Alexander post haec Romanorum imperium capessivit: quum Antoninus quadriennium dumtaxat regnavisset*. In eundem sensum idem verbum usurpat lib. 3. cap. 5., ubi de tempore imperii Galbae & Othonis, & lib. 5. cap. 26. ubi de tempore Pertinacis.

Nicephorus etiam, quamvis neque ad annum perseverasse Macrinum scribat, id tempus ad ejus usque necem, non vero ad Elagabali dumtaxat acclamationem indubie enumerat. Erti enim Graecum verbum διαγινέσθαι, a quo διαγεγονός, & διαγυόμενος, significet perseverare, hoc tamen est perseverare in vita, quum illud Latine idem proprie sit ac interesse, inter vivos agere. Videantur exempla, quae a Lexicographis eum in sensum afferuntur: ac videatur rursus Eusebius locis supra memoratis, quibus sexcenta alia cum veterum tum recentiorum adjici facile possent. Duo tantum exempla proferam ex ipso Nicephoro, cui id Cl. Praefulus argumentum innititur. Ἀντωνίῳ δὲ ὕδὲ Μάρκῳ, ait lib. 4. cap. 19. de fine vitae & imperii M. Aurelii, τέσσαρες μῆνας πρὸς δέκα ΔΙΑΓΕΓΟΝΩΣ τῇ βασιλείᾳ ἐναυτίως Κομβόῳ τῆς ἀρχῆς ὑπεξίσταται. Et lib. 5. cap. 25. de tempore imperii Galli: ὅς δὲ ἔτη, loquitur de Decio, ἐπιβιόει, τοῖς περὶ Γάλλον ἔτος δὲ, καὶ μῆνας διττῷ ΔΙΑΓΕΝΟΜΕΝΟΙΣ τῶν ἀρχῶν κατελείπανεν.

At quoniam nemo est ex vetustioribus scriptoribus, qui eundem Macrinum neque ad annum in imperio, quemadmodum scribit Nicephorus, vixisse tradat, hinc quaeri merito potest, undenam hoc ipse Nicephorus acceperit. Illud autem dignum hac in re observari

est, quod quamvis eo loco Nicephorus habeat, Macrinum *ὧδ' ἐπ' ἐνιαυτὸν* neque ad annum regnasse, alio tamen loco, nempe eodem lib. 5. cap. 25., *ἐπ' ἐνιαυτὸν* ad annum regnasse discrete tradit. *Αντωνίνον* δέ, inquit, τοῦ Σευήρου πῶτα ἐτὶ ζ' βασιλεύσαντι πρὸς μῆσιν ἕξ διαδέχεται Μακρίν⊙. τοῦτου δ' ΕΠ' ΕΝΙΑΥΤΟΝ ΔΙΑΓΕΝΟΜΕΝΟΤ, ἔτε-
 ρ⊙ Αντωνίν⊙, & Γάβαλ⊙ ἐπεκλήθη, τὸν Ρωμαίων ἡγεμόνα παραλαμβάνει. *Antoninum vero Severi filium postquam annos septem & menses sex regnasset, excipit Macrinus. Hic vero quum AD ANNUM VIXISSET, alius Antoninus, qui Elagabalus vocatus est, Romanorum imperium suscepit.* Hinc aut in priori loco. in textu Nicephori a librariis adjectum fuit *ὧδ' neque*, aut in posteriori omisum. Ac licet secundum facilius contingere poterit, primum tamen omnino contigisse existimo. Certum enim est, Nicephorum in historia sua conscribenda a Christi temporibus usque ad ævum Constantini M., Eusebium ut plurimum sequutum fuisse, a quo eodem loco tempus quoque Antonini Caracallæ accepit, quod is nempe post Severi obitum *annos septem & menses sex* imperaverit; quamvis Dio tradat eum regnasse *annos sex, menses duos, & dies duos*, Xiphilinus *annos itidem duos, menses duos, & dies**, & Zonaras *annos sex cum duobus mensibus & aliquot diebus*. Porro Eusebius, ut supra vidimus, unum annum Macrino tribuit: qua quidem in re non solum Eusebium in posteriori loco sequutus est Nicephorus, sed, quod non raro etiam alibi efficit ipsissima ejus verba, quæ conferri invicem possunt, exscripsit. Si aliquis ergo eorum locorum Nicephori vitiatu est, prior proculdubio, unde Ill. Ptaesulis argumentum desumptum, vitiatu est, non posterior.

Accedit tandem, quod licet per eamdem conjecturam explicari quoquo modo possint nummi Elagabali Trib.

Trib. Pot. V. inscripti, nullo tamen modo explicari possunt nummi Aegyptiaci Anniae Faustinae, & Aquiliae Severae, quorum in fine capitis praecedentis meminimus, L. E. anno v. imperii ipsius Elagabali ob signari. Sed hac de re capite sequenti.

CAPUT XIV.

Nummi Anniae Faustinae L. E. inscripti probant Elagabalum quintum annum imperii iniisse, ac post eum initum duo alia matrimonia junxisse, & ad Aquiliam Severam rediisse. Ratio annos Imperatorum in nummis signandi, Alexandrinis a Pagio & a Cl. Praefule ad tributa, commentitia. Qua de causa Ptolemaeus in Regum Canone annos a Iobst vago numeraverit. Trajani & Antonini Pii initia a Iobst vago proxime eorum inaugurationem antecedente a Ptolemaeo in libris Mag. Constr. computata. Perperam a Ptolemaeo configuratur initium Hadriani: ejusque erroris causa detegitur. Ratio annos Imperatorum in nummis signandi, quam Aegyptiis Pagius adscripserat, non uno in loco ab eodem Pagio postea abdicata. Repudiatis Imperatorum uxoribus, cujos nummos fuisse, incredibile.

COrneliam Paullam, ait Dio de Elagabalo apud Xiphilinum, duxit in matrimonium, quo fieret pater, sicuti dicebat, celerius. . . . Post haec repudiata Paulla, quod maculam haberet in corpore, sicuti dicebat, Aquiliam Severam duxit. . . . Neque tamen hanc diu retinuit, sed aliam post, deinde aliam, atque aliam duxit: dein iterum ad Severam rediit. Quamvis autem tertiae Elagabali uxoris nomen ab eodem Dione non indicetur, communis tamen Antiquariorum, atque ipsius etiam Cl. Praefulis opinio est,

est, hanc fuisse Anniam Faustina, cujus nummi exstant apud Vaillantium in nummis Graecis L. E. *anno v.* notati: ex quibus profecto apparet, ipsum Elagabalum non modo quintum annum imperii se vera inisse, sed & post eum initum Anniam Faustina abdicasse, duo alia matrimonia junxisse, ac demum ad Aquiliam Severam rediisse, cujus pariter exstant nummi apud Vaillantium eodem L. E. *anno v.* inscripti.

De his quidem variis Elagabali matrimoniis late agit Praesul Cl. cap. III. pag. 27. & seqq., quae proinde ut commode, apteque collocaret, opinionem eorum amplexatus est, qui Alexandrinos docuere, annos Imperatorum non a die natali eorum imperii, ut Romanis mos erat, sed a neomenia Thoth fixi, hoc est, a die xxix. Augusti, numerasse: ita nimirum, ut si quis ante eam diem salutus fuisset Imperator, nummi ei cusi fuissent cum anno primo usque ad dictam diem xxix. Augusti, exinde vero cum anno secundo. Hanc sententiam laudat Pagius in Crit. Baron. ad ann. Ch. 69. num. III., eaque ratione explicat eodem loco nummos Galbae cum L. B. *anno II.*, & Hadriani cum L. K. B. *anno XXI.* Nummis Galbae & Hadriani addit citato loco Praesul Cl. nummos L. Veri cum L. ΔΕΚΑΤΟΤ *anno decimo*, & Otaciliae Philippi Aug. uxoris cum L. Z. *anno VII.*, ac juxta hanc doctrinam explicat etiam quod ad praesentem rem attinet, annum v. Elagabali in nummis Anniae Faustinae & Aquiliae Severae notatum, neque non plura illa conjugia post ipsum v. annum jam initum celebrata. Quum enim sic primus annus Elagabali a die, sive qua acclamatus fuit a militibus, sive qua praelium cum Macrino commissum est, usque ad diem xxviii. Augusti anni Ch. 218. apud Aegyptios numeratus fuisset, atque a die insequenti xxix., qua annum ipsi Aegyptii auspicabantur, secundus

duas annos processisset, quintus quoque ejus annus coepisset die xxix. Augusti anni 221., a quo tempore, quum deinde vixisset Elagabalus usque ad mentem Martium anni 222. recte potuit intra id spatium Anniam Faustianam dimittere, duas alias uxoris sibi adsciscere, ac denique ad Aquiliam Severam redire.

Opinio haec, seu ratio, annos Imperatorum in nummis Aegyptiacis notatos computandi, mihi in praefens examinanda: videndumque, num solido quopiam fundamento, aut quopiam saltem probabili conjectura eadem fulciatur. Quum enim a Romanis, ac Graecis anni eorundem Imperatorum a die ipsorum imperii natali, quod sane & rationi quammaxime consentaneum videtur, numerarentur, aliter ab Aegyptiis factitatum fuisse affirmari nequit; nisi simul ratio, quae probe id suadeat, afferatur.

Pagius ad dictum annum Ch. 69. num. III., quum hanc sententiam, quam postea non uno in loco, ut infra dicemus, deseruit, recensuisset, sic probare eam, nititur. *Id, inquit, confirmat Dio lib. 51. pag. 457. ubi ait: Diem, quo capta fuit Alexandria, festum esse censuerunt, ab eoque reliquis annis numerandis initium sumendum.* Id equidem verum! sed etiam Romani annorum suorum initium a Cal. Jan. sumebant: neque tamen inde annos Imperatorum numerabant. Syro-Graeci pariter, quamvis cum civilibus, tum suarum Epocharum annos ab autumno auspicarentur, annos tamen Imperatorum a die initii imperii numerabant: quod patet de Antiochenis ex eorum nummis Tiberio percussis, quos laudat idem Pagius ad an. Ch. 14. num. IV., in quibus jungitur primus annus imperii Tiberii cum anno XLV. eorum Epochae; a pugna Aelia, seu ab imperio Augusti in Syria deductae, & annus tertius cum anno ejusdem epochae XLVI. Epocham illam Antiochena coepit au-

autumno anni, V. C. 723. ante Ch. 31., ut hoc ipso anno in Appar. num. civ. statuit idem Pagius: quare annus ejusdem xlv. iniit autumnno anni V. C. 767. Ch. 14. decurrente anno primo Tiberii, qui coeperat die xix. Augusti ejusdem anni, & annus xlvii. autumnno anni V. C. 769. Ch. 16. decurrente pariter anno tertio Tiberii coepto die xix. Augusti ejusdem pariter anni. Id patet etiam de Seleuciensibus, quorum nummum Tiberio itidem percussum exhibet Em. Norisius Dissert. 3. de Epoch. Syromac. cap. 7. pag. 215., in quo annus pariter tertius imperii Tiberii cum anno lxxii. eorum Epochae, quae eadem est ac Antiochena, copulatur. Videatur eo loci Norisius, ac rursus videatur in Epochis Addendis pag. 489.

Nunquam in nummis Aegypti, subjicit Pagius, *alia epocha notata quam Regum & Imperatorum, quare ea a primo anni die exordiebatur, & quando mors Principis sub finem anni nunciabatur, statim nummi in honorem successoris cudebantur cum L. A., id est anno primo, & post aliquot dies novo anno Alexandrino inchoante die xxix. Augusti in nummis exprimebatur annus secundus a die xxix. Augusti desumptus.* Verum iterum, in nummis Aegyptiis non aliam epocham notari quam Regum & Imperatorum: sed hinc consequi prorsus negamus, quod a primo anni die ea epocha exordiretur, ac quum sub finem anni novus aliquis Princeps renunciaretur, ei nummi tum cuderentur cum L. A. anno primo, ac novo postea anno Alexandrino inchoante die xxix. Augusti annus secundus in iis signaretur. In nummis quoque Romanorum non alia epocha notata visitur, quam Trib. Pot. Imperatorum, neque tamen haec a primo anni die auspiciabatur, neque quum per annum inauguratus aliquis Imperator fuisset, novo postea anno Cal. Jan. inchoante secundus annus ejus imperii, aut Tribunitiae Pot.

Pot. II. in nummis exprimebatur. Exemplum deinde affert Hadrïani. Sic Trajano, inquit, mortuo, & Hadrïano in locum ejus subrogato, ac Alexandriae agnito Imperatore initio anni cxxviii. nummi percussi sunt cum L. A., & deinde die xxix. Augusti cum L. B., ita: ultimus hujus Imperatoris annus in nummis Aegyptiacis praeferat L. K B. idest annum xxii., quod nonnisi in nummis Alexandrinis occurrit. Hadrïano post mortem Trajani anno Ch. 117. Alexandriae nummos percussos fuisse cum L. A. concedimus: sed quod deinde die xxix. Augusti nummi eidem cusi sint cum L. B., hoc est ipsum, quod probari oportet: neque satis ex eo probatur, quod sint nummi ejusdem Hadrïani cum L. K B. anno xxii.: nam praeterquam quod haec pariter est ipsa difficultas, quae illi est solvenda, alio loco ipsemet Pagius, nimirum ad annum Ch. 138. num. 111. alio modo, atque huic plane contrario, ut infra ostendemus, eosdem nummos Hadrïani cum L. K B. explicat.

Praeterea, ait denique, in Canone Aegyptiaco Ptolemaei anni Regum non a vero die eorum natali, sed a Thoth vago, postea pro usu civili Augusto regnante diei xxix. Augusti alligato, numerantur. At quid inde? Non alia ratione eo in Canone anni ita numerati sunt, quam, ut observat Dodwellus in Append. ad Dissert. Cypr. num. xxxiv. & seqq., quia, quum idem Canon pro usibus astronomicis concinnatus esset, ut numerandi rationem ubique certam constantemque esse oportebat, ita, ut ab uno eodemque exordio anni omnes accuratissime procederent, opus erat. Hoc autem commune omnium annorum, tam scilicet trium earum Epocharum, quae in eo Canone exhibentur, quam Regum & Imperatorum, quorum tempora ibidem consignantur, exordium duxit Ptolemaeus a neoménia Thoth vagi in quamcumque anni Iuliani

T

dicm

diem incidisset. Quam methodum ut in ipsis etiam Regum ac Imperatorum Romanorum annis servaret, eorum tempus per annos solidos, neglectis mensibus, ac diebus, quibus supra annum integrum iidem regnavissent, iidemque, ubi opportunius visum, supplementis, computandum censuit. Sed quid haec cum vulgari annos Imperatorum in nummis signandi ratione?

Porro non solum in modo laudato Canone annos Imperatorum computavit Ptolomaeus a nomenia Thoth vagi, sed & computavit in libris Magnae Constructionis, tum in suis, tum in aliorum astronomicis observationibus ibidem recensendis: quo argumento utitur ipse Illustriss. Praeful pag. 30., ubi certum videri affirmat, Astronomos exordia Principum a Thoth vagocorum inaugurationem antecedente deduxisse. Sic enim, ut verum fatear, probe intelligimus, eor. idem Ptolomaeus lib. 7. cap. 3. duas referens Menelai Geometrae observationes, alteram, qua Romae animadverterat, *spicam a luna penitus opertam* fuisse *Mechir xv. sequente xvi. exacta hora x.*, anno Nabonassari 845., quod tempus respondet diei x. Januarii anni Ch. 98., & alteram, qua Romae pariter visum *australe cornu lunae in recta fuisse linea ad mediam & australem illarum stellarum, quae in fronte scorpii sunt, centrum vero ipsius a recta linea defecisse, tantumque distitisse a media, quantum media ab australi*, die quidem *Mechir xvi. sequente xix. hora xi. deficiente*, anno item Nabonassari 845., hoc est die xiiii. Januarii ejusdem anni Ch. 98., has factas tradat *primo anno Trajani*, quamvis Trajanus nondum tum Nervae successisset, quum hic non obierit nisi die xxviii. ejusdem mensis Januarii an. Ch. 98. Sic etiam alias notans observationes abs se Antonini Pii tempore factas, lib. 3. cap. 2. conjungit tertium Antonini annum cum anno a morte Alexandri

463. die ix. mensis Athir, qui est dies xxvi. Septembris an. Ch. 139., & lib. 9. cap. 10. secundum ejusdem Imperatoris annum confert in annum Nabonassari 886. Epiphi die 11., hoc est Maji xviii. anni Ch. 139. Unde apparet, eum non computasse primum annum Antonini Pii ab anno Ch. 138., quo die xxv. Februarii adoptatus fuit ab Hadriano, ac die ix. Julii ei in imperio successit, sed ab anno præcedenti 137., nimirum a Thoth vago proxime verum ejus imperii initium antecedente, qui fuit eo anno die xx. Julii.

Gravissima tamen difficultas, ut id quoque hic observemus, reperitur in annis imperii Hadriani, cujus initium non modo non sumit Ptolemaeus a die, quo Imperator ille inauguratus fuit; verum neque a neomenia Thoth proxime ejus inaugurationem antecedente, sed multo etiam ante ipsum Thoth ejus imperium auspicator. Quam enim Trajanus a die xxvii. Januarii anni Ch. 98., qua Nervæ successit, regnasset annos xix., menses vi., & dies xv., die demum x. Augusti anni n7. obiit: illique eadem die successit Hadrianus. Hoc itaque verum Hadriani initium: seu dies potius sequens, quo ei Trajani excessus, ut docet Spartianus in ejus vita cap. 4., nunciatus est, ac *natalem imperii statuit celebrandum*: neomenia vero vaga Thoth, proximè verum ipsum initium antecedens, erit, quæ eo anno incurrit in diem xxv. mensis Julii. Ac Ptolemaeus non solum non computat annos Hadriani a die x., aut xi. Augusti anni 117., verum neque computat a die xxv. Julii, sed & hunc ipsi terminum antevertit. Hoc patet, ut plura alia ejus loca omittam, ex lib. 3. cap. 8., ubi æquinoctium autumnale se deprehendisse ait *in anno Hadriani xvii., mense Athir, secundum Aegyptios, die septima, post meridiem duabus proximè horis æqualibus*, eumque annum deinde confert

in annum Nebonassari 880., cujus dies vii. mensis Aethir incidit in diem xxv. Septembris anni Ch. 132. Porro si die xxv. Septembris anni Ch. 132. numerat Ptolemaeus annum Hadriani xviii., die pariter xxv. Septembris anni Ch. 116. primum ejus annum numeraverit, necesse est: qui tamen decem menses sunt ante neomeniam Thoth vagi proxime ipsius Hadriani inaugurationem antecedentem, quae, ut diximus, fuit die xxv. Julii anni Ch. 117. Rem hanc, quam plerisque Chronologorum non mediocri molestiae fuisse, compertum est, diligentius hoc loco excutere lubet: nam palam hinc simul fiet, quam ob causam, in annis Trajani & Antonini Pii numerandis, horum initia a Thoth vago verum natalem antecedente Ptolemaeus, ut supra vidimus, deduxerit.

Scaliger lib. 15. de Emend. temp., quum unum annum imperii Domitiano auferat, contendatque hunc occisum fuisse die xviii. Septemb. an. Ch. 95., sic quoque Trajani, Hadriani, & Antonini initia disponit, ut eorum anni a Ptolemaeo in laudatis locis notati recte omnino procedant, neque in ea hypothesi opus sit, ut eadem initia a Thoth vago verum ipsorum natalem antecedente numerentur. At extra omnem dubium est, perperam Scaligerum mortem Domitiani die xviii. Septembris anni Ch. 95. consignasse, quum in diem xviii. Septembris anni insequentis 96. certissime sit conferenda.

Petavius vero lib. xi. de Doctr. tem. cap. 24. docet, hanc unam, certissimamque vitiosae ejus annorum Trajani, Hadriani, & Antonini Pii in libris Magnae Construct. Ptolemaei rationem esse, quod in iisdem annis notandis usus ille fuerit superius laudato Canone, in quo, quum Imperatorum tempora per annos solidos neglectis mensibus numerentur, ipsa quoque eorundem Imperatorum initia a Caio Caligula uno anno deinceps

deinceps, ut ait se animadvertisse, antevertuntur. Verum & rationem hanc manifeste ex ipso Ptolemaeo refellit Em. Norisius in Dissert. de Vot. decenn. pag. 119., quum observet, illum lib. 7. cap. 3. annum xii. Domitiani recte conjungere cum anno Nabonassari 840 die secunda Tybi, quae fuit dies xxix. Novembris anni Ch. 92., quo tempore a die xiiii. Septembris revera xiii. Domitiani annus labebatur, quum regnare is coepisset die xiiii. Septembris anni Ch. 81. Suspicatur vero ibidem Card. doctissimus, quod, quum Trajanus in imperii societatem a Nerva vocatus fuisset anno Ch. 97., ac anno insequenti 98. die 27. Januarii idem Nerva obiisset, Ptolemaeus fortasse annum primum Trajani illum putaverit, quo Imperator a Nerva dictus fuit, ac ejusdem initia retraxerit ad diem 27. Januarii anni 97. unius anni prochronismo. Verum his adhuc obstare, subdit, quod Ptolemaeus imperante Antonino scripserit, ac nihilominus annos imperii ejusdem uno semper anno anteverterit, ac postremo fatetur, se huic nodo solvendo non esse.

Dodwellus denique, ad Hadrianum quod adinet, in Append. ad Dissert. Cypr. num. xlviii. duplex ei initium seu natalem adsignat, alium die xi. Augusti anni Ch. 117., quum nuntium de morte Trajani is accepit, alium die ix. Augusti anni praecedentis 116., quo a Trajano eundem fuisse adoptatum, contendit: atque ab hoc secundo natali annos ipsius Hadriani a Ptolemaeo fuisse numeratos docet. At jam diu Viris eruditis, atque ipsi etiam Cl. Praefuli pag. 36. observatum est, secundum hoc Hadriani exordium prorsus commentitium esse.

Omnibus expensis haec mihi in re tam difficili statui posse visa sunt. I. Ptolemaeum in annis Imperatorum, in libris Mag. Constr. notandis superius laudato Ca-

none

none, uti sentit Petavius, usum fuisse: II. illum non ideo Trajani, Hadriani, & Antonini Pii initia anno uno antevertisse, quod in eodem Canone, quae est altera Petavii sententiae pars, omnia ipsorum Romanorum Principum exordia a Cajo Caligula deinceps uno item anno antevertisset. III. eundem probe Trajani, & Antonini Pii annos pro sui Canonis methodo numerasse. IV. male annos Hadriani putasse. V. denique vitiosam hanc antiorum Hadriani putationem inde profectam fuisse, quod vitiose, apertoque unius anni prochronismo ejusdem Hadriani initium ob menses, ac dies, quos in praecedentium Imperatorum annis neglexerat, non satis bene suppletos, in eodem Canone consignasset.

Primum suadeat ex consensu, qui observatur inter Imperatorum annos, qui in libris Mag. Constr. notantur, & initia, quae in Canone iisdem Imperatoribus assignantur. Sic lib. 7. cap. 3., ut supra diximus, primus annus Trajani numeratur die xv. & xviii. Mechir anni Nabonassari 845., hoc est die x. & xviii. Januarii anni Ch. 98., & in Canone ipsius Trajani exordium consignatur Thoth anni a morte Alexandri 421., qui est ipse Nabonassari 845., coeptus die xx. Iulii anni Ch. 97. Sic etiam lib. 3. cap. 8., ut pariter diximus, annus xvii. Hadriani numeratur die vii. Athir anni Nabonassari 880., hoc est xxv. Septembris anni Ch. 132. & in Canone Hadriani ipsius initium statuitur Thoth anni a morte Alexandri 440. qui est annus Nabonassari 864., coeptus die xxv. Iulii an. Ch. 116. Idem consensus in aliis quoque annis spectatur.

Secundum manifeste ostenditur ex putatione annorum Domitiani: nam non solum in libris Mag. Constr. ejus annus xii. recte conjungitur, ut supra vidimus ex Emin. Norisio, cum die 11. Tybi anni Nabonassari 840., hoc est cum die xxix. Novembris anni Ch.

92., sed & in ipso Canone illius initium confertur in Thoth anni a morte Alexandri 405., qui est annus Nabonassari 829., coeptus die 114. Augusti anni Ch. 81. Quare, quum Domitianus imperare coeperit die x11. Septembris ejusdem anni Ch. 81., non antevertitur ejus initium uno anno, sed tantum diebus 41.

Tertium patet ex iis, quae de annis Trajani, & Antonini Pii superius notavimus, nimirum horum initia a Ptolemaeo in libris Mag. Constr. a Thoth vago illorum inaugurationem antecedente computari. Quod in ipso quoque Canone fit, quum in illo, ut omnium annorum exordium, ita & singulorum Imperatorum initia ab eodem Thoth vago deducantur: quo factum, ut ibidem statim post Tiberium eadem Imperatorum initia antevertantur, atque ita ab ipso Thoth vago vera initia antecedente computentur.

Quartum manifestum fit ex iis, quae superius pariter ostendimus, nimirum Ptolemaeum tam in libris Mag. Constr. quam in Canone non solum non computare initium Hadriani a die, quo Imperator hic inauguratus fuit, verum neque a Thoth vago proxime eam inaugurationem antecedente, sed hoc ipsum initium uno anno antevertere: neque ad eum culpa hac liberandum, admitti ullo modo posse opinionem Scäligeri, aut Dodwelli, de quibus supra.

Quintum denique patebit ex ipsa annorum, quos singulis Imperatoribus in Canone tribuit Ptolemaeus, supputatione: quam ut rite instituamus, Canonem ipsum, seu ejus partem, quae est de ipsis Romanis Imperatoribus, hic subjiciemus.

ROMANORVM REGES.		Anni a morte Ale- xandri M.
Augusti	43.	337.
Tiberii	22.	359.
Caii	4.	363.
Claudii	14.	377.
Neronis	14.	391.
Vespasiani	10.	401.
Titi	3.	404.
Domitiani	15.	419.
Nervae	1.	420.
Traiani	19.	439.
Hadriani	21.	460.
Antonini	23.	483.

Hoc in Canone Augusto tribuuntur anni vagi Aegyptii 43., postremusque annus est a morte Alexandri 337., qui desit die xix. Augusti anni Ch. 14., qua re ipse excessit Augustus, postquam a capta mense Augusto anni ante Ch. 30. Alexandria, unde Aegyptii annos ipsius Augusti numerarunt, totidem re vera annis regnavisset.

Tiberio tribuuntur anni item vagi Aegyptii 22. ac po-

postremus ejus annus confertur in annum a morte Alexandri 359., qui desit die xiiii. Augusti anni Ch. 36. Regnavit autem Tiberius post mortem Augusti annos 22. menses 6. dies 13., obiitque die xvi. Martii an. Ch. 37. Quare annis solidis vagis 22. superant dies 150., qui quum Cajo dein adscribantur, fit, ut totidem diebus ejus initium antevertatur.

Cajo tribuuntur anni 4., ac quartus annus illigatur anno a morte Alex. 363., qui desit die xii. Augusti anni Ch. 40. Regnavit Cajo a die xvi. Martii anni Ch. 37., quâ obiit Tiberius, annos 3. menses 10. dies 8., quâ obiit die xxiv. Januarii anni Ch. 41. Quare numeratis, seu suppletis in eo diebus 150., qui in Tiberio superabant, superant adhuc dies 104., quibus Claudio tributis, hujus pariter initium totidem diebus antevertitur.

Claudio tribuuntur anni 14., postremus annus copulatur cum anno a morte Alex. 377., qui desit die ix. Augusti anni Ch. 54. Regnavit Claudius a die xxiv. Jan. anni Ch. 41. annos 13. menses 8. dies 20., obiit vero die xiiii. Octobris anni Ch. 54. Quare suppletis in primo hujus anno diebus 104., qui superarunt in Cajo, superant nunc tantum dies 65., quibus Neronis pariter initium antevertitur.

Neroni tribuuntur anni 14., postremus annus confertur in annum a morte Alex. 391., qui desit die v. Augusti anni Ch. 68. Regnavit Nero a die xiiii. Octobris anni Ch. 54. annos 13. menses 7. dies 23., obiit die ix. Junii anni Ch. 68. Hic suppletur dies 65., qui in Claudio superabant, ac praeterea adduntur dies 57., ut habeatur solidus annus Aegyptius a morte Alexandri 391.

Post Neronem omittuntur Galba, Otho, & Vitellius, quod nemo eorum integrum annum regna-

varint: illique statim subjicitur Vespasianus, qui nonnisi Cal. Jul. anni Ch. 69., vivente adhuc Vitellio, imperium iniit. Hinc eidem Vespasiano adscribitur totus annus a morte Alexandri 392., licet aliquot tantummodo ejus dies occupaverit.

Vespasiano tribuuntur anni 10. postremus annus copulatur cum anno a morte Alex. 401., qui desiit die 111. Augusti anni Ch. 78. Regnavit Vespasianus a Cal. Jul. anni Ch. 69. annos 9. menses 11., dies 24., obiit die xxiv. Junii anni Ch. 79., quare superant dies 316., qui Tito adscribuntur.

Tito tribuuntur anni 3., postremus est annus a morte Alex. 404., qui desiit die 11. Augusti anni Ch. 81. Regnavit Titus annos 2. menses 2. & dies 20., obiit die 13. Septembris anni Ch. 81., quare superant tantum dies 42., qui Domitiano adsignantur.

Domitiano tribuuntur anni 15., postremus est annus a morte Alex. 419., qui desiit die xxix. Julii anni Ch. 97. Regnavit a die xiii. Septembris anni Ch. 81. annos 15. dies 5., occisus est die xvi. Septembris anni Ch. 96., quare superant dies 51. Nervae adsignandi.

Nervae tribuitur annus 1., qui est a morte Alex. 420., ac desiit die xxix. Julii anni Ch. 97. Regnavit a die xvi. Septembris anni Ch. 96. annum 1. menses 4. dies 9., obiit die xxv. Januarii anni Ch. 98., quare superant dies 182., qui Trajano adscribendi.

Trajano tribuuntur anni 19., postremus est a morte Alex. 439., qui desiit die xxiv. Julii an. Ch. 116. Regnavit a die xxv. Januarii anni Ch. 98. annos 19. menses 6. dies 15., obiit die x. Augusti anni Ch. 117. Quare supra annos vagos 19., qui ei in Canone tribuuntur, regnavit dies 200., quibus si addantur dies 182., qui superarunt in Nerva, superant nunc dies 382.,

hoc

hoc est unus annus integer, & dies 17. Hinc profecta labes in initio Hadriani statuendo: nam quum regnare hic non coeperit nisi die x., aut xi. Augusti anni Ch. 117., qua obiit Trajanus, ejus nihilominus initium confertur in Thoth anni a morte Alex. 440., qui incidit in diem xxv. Julii an. Ch. 116., adeoque antevertitur uno anno & diebus 17., sicuti antevertitur finis Trajani. Perperam itaque collocato in Canone fine Trajani, & initio Hadriani, perperam quoque in libris Mag. Constr. annos ipsius Hadriani Ptolemaeus eo usus Canone computarit, necesse est. Ejus autem Ptolemaei lapsus haec causa fuisse videtur, quod annos tantum solidos Trajani, qui fuerunt 19., notaverit, neglectis mensibus & diebus, quibus supra eos regnavit, nec de aliis diebus 182., qui in Nerva superaverant, in ipso Trajano supplendis cogitaverit. Quem errorem sine dubio devitallet, si Trajano annos 20. adscripsisset, tunc enim dies tantum 17. superassent.

Hadriano tribuuntur anni 21. Postremus est annus a morte Alexandri 460., qui desiit die xix. Julii anni Ch. 137. Regnavit a die x. Augusti anni Ch. 117., qua obiit Trajanus, annos 20. menses 11., obiit die x. Julii an. Ch. 138., quare superant dies 355., quibus antevertitur initium Antonini Pii.

Antonino tandem Pio tribuuntur anni 23. Postremus est a morte Alex. 483. qui desiit die xiii. Julii an. Ch. 160. Regnavit post mortem Hadriani annos 22. menses 7. dies 26., obiit die vii. Martii anni Ch. 161. Quare ex diebus 355. qui in Hadriano superaverant, supplentur hic in Antonino 128., ac superant adhuc dies 227. Si autem Trajano adsignati fuissent, ut supra diximus, anni 20., Hadriano 21., & Antonino 22. eadem annorum summa ab initio Augusti ad

finem usque Antonini Pii constitisset, nimirum anni 189., ac error, qui initio Hadriani statuendo admisus est, vitatus fuisset.

His occasione difficultatis, quae in annis Hadriani a Ptolemaeo numeratisprehenditur, explicatis, probe jam elucere existimo, quam ob causam idem Ptolemaeus in libris Mag. Constr. astronomicas observationes annis Trajani & Antonini consignans, horum initia non a vero natali, sed a Thoth vago verum ipsum natalem proxime antecedente enumeraverit. Ubi enim in iis annis notandis superius descripto Canone usus sit, nil mirum, quod eum in modum eadem initia computaverit. Quod autem de Ptolemaeo, idem plane dicendum, & de aliis Astronomis, si qui sunt, qui eadem ratione annos Imperatorum putaverint, ac praesertim de Menelao Geometra, cujus sunt duae illae observationes primo anno Trajani factae, quas refert, ut supra diximus, Ptolemaeus lib. 7. cap. 3., nimirum hos quoque eodem, aut simili Canone, usos fuisse, in quo tempora ipsorum Imperatorum per annos solidos numerantur, eorundemque initia a communi quopiam principio repetuntur. Sed quid haec, iterum, cum populari Alexandrinorum, annos Principum numerandi, aut in nummis notandi, ratione?

Neque refert, ut postea ait Praeful Cl. eadem pag. 30., exstare nummos Galbae cum L. B. *anno* 11., Hadriani cum L. K B. *anno* xxii., L. Veri cum L. ΔΕΚΑΤΟΤ *anno* decimo; & Otaciliae cum L. Z. *anno* vii. Philippi Aug., quos annos, si more Romanorum computentur, ii Imperatores non attigissent. Nam haec est ipsamet difficultas, quae ex illis nummis proficiscitur, quaeque ratione aliqua, quae solido, aut saltem verisimili quopiam fundamento nitatur, est exp-

pediendā. Eadem sane difficultas reperitur etiam in aliquot Latinis, ac Graecis nummis, in quibus plures anni Tr. Pot. aliquorum Imperatorum notantur, quam illi re vera regnaverint: cujusmodi sunt nummi Nervae apud Occonem, & Golztium inscripti TR. P. III. & ΔΗ. ΕΕ. Γ., necnon nummi Volusiani apud eundem Occonem cum TR. P. IIII., neque tamen inferri hinc licet, ipsos annos Trib. Pot. a Cal. Jan. a Romanis fuisse numeratos. Non multum ablimilem rationem, ad eisdem tum Aegyptiacos, tum Latinos, ac Graecos nummos explicandos, excogitaverat Nicolaus Toinardus: nimirum Imperatores annos suos numerasse a die IV. Idus Decembris, quo Tribuni plebis suum inibant magistratum, ac tempus pariter, quod ante eum diem, imperio praefuissent, pro anno computasse. Sed opinionem hanc probe a Pagio, atque a me in priori Dissertatione confutatam fuisse, fatetur Praeful Cl. pag. 34. Ut ergo Romani annos Imperatorum non a Cal. Jan., aut alio quocunque die, sed a die imperii eorum natali certo numerabant, qui mos a Syro-Graecis etiam, ut de Antiochenis, & Seleucensibus supra vidimus, servabatur, idem quoque praestitisse Aegyptios dicendum, donec ratio aliqua, quae contrarium suadeat, in medium producat, quae tamen nondum neque a Pagio, neque a Viro Illustrissimo allata.

Quinimo Pagius, quum perspexisset; quam levi, inanique fundamento ea opinio superstructa esset, eandem postea non uno in loco aperte abdicavit. Sic ad annum Ch. 103. postquam num. v. & vi. modo laudatam Toinardi conjecturam; recensuisset; ac confutasset, num. vii: haec subjicit: *Haec mea de hujusmodi nummis conjectura. Omnes nummi Latini, in quibus anni Tribunitiae potestatis annos imperii excidunt, aut mendose descripti, aut a monetariis in iis cuden-*

dendis erratum, aut anni unius Imperatoris alteri attributi, ut de Gallo & Volufiano loquens ostendi. Quo ad nummos Graecos, in quibus plures imperii anni leguntur, quam reapse Augusti regnarint; vel idem dicendum ac de Latinis, in quibus anni Tribunitiae potestatis annos imperii superant, vel existimandum annos illos non ad imperium, sed ad aliquod aliud nobis incognitum referri. Ut ut vero de hac etiam Pagii conjectura sit, de qua a nobis actum in priori Diss. cap. iv. pag. 92., certe patet, hoc loco cum pro nummis Graecis, quibus proculdubio accensendi Aegyptii, ne verbum quidem de ea, annos Imperatorum a neomenia Thoth computandi, quam ipsis Aegyptiis alio loco tribuerat, ratione habere. Ad annum deinde Ch. 138. num. 111. quum Hadrianum statuisset, a die x. Augusti an. 117. ad diem x. Julii anni 138., qua is obiit, regnavisse annos xx. & menses xi., nummos ejusdem Hadriani recensens cum L. K B. anno xxii., quos antea ea, de qua est quaestio, ratione explicaverat, hos percussos fuisse docet post mortem Hadriani in urbibus longe ab Italia disitis, ad quas hujus mortis nuncius nondum perlatus erat. Ad annum etiam Ch. 131. num. 111. laudat duos nummos Hadriani, in quorum alio expressus est *Adventus* typus & mulier cum galea Elephantina, quam Alexandriam esse ait, cum L. I E. anno xv., in alio vero ipsa Alexandria Hadrianum in quadriga advenientem salutat cum eadem nota L. I E., atque hos annos more Romanorum expresse numerat. Sic quoque ad annum Ch. 138. num. iv. probaturus Maximinum quartum annum imperii attigisse, affert ex Thesau. Mauroc. Patini nummum Graecum ipsius Maximini, necnon Maximi ejus filii cum L. Δ. anno iv.; quo argumento alibi etiam saepe utitur.

Jamvero si Aegyptii eadem ratione ac Romani
annos

annos Imperatorum computabant, quum sint nuntii Aegyptiaci Anniae Faustinae, & Aquiliae Severae anno v. imperii Elagabali insigniti, revocari amplius in dubium non potest, quin Elagabalus quintum annum imperii re vera inierit, ac post eum initum Anniam Faustinam repudiaverit, duo alia matrimonia contraxerit, ac demum ad Aquiliam Severam redierit: quae sane nullo modo explicari queunt per conjecturam ab Illustris. Praesule in *Addendis* propositam, de qua capite praecedenti, licet per eandem explicari utcumque possint nummi ipsius Elagabali Trib. Pot. V. inscripti. Si enim nummi in honorem ipsius Anniae Faustinae cusi sunt ab Aegyptiis, cusi proculdubio fuere antequam ab Elagabalo repudiata fuisset, aut saltem antequam fama ejus repudii iis in locis vulgata esset. Incredibile namque, atque absonum prorsus videtur, ut repudiatis ipsis Imperatorum uxoribus nummi a quopiam percuterentur: quod profecto neque ipse Illustris. Praesul affirmat, tametsi eas contendat, tam post repudium, quam post virorum excessum titulum, atque insignia Augustarum retinuisse, nisi vel maritus, vel successor eosdem illis honores ademisset. Siquidem etsi admitti quoquo modo possit, illas post repudium titulum ejusmodi atque ornamenta retinuisse, non inde tamen efficitur nummorum quoque honorem iisdem indultum fuisse: quamquam, ut verum fatear, nec de ipso titulo, ac insignibus tam facile concedi posse crediderim; quum haec Cl. Praesulis regula nonnisi duobus exemplis nitatur, quorum alterum aperte falsum, alterum vero plane incertum. Prius exemplum est uxoris Severi Alexandri, quam in Italica epistola dixerat, virum rogasse, ut tibi, quamvis regiis aedibus pulsae, Augustae nomen relinqueretur, quod non ausa, inquit, fuisset petere, nisi

nisi dimissis conjugibus concessum de more fuisset. Verum factum hoc prioris Dissert. pag. 70. falsum esse, ut aiebam, ostendi: id, quod vel ipse Praeful Cl. nunc pag. 183. diserte pro sua ingenuitate falsus est. Alterum verum exemplum est Corneliae Paullae prioris Elagabali uxoris, de qua haec Herodianus lib. 5. cap. 6. *Duxit praeterea uxorem, illustrissimam Romanam feminam, quam etiam Augustam appellavit: cumque ea tamen paullo post divortium fecit, ademptisque honoribus privatam colere vitam iussit*. Ex his enim tum in Italica epistola, tum nunc fusius pag. 186. infert, quod quum Historicus conceptis verbis scribat, Elagabalum divortium cum Cornelia Paulla fecisse, atque ei honores eripuisse, non eo ipso post divortium Caesarum conjuges eosdem honores amitterent. Hoc autem exemplum est, quod incertum supra vocavi: nam ut ut verba illa Herodiani explicationem hanc suscipere possint, attamen aequae recte dici potest, iisdem tum divortium, tum ea, quae ipsum divortium de more comitabantur, indicare scriptorem voluisse. Quem sane sensum neque respuit ipse textus Graecus, in quo: μετ' ὀλίγον, inquit, χρόνον ἀπεπέμψατο, ἰδιωτεύειν κελεύσας, καὶ τῶν τιμῶν παρελθόντα, paullo post dimisit, privatam esse iubens, atque honores adimens. Neque vero ex eo, quod idem Herodianus, de aliis duabus Elagabali-uxoribus, Aquilia nimirum Severa, & Annia Faustina postea loquens, minime scribat, iis quoque honores ademptos fuisse, colligere licet, hos ipsis post divortium re vera fuisse relictos. Nam praeterquam quod dici potest, cum satis, quae cum divortio conjungebantur, supra, quum de priori uxore loquutus fuerat, expressisse: certissimum quoque est, non omnia semper Historicos recensere; quod patet in his ipsis duabus Elagabali uxoribus, de quibus minime narrat

rat Herodianus, quod Augustae a viro appellatae fuissent, quanvis eo titulo insignitas easdem fuisse, nummi illarum, ut observat quoque Ill. Praeful, testentur; imo nec de tertia uxore tradit, quod repudiata fuerit, ac post illam duo alia matrimonia inierit Elagabalus, ac demum ad Aquiliam Severam redierit, quod ceteroqui discimus ex Dione. Aliam regulam, a Cl. Praefule pro uxoribus marito superstitibus traditam, non moramur: quum nunc probe constet, Epocham Damascenorum, quae in celebri nummo Anniae Faustinae D. Theupoli inscripta ferebatur, & ad quam tuendam eadem regula potissimum excogitata, in ipso nummo re vera inscriptam non esse, ac nummum praeterea P. Chamillardi, qui in causae subsidium adscitus fuerat, adulterinum jam esse ostendimus.

Ut autem hi nummi Aegyptiaci Anniae Faustinae explicari nullo modo queunt per conjecturam a Cl. Praefule in *Addendis* propositam, sic nonnisi aegre admodum explicari possunt per aliam ejusdem conjecturam, de qua supra cap. xii. Si enim juxta illud systema Cal. dumtaxat Jan. anni Ch. 222. quintum annum imperii inchoavit Elagabalus, ac die postea decima Martii ejusdem anni occisus est, breve nimium id spatium videtur, ut intra illud, quemadmodum in fine ejusdem capituli xii. notavimus, Anniam ipsam Faustinae dimittere, duo alia matrimonia inire, ac tandem ad Aquiliam Severam redire Elagabalus potuerit. Eadem difficultas reperitur quoque in Cl. Vignolii sententia, in qua Elagabalus die xvi. Maji ejusdem anni 228., quintum annum imperii auspicatus, die demum xi. Julii occubuit. Quare, quum praeter incommoda, quibus singulas earum opinionum obnoxias esse demonstravimus, hoc etiam non leve accedat,

dat, quod per illas aut nullo modo, aut nonnisi difficulter nummi Anniae Faustinae cum *anno* v. imperii Elagabali explicantur: hinc sequentibus capitibus videndum, num ratio, quam pro annis Elagabali numerandis in priori Dissertatione proposuimus, quae certe & nummi illi non incommode explicantur, in re tot circumquaque difficultatibus impedita, admitti re vera possit; rationumque momenta, quibus eandem tum Cl. Vignolius, tum Illustriss. Praeful exagitarunt, discutienda.

CAPUT XV.

Elagabalus Antoninum, Antonini Caracallae filium, Imp., Aug., & Tr. Pot. se inscripsit ante Senatus decretum. Hinc conjicitur, illum tempus sui imperii numerare potuisse a morte Antonini Caracallae. Idem a militibus electus Imp. tamquam filius Antonini Caracallae, ejusque imperii successor. Macrini memoriam inuisam reddidit, eumque imperii raptorem traducit. Consulatum Macrini sibi vindicat, nomenque illius e Fastis eradit, ac suum substituit. E marmoribus quoque, in quibus Macrinus Imp. & Aug. dicitur, idem nomen expunctum.

QUum tot argumentis, quae a nobis sex prioribus capitibus allata sunt, plane constet, Elagabalum, qui die xvi. Maji anni Ch. 218. acclamatus fuerat Imperator, mense Martio anni 222. occisum fuisse: contra vero nummi existent tum Latini, tum Graeci, ex quibus apparet, eum Tr. Pot. V., quintumque annum imperii re vera numerasse: hinc coacti prorsus videmur, ut rationem aliquam, qua in concordiam haec redigantur, investigemus. Hanc autem rationem in prio-
ri

ri Disert. cap. v. esse coniecimus, quod Elagabalus licet die tantum XVI. Maji anni 218. Imperator a militibus salutatus fuisset, sui imperii nihilominus initium a die VII. Aprilis anni 217., qua Antoninus Caracalla, cujus se filium nuncupabat, fatis concesserat, repetere potuerit. Sic enim die VIII. Aprilis anni 221. Trib. Pot. V., ac quintum annum imperii iniisset, & post eum initum usque ad diem X. Martii anni 222., qua occisus fuit, Anniam Faustinam dimittere, duas alias uxores ducere, ac demum ad Aquiliam Severam sat commode redire, potuisset. Eam suspicionem mihi injecerat locus Dionis lib. 79 pag. 907., ubi de Elagabalo: *In epistola, inquit, quam ad Senatum, & scripto, quod ad Populum misit, & Imperatorem, & Caesarem se, filiumque Antonini, Severi nepotem, Pium, Felicem, Augustum, Proconsulem, Tribunitiae potestatis inscripsit; haec nomina necdum sibi decreta prior occupans.* In mentem siquidem venerat, quod quemadmodum iis nominibus sese inscribere, ausus fuerat, antequam a Senatu sibi eadem decreta fuissent, quod Antonini Caracallae filius esse contenderet, ita fieri potuerit, ut suum ad imperium jus hac in ratione constitueret, proindeque ab ipsius Caracallae morte sibi idem imperium vindicare voluerit.

Conjecturam hanc minime probat Cl. Vignolius pag. 19., quia non aliter, inquit, ea in epistola, aut scripto poterat se Elagabalus nuncupare, quum illum tamquam Antonini Caracallae filium milites Imperatorem elegerint. At hoc ipsum est, ajo ego, quod locum nostrae conjecturae praebet, nimirum verilimile esse, ut, quemadmodum milites eum tamquam Antonini Caracallae filium Imperatorem elegerant, ita ipse imperii sui initium a morte ejusdem Antonini Caracallae deducere voluerit. *Erant autem ex iis, ait*

Herodianus lib 5. cap. 3., nonnulli Roma profugi, Maesae familiares, quibus illa formam pueri admirantibus, insertum, mentita, an verum professa, filium utique esse ait Antonini, quamvis alterius putaretur. . . Ea res audita ab illis, ac sensim communicata reliquis commilitonibus, per universum denique exercitum vulgata est. Porro etiam acervos habere nummorum, Maesa dicebatur, facilique omnes militibus elargitura, si modo Imperium suae soboli restitueretur. Pollicentibus autem, se eam cum suis, si noctu clanculum in castra venisset, patentibus portis excepturos, atque Antonini filium Imperatorem declaraturos, nihil scilicet recusavit anus &c. Ex cap. sequenti: Ut autem eo pervenit Julianus, ac jam moenibus succedebat, statim inclusi milites puerum exercitui infesto de turribus, pinnisque ostentare, vociferari Antonini filium: sacculos quoque nummorum plenos, escam scilicet proditoris ostentantes. At illi, credito Antonini esse filium &c. Milites igitur, ut & sponte concedit V. Cl., Elagabalum Imperatorem, quod esset filius Antonini Caracallae, declararunt. Hae ergo Elagabali pro obtinendo, imo pro recuperando; imperio rationes: quibus, justae ne eadem fuerint; an secus, felix certe etiam, faustusque exitus obtigit. Quidni igitur conjici hinc potest, eundem Elagabalum a patris Caracallae interitu sui imperii exordium deduci voluisse?

Res declarat luculentius Dio pag. 902: & sequ., ubi postquam narravit, Julianum ad castra, in quibus servabatur Elagabalus, oppugnanda venisse, subdit: *Avitum illi, quem Marcum Aurelium Antoninum jam nominabant, supra munitionem efferentes, & imagines quasdam Caracalli pueri velut huic adsimiles Macrinianis ostendentes* πᾶντα ὅλως αὐτὸν ἐκείνου, καὶ διὰ τοῦτον τῆς ἀρχῆς εἶναι ἔλεγον **RE VERA FILIUM EJUS ET IMPERII**
SUC.

SUCCESSOREM ADSEREBANT, simul has voces exclamantes: Quid agitis commilitones, cur ita bene de vobis meriti filium oppugnatis? Usque adeo milites, qui aderant cum Juliano, rerumque novarum percipidi erant, commoverunt, ut praefectos sibi praeter Julianum occiderint: & arma Pseudantonino tradiderint: Paulo post: simul ipse puer ad eos e munitione castrorum, alio verba subjiciente, concionem habuit: qua patrem laudabat, & Macrinum tanquam. . . . Nisi reliqua Elagabali concio injuria temporis interiisset, clarius forte ex ea, quae sibi adversus Macrinum jura adrogaret, perspicere potuissemus: quamquam satis eadem colligere liceat ex priori loco, in quo milites Elagabalum non modo Antonini filium, sed & imperii successorem adseruisse, leguntur. Atque hinc patet discrimen, quare licet etiam Alexander Antonini Caracallae filium, quemadmodum postea subdit V. C., se inscripserit, imo vero & re ipsa esset, non sui tamen imperii initium ab ejusdem Caracallae morte desumeret. Nam praeterquam quod alius jam ex illa ipsa causa ante eum Imperator existerat, neque inde suum unquam ad imperium jus accersivit, uti fecerat Elagabalus, sed ex eo, quod a Senatu primum Caesar, ac deinde Augustus, declaratus fuisset: quod testatur ipsemet Alexander apud Lampridium in ejus vita cap. 8.

Ad eandem conjecturam suadendam addideram, Elagabalum statim post mortem Macrini nihil non egisse, quo ejusdem Macrini memoriam invisam omnibus redderet, eumque tamquam imperii usurpatorem traduxisset. Quod probaveram ex Dione, pag. 906., ubi: *Romam*, inquit, *litteras misit, cum aliis de rebus, quas par erat adungere, tum etiam Macrinum ob generis ignobilitatem, & structas Antonino insidias invisum reddens. Inter cetera scriptum hoc quoque legebatur:*

cui

cui non fas erat ingredi curiam post illam praeconis vocem, qua praeter Senatores alii arceri solent: is ausus est trucidato per fraudem Imperatore, cujus ei custodia commissa fuerat, IMPERIUM AD SE RAPERE; ac prior Imperator, quam Senator fieri. Hoc in Macrinum concitato odio plures etiam eum inter fecisse, ex eodem Dione adnotaveram, qui e Macrini partibus steterant: locumque Lampridii in ejus vita cap. 3. recitaveram, ex quo apparebat, ubi Romae in Senatu ipsius Elagabali literae, in quibus Antoninum, & Antonini filium se nuncupaverat, lectae fuerunt, gavi-
 fos cunctos fuisse, dirisque Macrinum ejusque filium devovisse. Ex eodem Lampridii testimonio patere dixeram, Elagabalum a Senatu etiam Populoque Romano re vera uti Caracallae filium habitum, susceptumque fuisse: atque ex his intuleram, quod, quum ob id nomen mirum sibi apud omnes amorem conciliasset, contra vero Macrino, utpote nefario Antonini Caracallae interfectori, ac injusto imperii usurpatori, universonum invidiam conflavisset: verisimile quoque videri poterat, illum tempus imperii Macrini sibi tanquam ipsius Caracallae filio & successori adscribi voluisse.

His opponit Vir Cl. pag. 21., quod licet Elagabalus ad Senatum scribens, inter cetera, de quibus Macrinum incusaverat, illum, imperii raptorem dixisset, hinc tamen deduci nequeat, eam Elagabali mentem fuisse, ut sibi raptum a Macrino imperium crederet, quum potius sic illum ideo appellasse videatur, quod imperium cum vita Antonino Caracallae eripuisset. Sed esto, iis in literis non ea mens fuerit Elagabali: neque enim eam fuisse, usquam ego affirmavi. Dixeram, quod, quum in invidiam Macrinum utpote Antonini Caracallae interfectorem, ac injustum

stum imperii usurpatorem, aliisque de causis, quae in citato loco Dionis memorantur, adduxisset, sibi vero amorem omnium, quod Antoninum se & Antonini filium diceret, primum comparasset, verisimile quoque videbatur, sibi uti ejusdem Caracallae filio & successori, quemadmodum re vera eum milites, ut supra vidimus, declararunt, tempus Macrini vindicare voluisse. Ad hoc namque, neque oportebat, quod postea V.C. subjicit, ut antequam Macrinus imperium occupasset, jus aliquod ipse Elagabalus Caracallae in imperio succedendi adeptus fuisset, ut nempe Caesar vel a Caracalla, vel a Senatu dictus esset: sed satis erat jus, quod in eo milites tum agnoverunt, approbaruntque, nimirum quod Antonini filius esset, successorque imperii. Nec refert, quod addit pag. 24., quod licet milites eum filium re vera ipsius Antonini esse & imperii successorem adfirmaverint, id tamen efficere non potuerit, ut qui dies Macrini imperio fluxerant, Elagabali nomine signarentur iterum, & quae prima imperii Elagabali dies fuerat, anni secundi nota in nummis inscriberetur. Nam eadem difficultas est in Consulatu ordinario Macrini inito Cal. Jan. anni Ch. 218., quem, licet jam ante gestus esset, nec prorsus eum attigisset, sibi nihilominus Elagabalus adrogavit, atque anno insequenti 219., quo Consul primum duntaxat, nisi sibi eum adrogasset, fuisset, Consulem II. se inscripsit, & anno 220. Consulem III., & anno 222. Consulem IV.

Hoc ipsum Elagabali factum, quod nimirum Consulatum Macrini sibi adscripserat, ex nostra conjectura pag. 101. explicaveram. Dixeram siquidem, quod quum Macrinus eo anno Ch. 218. non alia de causa Consulatum suscepisset, quam quia anno praecedenti ad imperium fuerat evehctus: hinc Elagabalus, quia
eodem

eodem praecedenti anno imperium non ad Macrinum, sed ad se, uti verum Antonini filium & successorem pertinuisse existimabat, ipsum quoque Consulatum anni 218. ad se omnino spectare, contendere poterat.

Factum hoc Elagabali dumtaxat in Macrinum odio tribuendum existimat V. C. pag. 25.: additque, hoc, atque alia, quae praeter consuetudinem, usumque receptum egerat Elagabalus, recenseri a Dione; minime vero ab eo memorari, quod tempus quoque imperii Macrini sibi is adrogare voluisset. Verum quod ad odium, quo Macrinum Elagabalus prosequutus est, quaeri rursus potest, cur usque adeo progressum illud sit, ut spreta fastorum fide & auctoritate, nomen ejus ex illis expungere, suumque loco illius substituere ausus sit? Haec autem ex nostra conjectura recte explicari, iterum dicimus. Macrinus enim ideo fastos eo anno nomine suo insigniverat, quod anno praecedenti imperium suscepisset. Is quippe mos erat, ut qui ad imperium per annum evehebantur, Consulatu quoque Cal. Jan. anni insequentis donarentur; quod constat, ut probe notum, ex Plinii Panegyri. cap. 57., ubi laudatur moderatio Trajani, quod proximis post adeptum imperium Calendis Jan. Consul procedere noluisse. Ut ergo perperam, ac per summum nefas Macrinum anno praecedenti 117. imperio potitum censebat Elagabalus, sic immerito Consulatum anno 118. adeptum fuisse contendebat: atque hinc e fastis ejus nomen eradi jussit. Quoniam vero eodem anno 117. post Antonini Caracallae mortem ad se imperium spectasse putabat; propterea Consulatum quoque anni insequentis vindicare sibi poterat; atque ira non solum e fastis ejus anni nomen Macrini expunxit, sed & suummet loco illius substituit. Quod vero ad Dionem, quem hujus rei, V. C. ait, non meminisse:

certum est, quod si meminisset, nullus deinceps huic quaestioni reliquus locus fuisset; ut & innumerae aliae sublatae apud eruditos controversiae fuissent, si veteres Scriptores clare nobis, diserteque omnia tradidissent. Ex iis ergo quae non tradidere, licet, ut aliis in rebus, ita in hac, quae non tradidere, conicere.

Eadem ratione, qua nomen Macrini e fastis anni Ch. 218. ab Elagabalo erasum juxta nostram conjecturam fuisse, dixeram, explicaveram quoque, quare idem nomen e marioribus anni Ch. 217., V.C. 970. quo imperium ille occupaverat, deletum fuerit. Existat enim apud Gruterum pag. ccc. haec ipsius Macrini Inscripio.

IMP.....SEVERVS.....

COOPTATVS

C. BRVTIO PRAESENTE. T. MESSIO

EXTRICATO

II COS

P.R.C. ANN. DCCCCLXX

hoc est: *Imperator Opelius Severus Macrinus Augustus cooptatus &c.* Scilicet dixeram, quod non ex odio dumtaxat eo ex marmore id nomen Elagabalus eradi jussisset; sed ideo fortassis maxime, quod in illo Macrinus *Imperator Augustus cooptatus* dicetur. Hoc etiam ex odio tantummodo in Macrinum fecisse Elagabalum docet V. C.; nam si Macrinum perperam in eo marmore Imperatorem Augustum cooptatum dici, contendisset, titulum etiam ipsum Imperatoris, qui superest, totumque illud elogium omnino perdi, aut luto tegi mandavisset. Fateor profecto, id quoque cum jubere potuisse.

Y

Id

Id ipsum jubere poterat, etiamsi fecisset, ut ipse V. C. sentit, ex solo in Macrinum odio, quum eo usque, ex ipsius pariter sententia, processisset, ut spreta, quemadmodum diximus, factorum fide & auctoritate, nomen ejus ex illis eradere, suumque loco illius substituere, veritus non fuerit. Non jussit tamen: ac per me ideo non jussit, sed nomen tantum Opelii Macrini expungi, curavit, quod satis id esset, ut ostenderet, ejusmodi Imperatoris & Augusti titulos perperam ei illo in marmore tributos fuisse. Ceterum ipsi Viro Cl. adfentimur, inscriptionem hanc ab aliquo Collegio positam fuisse, ipsumque Macrinum in Collegium illud, aut Ordinem fuisse cooptatum. Imo si divinare licet, positam eandem crediderim, quum a Senatu post occupatum imperium inter Patricios adlectus fuit. Cujus sane adlectionis diserte meminit Capitolinus in ejus vita cap. 7. *Lectis igitur, inquit, in Senatu literis contra opinionem omnium, & mortem Antonini gratanter accepit, & Opilium Macrinum libertatem publicam curaturum sperans, primum in Patritios adlegit novum hominem, & qui paullo ante procurator privatae rei fuisset.* Atque hinc ansam sumsit Elagabalus, ipsum Macrinum in epistola, quam ad Senatum scripsit, ut supra ex Dione notavimus, ob generis ignobilitatem, carpendi, eundemque tamquam contra jus & fas imperio potitum traducendi. Cetera, quae nostro systemati probe congruere dixeram, quaeque Viri Cl. censuram pariter subiere, sequenti capite exponemus.

CAPUT XVI.

Nummus Aegyptiacus Corneliae Paullae cum L. F., in quo Imperator eques Pacificatoris habitu, a Vaillantio vere laudatus. Hunc duxit Elagabalus non multo post suum ad Urbem adventum. Graeci Latinorum nummorum typos aemulari soliti. Typi Augustorum in nummis uxorum repraesentati. Nummi Corneliae Paullae L. F. & L. Δ. notati, necnon nummi Anniae Faustinae & Aquiliae Severae cum L. B. per nostram conjecturam recte explicati. Dio & Herodianus per eandem conjecturam conciliati. Nummi Elagabali inscripti TR. P. COS. II. non pugnat cum dicta conjectura.

PRioris Dissertationis pag. 102. observatum nobis fuit, recitari a Vaillantio in nummis Graecis nummum Juliae Corneliae Paullae prioris uxoris Elagabali notatum L. F. anno 111., in quo Imperator eques Pacificatoris habitu. Eadem occasione clypeum alterius nummi ejusdem Augustae protulimus, quem una cum aliquot aliis ex percelebri suo museo nobis Venetiis per literas transmiserat D. Jo. Dom. Theupolus: in quo visitur Imperator eques nudus, capite laureato, dextra globum, sinistra scipionem; atque hunc, quum eandem notam L. F., ipsumque Imperatorem pariter equitem praeferreret, priori similem, tamen non in omnibus similis esset, minus quidem, ut verum fatear, exacte vocaveram. Porro quum in nummis Latinis, in quibus Imperator eques habitu pacificatoris effertur, plerumque adponi solet epigraphe: *ADVENTVS AVGVSTI*, ac sint re ipsa apud eundem Vaillantium nummi ipsius Elagabali eodem typo, eademque epigraphe insigniti: hinc nummum illum

Corneliae Paullae a Vaillantio memoratum, quum ad nullum alium Elagabali Adventum, quam quum Romam venit, referri posse videretur, circa tempus, quo Romam re ipsa is venit, aut non multo post percussus fuisse, intuleram. Quoniam vero Romam venerat Elagabalus anno Ch. 219., postquam Nicomediae hiemasset, ibidemque aliquanto etiam, post ipsa hiberna, tumultus aliquot, ut ostenderam pag. 15., restitutus substitisset: hoc recte systemati nostro congruere affirmaveram, quum circa id tempus tertium imperii sui annum eo nummo notatum probe attingere potuisset. Ex eodem nummo pariter deduxeram, quod, si Elagabalus Corneliam Paullam post suum ad Urbem adventum duxit, statim, ac nulla fere mora interjecta eam duxerit. Quod indicari quoque a Dione notavi, qui apud Xiphilinum Corneliam Paullam sibi illum despondisse scribit, *ut fieret pater, sicuti dicebat, celerius.*

Tria his opponit Cl. Vignolius pag. 31. & seqq. I. quod nummus ille Corneliae Paullae, quem ego ex museo D. Theupoli attuleram, minime ad Adventum Elagabali pertinere possit, quum in eo non Imperator eques habitu pacificatoris descriptus sit, sed equestris nudi pueruli figura, quam Genium potius aliquem, quam Romanum Imperatorem referre, ipse existimat. II. quod nummus ille Aegyptiacus sit, non Latinus, ac Romani quidem Senatus cura esset, ut quoties Imperator aliquis ad Urbem accederet, in suis nummis illius adventum exprimeret, non vero Aegyptiorum. III. quod idem nummus Corneliae Paullae caput exhibeat, non Elagabali, adeoque nec hujus adventum significare possit. Addit vero, Elagabalum Corneliam Paullam Romae duxisse, quum Dio & Herodianus eas nuptias recenseant, postquam illum jam Romam venisse scripissent: ac postremo contendit,

ex

ex eo, quod tradat Dio eundem Elagabalum illam duxisse, *ut fieret pater, sicuti dicebat, celerius*, minime inferri, quod statim post suum ad Urbem adventum eam duxerit, quum ad suam potius aetatem excusandam id dixisse videatur Elagabalus, utpote annos tum natus circiter sedecim, qua de causa & statim de eodem subdit Dio: *qui ne vir quidem esse poterat.*

Quod ad primum, licet nummus Corneliae Paullae, quem ex museo D. Theupoli protuli, non exhibeat Imperatorem equitem habitu Pacificatoris, illum tamen revera exhibet nummus ex museo Maurocenico recitatus a Vaillantio in nummis Graecis edit. Amstel. pag. 131. ubi hunc in modum describitur: *L. F. anno tertio. Imperator eques pacificatoris habitu.* Quare nil refert quod duo illi nummi similes omnino sint, aut prorsus dissimiles, quum satis sit, eum, quem laudat Vaillantius; illum in modum vere se habere.

Quod vero ad secundum, quamvis nummus ille Aegyptiacus sit non Latinus, multum tamen verisimile est; quod docet Nicolaus Toinardus in Dissert. *de Commodi Imperatoris aetate in nummis inscripta*, nimirum Graecos Latinorum numismatum typos aemulari solitos fuisse. Sic enim quum ille laudatae Dissert. pag. 3. ad annum aetatis Commodi 20. Ch. 180. duos nummos Aegyptiacos ipsius Commodi ex Thesaurο Muroceni recitasset, atque hos cum duobus Latinis contulisset, subdit: *Ex his duobus numismatis videre est, Graecos Latina numismata imitari, uti a me identidem ad annos insequentes indicabitur. Id discimus ex aereis, rarissimisque, tam magni, quam maximi moduli ejusdem Commodi numismatis apud Occonem pag. 317. & 318. ac Mediobarbum pag. 246. & 248. in quibus epigraphe: TEMPORUM FELICITAS TR. P. VII. COS. III. P. P. vel TR. P. VIII. COS. IIII. cum typo quatuor puerulorum quatuor anni*

anni tempestates designantium. Simile enim cuderunt Laodicensi, in quo: ΕΤΤΥΧΕΙC ΚΑΙΡΟΙ, id est FELICIA TEMPORA, teste Jac. Sponio peregrinationum suarum tom. III. pag. 191. Videatur idem Toynardus pag. 4. & alibi.

Quod denique ad tertium, licet idem nummus caput Corneliae Paullae exhibeat, non Elagabali, novum tamen non est, aut insolens, ut in nummis Augustarum virorum Augustorum typi repraesententur. Id patet, ut alia innumera exempla mittam, ex insigni nummo primae magnitudinis ipsius Corneliae Paullae a Juliopolitis percusso apud Vaillantium, in cuius priori parte videtur caput ejus Augustae cum epigraphe: ΙΟΤΑΙΑ ΚΟΡΝΗΛΙΑ ΠΑΥΛΑ CEB., in aversa vero Elagabalus peludatus stat in quadrigis scipionem eburneum tenens, cum epigraphe: ΙΟΤΑΙΟΝΙΟΛΕΙΤΩΝ. Ceterum quod Dio & Herodianus Elagabalum Corneliā Paullam duxisse in matrimonium narrent, postquam venisse eum Romam jam tradidissent, hinc profecto colligi nequit, eas nuptias post illius ad Urbem adventum celebratas fuisse: quum notum sit, Historicos non omnia per seriem, atque ordine temporis servato recensere. Ut ut tamen fuit, non video, cur, si duxit postquam Romam venit, ducere statim, aut non multo post suum adventum, haud potuerit. Nam etiamsi Viro Cl. concedamus, Elagabalum, dum eam se ducere distitabat, ut fieret pater celerius, id dixisse ad aetatem suam excusandum: attamen hinc magis evincitur, illam, ubi primum advenit, quum nempe esset annorum dumtaxat circiter quindecim, duxisse, minime vedistulisse nuptias usque ad annum decimum sextum aut, ut mox dicemus, decimum septimum; quo sano tempore, ut minus idonea excusatio illa fuisset, sic minus aequa videri posset nota illi a Dione inusta, quod nempe uxorem duxerit, ac fieri pater voluerit, dum ne vir quidem esse poterat. Ob.

Observaveram deinde pag. 103., alium Gracchum nummum ejusdem Corneliae Paullae a Vaillantio laudari signatum L. Δ. anno IV. Hinc, quum ex Herodiano constaret, Elagabalum eam non multum retinuisse, sed *μὲν ὁλίγον χρόνον post parvum tempus* cum ea divortium fecisse, contra vero ex Dione apparet, eandem non multo post sui Romam adventum duxisse, haec etiam recte per nostram conjecturam explicari posse dixeram. Si enim initium imperii Elagabali desumamus a die VII. Aprilis anni Ch. 217., ac Elagabalum anno 219., quo Romam venit, puta circamensem Junium, Corneliā Paullam sibi despondisse statuamus, retinuerit vero usque ad mensem Aprilem anni 220., recte ipsi Corneliae Paullae cudi potuissent nummi anno IV. imperii Elagabali inscripti, ut & tempus illud, quod a mense Junio anni 219. usque ad mensem Aprilem anni 220. fluxit, recte ab Herodiano *ὁλίγον parvum* dici potuisset. Contra vero, si initium Elagabali a die XVI. Maji Ch. 218. repetatur, quum quartus ejus annus non coepisset nisi die pariter XVI. Maji anni 221., ad hoc usque tempus Corneliā Paullam Elagabalum retinuisse, dici oporteret. Si autem a suo ad Urbem adventu, qui proculdubio contigit anno 219., usque ad mensem Majum anni 221. retinuisset, *parvum* profecto illud tempus dici ab Herodiano non potuisset.

Cl. Vignolius pag. 34. postquam adnotaverat verba illa a Dione de Elagabalo dicta: *ut fieret pater, sicuti dicebat, celerius*, non ita esse intelligenda, quasi statim ipse Elagabalus post sui Romam adventum Corneliā Paullam duxisset, sed dictum id fuisse ab eodem Elagabalo ad aetatem suam excusandam, docet, non ante illum sibi eandem despondisse, quam tertius sui imperii annus in exitu esset: atque ita non aliud ma-

maius temporis spatium brevi huic conjugio tribui posse ait, quam anni tertii exitum & quarti initium, sicuti re ipsa exstant nummi ipsius Corneliae Paullae anno 111. & 1v. imperii Elagabali notati. Jam ergo per Cl. Vignolium Corneliam Paullam non duxit Elagabalus nisi circa mensem Aprilem, aut Majum anni Ch. 221., hic enim tertii anni illius imperii exitus. Ac quoniam ex Herodiano lib. 5. cap. 3. quum die xvi. Maji anni Ch. 218. acclamatus fuit Imperator, annos natus erat *circiter quatuordecim*, hinc, quum Corneliam postea despondit, annos natus fuerit, necesse est, circiter septemdecim. Si autem annos tum natus erat circiter septemdecim, cur pro uxore ducenda aetatem suam excusavit? cur adeo praecoces eas nuptias putavit Dio, ut illum notaverit, quod *pater fieri* voluisset, quum *ne vir quidem esse* posset? Rectius itaque dicendum videtur, eum Corneliam duxisse circa tempus, quo Romam advenit, quum nimirum esset annorum dumtaxat circiter quindecim: ac quum eandem post parvum tempus repudiaverit, differri id repudium non poterit usque in mensem Majum anni 221.

Repudiata Cornelia Paulla, dixeram pag. 105., Elagabalum Aquiliam Severam duxisse, atque hujus nummum dedimus ex museo D. Theupoli insignitum L. Δ. anno 1v. Aquilia etiam Severa paullo post dimissa, tertiam duxisse, observavi, nimirum Anniam Faustina, cujus nummi exstant notati L. E. anno v., & post hanc aliam etiam, atque aliam, ac dein iterum ad Aquiliam Severam, cujus pariter sunt nummi eodem L. E. anno v. ob signati, rediisse. Haec autem tot Elagabali matrimonia, quae in aliorum sententia, ut in fine etiam cap. xiv. huius Dissert. ostendimus, sat bene explicari nequeunt, recte per nostram conjecturam explicari posse diximus. Deducto enim initio im-

imperii Elagabali a die viii. Aprilis anni Ch. 217., Elagabalus quum anno Ch. 219. Romam venit, annum tertium sui imperii numerasset: ac si tum duxisset Corneliam Paullam, eamque retinisset usque ad Aprilem anni 220. recte cudi ei potuissent nummi anno iiii. & iv. inscripti. Quum autem dimissa Cornelia sibi Aquiliam Severam adieciverit, atque hac pariter paullo post repudiata ad Anniam Faustinaam migraverit, si hanc quoque usque ad Aprilem anni 221. retinisset, cudi illi pariter potuissent nummi cum anno v. Ab eo autem tempore usque ad Martium anni 222., quo occisus fuit, recte potuisset, tum ipsam Anniam Faustinaam repudiare, tum duo alia matrimonia inire, tum denique ad Aquiliam Severam jam dimissam redire.

Quod de Anniae Faustinae, post quintum annum initum, repudio, duobusque aliis matrimoniis, necnon reditu ad Aquiliam Severam dixeram, omnino praeterit Vir. Cl. Primum cogitaveram, eum fortasse contendere potuisse, non bene ex nummis Anniae Faustinae anno v. imperii Elagabali inscriptis deduci, eundem Elagabalum post quintum annum initum ipsam Anniam Faustinaam repudiasse, duoque illa alia matrimonia junxisse, quod forte putaret, eidem Anniae Faustinae, etiam postquam repudiata fuisset, percuti nummos potuisse. Ideo enim pag. 35. docet, nummum Corneliae Paullae, qui anni iv. notam praefert, illi cudi ab Aegyptiis non potuisse, postquam repudiata fuerat ab Elagabalo, quia ipse Elagabalus teste Herodiano quum paullo post eam dimisit, ἰδιωτεύειν κελεύσας, καὶ τῶν τιμῶν παρελόμενῳ *privatam colere vitam iussit, honoribus etiam* (sic ipse V. C. vertit) *ademitis*. Unde suspicabar, quod, quum haec de Annia Faustina minime scribat Herodianus,

Z

indi-

indicare forte ea observatione V. C. voluisset, ipsi nummos eudi, tametii repudiatæ, potuisse. At postea memini, illum pag. 87. ex nummo Anniae Faustinae anno v. imperii Elagabali signato probare, ipsum Elagabalum, quinto anno imperii jam inito sibi Anniam Faustina[m] despondisse. Ceterum videtis supra pag. 160. textum Herodiani, quo Corneliae Paulæ repudium describitur, ejusdemque textus ad verbum versionem.

Iis explicatis, addideram pag. 107., recte etiam per nostram conjecturam conciliari inter se posse Dionem & Herodianum quod ad tempus imperii ipsius Elagabali, tametii prior tradat eum regnasse annos tres, menses novem, & dies quatuor, alter vero sexennium. Dixeram namque Dionem id temporis expresse numerare a praelio cum Macrino die vii. Junii anni Ch. 218. inito, Herodianum vero computasse forte a nece Caracallæ, hoc est a die viii. Aprilis anni 217., a quo tempore usque ad mensem Martium anni 222. quo interfectus Elagabalus, sex anni fluunt Juliani utrimque incompleti.

Haec rejicit V. C. pag. 16. & seqq., aitque; quod si ex quatuor annis Julianis completis, duobusque extremis incompletis id sexennium Herodianus composuisset; annum Julianum 217. jam initum, quum Macrinus regnare coepit, & qui hujus sexennii prior censetur, tamquam plenum numerasset: illumque imperio Macrini minime tribuisset: quum contra Herodianus lib. 5. cap. 2. & 3. Macrinum annum unum regnasse scribat, atque annum hunc, quem Macrino non Elagabalo adscribit, non tamquam plenum numeret, sed computet a die xi. Aprilis anni 217., quae electus fuit Imperator, ad mensem Aprile[m] anni insequentis, nullo respectu habito duorum fere mensium, quos ultra an-

annum integrum imperio ille praefuit; nam si tamquam plenum eundem annum numerasset, ac pro uno anno Juliano integro accepisset, annum pariter 218., quo usque ad mensem Junium idem Macrinus regnavit, eundem in modum computare debuisset, atque ita non unum, sed duos annos illi adscripseret. Docet vero pag. 91., textum Herodiani, ubi lib. 5. cap. ult. dicitur Elagabalus regnasse *eis ἔτεσιν ἑτέροις in sextum annum* a librariis corruptum fuisse, legendumque esse *eis τεταρτίον ἑτέροις in quintum annum*.

Enimvero non negamus, Herodianum annum illum, quem Macrinum regnasse tradit, ipsi Macrino re vera adscripsisse. At cur fieri etiam non potuit, ut tempus postea Elagabali consignans, non illud solum numeraverit, quo post Macrinum re vera imperavit, sed & quod per nostram conjecturam sibi ille ipse adrogaverat? Quin si Herodianus annum, quem tribuit Macrino, computavit, ut vult V. C., a mense Aprili anni Ch. 217. ad mensem Aprilem anni 218., neglectis duobus fere mensibus, quos ultra annum integrum imperio praefuit, ac Elagabalo deinde quinque annos, ut ipse pariter contendit, largitus est, profecto & partem anni 218., quam Macrino tribuerat, iterum ipsi Elagabalo adscribit. Neque enim alio modo explicari possunt quinque illi anni, quam quod tam prior, qui coeptus anno 218. jam inito, quam postremus, qui desinit circa medium annum 222., qui sane incompleti, pro Julianis completis, seu integris accepti sint. Rursus annum Julianum 222., quem per ipsum pariter adscribit Herodianus Elagabalo, iterum postea concedit Alexandro, quum regnasse hunc, scribat lib. 6. cap. ult. & lib. 7. cap. 1., *annos quatuordecim*, qui certe nisi computentur ab anno Ch. 222., prorogabitur Alexandri imperium usque ad annum Ch. 236., quum ceteroqui interfectus fuerit an-

no 235. Praeterea annum 235., quem idem Herodianus assignavit Alexandro, denuo successori Maximino adscribit: nam lib. 7. cap. 4. loquens de Afrorum a Maximino defectione, quae contigit anno Ch. 237. & quidem ante diem xxvii. Maji, qua Romae Gordiani literae lectae fuerunt, scribit eam contigisse, *quum compleretur triennale ejus imperium*. Vide quae in hunc Herodiani locum cap. 1v. notavimus: ac si minus placent, quae de phrasi addidi, qua aliquid compleri dicatur, quum primum etiam advenit, atque inchoatur, quum in eo praesertim textu, quem ex Act. Apost. cap. 2. v. 1. ibi attuli, vulgata nostra Latina editio, necnon Syrus interpres legant *dies* in numero plurali, adeo ut non quinquagesimus dies a Paschate, ubi illuxit, compleri dictus sit, sed completi eo adventante fuerint dies quinquaginta: hoc ipsum intelligi poterit de triennali imperio Maximini, quod compleri nempe, aut completum etiam, dictum sit adventante, ac decurrente tertio anno.

Porro Herodianum, ut ad Viri. Ch. argumentum redeamus, tempus, quod cuique Imperatorum assignat, computare per annos integros, eosque Julianos, certissimum puto. Hoc enim non modo apparet ex annis, quos, ut modo vidimus, tribuit Alexandro, sed ex iis etiam, quos Commodus post mortem M. Aurelii concedit. Regnavit namque Commodus post M. Aurelium, qui decessit die xvii. Martii anni Ch. 180., usque ad diem ultimum anni 192., ac nihilominus lib. 1. cap. ult., imperasse eum, scribit, *annos tredecim*: unde priorem annum Ch. 180., qui cetero qui incompletus, pro Juliano completo ei computavit. Si autem V. C. velit, locum illum Herodiani, quo traditur tempus imperii Elagabali, corruptum fuisse a librariis, non pugno: sic enim lis brevi dirimitur, neque opus amplius est,

ut illum in concordiam cum Dione redigamus.

Dixeram eadem pag. 107., quod, quum Dio recensens tempus imperii Elagabali, profiteatur, se illud numerare a pugna cum Macrino habita, hoc ideo declarasse, videri poterat, quod alio etiam a tempore; nimirum a Caracallae interitu ejusdem imperii initium repeteretur. At, ut verum fatear, conjectura haec nulla prorsus habenda est, nam, ut recte docet V. C. pag. 36., non alia de causa Dio id expressisse videtur, quum quia initium imperii Elagabali computari etiam poterat a die XVI. Maji, qua acclamatus is fuerat Imperator. Quae vero ibidem adjecimus de Graecis aliquot Imperatorum catalogis, in quibus Macrinus, tamquam Augustorum albo fuisset exemptus, omittitur, ac de Orosio, qui Elagabali initium constituit anno V. C. 970., qui est Ch. 217., non multum re vera urgeri possunt, quum tum in iis catalogis, tum apud Orosium non pauca menda, erroresque deprehendantur.

Postquam autem cap. vi. conjecturam nostram, ac quae illi quoquo modo faverent, exposuissem, nonnulla, quae adversari eidem posse videbantur, mihi ipse cap. vii. objeci. Ac primum duos nummos Elagabali apud Occonem exstare, animadverti, qui, quum inscripti sint: *TR. P. COS. II.*; cum Consulatu utique secundo Elagabali, qui initus Cal. Jan. anni Ch. 219., junctam exhibent Trib. Pot. sine numero, quae si prima, manifestum est, hujus initium neutiquam sumi a morte Caracallae, seu a mense Aprili anni Ch. 217. nam si inde desumptum fuisset, Cal. Jan. anni 219. Elagabalus inscribi debuisset *TR. P. H.* His respondi, falsum esse Trib. Pot. sine numero semper Trib. Pot. primam significare: idque ostendi ex tribus nummis ejusdem Elagabali inscriptis: *TR. P. COS. III.*, aliisque aliorum Imperatorum.

CL.

Cl. Vignolius tamen pag. 40. contendit, eos nummos, in quibus Elagabalus dicitur *TR. P. COS. II.* perquam strenue fortiterque cum nostro ipso systemate depugnare. Nam quamvis, inquit, Trib. Pot. non numerata non semper primam delignet, neque tamen dici potest, eandem pro prima nunquam esse accipiendam. Ad dignoscendum autem, quandonam Trib. Pot. non numerata pro prima habenda sit, ac quando non habenda, regulam hanc pag. 41. tradit, quod *prima tum utique reputanda est, quum vel Consulatus, vel Imperii numerus, vel aliquod aliud forte non adsit, quod aliquo pacto ei repugnet. Contra vero si cum numero eodem Consulatus vel Imperii, vel cum alio certi temporis indicio jungatur, tum referenda est ad annum illum, cui primo ea ipsa indicia competunt.* Hinc vero infert, quod, quum in iis nummis Elagabali nihil sit, quod ipsi Trib. Pot. primae repugnet, haec pro prima habenda sit.

An haec tam strenue, ac tam fortiter cum nostro systemate depugnant? I. certum illud est, quod Tr. Pot. prima, seu primus annus Tr. Pot. semper effertur sine numero. II. certum pariter, ceteros annos Trib. Pot., licet plerumque per suos numeros exprimantur, aliquando tamen nec raro effertur sine numero: ac videre est apud Mediob. in Hadriano, quod licet hic Imperator Trib. Pot. xxi. instauraverit, in ejus tamen nummis semper signatur *TR. P.* sine numero. III. ex quo non solum primus, sed & ceteri quandoque anni Trib. Pot. sine numero efferuntur, sequitur, quod, quum Tribunitia Potestas in nummis visitur sine numero, nec ex aliquo adjecto sive Consulatus, sive Imperii caractere constat, esse determinate primam, aut secundam, aut tertiam &c., aequae esse potest prima, aut secunda, aut tertia &c. IV. ex quo, quum Trib. Pot. visitur sine numero, nec ex aliquo adjecto caractere constat, esse

esse determinate primam, aut secundam, aut tertiam &c., esse aequè potest prima, aut secunda, aut tertia &c., iterum sequitur, affirmari a nemine posse, eam esse potius primam, quam secundam, aut tertiam &c. V. ex quo, quum Trib. Pot. sine numero, modo nunc laudato, visitur, affirmari nequit, eam esse potius primam, quam secundam, aut tertiam &c., pariter sit, eandem nemini tamquam primam, aut secundam, aut tertiam determinate objici posse.

Aliam, eamque graviolem difficultatem mihi proposueram pag. 112. ex nummo, quem refert Mediobarbus pag. 312., inscripto: *P. M. TR. P. II. COS. III. LIBERAL. AVG. S. C.* Consulatum III. suscepit Elagabalus Cal. Jan. anni Ch. 220., hinc si cum illo iuncta est Trib. Pot. II., hujus initium minime petitur a morte Caracallae, nam tum signata saltem fuisset TR. P. III. Quum hunc nummum laudet Mediobarbus ex Angelonio, Angelonium ipsum consului, deprehendique, quod, quamvis in tabula nummorum hujus Imperatoris num. III. nummum, prout memoratur a Mediobarbo, exhibeat, in Commentariis tamen non eo modo epigraphen legit, sed sic: *P. M. TR. P. II. COS. II.*, atque hanc epigraphen dixi nullo pacto nostro systemati repugnare. Verum Cl. Vignolius pag. 46., verbis Angelonii ex duplici libri ejus editione, allatis, ostendit, in priori editione, quam ipse Angelonius curavit, vere legi: *P. M. TR. P. II. COS. III.*, quamvis in posteriori a Bellorio recognita & illustrata legatur: *TR. P. II. COS. II.*, ediditque pag. 48. nummum, ei quem profert Angelonius, plane similem, quem Romae possideri ait a Fr. Antonio Maria Remedio Monacho Carthusiano. De hac, quae sane omnium potissima, difficultate postremo capite agemus: ac quum alia quoque contra idem nostrum

strum systema post Cl. Vignolium ab Illustris. Adriae Praefule objecta sint, sequenti haec capite exponemus.

CAPUT XVII.

Congiararia Elagabali inscripta TR. P. II. COS. II. non pugnant cum nostra conjectura. Typus Fortunae Reducis non semper Adventum Imperatorum designat. Argumentum ex nummis, qui ad nos non pervenerunt, falsum. Elagabalus non solum Macrinum imperii raptorem declaravit, sed & ipse Antonini Caracallae filius, & imperii successor a militibus declaratus. In argumento, quo probatur, Elagabalum tempus imperii Macrini sibi adscripsisse, ex eo, quod Consulatum ipsius Macrini sibi adrogavit, petitio principii nulla. Nummus Corneliae Paullae cum L. F., in quo Imp. eques Pacificatoris habitu, Vaillantio visus, neque credibile, hunc in ejus nummi descriptione deceptum fuisse. Ratio, quae ab Ill. a Turre explicantur nummi Corneliae Paullae cum L. F. & L. Δ., necnon Anniae Faustinae & Aquiliae Severae cum L. E., commentitia. Herodianus utitur annis Julianis utrimque incompletis. Comparatio inter nostram conjecturam, & utramque ab Illustris. a Turre propositam.

Illustrissimus a Turre in Dissert. de Annis imperii Elagabali cap. i., quamvis nullum nostro commodius systema, quo difficultates omnes, quae in hac controversia occurrunt, penitus exhaustantur, excogitari, posse fateatur, illud tamen, quo suum, quod in Italica epistola proposuerat, tueretur, pluribus nititur refutare. Ac quidem, quum occasione nummi Elagabali ab Angelonio exhibiti, de quo
in

in fine capitis praecedentis, nummos aliquot ejusdem Imperatoris ex Occone, & Mediobarbo laudatam, quorum alii inscripti: *LIB. AVG. P. M. TR. P. II. COS. II.*, alii vero: *LIB. AVG. II. P. M. TR. P. II. COS. II.*, hos nostrum ipsum systema prorsus labefactare contendit. Postquam enim erudite, ac satis accurate ostendisset, Elagabalum nonnisi circa initium mensis Julii anni Ch. 219. Romam Nicomedia venisse, docet pag. 8., nummos illos Congiaria Elagabali praeferentes post ejus ad Urbem adventum perculos fuisse; ac priores quidem inscriptos: *LIB. AVG. P. M. TR. P. II. COS. II.*, referendos cum Vaillantio esse ait ad Congiarium, quod populo dedit, ubi Romam ingressus est, de quo Herodianus lib. v. cap. 5., alios vero inscriptos: *LIBER AVG. II. P. M. TR. P. II. COS. II.*, pertinere, cum eodem Vaillantio affirmat, ad Congiarium datum ob nuptias cum Cornelia Paulla, de quo Xiphilinus. Quare infert, quod quum nummi illi cusi sint, postquam Elagabalus circa initium mensis Julii, aut saltem post mensem, ut saepe ego dixeram, Aprilem anni Ch. 219. Romam venit, ferantque dumtaxat Trib. Pot. II., hujus initium peti non possit a mense Aprili anni 217., nam sic tunc praetulissent Tribunitiam Pot. III.

Argumentationis hujus cardo circa id haud dubie vertitur, num revera illi nummi ad Congiaria, quae populo Romae, aut ob susceptum imperium, aut ob nuptias cum Cornelia Paulla, distribuit Elagabalus, sint, quemadmodum sentit Vaillantius, referendi. At unde habet Vaillantius, eos nummos ad haec Congiaria pertinuisse? Notum est, *Liberalitatis* nomine in nummis non solum Congiaria, quae populo, sed & donativa, quae exercitui in bello dispensabantur, designari. Cur ergo ad aliqua hoc genus donativa, quae

Aa

Ni-

Nicomediae, quum Cal. Jan. anni Ch. 219. Consulatum II. iniit, ac dein quum seditiones turbaeque in Bythinia obortae comprimendae ei fuere, dedisse militibus Elagabalum non inverisimile, spectare eae Liberalitates non potuere? Fateor equidem, horum donativorum Historicos non meminisse, meminisse vero Congiarii, quod, quum Romam venit, ac Corneliam Paulam duxit; distribuit: sed notum pariter est, non omnia a Scriptoribus commemorari; & ad haec Congiaria, ac donativa quod adinet, per saepe Antiquarii ipsi observant, Historicorum de illis silentium a nummis, in quibus eadem repraesentantur, non raro suppleri. Quin Herodianus lib. 5. cap. 5. de Maesa avia Elagabali, antequam hic Imperator acclamatus fuisset, haec habet: *Porro etiam acervos habere nummorum Maesa dicebatur, facileque omnes militibus elargitura, si modo imperium suae soboli restitueretur.* Et initio cap. 6. *Quae ubi nunciata Macrino sunt Antiochiae moranti, edito per exercitus rumore, repertum Antonini filium, pecunias militibus elargiri Juliae sororem &c.* Et paullo post: *Ut autem eo pervenit Julianus statim inclusi milites. . . vociferari Antonini filium: sacculos quoque nummorum plenos, escam scilicet proditiōis astollere.* Mirum autem prorsus videretur, si quum postea ad imperium a militibus earum largitionum spe illectis evectus fuit, nullum iis donativum dedisse, nisi postquam jam Romam venisset. Ut itaque Praeful Cl. demonstraret, eos nummos ad Congiaria Romae distributa referendos esse, ostendi omnino oportuerat, aut nullas antea ab Elagabalo Consulatu II. jam inito factas fuisse militibus largitiones, aut ad has nullo modo eosdem nummos spectare potuisse.

Non ablimili vitio laborat alterum argumentum, quod sumit pag. 9. ex nummis Elagabali, qui typum
prea-

SEV. ALEXANDRI AUG. CAP. XVII. 187
 praeferunt Fortunae Reducis cum inscriptione: P. M.
 TR. P. II. COS. II. Neque enim verum est, typum
 Fortunae reducis, quo mulier repraesentatur dextra te-
 monem, sinistra cornucopiae gerens, tunc tantum mo-
 numentis consignasse Romanos, quum Imperator pri-
 mum in Urbem adventabat, vel absoluta expeditione
 aliqua incolumis redibat. Siquidem Fortunae
 Reduci pariter sacrificabant Romani, quum Impera-
 tor ad aliquam expeditionem proficiscebatur, aut
 longum aliquod iter suscepturus erat: ac sacrificabant
 praeterea, quum Urbe eodem absente, optabant, ut
 veniret, aut reverteretur, faustumque ei iter adpre-
 cabantur. De profectioe haec habet Pagius ad an.
 Ch. 163. num. v., postquam laudasset nummum L. Ve-
 ri inscriptum: TR. P. III. COS. II. FORT. RED.
Fortunae Reduci sacrificatum, quum ad aliquam expe-
ditionem, aut longum aliquod iter suscipiebant. Legan-
 tur quae habet idem Pagius ad annum 169. num. III.,
 necnon quae Mediobarbus pag. 237. in nummum L.
 Veri inscriptum: TR. P. VIII. IMP. V. COS. III.
 FORT. RED. De votis vero, quae pro Imperatorum
 reditu fiebant, sic idem Mediobarbus pag. 276. post-
 quam retulisset nummum Severi in priori parte in-
 scriptum: SEVERVS AVG. P. M. TR. P. XI. COS. III.,
 in posteriori vero: FORTVNA REDVX., ait: *Hero-*
dianus post Plautiani mortem scribit: Ceterum Severus
duobus posthac Praefectis militaribus constitutis,
plurimum in suburbanis, ac circum Campaniae oras
agitabat, jus dicens, ac civilibus negotiis intentus &c.
Unde nummus hic cusus videri potest a S. P. Q. R. dum
eum reducem cupientes Reduci Fortunae sacrificarunt.
 Pagius vero ad an. 211. quum recitasset nummum
 Severi in averfa parte inscriptum: FORTVNA RED.
 P. M. TR. P. XIX. COS. III. P. P., ac notasset eum

Imperatorem Trib. Pot. XIX. vere non attigisse, docet cum nummum, ut & alios, qui apud Mediobarbum, post ejus mortem cufos fuille, dum vivus adhuc crederetur, & *sacrificia pro felici ejus reditu offerrentur*. Exstat etiam apud eundem Mediobarbum pag. 238. nummus L. Veri inscriptus: *TR. P. VIII. IMP. V. COS. III. FORT. RED.* L. Verus, quum anno Ch. 268. decurrente ejus Tribunitia Pot. VIII. secundum Papiam contra Marcomannos profectus fuisset, anno insequenti 269. decurrente ejus Tribunitia Pot. VIII. Romam ob pestem, quae grassabatur, redire coactus fuit, ac in itinere apud Altinum exeunte mense Decembri apoplexi correptus interiit. Non ergo tum Fortunae Reduci sacrificatum, neque nummus ille percussus, ob illius in Urbem reditum, sed pro ejus tantummodo reditu. Quidni ergo & pro Elagabalo sacra fieri Fortunae Reduci, numinique ejusdem Fortunae typo inscribi a Romanis potuere, quo vota illi sua significarent, faustumque eidem iter adprecarentur?

Addit pag. 9. nostrum systema esse prorsus incredibile: nam si Elagabalus, inquit, numerasset Trib. Pot. a die VII. Aprilis an. V. C. 970. Ch. 217., illamque instaurasset eadem die in annis subsequentibus, cogeremur dicere, nullum numisma cum notis Consulatus, & Tribunitiae ejus Potestatis percussum fuille per septem & viginti menses ejus imperii: vel certe nullum ex iis in hoc temporis intervallo cum iis notis conflatum ad nos pervenisse; quum nusquam in universa rei nummariae penu reperiatur vel unum numisma, quod exhibeat conjunctam Trib. Pot. III. cum Consulatu II. inito Cal. Jan. an. Ch. 219., vel III. & V. cum Consulatu III., inito Cal. Jan. anni 220., quo inscribatur etiam anno 221., quum Consulatum quartum non susceperit nisi Cal. Jan. anni 222.

Non

Non moramur, existare apud Mediobarbum pag. 313. nummos, in quibus juncta visitur Trib. Pot. III. cum Consulatu III., atque hos juxta nostrum systema dici posse cuſos intra mensem Aprilem anni Ch. 220., & anni 221., fatemur quippe, vel hoc non obstante difficultatem hanc non exiguam molestiam systemati nostro creare. Verum, quum argumenta, quae ex nummis petuntur, qui ad nostram notitiam non pervenerunt, incerta nonnunquam fallaciaque sint, quemadmodum supra etiam pag. 123. observavimus; hinc in gravioris alterius difficultatis gratiam, quae ex nummis oritur, qui re ipsa ad nos pervenere, cujusmodi sunt ipsi nummi Elagabali Trib. Pot. V. inscripti, & nummi Anniae Faustinae, & Aquiliae Severae anno v. imperii ejusdem Elagabali oblignati, aliquid indulgendum esse arbitramur: adeo ut, si aliqua verisimili ceteroqui conjectura satis graviore ei difficultati occurratur, non multum cauſari debeamus, si minori cuiuspiam incommodo eadem obnoxia deprehendatur: praefertim quum & quae ab ipso Cl. Praefule allatae sunt conjecturae suis minime incommodis careant.

His adductis cap. 1., in examen cap. 11. revocat, quae ad nostrum systema suadendum cap. vi. tradideram. Ac primum ad illud, quod ex Dione, ut supra pag. 166. notaveram, Elagabalum in literis ad Senatum missis Macrinum tamquam imperii raptorem traduxisse: reponit pag. 14. tempus eorum, qui imperium vi & per nefas rapuerunt, successoribus minime adscribi consuevisse, atque in hanc rem affert exempla Othonis, Vitellii, Didii Juliani, & Maximini, qui licet imperium rapuissent, tempus tamen, quod in imperio ii exegerant, successores nequaquam sibi vindicarunt. At nemo est, qui non videat, quam diversa, atque abs re aliena ejusmodi exempla sunt, quum nemo

mo eorum, qui imperium post eos susceperunt, *filius successorque* illorum, quibus *vita* antea, aut imperium ereptum fuerat, declaratus, quemadmodum Elagabalus, fuerit, nec aut a militibus, aut a Senatu hoc nomine, uti re vera idem Elagabalus, imperio donatus.

Ad factum Elagabali, quo, ut supra pag. 167., observaveram cum Macrini Consulatum sibi adscripsisse, dixeramque, id juxta nostram conjecturam recte explicari: respondet pag. 16., me hac in re falsa argumentatione, quam petitionem principii vocant, usum fuisse; nam ex quo Elagabalus ad se pertinere Macrini imperium putabat, ait, me inferre ad Consulatum: quod sane falsum, quum contra potius ex quo Elagabalus Consulatum Macrini anni Ch. 218. sibi adrogavit, quod ex Dione & Fastis constat, ad imperium anni praecedentis 217., de quo est quaestio, intulerim; quatenus nimirum, ut frequentissime similibus in rebus fit, illud ex hoc probe consequi atque explicari ostendi.

Transit pag. 17. ad argumentum, quod ego erueram ex nummo Corneliae Paullae, quem ex museo Mauroceno laudat Vaillantius, notato L. R. anno 111., ac in quo visitur, ut diserte habet, idem Vaillantius *Imperator eques pacificatoris habitu*, de quo argumento vide supra pag. 171. & seqq. Ostendit autem in primis laudata pag. 17. & seqq., in nummo, quem ex museo D. Theupoli occasione illius, qui apud Vaillantium produxeram, eidemque similem utcumque minus castigatè vocaveram, Imperatorem *habitu pacificatoris* minime, quod equidem verum, exhiberi: aitque pag. 21., nummum, quem refert Vaillantius ex museo Mauroceno perperam ab ipso Vaillantio describi; nam Patinus, inquit, qui illud ipsum museum tractavit, atque ejus
nu-

numismata omnia singulari libro nobis descripta reliquit, quum nummum Corneliae Paullae profert pag. 132., nil quidem de *Pacificatoris habitu*, sed haec tantummodo verba habet: *Imperator eques*. Quare, subiicit, Vaillantius de suo *Pacificatorem* addidit, non viso nummo: vel si illum fortasse vidit certe deceptus est, ut constat ex typo musei Theupoliani.

Quod ait Praeful Cl., Vaillantium nummum, de quo agimus, non vidisse, refellitur manifeste ab ipso Vaillantio, qui in Praefatione num. 111. testatur, nullos se nummos descriptisse, quos non ipse manibus suis contrectasset. *Potuissem, inquit, nihilominus longe ampliorem hic seriem texere, sed intellegebam sane, quam proclive esset ab aliis in errorem induci, qui non tam vident, quam se vidisse putant. Quare firmus in ea sententia perstisti, nullos ut describerem nummos, quos non ipse meis manibus contrectassem, certus nec falli, nec fallere.* Quod vero nummo viso idem Vaillantius deceptus sit, ac *Imperatorem equitem, nudum, dextra globum, sinistra scipionem gestantem*, qualis cernitur in nummo D. Theupoli, pro *Imperatore* acceperit, qui *habitu pacificatoris* repraesentetur, incredibile prorsus existimandum, quum praesertim tot ipse nummostraxasset, ac in nummis, cum aereis, tum aureis, & argenteis descriptisset, in quibus idem pacificatoris habitus exprimebatur. Ac licet Patinus nummum illum recensens habeat tantum: *Imperator eques*: haec tamen descriptio non pugnat cum descriptione, quam habet Vaillantius, in qua pariter est *Imperator eques*; neque mirum videri debet, quod non omnia idem Patinus, uti Vaillantius, expresserit; nam hoc ipsum fateatur Praeful Cl., necesse est, dum putat, eum nummum ejusdem esse typi, ac nummus D. Theupoli, in quo non est tantum *Imperator eques*, sed *nudus* praeterea, ac *dextra globum, & sinistra scipionem gerens*. Post

Post hac cap. III. agit Praeful III. de variis Elagabali matrimoniis: ac quo occurreret difficultatibus, numinisque cum Corneliae Paullae inscriptis *anno IV.* tum Anniae Faustinae, & Aquiliae Severae notatis *anno V.*, quos nonnisi per nostram conjecturam explicari posse, ut supra pag., ostenderam, ad eorum sententiam confugit, qui Aegyptios putarunt annos Imperatorum non a die initi imperii, uti apud Romanos mos erat, numerasse, sed a neomenia Thoth fixi, hoc est a die XXIX. Augusti: ita ut si quis paucis etiam aliquot mensibus, aut diebus ante eam diem salutatatus fuisset Imperator, id tempus pro integro anno computaretur. Sic autem juxta hanc opinionem matrimonia Elagabali satis apte & idonee collocari posse pag. 39. & seqq. existimat. Advenit Elagabalus Romam mense Julio an. Ch. 219., atque intra hunc annum puta mense Novembri duxit Cornelianam Paullam. Huic nummos cuderunt Aegyptii cum anno III. Elagabali, qui coeperat die XXIX Augusti ejusdem anni 219. Eam retinuerit usque ad mensem Septembrem anni insequentis 220., quod tempus *αργυ* breve dici potuit ab Herodiano: ac quum jam coeptus tunc esset annus IV. Elagabali, recte cudi illi potuerunt etiam nummi cum eodem anno IV. Dimissa Cornelia Paula, Aquiliam Severam sibi junxit: eaque etiam paullo post abdicata, tertiam duxit, videlicet Anniam Faustina. Hanc retinuerit usque ad exitum mensis Augusti, vel initium Septembris anni Ch. 221., potuerunt ejus nummi signari anno V. Elagabali. Ab eo autem mense Septembri ad Martium anni 222., quo Elagabalus occisus, recte duas alias uxores potuit sibi adsciscere, & demum ad Aquiliam Severam redire. Non negaverim sat commode, vel hunc in modum plura illa matrimonia Elagabali explicari: at supra a nobis cap. XIV.

jam

jam late ostensum, morem illum annos Imperatorum computandi, qui Agyptiis hic a Cl. Praefule tribuitur, plane commentitium esse, ac Pagium, qui semel ad annum Ch. 69. num. III. eum probaverat, alibi postea tanquam ratione omni, ac fundamento destitutum repudiasse.

Cap. IV. expendit, quae sub finem cap. VI. adduxeram: ac quod de Herodiano, ut supra pag. 178., dixeram, cum *sexennium*, quod imperio Elagabali tribuit, forte numeralle à die VIII. Aprilis anni Ch. 217., à quo tempore ad mensem Martium anni 222. sex anni fluunt Juliani utrimque incompleti, triplici ratione pag. 44. evertere studet. Prima est, quod sic annum illum, quem Macrinum regnasse scribit, Herodianus modo ipsi Macrino, modo Elagabalo adscripseret. Secunda, quod in annis superiorum Principum nequaquam utitur ejusmodi annis utrimque incompletis, & affert exemplum cum Severi, tum Caracallae, quod tamen postremum, nobis prorsus, ut videbimus, favet. Tertia, quod Herodianus unum annum tantummodo imputat Macrino, ac si usus fuisset annis utrimque incompletis, contribuisset duos annos, quum regnaverit à die XI. Aprilis anni 217. ad diem VII. Junii anni 218. Addit, locum illum Herodiani, quo *sexennium* Elagabalo tribuitur, à librariis vitiatum fuisse, atque, loco *αἱ ἑξὼς ἔτος* in *sextum annum*, legendum esse, non quidem ut vult Cl. Vignolius *αἱ πέντε ἔτος* in *quintum annum*, sed *αἱ τέταρτοι ἔτος* in *quartum annum*.

Quod ad priorem rationem pertinet, jam supra pag. 180. ostendi, Herodianum tempus Imperatorum per annos integros, eosque Julianos numeralle: nec novum esse, illum annum quempiam, quem uni Imperatori tribuerat, rursus alteri, quamquam hac de re nos

minime praemoneat, adscripsisse. Exemplis, quae ex annis Alexandri, & Commodi eo loci attuli, addi hic alterum potest ex annis, quos idem Herodianus libro 4. cap. 13. Caracallam post Severi & fratris Getae mortem imperasse tradit. *πᾶσι δὲ ὁ χρόνος ἐν ᾧ μὲν ἐβασίλευσεν ἀντὶ τοῦ πατρὸς, καὶ τοῦ ἀδελφοῦ, ἐν ἑξ ἔτεσι συνετελέσθη. Totum autem tempus, quo solus regnavit, sine patre, & fratre, sex annis absolutum est.* Licet Severus obierit die IV. Februarii anni Ch. 211., Geta tamen non interiit nisi mense Febuario, aut Martio anni 212. Quare ut sexennium hoc, quo solus ac post mortem utriusque gessit imperium, constet, necesse est, ut illud numeraverit a dicto anno 212. ad annum 217., quem tamen totum tribuit etiam Macrino. Quod ad secundum, ex annis, quos Herodianus tribuit Alexandro, & Caracallae, ut modo visum, post mortem Getae, patet, eum usum re vera fuisse annis utrimque incompletis, quod observatum quoque fuit Pagio ad ann. Ch. 236. num. v. Commodio etiam post mortem M. Aurelii tribuit annos tredecim, quorum tamen prior, ut supra diximus pag. . . . non nisi incompletus fuit. Quod denique ad tertium, licet, ut modo ostendimus, Herodianus annos incompletos pro completis accipiat, aliquando tamen postremum annum incompletum nullo modo computat, ut patet in Severo, cui lib. 3. cap. ult. tribuit annos *duodeviginti*, numerandos ab anno Ch. 193., quo jam inito imperium suscepit, ad annum 210., quamvis annum etiam 211. delibasset, quum die IV. Februarii ejusdem anni fato functus sit: unde licet primum annum incompletum pro completo acceperit, postremum tamen annum incompletum omnino praetermisit. Ceterum, si ipse quoque locum illum Herodiani a librariis depravatum fuisse contendat, jam, ut

ut supra pag. 180. monui, quaestio brevi sublata est, nec nobis amplius studendum, ut illum cum Dione conciliemus.

Quae subinde eodem cap. de Dione, Graecis aliquot Imperatorum catalogis, ac Orosio, quos nostro systemati favere dixeram, habet Praeful III., hic ego non persequar: tum quod, ut supra pag. 181., re vera fatear, illis minime esse insistendum, tum etiam, quod vel sine eorum praesidio conjecturam nostram latis probabilem, ac multo sane verisimiliorem, quam quae ab ipso Cl. Praefule propositae sunt, esse censeam. Quod enim ad priorem ejus conjecturam, de qua supra cap. XI., quod nimirum Elagabalus, quemadmodum Macrini Consulatum, initum Cal. Jan. an. Ch. 218., sibi, postquam mense Junio potestatem omnem adeptus fuerat, vindicaverat, ita quoque ab iisdem Calendis imperii sui initium desumere voluerit, ut unum, idemque esset consulatus & imperii principium; jam ostendi, nihil inter duo illa rei esse, quo unum ex alio consequeretur, finemque illum consulatus & imperii initia conjugendi, inanem prorsus demonstravi, quum nullum inde commodum, aut emolumentum percipere Elagabalus potuisset. At pro nostra conjectura verum fundamentum adest, veraque, unum ex alio verisimiliter inferendi ratio elucet: nam re vera Elagabalus Antonini Caracallae filium se jaectitabat, inscribebatque: hoc nomine milites eum elegerant, ac, quod caput est, non Antonini modo filium, sed & ejus in imperio successorem iidem milites declaraverant. Finis autem, quem sibi, in imperii sui initio a morte ipsius Antonini Caracallae deducendo, praestituere poterat, non omnino vanus fuisset: nam sic jura sua ad imperium post mortem ejusdem Caracallae, quae milites, faustusque ipse exitus probaverat, ostendisset. Hinc imperii usur-

patores, raptorem Macrinum vocare potuit, potuit ejus nomen e marmoribus, in quibus Imperatoris & Augusti tituli ei tribuebantur, expungere, ac consulatum ipsum, quem idem Macrinus imperii suscepti ratione inierat, sibi adrogare. Per eandem Praefulis Cl. conjecturam difficultates, quae in hac controverfia ex variis Elagabali matrimoniis, nummisque Aegyptiacis Corneliae Paullae, Aquiliae Severae, & Anniae Faustinae oriuntur, minime explicantur: atque, ut illis quoquo modo occurrat, ad aliam conjecturam de annis Imperatorum diversa ratione ab Aegyptiis atque a Romanis computatis, de qua supra cap. xiv., confugiat, necesse est, quae minus certe probabilis, ac quae ab illis ipsis, quibus semel probata fuerat, rejecta postea fuit, & abdicata. Contra vero per nostram conjecturam difficultates omnes, quae hac in re deprehenduntur, probe, ut vel ipse Praeful Cl. fatetur, explicantur, exhaustiunturque.

Idem apparet de altera conjectura in *Addendis* proposita, quod nempe in textu Xiphilini pro *die* xvi. *Maji* legendum sit *die* xvi. *Martii*. Supra enim cap. xiii. ostendi, nullum adesse fundamentum, cur cum in locum mendum illud irrepsisse suspicemur, quum, quae ab Historicis ab Elagabali acclamatione ad diem habitae cum Macrino pugnae gesta narrantur, recte fieri potuerint intra dies xxiii., ac Graeci Scriptores, qui quatuor annis regnasse Elagabalum tradunt, id tempus non ab illius acclamatione, sed a morte Macrini re vera computaverint. Ac quoniam neque per hanc conjecturam explicari queunt difficultates, quae ex variis Elagabali matrimoniis, nummisque Aegyptiacis ejus uxorum proficiscuntur, hinc illi iterum ad eas expediendas opus est, ut in subsidium eandem modo laudatam conjecturam de *fin-*
gula-

gulari ratione annos Imperatorum in nummis Aegyptiacis notatos computandi, advocet, quam omni pariter fundamento carere jam ostendimus.

Haec autem quum aestate anni superioris scripserissem, ac paullisper eadem quiescere, ad alia vocatus jussissem, novo, eoque pereximio Cl. Vignolii opere controversia haec nostra locupletata est; *Dissertatione* nimirum *II. Apologetica De Anno primo imperii Severi Alexandri Aug.* Hac potissimum Programma Cycli Paschalis S. Hippolyti denuo exponit; ac quo illud cum sua de tempore necis Elagabali & natali imperii Alexandri opinione conciliet, novam, atque aliam prorsus ab ea, quam in priori Dissertatione tradiderat, ac de qua supra cap. II., proponit interpretationem. Quin suam ipsam de imperii cum Elagabali tum Alexandri aetate sententiam aliquanto immutat, nonnulla pro hac magis firmanda adjicit, prioremque suam Dissertationem ab iis, quae ab Illustriss. a Turre objecta illi fuerant, vindicare satagit. Horum aliqua, quae ad rem nostram propius spectare videbuntur, delibare pariter liceat, atque in examen revocare.

C A P U T XVIII.

Nova Cl. Vignolii Dissertatio, in qua priorem suam sententiam de die mortis Elagabali, & Alexandri aliquanto immutat. Nunc Elagabalum occisum tradit ante Calendas Julias anno Ch. 222.; Alexandrum vero non ante initium Octobris anni 235. Bellum Persicum nullo modo gestum ab Alexandro postremo anno sui imperii, sed potius anno Christi 232. Regula a Viro Cl. tradita, de anno Juliano, quem Herodianus antecessori, aut successori tri-

tribuit, falsa. Annus quoque nuptiarum Anniae Faustinae, necnon Corneliae Paullae, & Aquiliae Severae ab eo mutatus. Sententiam nunc primum adsciscit, de annis Imperatorum ab Aegyptiis a neomenia Thoth fixi numeratis.

STatuerat in priori Dissertatione Cl. Vignolius, Elagabalum circa diem xi. Julii anni Ch. 222. interemptum fuisse, Alexandrum vero circa diem xx. ejusdem mensis anni Ch. 235. Nunc autem utrumque terminum submovet, aliosque collocat. Elagabalum extinctum docet ante Cal. Julias ejus anni 222., Alexandrum vero non ante initium Septembris, imo nec ante initium Octobris anni 235.

Prius colligit pag. 115. ex eo, quod Herodianus Alexandri imperio annos quatuordecim tribuit, numerandos quidem, ut nos quoque supra pag. 179. diximus, a Cal. Jan. anni 222., quo occisus fuit Elagabalus: contenditque V.C., annum hunc 222. ideo totum Alexandro ab ipso Herodiano imputari, quod annum, quo Imperator aliquis ante Cal. Julias obiit, successori tribuere, soleat. Hinc locum ejusdem Herodiani, in quo Elagabalus imperium in sextum annum produxisse dicitur, non amplius pag. 100. corrigendum censet, ut in priori Dissert. in quintum annum, sed in quartum annum, quum annum Julianum 222., quo ante Cal. Julias Elagabalus interiit, uti primum Alexandri idem Herodianus enumeret. Sic etiam ubi apud ipsum Herodianum lib. 7. cap. 4. legitur, Afros a Maximino defecisse συμπληρώσης αὐτοῦ τριεὺς βασιλείας, exacto, vertit cum Politiano, imperii triennio, legi jubet pag. 101. pro τριεὺς διετοῦς, quum annum Julianum 235. tamquam decimum quartum Alexandri post Cal. Julias, inquit, interfecti jam Herodianus numerat.

raffet. Hinc etiam argumentum, quo in priori Dissertatione ex nummo max. mod. Anniae Faustinae a Laodicensibus percusso, & ex tempore quo ludi Olympii celebrabantur, probaverat Elagabalum nonnisi aetate anni Ch. 222. e vivis excessisse, de quo supra cap. ix., sponte nunc pag. 116. deserit, atque, Olympia illa certamina eo nummo indicata ad solititium aestivum anni superioris anni 221. esse referenda.

Alterum vero de diuturniori imperio Alexandri probat pag. 102. & seqq. ex eodem Herodiano, qui lib. 6. cap. 5. aetate anni Ch. 235., ait V. C., *Alexandrum per montes Armeniae exercitum adversus Persas ducentem exhibet*, ac dein bello Persico confecto Antiochiam rediisse, atque hinc in Germaniam contendisse eum narrat. *Quo fit*, infert, *ut Alexander, etiam si aestatis initio in montibus Armeniae dicatur fuisse, neque tamen ANTE INITIUM SEPTEMB. in Germania interfici a Maximino potuerit: praesertim quum non statim atque illuc pervenerat, sed post dies plurimos mortem ipsius evenisse Herodianus referat: imo si Lampridio (addi his jubet in Corrigendis) credi potius debeat, qui die vii. Cal. Octobris ejusdem anni Romae illum maximum ac splendidissimum de Persis triumphum agentem (cujus tamen nullum in nummis indicium exstat) atque inde post laetas senatus acclamations in Germaniam proficiscentem repraesentat, neque ANTE OCTOBRIS INITIUM mors ejus poterit consignari.* Hinc quod in priori Dissert. dixerat, Alexandrum eodem anni tempore declaratum fuisse Imperatorem, quo fuit a Maximino interfectus, falsum esse in praesens fatetur, falsumque proinde esse, ait quod tradunt Lampridius, Eutropius, alique veteres Scriptores, eundem Alexandrum annos tredecim & dies octo, vel novem in imperio vixisse.

Haec si ita sint, jam argumenta illa, quibus in
prio-

priori Dissertatione probaverat, Alexandrum aestivo tempore necatum fuisse, nihili vel ipsius iudicio facienda. Falsum itaque quod pag. 78. dixerat, quod si alio ab aestivo tempore Alexandri mors evenisset, *credi vix posset, aut ne vix quidem, milites, ipsasque Principis excubias, atque adeo cunctos in tentoriis degentes post convivium somno ita obrutos fuisse, ut prodi tentoria potuerint.* Falsum iterum quod eadem pag. de pulvere equorum pedibus excitato docet, dum mane, inquit, *atque adeo hora diei prima alia anni parte quam aestiva pulverem equorum pedibus excitari posse in Germania praesertim, ubi hoc accidit, quis tam credulus ut vel jurato haec narranti fidem habeat?* Falsum denique quod pag. 80. de Maximino, qui quum diurno tempore dum quiesceret interfectus fuerit, *id alio tempore quam aestivo vix dici de eo potuisse,* affirmat.

Porto quaecumque contra priorem illius de tempore necis Alexandri opinionem a nobis allata sunt, posteriorem hanc etiam prorsus evertunt. Si enim differri nequit ejus mors usque in diem xx. Julii anni Ch. 235., multo minus prorogari poterit usque in initium Octobris. Imo quum ex hac mortis Alexandri usque in initium Octobris dilatione consequatur quoque dilatio mortis Maximini inensem Octobrem anni 238., mors pariter Maximini & Balbini non ante medium Decembrem ejusdem anni 238. consignari ab eo poterit, uti mors Gordiani Pii non ante medium Decembrem anni 244., & mors Philippi non ante medium Decembrem anni 249. Praeter autem duas supra triginta leges Gordiani datas ante Idus Octobres anni 238. *Pio & Pontiano Coss.*, & duodecim Philippi datas ante Idus itidem Octobres anni 244. *Peregrino & Aemiliano Coss.*, quas cap. vi. ex Codice Justiniani recitavimus, addi hic possunt ex eodem Co-

Codice aliae undecim Gordiani, quarum decem datae sunt eodem mense Octobri anni 238., & una mense Novembri, & duae Philippi; quae datae pariter mense ipso Octobri anni 244. Leges Gordiani sunt L. 1. *Si ut omiffam hereditatem*, data *Id. Octob.*, L. ix. *Ad legem Falcidiam*, & L. v. *De solutionibus & liberat.*, datae xv. *Cal. Novemb.*, L. iv. *De rei vindicat.*, data xii. *Cal. Novemb.*, L. ii. *De temporibus in integr. restit.*, & L. xii. *De excusationibus tutorum & curat.*, datae xi. *Cal. Novemb.*, L. iii. *De tempor. in integ. restit.*, data x. *Cal. Novemb.*, L. iii. *De magistrat. convenien.*, data viii. *Cal. Novemb.*, L. iv. *Si reus vel accusator*, data vii. *Cal. Novemb.*, L. vii. *De distract. pign.*, data v. *Cal. Novemb.*, L. vi. *De suspectis tutor. & curat.*, data v. *Idus Novemb.* Leges vero Philippi sunt L. xii. *De fideicommissis*, data *Id. Octob.*, L. viii. *De suspectis tutor. vel curat.*, data xiiii. *Cal. Novemb.* Decum etiam existat L. ii. *De heredit. action.* data xiiii. *Cal. Novemb.* *Aemiliano & Aquilino Coss.*, qui fuerunt Consules anni Ch. 249., ostensumque nobis est in fine laudati cap. vi. nummi Herennii Etrusci ab Anazarbensibus percussi auctoritate, ante Calendas saltem Octobres ejusdem anni Ch. 249., hoc est ante exitum anni Epochae Anazarbensium cclxviii. ipsum Decium imperium jam auspdatum fuisse, ac filium suum Herennium Etruscum Caesarem post mortem utique Philippi declarasse, atque hujus rei nuncium Anazarbum pervenisse.

Non diffitemur autem, Herodianum lib. 6. cap. 5. aestate anni Ch. 235. Alexandrum bellum Persis inferentem, alteramque ejus exercitus partem per montes Armeniae iter facientem nobis exhibere, quum Persicam ipsam expeditionem quartodecimo imperii ejus anno jam into eodem lib. cap. 2. inchoatam

Cc

fuit.

fuisse scribat. Εἰς μὲν ἑν τρισκαίδεκα ἔτος, ὅταν ἐπ' αὐ-
 τῷ τῶν βασιλείαν ἀπέμεινεν διώκησε. τῷ δὲ τεσσαρεσκαίδε-
 κατῷ ἔτει, ἀφ' οὗ καὶ ἐκείνην γράμματα τῶν κατὰ Συρίαν τε καὶ
 Μεσοποταμίαν ἡγεμένων δηλοῦντα, ὅτι Ἀρταξέρξης ὁ περὶ τὸν βα-
 σιλεὺς &c. *Annis itaque tredecim hunc in modum, quod
 ad ipsum, imperium sine querela Alexander administra-
 vit. Quartodecimo autem anno repente allatae sunt lite-
 rae Syriae, & Mesopotamiae ducum, quibus significa-
 batur, Artaxersem Persarum Regem &c.* Verum ex-
 peditionem hanc non postremo imperii sui anno sed
 aliquanto ante ab Alexandro susceptam fuisse, tam
 certum est, quam quod certissimum. Et si enim de-
 mus ipsum Alexandrum usque in initium Octobris
 anni 235, vitam & imperium protraxisse, manifestum
 tamen est, ea omnia, quae in eadem expeditione, &
 post illam gesta narrat idem Herodianus, & Lampridius,
 nullo modo post initum ipsum quartumdecimum, &
 quidem Calendis etiam Januariis anni 235. imperii ejus
 annum & ante initium ejusdem mensis Octobris fieri
 potuisse. Sic enim rem narrat Herodianus ipso lib. 6.
 cap. 2. & seqq.

I. Eo anno jam inito nuncius affertur Alexandro
 de Artaxerxis Persarum Regis in Mesopotamiam incur-
 sione. II. literas & legatos ad Artaxerxem de pa-
 ce mittit Alexander. III. Artaxerxes sprete Alexan-
 dri legatione, omnem Mesopotamiam decurrit, ac
 castra Romanorum, quae limites imperii tuebantur,
 oppugnat. IV. his acceptis Alexander ad expeditio-
 nem se comparat, militemque, qui hostium multitu-
 dini par esset, ex universis imperii regionibus cogit.
 V. Roma proficiscitur, lustratoque Illyrico Antio-
 chiam venit. VI. hinc legatos ad Artaxerxem iterum
 de pace mittit, qui re infecta redeunt. Nonnulli etiam
 ex Aegypto acciti milites tum ab eo defecere, alii que
 in

in Syria res novas contra imperium moliti sunt, qui tamen statim oppressi. VII. magno jam coacto exercitu milites trifariam Alexander distribuit: partem alteram per Armeniam ad Septentrionem iter facere jubet, atque illinc Medorum fines incurfare: alteram item ad Septentrionem per agros Barbarorum, ubi Tigris & Euphrates junguntur, contendere, tertiam vero medio itinere se adducturum pollicetur. Exercitus per Armeniam contendere iussus, superatis aestate asperimis regionis ejus montibus in Mediam irrumpit, vicos concremat, praedam abigit. VIII. re hac intellecta Artaxerxes huc cum suis copiis venit: ac quum dein accepisset alterum Romanorum exercitum in agros Parthorum, qui ad Orientem spectant, impetum fecisse, veritus, ne inde in Persiam migrarent, eo cum toto exercitu se confert. Interea exercitus, qui in agros Parthorum intraverat, comparente, ac repugnante nullo, negligentius iter faciebat, ratus Alexandrum cum tertia parte copiarum in medios incurrisse Barbaros: qui tamen nec venit, nec exercitum adduxit. Artaxerxes autem quum illuc adventallet, Romanos imparatos, minimeque hostem expectantes cecidit. IX. ejus cladis nuncio accepto Alexander Antiochiam redit, eoque superstitis milites revocat. Ibidem copias iterum instaurat quasi in Persas profecturus, ac quum intellexisset Artaxerxem exercitum suum dimisisse, laxatis belli curis ejus urbis deliciis indulget. Literae eidem Antiochiae pariter agenti redditae sunt, quibus Germani Rhenum & Danubium transgressi in fines Romanos intrasse, nunciabantur. X. in Germaniam proficiscitur Alexander, ac quum ad Rheni ripas constitisset, res ibi ad bellum necessarias comparat. Praelia aliqua geruntur, de pace cum hostibus agitur, ac quum tempus frustra terneretur, deliciisque & aurigationibus ipse Alexander

intentus esset, tandem Maximini opera interimitur. Haec Herodianus: quibus addit Lampridius in ipsius Alexan. vita cap. 56., & seqq., cum post confectum bellum Persicum Antiochia Romam rediisse, splendidissimum triumphum die xxv. Septembris egisse, alia die Circenses & Scenicos ludos necnon Congiarium Populo Romano dedisse: ac deinde ad bellum Germanicum profectum fuisse. Haec certe omnia intra Cal. Jan. anni Ch. 235. & initium Octobris ejusdem anni fieri minime potuere: uti nec intra initium aestatis & exitum mensis Septembris altera exercites Alexandri pars praeceptissimos Armeniae montes superare, in Mediam excurrere, Artaxerxes huc primum, ac deinde in Parthiam cum exercitu contendere, Romanos caedere, Alexander post acceptum de clade suorum nuncium, Antiochiam reverti, copias instaurare, Romam petere, ac denique in Germaniam proficisci potuit: multoque minus post diem xxvi. Septembris & ante initium Octobris potuit idem Alexander Roma in Germaniam proficisci, ibi aliquot praelia gerere, de pace cum hostibus agere, tempus terere, ac deliciis & aurigationibus vacare. Aut ergo multo tardius ejus mors consignanda, aut fatendum, non eo anno Ch. 235. Persicam ipsam expeditionem susceptam fuisse.

Pagius hanc quidem expeditionem susceptam autumat anno Ch. 229., contenditque Alexandrum anni hujus aestate id bellum gessisse, anno 230. Antiochia Romam rediisse, triumphum die xxv. Septembris egisse, post triumphum Antiochiam iterum concessisse, ibidemque tribus, aut quatuor annis ante bellum Germanicum commoratum fuisse, anno 233. Antiochia Romam rursus venisse, anno 234. in Germaniam contendisse, atque anno demum 235. occisum fuisse. Videatur idem Pagius ad dictos annos:

nos: ac simul videantur, quae de hac sententia habet Tillemontius nota v111. in Alex. Ipse vero Tillemontius docet eandem expeditionem neque tardius anno 233., neque citius anno 231. consignari posse: censetque Alexandrum quidem anno 232. profectum aduersus Perlas fuisse, anno 233. bellum gessisse, anno 234. Antiochiam primum, ac dein Romani die xxv. Septembris rediisse, non multo post in Germaniam migrasse, ac anno 235. occubuisse. Videatur hic quoque in Alex. art. xx1. & seqq. Ego autem cum Tillemontio quidem putaverim, cum Imperatorem initio anni 232. aut sub exitum anni praecedentis 231. profectionem in Orientem instituisse, sed aestate quoque ejusdem anni 232. bellum gessisse, autumno anni insequentis Romae triumphasse, anno 234. in Germaniam venisse, ac anno 235. interfectum fuisse. Ratio, cur bellum anno 232. consignandum duxerim, triumphum anno 233., & profectionem in Germaniam anno 234., est quia ex Herodiano lib. 6. cap. 7. apparet ipsum Alexandrum in Germaniam aestate, qua Rhenus navigabilis erat, venisse, pontemque, ut idem flumen cum exercitu transgrederetur, junctis inter se navigiis effecisse. *Confectoque celeriter itinere constitit ad Rheni ripas . . . pontemque primo junctis inter se navigiis fecit in Rheno flumine, ut per eum exercitus transgrederetur: quippe bi maximi fluminum sub Septentrione seruntur Rhenus ac Danubius . . . atque aestate quidem navigabiles altissimo latissimoque alveo, per hiemem dein concreti gelu camporum in morem perequitantur.* Non ergo eodem anno, quo Romae die xxv. Septembris triumphavit, in Germaniam quoque, ut vult Tillemontius, Alexander profectus est: adcoque si annus triumphi non fuit 234., sed 233., neque annus belli erit 233., sed 232.

Ceterum neque ex eo, quod Herodianus imperio
Ale-

Alexandri annos Julianos 14. tribuat, annumque proinde Ch. 235. eidem adscribat, argui potest, ipsum Alexandrum post Cal. Julias ejus anni interfectum fuisse. Regula enim illa, quam statuit V. C., quod annum Julianum, qui unius Imperatoris postremus fuerit, & primus alterius, antecessori quidem, si post Cal. Julias obierit, imputet Herodianus, imputet vero successori, si ille ante eandem Cal. occubuerit, aperte ipsimet Herodiano, non solum in annis, quos tribuit Maximino, quum Afri ab eo defecerunt; sed & in annis, quos Caracallam solum, ac post mortem patris & fratris imperasse, scribit, adversatur. Astorum defectionem, quae contigit anno Ch. 237. ante diem xxvii. Maji, contigisse refert *τρεῖς; triennali* Maximini imperio, ut cap. iv. ostendimus, decurrente; unde annum Ch. 235., qui postremus fuit Alexandri, & prior Maximini, ipsi etiam Maximino assignat. Antoninum vero Caracallam post mortem Severi, qui obiit anno Ch. 211., & Getae, qui obiit anno 212., imperasse tradit, ut supra pag. 194. *annos sex*; qui coepta quidem ipso anno 212., quo obiit Geta, desinunt anno 217., quare annus hic Julianus 217. ipsimet Caracallae, tamen ante Cal. Julias, nimirum die viii. Aprilis, interfectus fuerit, ab Herodiano adscribitur, quamvis idem postea Macrino etiam imputetur. *Triennium* quidem Maximini vertit V. C. in *biennium*: at num & *sexennium* Caracallae, vertet in *quinquennium*? aut a textu Herodiani deleri jubebit verba illa: *μόνῃ ἐβασίλευσεν ὡς τὸ πατὴρ, καὶ τὸ ἀδελφεὸς SOLVS regnavit, sine patre, & FRATRE?*

Ludos Olympios, qui in nummo Anniae Faustinae repraesentantur, ad solititium aestivalum anni 221. nunc revocat V. C., eosdemque ob nuptias ipsius Anniae celebratos iterum supra laudata pag. 116. existimat.

Hinc

Hinc & tempus earumdem nuptiarum, quas in prioris Disert. pag. 87. Aegyptiaco nummo ipsius Anniae Faustinae anno v. imperii Elagabali obsignato celebratas probaverat anno 222. post quartum annum imperii ejusdem Elagabali, & quinto jam inito, ad praedictum annum 221. retrahit. Eodem modo nuptias Corneliae Paullae, quas primum quidem pag. 35. celebratas docuerat anno 221. sub exitum anni tertii Elagabali, ut supra pag. 176., confert nunc pag. 26. in annum 220., aitque, Elagabalum circa finem mensis Junii, aut initio Julii hujus anni 220. illam in uxorem duxisse, ac post dies aliquot repudiasse: *adeo ut Aegyptii circa finem Augusti hujus matrimonii certiores facti nummos cum anno 111., & mense Septembri inveniunt, alios cum anno 112. ei percusserint, nondum scilicet: ejus repudii nuncio accepto.* Qua in re eam vel ipse sententiam nunc primum adsciscit, quod Aegyptii annos Romanorum Imperatorum non a die initi imperii, sed a prima die mensis Thoth, hoc est a die xxix. Augusti numeraverint, ita ut si aliquis ante eam diem imperio potitus fuisset, ea postea die adveniente secundum annum ejus imperii in nummis signare illi coeperint.

De singulari hac annos Imperatorum in nummis Aegyptiacis numerandi ratione jam nobis actum cap. xiv., ubi ostendimus, omni fundamento destitutam esse, ac a Pagio, cui semel probata fuerat, repudiatam postea fuisse. Nuptias Corneliae Paullae anno 219. ut supra pag. 174. consignandas nos potius ducimus, & quidem non multo post Elagabali ad Urbem adventum, quum nempe annos natus hic esset dimtaxat circiter quindecim. Quod autem V. C. docet Elagabalum eandem Paullam aliquot tantummodo dies retinuisse, quia, ut ait pag. 25., Dio recensitis

tis muneribus, quae in ejus nuptiis largitus fuerat Elagabalus, statim subdit: *Post haec*, hoc est, ut explicat V. C., post ea munera, seu Congiarium in nuptiis distributum, *repudiata Paulla*, quod maculam haberet in corpore, *sicuti dicebat*, *Aquiliam Severam duxit*: hoc filium quoque putaverim, quum verba illa *post haec*, ut & multo magis Graecum adverbium *εἰτα*, quò utitur eo loci Dio, idem prorsus ac *postea*, *deinde* significant. De ludis vero Olympiis a Laodiceis in honorem Anniae Faustinae celebratis, quos nunc retrahit V. C. ad solstitium aestivum anni 221., jam a nobis satis cap. ix. disputatum. Ostendimus namque, huiusmodi certamina, quae ad eorum, quae in Elide fiebant, imitationem mittebantur, non eodem anni tempore, quo ipsa Olympia, quae fiebant in Elide, fuisse agitata. Quomodo autem Programmata Cycli Paschalis S. Hippolyti nunc exponat V. C., hoc cap. sequenti.

C A P U T XIX.

Nova explicatio Programmatum Cycli Paschalis S. Hippolyti a Cl. Vignolio proposita refutatur. Hippolytus annum primum imperii Alexandri non pro anno Juliano accepit, sed a die initi imperii more populari numeravit. Nec Aegyptii a Thoth fixo, nec Graeci ab autumno annos Imperatorum vulgo computarunt. Vera Card Norisii hac de re doctrina. Ptolemaei, Herodiani, aliorumque Scriptorum in annis Imperatorum putandis methodus ei explanationi minime favet. Nomen Elagabali in Inscriptione Panviniana in recto positum denotat, Elagabalum quidem statuum Serapidi dicasse, non autem eandem solenni ritu dedicasse.

CL

signare voluisse, ut primo quisque intuitu, clare, aperteque, quis is annus esset, intelligere potuisset. Si enim pro usu Ecclesiarum Canon ille conditus est, ac in eo, quo singulis deinceps annis die, ac mense Pascha foret celebrandum, indigitatum: primus certe ejusdem Canonis annus, qui regula, & ratio ceterorum, perspicue, omnique prorsus ambiguitate submota, exprimi, & declarari debuerat. Hippolytus ergo, quum primum sui Canonis annum per primum annum imperii Alexandri indicavit, primum hunc annum imperii Alexandri acceperit, necesse est, ut vulgo, tam apud Romanos, quam Græcos primus annus cujusque Imperatoris accipi consueverat. Quom autem primus annus cujusque Imperatoris tam apud Romanos, quam Græcos vulgo pro eo acciperetur, qui a die initi Imperii, non vero qui per anticipationem a Cal. Januariis, aut alia quacumque die, numeratur; hinc Hippolytum quoque primum annum imperii Alexandri ab eadem initi imperii die accepisse, fatendum.

Quod vero V. C., ait Aegyptios, uti annum suum civilem a neomenia Thoth fixi ordiebantur, ita annos Principum ab ipsomet Thoth numerasse: id ipsum est, quod cap. xiv. ratione omni, ac fundamento destitutum esse ostendi. Ac licet tritam rem eam esse V. C. affirmet pag. 122., attamen, non video cur vere dici id possit, quum eruditissimos fere quosque recentiorum antiquariorum eadem res aut fugerit, aut spreta saltem, neglectaque ab iis fuerit. Pagius, qui semel eam sententiam docuerat, pluribus postea in locis, ut supra eodem cap. xiv., deferuit. Norisius, ut Patinum, Morellium, Toinardum sileam, Disfert. 4. de Epoch. Syromac. cap. 1. pag. 307. agens de nota *L.*, qua Aegyptii, alique annum in nummis

mis notare solebant, nil prorsus de ea re habet: imo pag. 300. loquens de nummo Hadriano in postica parte inscripto: ΠΡΟΝΟΙΑ. ΚΒ., quae Patinus interpretatur: *Providentia*, anno xxi., imperii scilicet Hadriani, qui sane nummus asserri solet, ut si praecod. cap. xiv. pag. 147., ut probetur, Aegyptios annos Imperatorum a uenomenia Thoth fixi per anticipationem computasse, nummum hunc scribit procul a Bais in Italia, ubi Hadrianus decessit, cudi potuisse, in *Cylicia vel in Syria*, *nandum ibidem obitu Imperatoris intellecto, ut paucis post diebus inueniente anno xxi. imperii ejusdem publicaretur*. Tillemontius etiam, quamvis eandem sententiam non ignoraret, illam tamen nunquam probavit, sed annos Imperatorum in nummis Aegyptiacis notatos, a die initi imperii more Romanorum semper numerandos esse censuit, ut videre est praesertim in Hadriano art. xi., & not. ix. in eundem, ubi hujus Imperatoris Alexandriam Adventum, qui in aliquibus Alexandrinis nummis signatis L. I. B. anno xv. repraesentatur, confert in annum Ch. 132. Illud equidem verum, quod docet idem Norisius Dissert. 3. de Epoch. Syromac. cap. 6. pag. 176. & 177., ipsos Alexandrinos, quum suam Epocham sive Augustanam, sive ab imperio Diocletiani instituerunt, ejus annos a prima die Thoth deduxisse, ut nempe novae epochae idem quod & anni civilis exordium esset: quod fecerunt quoque Romani, quum Augustanam suam epocham auspicaturi, ejus initium Calendis Januariis fixerunt. Ceterum quemadmodum Romani, quamvis annos suae aerae Augustanae a Cal. Jan. una cum anno civili numerarent, annos nihilominus cujusque Imperatoris a die initi ab eo imperii computarunt, sic ab hoc ipso principio Aegyptios, quanvis epocharum suarum initia a Thoth fixo re-

peterent, eosdem annos Imperatorum numerasse, censendum.

Quod vero addit de Graecis, nimirum hos quoque annos Imperatorum ab autumno, quemadmodum Aegyptii a Thoth fixo, per anticipationem computasse, laudatque hanc in rem Em. Norisium, id sane apertissime falsum. Quod docet, ac quidem passim Norisius, est, ipsos Syro-Graecos suarum Epocharum annos ab autumno, unde civiles suos annos auspiciabantur computasse, minime vero annos singulorum Imperatorum. Id enim perspicue apparet non modo ex iis, quae, & supra vidimus, ait de nummo Hadriani inscripto: ΠΡΟΝΟΙΑ. ΚΒ., sed ex iis etiam, quae habet tum Dissert. 3. cap. 7. pag. 215., tum in Epochis Addendis pag. 489. Priori loco profert duos nummos Tiberii, alterum ab Antiochenis sculptum, alterum a Seleucensibus. Nummus Antiochenorum in aversa parte inscriptus est: Α ΕΠΙ. ΣΙΑΑΝΟΤ. ΑΝΤΙΟΧΕΩΝ. ΕΜ. hoc est: *Anno primo. Sub Silano. Antiochenisum. Anno XLV.* Nummus vero Seleucensium: Γ ΕΠΙ. ΣΙΑΑΝΟΤ. ΣΕΛΕΥΚΕΩΝ. ΖΜ. hoc est: *Anno tertio. Sub Silano. Seleucensium. Anno XLVII.* Priores notas numerales Α. & Γ. refert ad annos imperii Tiberii, posteriores vero ΕΜ. & ΖΜ. ad annos Epochae Augustanae, seu ab imperio Augusti in Syria, coeptae, ut supra etiam pag. 144. diximus, autumno anni V. C. 723. ante Ch. 31., atque hos numerat quidem ab autumno, sed annos Tiberii a die XIX. Augusti, qui fuit dies imperii ejus natalis. Ac sane quum annus ejus Epochae XLV. inierit autumno anni Ch. 14., & annus XLVII. autumno anni 16., si Antiocheni & Seleucenses annos imperii Tiberii ab autumno pariter per anticipationem, ut contendit V. C., exorti fuissent, cum eo anno XLV. inire debuisset annus secundus

dus imperii Tiberii, & cum anno XLVII. annus quartus, imperium enim hic susceperat die XIX. Augusti anni Ch. 14. In Epochis vero addendis pag. 489. aliquot nummos recenset eorumdem Antiochenorum, in quibus anni eorum epochae, non quidem Augustanae, sed Caesarianae cum annis imperii Neronis copulantur, ac priores quidem numerandos docet a Calendis Septembris aut Octobris, posteriores vero a die XIII. Octobris, qui fuit pariter dies natalis imperii ipsius Neronis. Inter alios duos nummos ibidem laudat hujus Imperatoris, in quorum alio legitur H. P. E. hoc est: *Anno CVIII. aerae Caesariae Antiochenorum, & quinto imperii Neronis*, & in alio: H. P. E. hoc est: *Anno Item CVIII. ejusdem epochae, & sexto Neronis*. Epocha Caesariana Antiochenorum coepit Calendis Septembris aut Octobris anni V. C. 705. ante Ch. 49., & Nero imperium adeptus est die XIII. Octobris anni V. C. 807. Ch. 54., quare prior nummus cusus fuit post initum jam Calendis Septembris aut Octobris anni V. C. 812. Ch. 59. cum annum Antiochenorum CVIII. & ante diem XIII. Octobris, quum adhuc nempe laboretur annus quintus imperii Neronis, qui die XIII. Octobris complebatur; alius vero post ipsam diem XIII. Octobris, ejusdem anni, postquam scilicet eadem die sextus annus ejus imperii jam iniisset. Si autem ab eodem initio tam annos suae epochae, quam annos Imperatorum aspiciati fuissent Antiocheni, ineunte anno illo CVII. statim quoque inire debuisset annus sextus imperii Neronis; quod tamen falsum, quum junctus quoque cum eodem anno visatur annus quintus.

Qualis autem Hebraeorum in Regum suorum annis supputandis vetus mos fuerit, nil prorsus refert examinare; quum hac in re una Romanorum, alio-

rum-

rumque Graccorum vulgaris consuetudo spectanda sit, a qua Hippolytum in Cyclo suo Paschali pro vulgari usu Ecclesiarum condendo discessisse, minime credibile. Idem dicendum de Ptolemaei, Herodiani, aliorumque Scriptorum exemplo, qui aut in Catalogis Imperatorum texendis, aut in Chroni-
cis, Historiisve conscribendis, non more populari, sed per annos plenos juxta methodi suae rationem tempus ipsorum Imperatorum computarunt. Non enim horum exemplum, sed morem potius, qui vulgo, ac in nummis, ceterisque id genus publicis monumentis tam apud Romanos, quam Graccos servabatur, qui rationi pariter maxime consonus, sequutum Hippolytum fuisse, plane existimandum. Si itaque quum primum Paschalis sui Canonis annum indicavit Hippolytus, eum indicavit per primum annum imperii Alexandri, atque hunc Idibus Aprilibus anni Ch. 222. nobis jam decurrentem semel iterumque exhibuit, Idibus ipsis Aprilibus ejusdem anni imperio jam praefuisse Alexandrum, necesse est.

Aliqua etiam V. C. profert cap. v. pro Panviniana inscriptione, de qua supra cap. xi., quae tamen ad Illustrissimum Adriae Praesulem potius, quam ad me pertinent. Unum tamen addit in fine ejusdem capituli, quod mea potissimum spectat: nam quum ego in priori Dissert., ac laudato cap. xi. dixerim, fieri potuisse, ut eam Serapidis statuam Elagabalus quidem fieri jussuisset, sed ab Alexandro postea, aut hujus saltem tempore dedicata fuerit: is contra contendit, illam dedicatam quoque fuisse ab Elagabalo. Ait enim pag. 51. & sequ. *Qui praeterea statuam illam dedicaverit, Elagabalus sive ut basis inscriptio docet, Imp. Caes. M. Aurel. Antoninus Aug. Pius Felix. Cos. Illl. P. P. appellabatur. Ejus namque nomen in recto ibi positum quid*

quid denotare possit aliud, explicent velim. Haec autem ego sic explicaverim, ut nomen illud in recto in basis inscriptione positum denotet quidem, Elagabalum statuam illam fieri iussisse, ac Serapidi dicasse, minime vero solenni eamdem ritu dedicasse. Duo enim, ac plane diversa isthaec erant, multoque nonnumquam tempore postquam consecratae, ac dicatae ipsae statuae erant, ab Sacerdotibus, ut cap. xi. ostendimus, dedicabantur. In basis itaque inscriptione nomen ejus de more insculptum est, qui statuam dicavit, verbo quidem, quo hoc significetur, ut in plerisque aliis inscriptionibus observare licet, subintellecto: in altera vero, quae a tergo, inscriptione dedicationis memoria posita est, seu tempus, quo ipsa statua *dedicata*, designatum..

C A P U T XX.

Argumentum a Cl. Vignolio contra nostrum conjecturam propositum ex nummo Elagabali inscripto: TR. P. II. COS. III. Similis difficultas eidem Cl. Vignolio solvenda in Commodio, cujus Tribuniziae Potestatis initium confert in annum Ch. 175. Duae ejusdem difficultatis ab eruditis propositae solutiones: quae in re pariter nostra adhiberi possunt.

UT Dissertationem tandem absolvamus, una nobis, eaque sane gravissima, superanda remanet difficultas, quae contra nostrum systema, de annis imperii Elagabali a morte Antonini Caracallae, hoc est a die viii. Aprilis anni Ch. 217. numerandis, a Cl. Vignolio in priori sua Dissertatione proposita est, ac de qua supra in fine cap. xvi. Haec petitur ex nummo ipsius Elagaba-

bali, qui primum ab Angelonio, nunc vero iterum ab eodem Cl. Vignolio audata Dissert. pag. 48. editus est; exhibetque Congiarium Elagabali cum epigrapha: *P. M. TR. P. II. COS. III. LIBERAL. AVG. S. C.* Elagabalus Consulatum III. suscepit Cal. Jan. anni Ch. 220. quo tempore si suae Tribunitiae Pot. initium sumisset a mense Aprili anni 217., Tribunitiam Pot. III. numerare debuisset.

Numinum hunc, si vera illa inscriptio, nostrum systema evertere dixeram in priori Dissertatione pag. 142. Verum, quum illud ipsum argumentum in non absimili alia, quam modo proponam, difficultate solvendum vel ipsi Cl. Vignolio sit; hinc quam asseret ille responsionem eandem ego quoque, usurpavero. In *Diagrammate annorum, quibus Augustus, ceterique deinde Imperatores usque ad Alexandrum Tribunitiam Potestatem & Consulatum susceperunt, & renovarunt*, quod rite in posteriori Dissert. a pag. 73. ad 88. V. C. disponit, pag. 83. initium Tribunitiae Pot. Commodi confert in annum V. C. 928. Ch. 175. circa finem Aug. Ac recte equidem: occisus namque fuit Commodus, ut vel ipse eadem pag. adnotat, *Prid. Cal. Jan.*, seu postremo die Decembris anni V. C. 945, Ch. 192., exstatque illius epitaphium ut & plures ejus nummi, in quibus *TR. P. XVIII.* inscribitur. Sunt etiam nummi ejusdem inscripti: *TR. P. IIII. COS. DES. IT.*, qui cusi profecto fuere ante Cal. Jan. anni Ch. 179. quibus Consulatum II. is suscepit, necnon *TR. P. VIII. COS. III.*, qui cusi ante Cal. Jan. anni 183. & *TR. P. XVII. COS. VI.*, qui pariter cusi ante Cal. Jan. anni 192. Verum initio illi Tribunitiae Pot. Commodi tres nummi potissimum, qui apud Occonem, eundem prorsus in modum, atque initio Tribunitiae Pot. Elagabali a nobis statuto nummus superius laudatus, ad-

adversantur. Prior, quem refert ipse Occo pag. 312., inscriptus est: *TR. P. II. COS. II. S. C. LIBERALITAS. AVG. Imp. insidens substructioni, cum quatuor figuris distribuens congiarium*. Consulatum II. iniit Commodus, ut supra diximus, Cal. Jan. anni Ch. 179., quare si tum numerabat dumtaxat Tribunitiam Pot. II. hujus initium sumi non poterit ab anno 275. circa finem Augusti, nam aliter numerasset Tribunitiam Pot. III. Nummum hunc recitat etiam Mediobarbus pag. 242., sed quodammodo corrumpit, quum loco *COS. II.* reponat *COS.* sine nota numerali, censetque Congiarium illud distributum fuisse in primo Commodi Consulatu anno Ch. 177. ob ejus nuptias cum Crispina. Secundus nummus, quem recitat idem Occo pag. 313., haec habet: *T. P. III. IMP. II. COS. III. P. P. Spei sedentis typus*. Consulatu III. insignitus fuit Cal. Jan. anni Ch. 181., ac si Tribunitiam Pot. suscepisset anno 175. circa finem Augusti, gerere tum debuisset Tribunitiam Pot. V. Hunc quoque eadem pag. recenset Mediobarbus, sed in eo etiam loco *COS. III.* reponit *COS.* sine nota numerali. Tertius denique nummus hanc apud eundem Occonem pag. 314. fert epigraphen: *IMP. TR. P. V. COS. III. F. EXERC. Imperator adloquitur cohortes*; cuiusque videtur post Cal. quidem Jan. anni 181. quibus, ut diximus, Consulatum III. iniit Commodus, & ante Cal. Jan. anni 183., quibus iniit Consulatum IV. Hunc nummum eodem modo describit etiam Mediobarbus pag. 244.

Duae maximae hujus difficultatis solutiones ab eruditis afferuntur. Prior est, quam tradit Lacaryus in *Hist. Imperat. Rom.*, dum contendit, duplex initium Tribunitiae Pot. Commodi admittendum esse, alterum anno Ch. 175., & alterum anno 178., quo illum

Ec

a M.

a M. Aurelio Augustum declaratum fuisse existimat. Ab anno 175. numerat Tribunitiam Pot. XVIII., quam Commodus, quum postremo die anni 192. occisus fuit, instauraverat: ab anno vero 178., numerat Tribunitiam Pot. II., quae in nummis juncta cernitur cum Consulatu II., & Tribunitiam Pot. III., & V., quae cum Consulatu III. copulantur.

Eamdem solutionem proponit quoque V. C. Philippus Bonarota in Observat. in num. max. mod. Card. Carpinei pag. 97. & seq., quamvis secundum initium Tribunitiae Pot. ipsius Commodi non ab eo tempore sumat, quo Augustus a M. Aurelio, ut vult Lacarrius, declaratus fuit, sed quum idem M. Aurelius post triumphum Romae actum die XXI. Decembris anni V. C. 929. Ch. 176., ac postquam Lavinium concessisset, eum *sibi collegam*, ut habet Capitolinus in vita ipsius Marci cap. 27. *in Tribunitiam potestatem junxit*. Quamvis enim erroris eo loci ab eruditis accusetur Capitolinus, quod tam sero traditam Tribunitiam Pot. Commodus scripserit, quum ex ejus nummis inscriptis *TR. P. XVIII.* aliisque monumentis colligi prorsus videatur, eam collatam illi fuisse anno Ch. 175., ac Vulcatius in vita Avidii Cassii cap. 13., inter acclamationes quibus Senatus nuncium mortis ipsius Avidii Cassii, quae contigit circa mensem Julium ejusdem anni 175., accepit, has quoque recenscat: *Commodo imperium justum rogamus. . . . Commodo Antonino Tribunitiam potestatem rogamus*: attamen recte conciliari haec posse, Virexinius arbitratur, si dixerimus, Senatum postulasse tum quidem temporis, ut Commodus Tribunitia Pot. conferretur, sed M. Aurelium non nisi uno anno post atque amplius eum sibi collegam in eo magistratu adjunxisse, ac in aliquot proinde nummis numeratam ejus Tribuni-

nitiam Pot. fuisse ab ipsis Senatus acclamationibus, quasi tum Senatusconsultum conditum fuisset, in aliis vero numeratam a tempore, quo a Marco in consortium ejusdem Tribunitiae Pot. adscitus fuit.

Altera solutio est Pagii ad ann. Ch. 175. num. v. & vii., ubi secundo Lacaryi initio, ejusdemque de de tempore, quo Commodus Augustus renunciatus fuit, opinione refutata, docet iis in nummis, in quibus Commodus dicitur *TR. P. II. COS. II. & TR. P. V. COS. III.*, Consulatus ejusmodi pro *designatis* habendos esse, atque ita priorem nummum cūsum esse ait anno Ch. 178., quo fuit Commodus *COS. primum designatus II.*, & alterum cūsum anno 180., quo idem Commodus fuit *COS. II. designatus III.*, aitque, alibi, nimirum in Dissert. Hypat. par. 1. cap. 1., se ostendisse, *Consulatus designatos Caesarum vel Augustorum in nummis & inscriptionibus non raro absolute & sine designatione memorari.* Alium vero nummum, in quo Commodus dicitur *TR. P. III. IMP. II. COS. III.* docet male ab Oecone descriptum fuisse, ac loco *COS. III.*, legendum esse *COS. II.*, qui *secundus consulatus*, subdit, *absolute positus designatus solum erat, adeo ut nummus ille anno CLXXVIII. percussus fuerit antequam Commodus diccretur IMP. III.*

Ex his duabus solutionibus, quam velit, sibi eligat Cl. Vignolius, quo Tribunitiae Pot. Commodi initium abs se in suo Diagrammate statutum tueatur. Si cum Lacarryo ac Bonarota duplex exordium admittere haud absurdum judicaverit, neque ego systema nostrum de initio Tribunitiae Pot. Elagabali quodammodo temperare, ac duplex illius exordium statuere, repugnvero, aliud nempe mense Aprili anni Ch. 217., & aliud Mense Majo, aut Junio anni 218. Ac-

fane si verum sit quod ait Pagius, nummum illum Commodi inscriptum: *TR. P. III. IMP. II. COS. III.* male ab Occone descriptum fuisse, ac loco *COS. III.* legendum esse *COS. II.*, ac forte etiam *IMP. III.* pro *IMP. II.*, retius secundum initium ipsius Commodi consignari potuerit anno Ch. 177., quo Augustea pariter dignitate, ut ostendit idem Pagius contra Lacarryum, exornatus fuit.

Neque vero a duplici huiusmodi Tribunitiae Potestatis Imperatorum initio abhorret idemmet Pagius, quum expresse vel ipse duplex initium Tribunitiae Pot. Antonini Caracallae constituat, unum anno Ch. 197. & alterum anno 198. post Idus Apriles. Videatur ipse Pagius ad dictum annum Ch. 198. num. VII. & IX. & ad annum 203. num. IV. Idem ante Pagium praestiterat Em. Norisius in Dissert. de votis Decenn. pag. 131., quamvis hic utrumque initium statuatur anno Ch. 198., ac prius quidem circa diem XIX. Februarii, alterum vero post Calendas Junias. Ad haec autem duo initia Tribunitiae Pot. Caracallae admittenda adductus Norisius fuerat, quia, quum ipse Caracalla, antequam die VII. Aprilis anni Ch. 217. decessisset, Tribunitiam Pot. XX. instaurasset, necnon ante diem IV. Aprilis anni 200. Tribunitiam Pot. III., probe consequi animadverterat, eum anno 198., & quidem ante diem IV. Aprilis, Tribunitia Pot. donatum fuisse. Ac quoniam rursus exstare Romae observaverat duo praesertim elogia, in quibus cum Tribunitia Pot. XI. Severi, quae juxta ejus opinionem non inierat nisi Calendis Junias an. Ch. 203., juncta erat Tribunitia Pot. V. Caracallae, hinc nonnisi post Calendas ipsas Junias anni 203. eandem Trib. Pot. V. Caracallae, iniisse intulerat, ut & primam nonnisi post Calendas Junias anni 198. Sic ergo, ut haec in concordiam redige-

digeret, docuit Severum, post Albinum die XIX. Februarii anni 198. devictum, inter festa ob reportatam victoriam Antoninum Caesarem abs se antea dictum Imperatorem Augustum destinasse Tribunitia Pot. eidem delata, eodemque anno, quum Galliae ac Britanniae rebus compositis Romam venit, Senatui jussisse, ut Antonino Caesari Imperatoris insignia decerneret: atque *hinc factum*, inquit, *est, ut quum quidam annos augustae dominationis Antonini numerarent a die, qua ille in Gallias a Patre destinatus fuerat Imperator, alii vero a die qua S. C. nomen & insignia imperatoria eidem tradita sunt, in signandis annis Tribunitiae potestatis Antonini variaverint.* Earum inscriptionum, in quibus Severus quidem dicitur *TRIB. POT. XI.*, Antoninus vero Caracalla *TRIB. POT. V.*, alteram cerni Romae affirmat in superiori parte Panthei, alteram vero recitari a Grutero pag. 191., ac licet in priori Severum non *TRIB. POT. XI.* sed *TRIB. POT. X.* legi, nos moneat Cl. Vignolius in posteriori Dissert. pag. 86., in altera tamen, quae apud Gruterum pag. 191. 5., revera ita Severus inscribitur, ut & Antoninus *TRIB. POT. V.* Pagius autem ideo primum initium Trib. Pot. Caracallae confert in annum Ch. 197., quia eo anno censet ipsam Caracallam Imperatorem a patre destinatum fuisse, secundum vero initium anno insequenti 198. post Idus Apriles collocat, quia ab Idibus ipsis Aprilibus anni Ch. 193., non vero a Cal. Juniis, ut vult Norisius, Severum Tribunitiam suam Pot. numerasse existimat.

Si autem, ut ad difficultatem de Commodi initio redeamus, cum ipso Pagio Cl. Vignolius affirmaverit, Consulatus designatos aliquando nec raro absoluto, & sine designatione in nummis memorari, atque ita accipiendum esse Consulatum Il. Commodi cum *T.R.*

P. II.

P. II., & *Consulatum III.* cum *TR. P.V.* conjunctum, idem dici pariter poterit de *Consulatu III.* *Elagabali* cum ejus *TR. P. II.* copulato. Certe quum mors *Elagabali* eoque differri nequeat, ut die *xvi. Maji* anni *Ch. 222.* *Tribunitiam* potestatem quintam, quintumque imperii sui annum inire, ac post cum initum *Anniam Faustinam* repudiare, duo alia matrimonia contrahere, ac demum ad *Aquiliam Severam* redire potuerit, alio a principio quam a die *xvi. Maji* anni *Ch. 218.* ejusdem *Tribunitiae* potestatis & imperii initium repetendum omnino videtur; ac quum non aliud verisimilius principium occurrat, quam quod a morte *Antonini Caracallae*, cujus filius, successorque imperii declaratus a militibus idem *Elagabalus* fuerat, deducatur: hinc si huic ipsi initio difficultas, quae aliis quoque in rebus solvenda est, objiciatur, eandem, quae illis in rebus adhiberi solet, solutionem usurpari pro eo pariter posse crediderim.

Haec vero sunt, ut finem sat prolixae disputationi demum imponam, quae in re tam difficili, implicataque, quo *Cl. Vignolio*, atque *Illustissimo a Turre* satisfacerem, verisimiliter dici posse existimaui. Ceterum si his quoque reponendum *Viri* iidem doctissimi duxerint, ego sane huic nunc controversiae nuncium mitto, nullamque posthac me in hac re infuturum operam plane profiteor. Neque enim is sum, qui longioribus his contentionibus delecter, aut in iisdem tempus, quod ob muneris mei rationem gravioribus alijs ac sanctioribus studiis mihi impendendum, ponere velim. Judicium viris eruditis, qui nullo partium studio laboraverint, lubens permittam: qui si minus etiam nostra probaverint, ac victoriam praestantissimis, iisque mihi amicissimis, adversariis decernendam puraverint,

non

non aegre equidem feram, sed illud mecum ipse, quod
Achelous apud Ovidium, postquam manus cum Her-
cule conseruisset ingeminauero:

nec tam

*Turpe fuit vinci, quam contendisse decorum est:
Magnaue dat nobis tantus solatia victor.*

F I N I S. .

I N D E X R E R U M.

A



Ctii. v. Ludi.

Aegyptii annos civiles a neomenia Thoth fixi numerabant, non vero annos Imperatorum. *pag.* 143. & *seqq.* annos item suae Epochae tum Augustanae cum Diocletianae. 211.

Anazarbi epocha in nummo Herennii Etrusci notata. 59.

Annia Faustina tertia uxor Elagabali. 142. Ejus nummus musci Theopolitani, 6. 79. Alter musci P. Camillardi adulterinus. 90. & *seqq.* frustra a P. Harduino vindicatus *ibid.*, ejus aversa pars sumta ex nummo Antonini Pii, cui similis exstat in museo Mediceo. 98. Quo alii nummi una cum illo constati 99. Fusus est non cufus. 102. Nummi ejusdem Anniae Faustinae anno v. imperii Elagabali notati probant Elagabalum quintum annum imperii iniisse, ac post eum initum Anniam Faustinae repudiasse, duo alia matrimonia celebrasse, & demum ad Aquiliam Severam rediisse. 142. 159.

Antiocheni jus Olimpia edendi ab Elidensibus emunt. 88. eadem mense Octobri celebrant *ibid.* ac dein mense Julio & Augusto. Eorum epocha Augustana seu ab imperio Augusti in Syria in nummis Tiberii notata. 143. 212.

Caesariana in nummis Neronis

213. Annos Imperatorum a die initii imperii non vero ab autumno numerant. 143. 212. 213.

Antoninus Caracalla *Imp. Aug. & Princeps Juventutis* in inscriptione, quae apud Sponium & Forbetrum dictus. 100. Duplex ejus Tribunitiae pot. initium a Pagio & Norisio assertum. 220.

Antonini Pii nummus, ex quo sumta aversa pars nummi Anniae Faustinae P. Chamillardi. 92. Ejus imperii initium a Thot vago proxime verum natalem praecedente a Ptolemaeo computatum. 146.

Apollinares v. Ludi.

Aquileja quo tempore a Maximino obsideri coepta. 74. Etiam ante adventum Maximini ab aliquot copiis oppugnata. 77. Cur ea obsidio dicta ab Herodiano dicturna & inexplicabilis. 75. 76.

Aquila Severa secunda uxor Elagabali. 141. Quo tempore eam duxerit Elagabalus. 177.

Ars modulus plumbeos primae magnitudinis ad formam maximi moduli redigendi, & ex duobus modulis plumbeis annum quempiam nummum conficiendi. 102.

Averanius (Josephus) laudatus. 96. Ejus testimonium de nummi Anniae Faustinae P. Chamillardi constatura. 105.

B

Beroaldus (Philippus) primus omnium librum Cenforini de die natali edidit. 49. Ejus editio neque a Morosio neque a Fabricio laudata. *ibid.*

Bianchi (Sebastianus) laudatus. 96. 100. Ejus testimonium de nummi Annae Faustinae P. Chamillardi constatura. 106.

Bonarota (Philippus) laudatus, 85. Docet plures urnas in nummis non plures ludos, sed plura tantum praemia significare. *ibid.* Varias ludorum appellationes explicat. 88. duplex initium Tribunitiae Pot. Commodi admittit. 219.

C

Canon Paschalis S. Hippolyti incipit a primo anno imperii Severi Alexandri. 21. Probat Idibus Aprilis anni Ch. 212. Severum Alexandrum imperio jam praefuisse. 21. 27. 214.

Canon alter Paschalis Hippolyteo similis D. Cypriano adscriptus. 24.

Capitolini ludi a Domitiano instituti. 44. Varias opiniones de tempore quo celebrabantur. 45. Dum Romae ederentur interfecti Maximus & Balbinus. 44.

Cenforinus annus, quo librum de Die natali scribebat, confert. in annum Augustorum Aegyptium 267. pag. 48. Aliquae editiones habent 268. pag. 49. Quae earum lectio num correctior. 50. Varias ejus libri editiones. 49. 50. Aliquae neque a Morosio neque a Fabricio laudatae. *ibid.* Prior omnium

Bononiensis curata a Philippo Beroaldo. 49.

Ceselli ferrea instrumenta, quibus Caclatores utuntur. 102.

P. Chamillardi nummus adulterinus 90. & seqq. Modus quo confectus, ac unde caput, averfa ejus pars, ac singulae literae desumptae. *ibid.* Testimonia de rerum narratarum veritate. 105. 106. 107.

Commodus quo enno Tribunitiam Pot. suscepit. 216. Gravis pro ejusdem Tribunitiae Pot. initio difficultas. 217. Duae ejus difficultatis solutiones ab eruditis alatae. 218. 219.

Consulatus designati absolute aliquando in nummis positi. 216.

Cornelia Paulla prima uxor Elagabali. 141. Ejus nummus anno 111. imperii Elagabali notatus, in cuius averfa parte visitur Imperator eques habitu Pacificatoris a Vaillantio laudatus. 171. 173. a Vaillantio visus. 191. neque credibile in ejus descriptione Vaillantium deceptum fuisse. *ibid.* Alius nummus eidem a Juliolopolitis percussus. 174. Quo tempore eam duxerit Elagabalus, 173. 174. 176.

D

Decius quo tempore imperare coepit. 58. Post occisum Philippum, filium suum Herennium Etruscum Caesarem renunciat. *ib.* Dio Cassius annos tres, mensem novem, & dies quatuor imperio Elagabali tribuit. 2. 9. Ejus testis minime a librariis corruptus. 11. & seqq. Tradit Elagabalum acclamatum fuisse Imperatorem

FF

die

die xvi. Maji. 130. Neque hic locus vtiatur. 135. & seqq. Docet Elagabalum se Imperatorem, Augustum, Antoninum, Antonini Caracallae filium, & Tribunitiae Pot. inscripisse ante Sanatus decretum. 163. & acclamatum fuisse a militibus uti Antonini Caracallae filium & imperii ejus successorem. 164. 165. Cum Herodiano conciliatur. 178. 179. 191.

Dodwellus recte explicat, cuꝝ Prolemaeus in Regum Canone annos a Thoth vago numeraverit. 145. Duplicem natalem imperii perpetuam Hadriano adsignat. 146.

E

Elagabalus quot annos regnavit. 2. & seqq. Staurum, aut signum quoddam Serapidi dicat, 108. minime vero solenni ritu dedicat. 110. Suae Trib. Pot. initium non sumit a Cal. Jan. anni 218. pag. 116. & seqq. Acclamatus Imperator die xvi. Maji, non vero Martii. 131. Ejus nummi TR P. V. notati necnon nummi Anniae Faustinae, & Aquiliae Severae ejus uxorum anno v. imperii obsignati explicantur. 161. A militibus eligitur ut filius Antonini Caracallae & ejus imperii successor. 164. 165. Consularum Macrini sibi adrogat. 167. Nomen Macrini e marmoribus expungit. 169. Varia ejus matronia. 141. quomodo disponenda. 177.

Eusebius quatuor annos imperii Elagabalo tribuit. 138. Hos non computat ab ejus acclamatione, sed a morte Macrini. *ibid.*

F

Fortunae Reduci quando, ac quas ob causas a Romanis sacrificatum. 187.

G

Gordianus Africanus quo tempore electus ab Afris Imperator. 7. A senatu Romae confirmatur. 38.

Gordianus Pius post mortem Maximi & Balbini Augustus declaratur. 53. Duae supra triginta ejus legum primo anno imperii edictarum subscriptiones. 51. Aeliae undecim. 201. Quo tempore interfectus. 56.

Graeci suarum Epocharum annos ab autumno ordiebantur, non vero annos Imperatorum. 141. 212. 213. Latinorum numerorum typos aemulabantur. 173.

Graeci Scriptores; qui Elagabalo quatuor annos imperii tribuunt, hos non computant ab ejus acclamatione, sed a morte Macrini. 138.

H

Hadriani nummi cum L. K. B. non probant Aegyptios annos Imperatorum a neomenia Thoth computasse ut vult Pagius. 145. 156. Quomodo ab eodem Pagio alio loco explicati. 158. Quomodo explicati a Norisio. 211. Ejusdem imperii initium. 147. Gravis difficultas, quae in eodem Hadriani imperii initio deprehenditur. *ib.* Idem initium perpetuam a Prolemaeo consignatum. 150. 151. Hujus erroris causa detegitur. 135. Ha-

INDEX RERUM.

Herodinus (Joannes) nummum
Anniae Faustinae P. Chammil-
lardi frustra vindicat. 92. & seqq.
Negat exstare nummum Anto-
nini Pii. 98. qui tamen re ve-
ra exstat in museo Mediceo .
98. 105. Nummum P. Chamil-
lardi cufum affirmat, quum ta-
men fufus fit. 102.

Herennius Etrufcus Caefar a patre
renunciatur poft caedem Philip-
pi. 58. Ejus nummus ab Ana-
zarbenfibus cufus. 59.

Herodianus quot annos imperii E-
lagabalo tribuat. 2. Cum Dio-
ne conciliatur 178 & feqq. Quo
tempore Afrorum a Maximino
defectionem confignet. 38. 180.
Ejus narratio de modo, quo con-
tingit nex Severi Alexandri inve-
rifimilis. 66. & feqq. Uicitur
annis Julianis. 180. utrimque in-
completis. 194. Eundem an-
num Julianum decessori & fuc-
ceffori aliquando tribuit. 179.
180. 194. Bellum Perficum ab
Alexandro gefam perperam con-
fignat poftremo anno imperii ip-
fius Alexandri. 102. & feqq.

S. Hippolytus Canonem Pafchalem
a primo anno imperii Alexandri
aufpicatur. 21. Chronicon edi-
dit, & Opus de Pafchate 24.
quae diverfa opera. *ibid.* Quid in
Opere de Pafchate fcripferit. 24.
26. Annum primum imperii A-
lexandri non pro anno Juliano
accepit, fed more populari a die
initi imperii computavit. 210.
214.

I

Imperator habitu Pacificatoris in
nummo Corneliae Paullae a Va-
illantio laudato. 171. 172.

Imperatorum anni a Romanis ac
Graecis a die initi imperii nu-
merati. 141. 211. & feqq.

Infcriptio Serapidis ab Elagabalo fi-
eri juffa. 108. Infcriptio Anto-
nini Caracallae in qua *Imp. Aug.*
& *Princeps Juventutis* dicitur,
explicata. 111.

Infcriptiones non ftatim ac perfe-
ctae erant a Sacerdotibus dedi-
cabantur. 110. 111.

L

Lacryrus duplex initium Tri-
bunitiae Pot. Commodi ad-
fignat. 217.

Lampridii narratio de modo, quo
Alexandri mors contingit, ei quam
habet Herodianus contraria 62.
Inverifimilis. 69.

Legum Codicis Justiniani subscri-
ptiones aliquando mendo fae. 19.
54. non omnes idcirco rejicien-
dae. 20. 54.

Liberalitas in nummis non folum
Congiaria quae populo, fed &
donativa quae militibus in bello
difpenfabantur, designat. 183.

Ludi Aetii quo tempore Nicopoli
celebrati. 86. Apollinares. 41.
Capitolini. 44. Megalenfes. 19.
Olympii. 84. Pythii. In num-
mis ludi fimul juncti vifuntur,
qui tamen diverfi, diverfisque tem-
poribus fieri foliti. 84. Quum in
nummis varia ludorum nomina
leguntur, haec non designant lu-
dos diverfis, diffinisque tempo-
ribus celebratos. 84. Plures ur-
nae feu lebetes cum palmis non
plures ludos, fed plura tantum
praemia fignificant. *ibid.* Ludi
Aetii, Olympii, Pythii, qui in
Afia mittebantur non eodem
anni tempore, quo Aetii, qui
E f 2 apud

apud Aëtium, Olympii, qui Eli-
de, & Pythii, qui Delphis cele-
brabantur. 86.

re veteribus frequentatur 63. 64.

N

M

Macrinus quamdiu imperavit 100.

Ejus memoriam invisam reddidit
Elagabalus, & eum uti imperii
raptorem tradidit. 165. Ejus Con-
sularum sibi adrogat Elagabalus
167. & nomen e marmoribus ex-
pungit. 169.

Maesa Elagabali avia magnam pecu-
niae vim militibus pollicetur, si
imperium suae soboli restituerent.
164. 186.

Mallon (Joannes) laudatus. 33.

Maximinus quo tempore imperium
suscepit. 28. quo anno victo-
riam Germanicam reportavit. 39.
& *seqq.* Praeter Germanicum
bellum, Dacicum quoque &
Sarmaticum confecit. 33. Afri
ab eo rebellant. 17. A. S. P. Q. R.
hostis declaratur. 38. Quan-
diu imperavit. 42. Quo tempo-
re Aquilejam obsidere coepit. 75.

Maximus & Balbinus eliguntur Im-
peratores. 40. quamdiu post mor-
tem Maximini imperarunt. 42.

& *seqq.* Occisi dum Romae ludi
Capitolini celebrabantur. 41.

Mediobarbus Germanicam Maximi-
ni victoriam refert ad annum Ch.
236. pag. 28. docet nummos cum
typo Fortunae Reducis cufos fu-
isse non solum quum Impera-
tores Romam adventabant, sed
etiam quum proficiscebantur, &
sacrificia pro felici eorum reditu
offerebantur. 187. Duos num-
mos Commodi perperam descri-
bit. 217.

Meridiationes quovis anni tempo-

Nicephorus Callistus quatuor annos
imperii Elagabalo tribuit. 138.

Hos non non numerat ab accla-

matione dumtaxat Elagabali. 139.

Uno loco Macroino neque unum

annum integrum imperii tri-

bituit. 139. alio loco unum an-

num tribuit. 140. Eusebium

ut plurimum in sua Historia 4

Christi temporibus usque ad Con-

stantinum M. sequitur. *ibid.*

Norisius (Cardinalis) quo anno

coeptam doceat Epocham Anazar-

bi. 59. Rationem Petavii, cur

Ptolemaeus Trajani, Hadriani, &

Antonini Pii initia uno anno an-

tevertat, recte confutat. 149.

Quid de Ptolemaeo quod ad initi-

um Trajani suspicetur. *ibid.* Fa-

tetur se ei nodo solvendo non

esse. *ib.* Quomodo explicet num-

mus Hadriani cum KB. 211. Do-

cet Aegyptios annos suarum E-

pocharum a Thoth numerasse, non

vero annos Imperatorum. *ibid.*

Nusquam docuit Graecos annos

Imperatorum ab autumno nu-

merasse sed tantum annos sua-

rum Epocharum. 212. 213. Du-

plex initium Tribunitiae Pot. An-

tonini Caracallae admittit. 220.

Nummi Antiochenorū Tiberio per-

cussi cum anno eorum Epochae

Augustanae & anno imperii Tibe-

rii. 141. 212. Nummi eorum-

dem Neroni percussi cum an-

no eorum Epochae Caesarianae

& annis imperii ipsius Neronis.

21.

Nummus Seleucensium Tiberio per-

cussus cum anno epochae Augu-

sta-

INDEX RERUM

flanae, & anno imperii Tiberii. 144. 112.
 Nummorum Latinorum typos Graeci aemulabantur. 173. In nummis Augustarum typi Augustorum vicorum repraesentati. 174.

P

Pagius quo tempore doceat ludos Capitolinos celebratos fuisse. 45. Perperam docet Censorinum librum suum scripsisse post Cal. Octobres anni Ch. 238. pag. 44. Temere editiones Censorini, in quibus annus, quo librum suum scribebat, legitur fuisse Augustorum Aegyptius 268. praefert aliis, in quibus fuisse legitur 267. pag. 50. Ejus coniectura de tempore unde initium Tribunitiae Pot. Elagabali sumendum. 111. Alia ejusdem de eadem re sententia. 110. Docet Aegyptios annos Imperatorum a neomenia Thoth fixi computasse. 142. & seqq. Hanc opinionem deinde, pluribus in locis deserit. 57. 58. Quo tempore bellum Peristicum ab Alexandro gestum consignet. 294. Docet Consularatus designatos in nummis & inscriptionibus non raro absolute & sine designatione memorari. 219. Duplex initium Tribunitiae Pot. Antonini Caracallae admittit. 220.
 Petavius quo tempore censent ludos Capitolinus fuisse celebratos. 46. Probat Censorinum librum suum scripsisse ante exitum mensis Augusti anni Ch. 238. pag. 47. Ejus opinio de tempore, quo celebrabantur ludi Olympii. 81. 84. Quo tempore doceat celebratos fuisse ludos Pythios. 86. Ratio ab eo allata, cur Ptolemaeus Tra-

jani, Hadriani, & Antonini Pii initia uno anno anteverterit. 148. Philippi imperii initium. 56. Duodecim ejus legum primo imperii anni editarum subscriptiones. ibid. Aliae duae ejusdem legum subscriptiones. 201. Imperium vivente adhuc Gordiano suscepit. 57. Gordianum interfici mandat, cumque morbo periisse ad Senatum scribit. ibid. quamdiu regnavit. 58.
 Ptolemaeus cur in Regum Canone annos a Thoth vago numeraverit. 145. Etiam in libris Mag. Constructi Imperatorum initia ab Thoth vago eorum inaugurationum praecedente repetit. 146. Cur ita egerit, exquiritur. 148. Perperam consignat initium imperii Hadriani. 150. 151. Hujus erroris causa detegitur. 150. 151.

S

Salvinus (Antonius Maria) Izadatus. 96. Ejus testimonium de nummi Anniae Faustinae P. Chamillardi constructura. 106.
 Scaliger quo tempore doceat celebratos fuisse ludos Olympios ab Elidenibus 82. Ejusdem opinio de tempore quo celebrati ludi Aetii. 86. Perperam Domitiani mortem consignat anno Ch. 95. pag. 148.
 Serapidis statua ab Elagibalo dicata. 102. dedicata sub Alexandro. 110. In ejus inscriptione aliquid sculptoris incuria aut impetitia omisum. 102.
 Severus Alexander inauguratus Imperator mense Martio an. Ch. 222. pag. 10. & seqq. eodem mense ac anno Antonini ac Magni nonina ei a senatu oblata. 11. & seqq. Novem ejus legum primo anno impe-

INDEX RERUM.

rui editarum subscriptiones. 19.
Recte in Cyclo Paschali S. Hippo-
lyti primus annus ejus imperii in-
dicatur. 21. & *segg.* Quo tempo-
re interfectus. 28. & *segg.* Tam
Herodian, quam Lampridii nar-
ratio, de modo, quo ejus nex con-
tingit, inverisimilis. 65. & *segg.*
Quo anno bellum Persicum ab eo
gestum. 205.
Sontium flumen a Maximino ante
Aquilae obsidionem transmis-
sum cum Natifone a Capitolino
confusum. 77.
Statuae, signa, ac quaecunque in-
scriptiones non statim, ac perfec-
tae & dicatae erant, solenni ritu
a Sacerdotibus dedicantur. 110.
111.

T

Theupolus (Jo: Dominicus)
laudatus. 6. & *alibi.*
Tillemontii conjecturae de tempore,
quo Severo Alexandro Antonini,
& Magni nomina oblata. 12. Ejus-
dem opinio de quibusdam legibus
Gordiani nomine inscriptis. 55.
Quo anno bellum Persicum ab A-
lexandro gestum consignet. 203.
Aunos Imperatorum in nummis
Aegyptiacis notatos a die initi
imperii more Romanorum nume-
ras. 211.
a Turre (Philippus Adriae Episco-
pus) laudatus. 6. & *passim alibi.*
Dissertationem de Annis imperii
Elagabali, & de initio imperii ac
duobus Consulatibus Justinii Ju-
nioris edidit. 6. Antea ediderat
Dissertationem epistolarem in num-
mum Anniae Faustinae. *ibid.* quo-
modo explicet nummos Elagabali
Tribunitia Pot. V. inscriptos. 115.
& *segg.* 131. & *segg.* Censet Aco-

gyptios annos Imperatorum non
a die initi imperii, sed a neomenia
Thoth fixi numerasse. 140. Juxta
hanc doctrinam explicat quintum
annum imperii Elagabali in num-
mis Aegyptiacis Anniae Faustinae
& Aquiliae Severae notatum. *ibid.*
Rejicit duplicem natalem imperii
Hadriani a Dodwello assertum.
149. Ejus opinio de Augustarum
titulo uxoribus Imperatorum post
repudium, ac post virorum mor-
tem relicto. 159. Auctoris con-
jecturam de initio, unde Tribunitia
Pot. Elagabali numeranda, impu-
gnat. 184. & *segg.* Ejus objectis
satisfit. *ibid.* Quomodo varia El-
gabali matrimonia disponat. 192.

V

Vallantius Germanicam Maxi-
mini Victoriam confert in
annum Ch. 235. pag. 28. Quum
in nummis varia ludorum nomi-
na leguntur, haec diversos, di-
versisque temporibus celebratos
ludos designare aurnat. 85. Cen-
set plures urnas seu lebetes cum
palmis in nummis plures ludos si-
gnificare. *ibid.* Ludos Aetios, O-
lympios, Pythios, qui in Asia com-
micebantur, celebratos docet eo-
dem anni tempore, quo Aetii, qui
apud Aetium, Olympii, qui Elide,
& Pythii, qui Delphis edebantur.
86. Nummum recitat Corneliae
Paullae cum L. F. in quo Impera-
tor eques habitu pacificatoris. 175.
Nummi, quos refert ab eo visi.
191.

Vignolius (Joannes) laudatus. 4. 5.
& *alibi passim.* Dissertationem e-
didit De anno primo imperii Sev.
Alexandri. 4. Ejus opinio de tem-
po-

INDEX RERUM.

pore necis Elagabali & initio imperii Alexandri. 5. 10. & *alib.* Censet Antonini & Magni nomina Alexandro a senatu fuisse oblata mense Martio anni Ch. 223. *pag.* 13. Quomodo explicet primum annum imperii Alexandri in Cyclo Paschali S. Hippolyti indicatum. 21. Ejus opinio de tempore necis Alexandri & initio Maximini. 28. Germanicam Maximini victoriam. relatum autumat aestate anni Ch. 236. *pag.* 29. Quo tempore mortem Maximini assignet. 40. 71. Ludos Olympios a Laodicensibus celebratos, commissos censet eodẽ anni tempore, ac qui Elide celebrabantur. 79. Quo tempore nuptias Elagabali cum Annia Faustina statuat. *ibid.* Auctoris conjecturã de tempore, unde initium Tribunitiæ Pot. Elagabali repetendum, impugnat. 163. & *segg.* Ejus objectis satisficit. *ibid.* Quo tempore assignet nuptias Elagabali cum Cornelia Paulla. 173. 176. Dissertationem II. Apologeticam edit De anno primo imperii Sev. Alexandri. 167. Priorem suam sententiam de tempore mortis Elagabali & Alexandri aliquanto immutat. 198. Bellum Persicum ab Alexandro gestum confert

in ætatem anni 235. *pag.* 199. Tempus nuptiarum Elagabali cum Annia Faustina in priori Dissert. statum mutat. 199. 207. Ita & tempus nuptiarum cum Cornelia Paulla. 207. Docet Aegyptios annos Imperatorum non a die initii imperii sed a Theotha fixo numerasse. 207. 209. Idẽ censet de Graecis, quod eosdem annos Imperatorum non a die initii imperii sed ab autumno numeraverint. 209. Denuo exponit Programma Cycli Paschalis S. Hippolyti, ac primum annum Alexandri ab Hippolyto acceptum autumat pro anno Juliano. *ibid.* Contendit statum Serapidis ab Elagabalo dicatam, ab eodem quoque fuisse dedicatam. 215. Nummum edi: Elagabali inscriptum: TR. P. II. COS. III., qui auctoris conjecturam de tempore, unde initium Tribunitiæ Pot. Elagabali repetendum, videtur evertete. 183. 216. Eidem satisficit, eademque difficultas illi quoque solvenda demonstratur. 216. & *segg.* Uxoribus Imperatorum post repudium cufos nummos fuisse incredibile. 159. An nomen & insignia Augustarum post idem repudium retinuerint. 159. 160.

F I N I S.

AP.

A P P R O B A T I O N E S.

NO: D. Octavius Casanus Abbas & Praefidens Congregationis Casinen-
sis. Cum Librum, cui titulus: *De Initio Imperii Severi Alexandri*
Aug., a P. D. Virginio Valsechio a Brixia Decano Casinensi, & in Pisano
Lyceo Sacrarum Literarum, atque Historiae Ecclesiasticae Professore con-
scriptum, duo nostrae Congregationis Theologi, ad id a nobis destinati,
recognoverint, & in lucem edi posse probaverint, ut typis mandetur, si
ceteris, quorum interest, videbitur, licentiam concedimus, & faculta-
tem impertimur.

Dat. Mediolani ex nostro Monasterio S. Simpliciani die 1. Augusti 1715.

D. Octavius a Mediolano Abbas & Praefidens.

Loco ✕ Sigilli.

D. Seraphinus a Maschera Prior Procurator.

Illustrissimus D. Eques Fulcus de Portinariis Canonicus Ec-
clesiae Metropolitanae Florentinae, complaceat solita sua
diligentia perlegere huic Librum, cui titulus est, *De Ini-*
tio Imperii Severi Alexandri Augusti, & recognoscere, an in
ipso adsit aliquod S. Fidei Orthodoxae, adversum, & bonis mo-
ribus repugnans, & referat. Dat. hac die 7. Augusti 1715.

Nicolaus de Castellanis Vic. Generalis.

Iussu Illustriss. ac Reverendiss. Vic. Gener. Florentini legi se-
dulo hoc opus inscriptum *De Initio Imperii Severi Alexandri*
Augusti, ac in eo admiratus divitem eruditionis thesaurum,
qua egregius Auctor litterarum Republicam locupletat,
nihil, quod orthodoxae, Fidei morumque puritatis absconum sit,
deprehendi: quapropter dignum censeo quod praelo commis-
tatur. Datum hac die 19. Augusti 1715.

Fulcus Ant. Maria Portinari Canonic. Flor. & S. Off. Consult.

Attenta Relatione Imprimatur

Nicolaus de Castellanis Vic. Gener.

EX commissione Reverendiss. P. Inquisitoris Gener. S. Off.
Florentiae Reverendiss. P. Magister Petrus Antonius Rossi
Ord. Serv. B. M. V. Consultor hujus S. Off. attente videat,
& legat hunc Librum, cui titulus est: *De Initio Imperii Severi*
Alexandri Aug. & referat, an typis mandari possit. Dat. ex
Aedibus S. Inquisitionis Flor. die 19. Augusti 1715.

Fr. Bernardinus Fracchia Min. Conv. Vic. Gen. S. Off. Flor.

De mandato Reverendissimi Patris Inquisitoris Generalis Florentiae, accurate, ac maxima animi voluptate perlegi Dissertationem hanc Auctore P. D. Virginio Valsecchio Monacho Cas. & in Pisana Universitate Sacrae Scripturae, & Ecclesiasticae Historiae eximio Professore. Qui quidem Auctor, ob alia quae edidit scripta, jamdudum orbi Litterario notus *De Initio Imperii Severi Alexandri Augusti* iudicium suum profert ad exactissimam Chronologiae trutinam ponderatum, eodemque rationum pondere, ac momento illud ab objectis Clariss. Virorum feliciter vindicat. Quum autem in hoc tam praecellenti opere nihil deprehenderim, quod Catholicae Fidei, ac bonis moribus adversetur, publica luce dignissimum censeo. Dat. Florentiae in Conventu SS. Annuntiatae die 25. Augusti 1715.

Fr. Petrus Antonius Rosli Ord. Servorum B. M. V. Sanctae Romanae, & Universalis Inquisitionis Qualificator, Sacrorum Rituum, Indicis, & S. Officii Flor. Consultor, & in Pisana Universitate Sacrorum Canonum Professor &c.

Attenta praefata Relatione Imprimatur.

Fr. Bernardinus Frachia de Valentia Ord. Min. Conv. Vic. Gen.
S. Off. Floren.

Philippus Bonarota Sen. R. C. Aud.

Haec

Haec prae ceteris corrigenda.

<i>pag.</i>	<i>lin.</i>		
5.	16.	marmorae	marmorae
25.	17.	sine	sive
32.	34.	supposita	suppositicia
64.	3.	nostr	nostr
65.	12.	ἐξαόυετα	ἐξαόυετα
75.	21.	praefectim	praefectim
82.	20.	plenilunium	plenilunium
88.	12.	ludica	ludicra
89.	22.	toto	toti
92.	7.	CTK.	CTP.
	9.	ΡΑΦΑΝΕΤΩΝ	ΡΑΦΑΝΕΩΤΩΝ
	23.	<i>dele: inserta</i>	
93.	7.		nimirum omnia
97.	19.	ΝΕΩΚΟΡΝ	ΝΕΩΚΟΡΩΝ
	31.	usurpare	usurpare
100.	1.	conficiendum	conficiendorum
110.	22.	mensom	mortem
133.	13.	Maximus	Macrinus
155.	3.	<i>dele: aux xi.</i>	



